



BIBLIOTHECA  
UNIV. JAGIELL.  
CRACOVENSIS

36500

Mag. St. Dr.

P



*Teol. 3659.*




00



XXIV. ~ 52







METHODUS  
PRACTICA  
CATECHIZANDI RUDES  
DE SYMBOLO FIDEI

Ad vsum Catechismi Romani  
seu Parochorum.

IN GRATIAM CVRATORVM

*Collegii Cracoviensis Socii. Jesu post Incendium*  
A V T H O R E

IOANNE NOSKOWIC. S. Th. D.

Decano Costensi, Parocho Wonescensi.



POSNANIÆ,  
Typis COLLEGII SOC: IESV.

Anno Domini. 1678.



D. STEPHANO PIASECKI  
DOMINI PRÆLATI  
PERILLIPTIBVS & REVERENDISSIMI

SANCTVS ATHANASIVS.

Quicumque vult salvus esse, ante omnia opus est; ut teneat Catholicam fidem: quam nisi quisque integram inviolatamque servaverit, absque dubio in æternum peribit.



36.500.7



PERILLVSTREBVS & REVERENDISSIMIS  
DOMINIS PRÆLATIS

D. STEPHANO PIASECKI

Diuinâ Prouidentia Abbati Lubinensi.

S. R. M. Secr:

D. ALBERTO DOBRZELEWSKI

Goadiutori, Præposito Infulato Lascensi, Archidiacono Poshnaniensi. S. R. M. Secr:

Celeberrimo Antiquissimoq; Conuentui Lubinensi, Ordinis  
S. BENEDICTI, Dominis & Patronis

Colendissimis,

HONOREM ET DEBITAM REVERENTIAM.



Ognitio ante omnia Dei, eiusq; sincerus amor & dilectio, quantum sit homini ad salutem animæ, & ad consequendam beatitudinem necessaria, quantis etiam conatibus ac studijs conquirenda & comparanda, nemo est tam hebetis ingenij, tamq; obtusa mentis, qui non satis intelligat. Perillustres & Reuerendissimi Domini, Admodum Reuerendi & Religiosi Patres, Domini & Patroni Colendissimi. Ex hac enim cognitione profluxit, quidquid fidei, quidquid spei, quidquid charitatis, iustitiæ & reliquarum virtutum. Nam nosse Deum cōsummata iustitia est, & scire iustitiā & virtutē eiꝝ, radix est immortalitatis: & nisi Dei notitiā imbuti fuerimus, credere in illum fide quæ per dilectionem operatur nō possumꝰ. Hinc est illud Ierem: 9. Nō gloriatur sapiens in sapientia sua, & fortis in fortitudine sua, & diues in diuitijs suis, sed in eo gloriatur, scire qui gloriatur & nosse me, quia ego

Sap. 15.

Gal. 5.



Domin9, qui facio misericordiā & iudiciū & iustitiā in terrā.  
*Ut enim nobilissimū diuinę mētis op9 est, seipsum perpetuō cōtēplari, sempiternōq; amore complecti, ita huius quę in nobis est diuinę cognitionis, immō totius pictatis ac religionis summa est Deum nosse, Deum amare.*  
*Quo fit ut reuelata facie gloriā tantę maiestatis specularētes, in eandem imaginem amore quodam castissimo transformemur. Et quid quęso mysterij adumbrat duplex illud insigne, quod summus Pontifex in anti-*  
 Exod. 28. *qua lege gestare consueuerat, alterum quidem in fronte in modum laminę aureę cui inscriptum erat ineffabile nomen Dei Tetragrammaton, alterum verō in pectore, quod rationale iudicij dicebatur, duodecim lapidibus pretiosis exornatum, nisi totius Christianę pietatis fastigium? cognitionem scilicet & amorem Dei: cognitioni quidem sedes in capite, amori in pectore merito deputatur. Cuius verō pretij & æstimationis ille Christianus, qui ignorat Deum suum quem amet, colat & adorando*  
 Sap. 13. *veneretur? Vani sunt, inquit Sapiens, omnes homines, in quib9 nō subest sciētia Dei, & de his quę vidētur bona nō putauerūt intelligere eū qui est, neq; operib9 autēdētes agnouerūt*  
 Rom. 1. *quis esset artifex. Quid si quidā agnouerūt, nō tamē, sicut Deū glorificauerunt, sed agnitā Dei veritatem in iniustitia detinuerūt. Nobis*  
 Ephes. 4. *Christianis in noua lege, post diuulgatum Euangelium, tam necesse est cognoscere Deum per fidem, ut nemo adultus saluari possit, nisi explicitē duo illa mysteria nouerit. Deum esse in Vnitatē Trinum. Et Dei*  
 S. Thomas 2. 2dæ. qu. 20, art. 7. & 8. *Filium pro redemptione humani generis incarnatū Hominem factū. Et ad hanc cognitionem ordinatur, quidquid prædicationis, doctrinę & Catechizationis in Ecclesia exercetur. Atq; hoc motiuo & hac intentione, quanquam agresti & plebeio stylo de Symbolo fidei (videns in multis ignorantiam) aggressus sum Catechizationem, cupiens aliquā de mea tenuitate rudi & indoctę plebeculę ad profectū spiritualem impertiri. Cuius verō Nomini & tuitōni, hæsi non semel dubius, hoc qualecunq; est consecrarem, & tamen ubi inambulauit plurima compita, status & dignitates virorum, ad Vos Perillustres & Reuerendissimi Domini, Admodum Reuerendi & Religiosi Patres, quasi incitatum vehementi turbine flecti calamū meum sensi ad vos inquam Patronos & Benefactores meos Colendissimos, Viros tantōs quos de Ecclesia Dei plurimū meritos, & palam est ubiq; & omnium veridici applau-*



applausus fatentur. Testantur iudicia fori Ecclesiastici solerti mente  
 à vobis celebrata: cum & ad Palatia Regum pro Ecclesia murum po-  
 sueritis, & Officialatus diacesum, atq; Administrationis Episcopatum,  
 munere vestro præclare functi essetis. Claruit Domus PIASECIANA Vi-  
 ris Senatorij ordinis, decora eminentiâ Pontificali: nec defuere Horões  
 Marte intrepidi, per hostiles phalangas prostratas nomen magnum pro-  
 meriti. Ad Te nunc Perillustres & Rndissime Dñe, quasi iure he-  
 reditario transmissa ista claritas. Nec DOBRZELOWIORVM Prosapia  
 suis destituta encomijs & laudibus, quas quia enarrare titubans lingua  
 deficit, balbutienti inter multa concedendum. Quare beatum felicemq;  
 hunc Lubinensem ab antiquo celeberrimum S. BENEDICTI Conuentum  
 iure dixerim, cui diuina prouidentia tantos semper largiatur Prælatos,  
 Episcopali Pontificaliq; compari meritis, dignos extolli sublimitate. Be-  
 atum, inquam, Cenobium in quo semper regularem obseruantia & vige-  
 isse & nunc vigere palam est: tot viros non minus Sanctitate quàm eru-  
 ditione conspicuos, tanquam sidera cælo sereno rutilantia, admiramur.  
 Iam Beatos diuina visione Bernardos aliosq; Sanctitate spectabiles, qui  
 B. Patris ad amussim regulam obseruant, intuemur. Non licet mihi tace-  
 re in hoc inclyto Conuentu studium Philosophicum & Theologicum præ-  
 clare floruisse: Viros doctissimos Hyacinthos, Theodoros & alios, quibus-  
 cum mihi maximè in concertationibus literarijs consuetudo fuit, testimo-  
 nio eruditorum plausibiliter cursus peregisse, eorumq; vestigia nunc ali-  
 os feliciter ingredi. Quare requirit à me Perillustres & Rndissimi  
 Dñi, Adm. Rndi. & Religiosi Patres, Dñi. & Patroni Colen-  
 dissimi Patrocinium Vestrum, obsequium; beneficium collatum quo iam  
 quinquaginta annis sustentor, Officium: Et horum omnium Symbolum,  
 exile est quod offero, atq; manibus tantorum indignum contrectari: quia  
 tamen ex reuerentiali affectu, in testimonium submissionis animi profe-  
 ctum, benignâ & innatâ vobis clementiâ accipite, meq; seruum & clien-  
 tem vestra protectione conseruate; multum persuasus, quin ea, qua me,  
 meos quoq; consanguineos beneuolentiâ prosequi dignemini.

PP. & RR. DD. Vrarum

Servus & cliens

IOANNES NOSKOWIC

Paroch: Wonesc:





## AD LECTOREM BENEVOLOM.

**C**atechizationem istam de Symbolo Fidei ultra bi-  
ennium in propria Ecclesia plebi parochianæ, diebus  
Dominicis pomeridianis horis explicatam, quam  
quia nunc in publicum educo, sunt quæ me ad hoc pro-  
positum incenderunt. Primò quidem amantium Fratrum  
videntium M. S. crebriores efflagitationes & exactiones,  
quorum instantijs non respondere, indignum existimavi.  
Adverti etiam Catechizationem de Fidei rudimentis, rudi  
plebeculæ apprimè utilem & necessariam, quæ dum non  
omnia in Concionibus maiori apparatu exquisitis percipe-  
re potest, si se Catechista captui eius accommodare studue-  
rit, magnum emolumentum & fructus spiritualis ex tali do-  
ctrina (quod mihi exploratum est) proveniet. Quare &  
*x. Tim: 5.* Apostolus pluribus locis Catechizationem magni æstimat,  
nam & duplici honore dignos iudicat Presbyteros, qui la-  
borant in verbo & doctrina: sacram doctrinam & catechi-  
*Act: 20. 20.* sticam, quam ipse Mileti publica ac per domos annuntian-  
do docebat vult intelligi; tradere autem sacram doctrinam  
sicut oportet & debet, non parvi laboris est, quare duplici  
*Galat: 6.* honore digni sedulò catechizantes, nempe, *ut qui catechi-  
zatur verbo, communicet ei qui se catechizat in omnibus  
bonis.* Movit me etiam gravissimorum Theologorum Au-  
thoritas, quorum censuræ expositum opus, ut in publicum  
prodeat, suo sapienti iudicio decreverunt. Impulit etiam  
desiderium pro gloria DEI & utilitate proximi, aliquid  
quantum vires prævalent agendi. Rudi autem & agresti  
stylo,



*Ad Lectorem Benevolum.*

stylo: tūm quia inter rudes & agrestes agendo, tūm quia propter instructionem rudium ruricularum accommodatur, cum *Proverō 3.* quibus sermocinatio multū placet DEO. Pertractavi simili methodo eidem mihi commissæ plebi de Sacramentis novæ legis, juxta quod mandat Sacrum Concil: Trident: ubi *Sess. 24. cap: 7. de Reform.* & de valore Sacrificij Missæ, ritibus ac ceremonijs obiter: tūm de Oratione Dominica: Salutatione Angelica: Decalogo: de triplici genere bonorum operum, quæ omnia in M.S. remanent. Ita enim ut sedem fixi in tradita mihi Parochia, continuò pro ædificatione plebis Catechizationi dabam operam. Dumque has Catecheses de Symbolo Fidei in lucem prodeuntes leges LECTOR humanissime, qualescunque sunt boni consules, & si fortè aliquid minus convenienter videbis, tuâ prudenti discretione excusabis & defendes.

V A L E.



APPRO-



## APPROBATIO.

**E**laboratum Opus cui exstat titulus **METHODVS PRACTICA CATECHIZANDI RUDES**, Authore **A.R.D. JOANNE NOSKOWIC**, Sac: Theol: Doct: Decano Costensi, Parocho Wonescensi, cum sit ad **DEI** laudem ac Christianorum Hominum salutem utile, tum & per Theologos perpensum, ut typis mandetur, Facultatem in Domino concedimus. Posnaniæ 19, Decemb: 1677.

**FRANCISCVS MIELZYNSKI**,  
Cantor Prælatus Eccl: Cathedr: Posnanien:  
Locumtenens m: p.



## APPROBATIO

*Ex Commissione Officij.*

**O**pus quod inscribitur, **METHODUS PRACTICA CATECHIZANDI RUDES**, Authore **A.R.D. JOANNE NOSKOWIC**, Sac: Theol: Doct: Decano Costensi, Parocho Wonescensi conscriptum, accurratè legi, in eoq; nihil fidei, ac bonis moribus adversum, sed omnia ob styli ac methodi facilitatem, ac etiam Scripturæ sacræ, & Theologiæ Scholasticæ eruditionem insignem, Curatorum commodo utilissima, agnovi: dignum proinde censeo, quod luce publicâ donetur. Posnaniæ 15. Decembris 1677.

**JOANNES MORAWSKI**  
Societ: IESV, m. pp.





# SVMMARIUM

Articulorum, Catechesum, Propositionum.

Quæ in hoc opere tractantur.

## CATECHESIS PROOEMIALIS I.

DE NOTIONE FIDEI.

Propositiones continet tres.

- I. *Quid per fidem intelligendum?*
- II. *Vnde quærenda & petenda fides?*
- III. *Quid præstet credenti fides?*

## CATECHESIS PROOEMIALIS. II.

DE SYMBOLO.

Propositiones tres.

- I. *Quid sit Symbolum?*
- II. *A quo exordium sumpsit?*
- III. *In quot partes diuidatur?*

## ARTICVLVS SYMBOLI I.

Continet Catecheses vndecim.

### CATECHESIS I.

DE IPSA CREDENDI RATIONE

In qua propositiones tres.

- I. *Quid in se continet. Credo in Deum?*
- II. *Cur homo obligatur in Deum credere?*
- III. *Quid præcipue credere debeat Christianus?*

### CATECHESIS II.

DE INACCESSA MAIESTATE DEI

In qua propositiones tres.

] I [

I. *Quid*



## SUMMARIUM.

- I. *Quid nomine DEI importetur?*
- II. *An credendum unum tantum DEVM esse?*
- III. *Quid amplius de DEO credendum?*

## CATECHESIS III. DE VIRTUTE CREANTE

In qua propositiones tres.

- I. *An in solo DEO sit virtus creandi?*
- II. *An aliqua creatura possit esse instrumentum DEI ad creā-*
- III. *Quis fructus ex horum consideratione?* [dum?

## CATECHESIS IV. DE CREATIONE VISIBILIVM.

In qua propositiones tres.

- I. *Quare credendum unum tantum mundum esse creatum?*
- II. *Quanto tempore mundus visibilis creabatur?*
- III. *Quid mysticè in hoc considerandum?*

## CATECHESIS V. DE CREATIONE HOMINIS.

In qua propositiones tres.

- I. *Qualis homo creatus quoad substantiam?*
- II. *Qualis quoad gratiam?*
- III. *Qualis quoad dominium?*

## CATECHESIS VI. DE STATV HOMINIS POST LAPSV M.

In qua propositiones tres.

- I. *Qualis Adam effectus per peccatum?*
- II. *Qualis posteritas eius per peccatum?*
- III. *An post peccatum homo retineat liberum arbitrium?*

## CATECHESIS VII. DE ANGELORVM PRODVCTIONE

In qua propositiones tres.

I. *Qua-*



S U M M A R I U M.

- I. *Quales Angelos DEVS creavit?*  
 II. *Quando boni gloriam, mali pœnam acceperunt?*  
 III. *Ad quid Angeli præsunt hominibus?*

CATECHESIS VIII.

DE PROVIDENTIA DEI.

In qua propositiones tres.

- I. Quid de prouidentia veritas tenere mandat?  
II. Quis sit vniuersorum prouisor & gubernator?  
III. Gubernatio vniuersi quo tendat?

C A T E C H E S I S IX.

DE PRÆDESTINATIONE

In qua propositiones tres.

- I. Quam certa & immutabilis prædestinatio?  
II. Quomodo aliqui in libro vitæ scribantur?  
III. Quare aliqui reprobentur?

C A T E C H E S I S X.

DE MYSTERIO SS. TRINITATIS.

In qua propositiones tres.

- I. Quomodo Pater, & Filius & Spiritus S. sunt unus DEVS?
- II. Si unitas Patris & Filij & Spiritus S. naturali ratione cognosci possit?
- III. Si Trinitas unitatis per similitudines aliquo modo inuestigari possit?

C A T E C H E S I S    X I.

DE PERSONA DEI PATRIS.

In qua propositiones tres.

- I. Quare prima persona, Patris nomine appellatur?
- II. Quare illi omnipotentia appropriatur?
- III. Quare ipsi creatio rerum attribuitur?



S U M M A R I U M.  
ARTICULUS II.

Continet Catecheses tres.

C A T E C H E S I S I.

DE HÆRESIBVS CONTRA ISTVM ARTICVLVM.

In qua propositiones tres.

- I. *Quæ fuerit hæresis Photini?*
- II. *Quæ verò Sabellij?*
- III. *Quid postremò Arius opinabatur?*

C A T E C H E S I S II.

DE CREDENDIS IN SECUNDO ARTICVLO.

In qua propositiones tres.

- I. *Quo conuincendi infideles, Filium DEI esse verum DE-  
VM, Patri consubstantialem & coæqualem?*
- II. *Quomodo intelligendum per Filium omnia facta?*
- III. *Quare specialiter confitemur Filium Dominum nostrum?*

C A T E C H E S I S III.

DE NOMINIBVS FILII DEI.

In qua propositiones tres.

- I. *Cur dictus est IESVS?*
- II. *Cur dictus CHRISTVS?*
- III. *Quàm nomina ista veneranda?*

ARTICVLVS SYMBOLI III.

Continet Catecheses nouem.

C A T E C H E S I S I.

DE IP SO I N C A R N A T I O N I S M Y S T E R I O.

In qua propositiones tres.

- I. *Quàm*



## S U M M A R I U M.

- I. *Quàm congruum fuit DEI Filium incarnari?*
- II. *Quæ necessitas incarnationis?*
- III. *Quid præcipue de incarnatione, Christiano credendum?*

## C A T E C H E S I S II.

### D E M O D O I N C A R N A T I O N I S.

In qua propositiones tres.

- I. *Quare dicitur de Spiritu S. conceptus?*
- II. *Quid secundum naturam, & quid supra naturam in mysterio incarnationis?*
- III. *Quàm accuratè Symbola loquuntur, fidem contra hæreses explicantia?*

## C A T E C H E S I S III.

### D E P U B L I C I S O F F I C I I S C H R I S T I.

In qua propositiones tres.

- I. *Quomodo Christus est caput Ecclesiæ, mediator & Sacerdos?*
- II. *Qualis Rex & Propheta?*
- III. *Quomodo legislator & Index?*

## C A T E C H E S I S IV.

### D E O P E R I B V S S A L V A T O R I S.

In qua propositiones tres.

- I. *Qualis fuit Vita Salvatoris Nostri?*
- II. *Quæ eius doctrina?*
- III. *Quæ miracula, & ad quid ordinabantur?*

## C A T E C H E S I S V.

### D E T E M P O R E I N C A R N A T I O N I S.

In qua propositiones tres.

- I. *Cur non à principio mundi Verbum Caro factum?*
- II. *Cur incarnatio ad finem mundi non est dilata?*
- III. *Quàm ordinatè hoc tempore DEI Filius incarnatus?*



SUMMARIUM.

CATECHESIS VI.  
DE CHRISTI NATIVITATE.

In qua propositiones tres.

- I. *Quod due sunt Natiuitates Domini & Saluatoris nostri.*
- II. *Circumstantias temporalis natiuitatis expendens.*
- III. *Conuenientiam Natiuitatis ex Virgine proponens.*

CATECHESIS VII.  
DE VIRGINITATE MATRIS CHRISTI.

In qua propositiones tres.

- I. *Quanta cura MARIE de seruanda Virginitate.*
- II. *Quod in Conceptione & partu Virgo permansit.*
- III. *Quod in perpetuum Virgo inuiolata.*

CATECHESIS VIII.  
DE SINGVLARITATE EMINENTI MATRIS CHRISTI.

In qua propositiones tres.

- I. *Qualis in ortu Virgo MARIA?*
- II. *Quae eius erga DEVM charitas?*
- III. *Quibus donis DEI decorata?*

CATECHESIS IX.  
DE NOMINE MARIA.

In qua propositiones tres.

- I. *Nomen MARIE diuinitus reuelatum.*
- II. *Nomen MARIE quid significat?*
- III. *Nomen MARIE honorabile & terribile.*

ARTICVLVS SYMBOLI IV.

Continet Catecheses Septem.

CATE-



SUMMARIUM.

CATECHESIS I.

DE EXORDIIS PASSIONIS CHRISTI.

In qua propositiones tres.

- I. *Quomodo figurata & prædicta Passio Christi?*
- II. *Quo tempore passus est Christus?*
- III. *Quomodo ad passionem dispositus?*

CATECHESIS II.

DE NECESSITATE PASSIONIS CHRISTI.

In qua propositiones tres.

- I. *Quantum ad remedium nobis Christi passio necessaria.*
- II. *Quantum uecessaria ad exemplum.* [onem.]
- III. *Quantum ad gloriam Corporis ipsius & nominis exaltati-*

CATECHESIS III.

DE GENERE ET LOCO PASSIONIS CHRISTI.

In qua propositiones tres.

- I. *Quàm conuenienter Christus in Cruce passus?*
- II. *Quàm conuenienti loco?*
- III. *Cur inter latrones?*

CATECHESIS IV.

DE MIRABILI EFFECTV PASSIONIS CHRISTI.

In qua propositiones tres.

- I. *Quodd ex potestate diaboli sumus liberati*
- II. *Quodd inde remissionem peccatorum consecuti*
- III. *Quodd DEO sumus reconciliati.*

CATECHESIS V.

DE MODO LIBERATIONIS NOSTRÆ PER PASSIONEM.

In qua propositiones tres.

- I. *Et Cuius Ecclesie promeremur.*

II. *Vime.*



S U M M A R I U M.

- II. *Vt mediator satisfaciendo.*  
III. *Vt Sacerdos Sacrificando.*

C A T E C H E S I S VI.  
D E M O R T E R E D E M P T O R I S.

In qua propositiones tres.

- I. *Cur voluit mori?*  
II. *Quòd Diuinitas nec à corpore nec ab anima separata.*  
III. *Quem fructum nostræ salutis moriens attulit.*

C A T E C H E S I S VII.  
D E C H R I S T I S E P V L T V R A.

In qua propositiones tres.

- I. *Quàm conuenienti modo sepultus?*  
II. *Corpus eius quomodo tribus diebus, & tribus noctibus in sepulchro fuit?*  
III. *Corpus illud nulli corruptioni in sepulchro obnoxium fuit.*

A R T I C V L U S S Y M B O L I V.

Continet Catecheses Quinquè.

C A T E C H E S I S I.  
D E I P S O D E S C E N S V A D I N F E R O S.

In qua propositiones tres.

- I. *In quem locum descendit?*  
II. *Quàm congruè descendit?*  
III. *Quamdiu ibi moratus est?*

C A T E C H E S I S II.  
D E F R V C T V D E S C E N S V S C H R I S T I A D I N F E R O S.

In qua propositiones tres.

I. Cui



S U M M A R I U M.

- I. *Cur descendit ad inferos ?*
- II. *Quid descensus ille antiquis contulit?*
- III. *Quibus in inferno nihil contulit ?*

C A T E C H E S I S III.  
D E C H R I S T I R E S U R R E C T I O N E.

In qua propositiones tres.

- I. *Quàm certa fides Christi resurrectionis.*
- II. *Quòd resurrexit secundum scripturas.*
- III. *Aliter quàm alij resurrexit.*

C A T E C H E S I S IV.  
D E Q U A L I T A T E C H R I S T I R E S U R G E N T I S.

In qua propositiones tres.

- I. *Quòd Christi corpus post resurrectionem verum Corpus.*
- II. *Quòd gloriosum fuit.*
- III. *Quare cicatrices retinuit.*

C A T E C H E S I S V.  
D E A R G V M E N T I S R E S U R R E C T I O N I S C H R I S T I.

In qua propositiones tres.

- I. *Quibus modis manifestata resurrectio Christi?*
- II. *Quare Discipuli resurgentem non viderunt ?*
- III. *Quare non semper cum illis conuersatus est?*

A R T I C V L U S S Y M B O L I VI.

Continet Catecheses tres.

C A T E C H E S I S I.  
D E I P S A D O M I N I A D C A E L O S A S C E N S I O N E.

In qua propositiones tres.

) I (

I. *Quàm*



## S U M M A R I U M.

- I. *Quàm rationabiliter in cælum ascendit.*
- II. *Cur non statim post resurrectionem?*
- III. *Quæ utilitas ex eius Ascensione?*

## C A T E C H E S I S II.

### D E P O T E S T A T E A S C E N D E N T I S.

In qua propositiones tres.

- I. *Quàm sublimiter Dominus ascendit?*
- II. *Secundum quam naturam ascendit?*
- III. *Qua veritate & potentia ascendit?*

## C A T E C H E S I S III.

### D E S E S S I O N E A D D E X T E R A M P A T R I S.

In qua propositiones tres.

- I. *Quid sit sedere ad dexteram Dei Patris Omnipotentis?*
- II. *Quæ illa natura quæ sedet ad dexteram Patris?*
- III. *An solius Christi est sedere ad dexteram Patris?*

## A R T I C V L U S S Y M B O L I VII.

Continet Catecheses tres.

## C A T E C H S I S I.

### D E I V D I C I O P R I V A T O S E V P A R T I C V L A R I.

In qua propositiones tres.

- I. *Quàm certum iudicium priuatum.*
- II. *Quàm terribile?*
- III. *Quæ in eo circumstantiæ spectandæ?*

## C A T E C H E S I S II.

### D E F O R M A I V D I C I I.

In qua propositiones tres.

- I. *Quis sit Iudex?*

II. *Qui*



## SUMMARIUM.

- II. *Qui judicandi?*
- III. *De quibus judicabuntur?*

## CATECHESIS III.

### DE CIRCVMSTANTIIS IVDICII EXTREMI.

In qua propositiones tres.

- I. *Quæ signa præcedent iudicium?*
- II. *Quale erit illud iudicium?*
- III. *Quomodo mundus innouabitur?*

## ARTICVLVS SYMBOLI VIII.

Continet Catecheses tres.

### CATECHESIS I.

#### DE NOMINIBVS SPIRITVS SANCTI.

In qua propositiones tres.

- I. *Quodd nomen Spiritus Sanctus proprium tertiæ Personæ.*
- II. *Quare Spiritus Sanctus dicitur amor?*
- III. *Quare dicitur donum?*

### CATECHESIS II.

#### DE SVBSTANTIA SPIRITVS SANCTI.

In qua propositiones tres.

- I. *Quodd Spiritus Sanctus verus DEVS vnus cum Patre & Filio.*
- II. *Quodd Spiritus Sanctus non factus, non creatus, non genitus, sed procedens.*
- III. *Quodd Spiritus Sanctus sicut à Patre ita & à Filio procedit.*

### CATECHESIS III.

#### DE MISSIONE SPIRITVS SANCTI.

In qua propositiones tres.

- I. *Quodd*



S U M M A R I U M.

- I. *Quid sit missio inuisibilis?*
- II. *Quomodo missio fiat visibilis?*
- III. *Quæ mysteria in missione Spiritus Sancti?*

ARTICVLVS SYMBOLI IX.  
C A T E C H E S I S Vnica.

In qua propositiones tres.

- I. *Quid sit Ecclesia?*
- II. *Quibus in scriptura adumbratur Symbolis?*
- III. *Quomodo cognoscenda?*

PARS SECUNDA ARTICULI.  
De Communione Sanctorum.

ARTICVLVS SYMBOLI X.  
Continet Catecheses tres.

C A T E C H E S I S I.  
DE V A R I I S P E C C A T O R V M G E N E R I B V S.

In qua propositiones tres.

- I. *Esse quoddam peccatum quod Originale dicitur.*
- II. *Præter Originale inueniri actualia.*
- III. *Vnde grauitas peccatorum pensanda?*

C A T E C H E S I S II.  
D E E F F E C T V P E C C A T I.

In qua propositiones tres.

- I. *Quid sit Offensa DEI?*
- II. *Quid macula ex peccato relicta?*
- III. *Quid reatus pœnæ?*

CATE-



S U M M A R I U M.

C A T E C H E S I S III.

DE P O T E S T A T E R E M I S S I V A P E C C A T O R U M

In qua propositiones tres.

- I. *Vnde potestas ista?*
- II. *Quomodo remittatur Originale?*
- III. *Quomodo actualia.*

A R T I C V L U S S Y M B O L I XI.

Continet Catecheses tres.

C A T E C H E S I S I.

DE I P S A C A R N I S R E S V R R E C T I O N E.

In qua propositiones tres.

- I. *Quàm congruè ista fiet resurrectio?*
- II. *Quomodo ad vocem tubæ?*
- III. *Quæ mira in resurrectione apparabunt?*

C A T E C H E S I S II.

DE T E M P O R E R E S V R R E C T I O N I S.

In qua propositiones tres.

- I. *Cur resurrectio in finem mundi differtur?*
- II. *Cur tempus resurrectionis occultum?*
- III. *Cur tempore nocturno fiet?*

C A T E C H E S I S III.

DE Q U A L I T A T E C O R P O R U M R E S V R G E N T I U M,

In qua propositiones tres.

- I. *Quomodo corpora beatorum impassibilia erunt?*
- II. *Quas proprietates eorum corpora habebunt?*
- III. *Qualia resurgent corpora damnatorum?*

ARTI-



SUMMARIUM.

ARTICVLVS SYMBOLI XII.

Continet Catecheses Quinque.

CATECHESIS I.

DE IPSA RATIONE VITÆ ÆTERNÆ.

In qua propositiones tres.

- I. *In quo ratio vitæ æternæ consistat?*
- II. *Quòd vita æterna sedat omne desiderium.*
- III. *Quòd in vita æterna omnis securitas.*

CATECHESIS II.

DE ADEPTIONE VITÆ ÆTERNÆ.

In qua propositiones tres.

- I. *Qui intraturi sunt in vitam æternam?*
- II. *Quid necessarium ap. obtinendam?*
- III. *Si iam aliqui intrauerunt?*

CATECHESIS III.

DE DONIS BEATORVM IN VITA ÆTERNA.

In qua propositiones tres.

- I. *Quibus donibus Beati exornantur?*
- II. *Quibus in vita æterna aureolæ debentur?*
- III. *Quid fructus significant?*

CATECHESIS IV.

DE POENIS DAMNATORVM.

In qua propositiones tres.

- I. *Quid patientur damnati in corpore?*
- II. *Quid verò in anima?*
- III. *An pœna eorum finietur?*

CATECHESIS V.

DE PURGATORIO.

In qua propositiones tres.

I. *Sitne*



S U M M A R I U M.

- I. *Sitne post mortem purgatorium?*
- II. *In quo loco?*
- III. *A quo animæ puniuntur & quàm grauitèr?*

A P P E N D I X.

Ad Articulum Decimum.

DE VITIIS CAPITALIBVS.  
Continet Catecheses Septem.

C A T E C H E S I S I.

DE VITIO SUPERBIE.

In qua propositiones tres.

- I. *Quid superbia & quæ eius species?*
- II. *Quarum prolium sit procreatrix?*
- III. *Quid humilitas opposita ei virtus?*

C A T E C H E S I S II.

DE AVARITIÆ VITIO.

In qua propositiones tres.

- I. *Quid auaritia & quæ eius species?*
- II. *Quæ peccata ex ipsa oriuntur.*
- III. *Quanta præstantiæ liberalitas opposita ei virtus?*

C A T E C H E S I S III.

DE LVXVRIÆ SCELERE.

In qua propositiones tres.

- I. *Quid luxuria & quæ eius species?*
- II. *Quorum vitiorum sit seminarium?*
- III. *Quàm pulchra castitas opposita ei virtus?*

C A T E C H E S I S IV.

DE INVIDIÆ CRIMINE.

In qua propositiones tres.

I. *Quid-*



S U M M A R I U M.

- I. *Quid inuidia & quæ ejus species?*
- II. *Quorum peccatorum sit radix?*
- III. *Benevolentiae virtus qualis?*

C A T E C H E S I S V.  
D E F E R V O R E I R A E.

In qua propositiones tres.

- I. *Quid ira & quæ ipsius species?*
- II. *Quibus grauida vitij?*
- III. *Quàm commendabilis mansuetudo?*

C A T E C H E S I S VI.  
D E V O R A C I T A T E G U L A E.

In qua propositiones tres.

- I. *Quid vitium gulæ?*
- II. *Quot sunt ejus species?*
- III. *Quæ peccata generat?*

C A T E C H E S I S VII.  
D E I N E R T I A A C E D I A E.

In qua propositiones tres.

- I. *Quid sit acedia?*
- II. *Quorum sit fons & origo peccatorum?*
- III. *Quid opposita virtute notandum?*





# PRÆAMBVLVM



Atechizationem rudiorum, seu doctrinam Christianam, quam per quatuor capita distributam, tradit Catechismus Parochorum, scilicet per Symbolum Apostolorum, Sacramenta, Orationem Dominicam, & Decalogum, ad tres classes seu Virtutes Theologicas, Fidem, Spem & Charitatem reuocare possumus: ita quòd in Symbolo, & Sacramentorum doctrina ea explicentur, quæ ad Fidem pertinent. In oratione Dominica securitas spei, ut pote quæ speranda & optanda sunt hominibus, petuntur. In Decalogo leges dantur, quarum *finis est Charitas*. Et quia omnium quæ homini ad salutem sunt necessaria, basis & fundamentum est Fides, sine qua *impossibile est placere Deo*: ideo huius doctrinæ Christianæ explicationem, inhærentes prædicto Catechismo Parochorum, auspicabimur ab ipso symbolo Fidei propter imbecilles, *quibus lacte opus sit*; idq; per breues Catecheses, in quibus prudens Catechista, imperitum adhuc Christianum inquirentem & addiscere coelestem doctrinam satagentem, suis responsionibus iuuabit, instruet & docebit. Et quia pietatis est Christianæ, omnia opera ad gloriam Dei ordinata, à signo Christiano, quod est signum Sanctæ Crucis inchoare. ideo quæ mysteria in hac consignatione Contineantur, Catechista ante omnia explicabit. Tria verò præcipuè Mysteria hic continentur; Primum SS. Trinitatis quod exprimit Christianus voce, d. IN NOMINE PATRIS, & FILII, & SPIRITUS SANCTI. Secundum Mysterium Incarnationis Filij Dei: & hoc exprimit Christianus manu in ista consignatione, ubi expri-

I. Tim. I.

Hebr. II.

Hebr. 5.



## CATECHESIS

mit totam Oeconomiam aduentus Christi. Nam primò ponit manum in fronte, . d. IN NOMINE PATRIS, q. d. Filius Dei ab æterno genitus est à Patre, Ioan. i. *In principio erat Verbum.* Deinde à fronte ducit manum ad pectus, d. ET FILII, q. d. ille Filius qui ab æterno genitus est à Patre, in tempore venit in mundum, in vtero Virginis factus Homo. de qua natus. Tandem ducit manum à pectore ad sinistrum humerum, d. ET SPIRITUS, q. d. ille Dei Filius qui ab æterno genitus à Patre, in tempore factus homo, ex Virgine natus, fuit in sinistra tribulationis, angustiar, passionis, & mortis. Deniq; ducit manum à sinistro humero ad dextrum, d. SANCTI, q. d. hic Filius Dei, ab æterno genitus à Patre, in tempore ex Virgine Matre, qui fuit passus & mortuus, resurrexit à mortuis, ascendit in cælum, & sedet ad dexteram Patris. Tertium Mysterium Redemptio nostra, quod Christianus manu quoque exprimit, figuram crucis delineans in ista consignatione: nam per Crucem redempti sumus. Hoc peracto, & recitato symbolo Apostolorum, priusquam aggrediatur Catechista singulas eius sententias explicare, ponit.

## CATECHESIM PROOEMIalem I.

### De notione Fidei.

**I**llud ante omnia prælibandum videtur. Quòd Catechismus est doctrina de cognitione Dei, propter rudes & ignaros instituta. Est verò triplex cognitio Dei, scilicet Rationis, Deuotionis, & Glorificationis: Cognitio rationis est, qua Deus cognoscitur per opera manuum suarum, nam *inuisibilia Dei, per ea quæ facta sunt intellectu conspiciuntur.* est enim totus mundus quasi ingens quidam liber, in quo legimus magnalia Dei. Cognitio deuotionis est, quæ fit per fidem, & oritur ex catechizatione atq; verbi Dei prædicatione. *Quomodo enim credent*

Rom. I.

Rom. IO.



dent ei quem non audierunt? quomodo autem audient sine prædicante? ergo fides ex auditu. Cognitio glorificationis in futuro, quando facie ad faciem videbimus, tunc cognoscam, sicut & cognitus sum: Videbimus enim eum sicuti est. Tunc implebitur illud, Non docebit ultra vir proximum suum dicens, cognosce Dominum, & tunc erunt omnes docibiles Dei. Quia igitur nunc doctrina ordinatur ad cognitionem Dei per fidem, ideo in ista prima Catechesi proœmiali, tria Christianus à suo Catechista addiscere studebit.

1. Cor. 13.

1. Ioan. 3.

Ierem. 31.

Ioan. 6.

I. Quid per fidem intelligendum?

II. Unde quarendam & petendam fidem?

III. Quid fides præstet credenti?

QVANTVM AD PRIMVM.

Christiane. Catechismus Parochorum multiplicem in diuinis literis fidei significationem esse asserit: nam aliquando constantem veritatem in seruandis promissis ostendit, ideo propheta Ps. 144. Deum vocat fidelem. quod Aygnanus ex Augustino ponderans. d. Est Deus in suis promissis fidelis & verax, quia quidquid promittit facit & seruat. Hunc sensum confirmant verba Euangelij. Iota unum, aut unus apex non præteribit à lege, donec omnia fiant. Aliquando significat doctrinam fidei: ratione obiecti, Ephes. 4. Vnus Dominus, una fides, quia vnum commune symbolum, vna eius expositio, vt non alia sit Waldensium, alia Saxonica, Lutherana, Caluiniana: in hoc sensu dicitur fides Apostolica, Catholica. Dogma enim Catholicum est, quod ubiq;, quod semper, quod ab omnibus creditum est. Habet plura alia fides significata. Considera tamen Christiane, fides de qua in præsentem, est ille habitus, cuius vi firmissimè assentimur ijs rebus quæ diuinitus sunt traditæ, definiturq; ab Apostolo. Substantia sperandarum rerum, argumen-

Magist. sent. lib. 3. d. 23. c.

Matth. 5.

Vincent. Lyrin. cap. 3.

Hebr. 11.



## CATECHESIS

S. Thom. 22.

q. 4. a. 1. c.

Ioan. 1.

Exod. 32.

tum non apparentium. Nam quid tu speras Christiane, nisi vera illa bona futuræ vitæ, quæ nec oculus vidit, nec auris audiuit, nec intellectus viatoris capit? de quibus Ps. 26. *Credo videre bona Domini in terra viventium.* Et horum bonorum substantia est fides, quia fides facit ut bona futura, quæ nondum existunt certa habeamus, certoq; futura credamus & speremus, perinde ac si iam subsisterent, eaq; coram nobis cerneremus. Aut etiam, quia prima inchoatio cuiusq; rei, quæ totam rem in se virtute continet, solet dici substantia; hoc modo & fides dicitur substantia sperandarum rerum, quia prima inchoatio rerum sperandarum in nobis est per assensum fidei, qui virtute continet omnes res sperandas. Est ergo fides argumentum non apparentium, id est conuictio intellectus autoritate Primæ Veritatis ad assentiendum non visis. Nam *Deum nemo vidit vnquam: & Non videbit me homo & viuet*, fides tamen conuincit tanquam argumentum insolubile intellectum nostrum ad assentiendum diuinæ autoritati, quod sit vnus in essentia & Trinus in Personis. Diceret fortassis quispiam. Si fides est argumentum, non debet dici non apparentium, sed potius apparentium, & in manifesto positorum; argumenta enim eo fine comparantur, ut rem quæ fuit occulta & non apprens, faciant apparentem, & Obiectio currit de illis argumentis, quæ sumuntur ex proprijs rei principijs, talia enim faciunt rem in se apparere, antea non apparentem: fides autem est argumentum ex diuina autoritate sumptum, proinde non facit rem in se apparere, sed in credibilitate. Obseruat hinc prudens Catechista, licet verba in prædicta Apostoli definitione, non ordinentur sub forma definitionis, ea tamen ad formam definitionis Doctor Angelicus reducit. d. *Fides est habitus mentis, quo inchoatur vita æterna in nobis, faciens intellectum firmiter assentire, non apparentibus.*

QVAN.



QVANTVM AD SECVNDVM.

Christiane. Ecclesia fidem accepit à Christo & Apostolis, *Iren. l. 1. c. 2. lib. 3. c. 1.* proinde illa ab Ecclesia petenda & discenda. Cum enim sit columna & firmamentum veritatis, infallibiliter proponit articulos fidei à Deo reuelatos. Atq; hoc modo in numerum Catechumenorum adsciscendi, ante omnia interrogantur. Quid petunt ab Ecclesia, qui fidem se ab Ecclesia non aliunde petere protestantur. Et huc ducunt scripturæ. Interroga patrem tuum, & annuntiabit tibi, maiores tuos & dicent tibi. Patrem interroga qui præest vniuersæ Ecclesiæ, ad cuius auctoritatem pertinet formaliter & finaliter determinare ea, quæ sunt fidei, vt ab omnibus inconcussa fide teneantur. Ad hunc sensum spectat illud Ecclesiastæ. 12. Verba sapientum sunt sicut stimuli, & sicut clauis in altum defixi, quæ per Magistrorum consilium data sunt, à pastore vno. Item Deut. 17. quærenti fidem dicitur. Venies ad Sacerdotes Leuitici generis, & ad iudicem, qui fuerit illo tempore, quæresq; ab eis, qui indicabunt tibi iudicij veritatem, & facies quodcumq; dixerint qui præsumt loco, quem elegerit Dominus, & docuerint te iuxta legem eius, sequerisq; sententiam eorum, nec declinabis ad dextram neq; ad sinistram. Hic ostenditur fides petenda ab Ecclesia, eaq; cum capite suo in omnibus dubijs fidei, audienda. Idem confirmat doctrina ipsius Christi, hortantis audire doctrinam Scribarum & phariseorum in cathedra Moysi sedentium. *Matth. 23.* Præterea dum sapiens Prou. 1. hortatur non dimittere legem matris, quid nisi de ore matris Ecclesiæ disciplinam fidei & pietatis addiscere vult Christianum? qui si contemnat in isto negotio audire Ecclesiam, *Matth. 18.* æquos vt ethnicus & publicanus. Sed hic aliquis Catechistæ. DICT. Si credis propter auctoritatem Ecclesiæ, assensus iste non est fidei Theologicæ, seu diuinæ sed alicuius inferioris ordinis: & Aliud est loqui de assensu fidei, aliud de ministerio, Assensus fidei ad res credendas est ob auctoritatem Dei reuelantis per se, addiscimus au-



tem fidem ministerio Ecclesiæ docentis & testificantis quid sit à Deo reuelatum, & quid minus. Assentior enim huic fide diuina, Christus est Deus & Homo, propter authoritatem Dei reuelantis, ministerio tamen Ecclesiæ addisco id à Deo esse reuelatum: sicut è contra, non possum fide Theologica huic assentiri, quòd Christi humanitas sit ubiq; quia me Ecclesia non docuit, nec testificatur id à Deo esse reuelatum. Hinc

COLLIGE Christiane, neque Paganos, neq; Iudæos, neq; Hæreticos fidem diuinam de vilo credendo habere, nam *fides ex auditu*, id est ex auditu verbi Dei, quod sola Ecclesia prædicat, cum nec Pagani, nec Iudæi, nec Hæretici audiant Ecclesiam, vnde ergo fidem acceperunt? nec obtendant suos deceptores, quomodo enim illi prædicabunt nisi mittantur? de quibus Ierem. 23. *Visionem cordis sui loquuntur non de ore Domini*; Et cap. 27. *Mendacium ipsi loquantur*. Sed aliquis politicus pro Hæreticis contra Catechistam.

DICET: Credunt Hæretici propter solam reuelationem diuinam, quæ est formalis ratio fidei, credunt vnum Deum in essentia, Trinum in Personis, propter diuinam authoritatem, quam audiunt. I. Ioan. 5. *Tres sunt qui testimonium dant in cælo, Pater, Verbum & Spiritus Sanctus, & hi tres vnum sunt*; Credunt Christum Filium Dei vnigenitum propter Verbum Patris dicentis. *Hic est Filius meus dilectus, & similia*. R. Credunt hæretici aliquos articulos persuasioni humana, sed non fide diuina. non enim credunt per formale fidei, quod non est reuelatio diuina, ex propria humana persuasioni accepta & credita, sed diuina reuelatio in scripturis & doctrina Ecclesiæ manifestata; in his enim duobus integrum formale fidei consistit, in diuina reuelatione & manifestatione Ecclesiæ testificantis. Quia verò illi doctrinam Ecclesiæ non audiunt, fidem diuinam de nullo articulo habent. Quare cum August. q. 11. in Matt. dicat. *Qui falsa de Deo credit, vel de aliqua parte doctrinæ, quæ ad fidei pertinet ædificationem, hæreticus est, & foris est animo*: ita persuasum habeto Chri-

Marth. 3.  
& 17.

8. Thom. 2. 2a.  
q. 6. art. 3.



## PROÆMIALIS.

7

Christiane, qui pertinaciter errat in aliqua parte doctrinæ fidei, extra Ecclesiam est, extra Ecclesiam verò nulla est fides. Ad hunc sensum aliqua dixi, in Tractatu de cognoscenda vera Ecclesia, Conclus. 5. coroll. 5. membr. 1.

## QUANTVM AD TERTIVM.

**C**hristiane. Fides Catholica innumera præstat bona, quorum primum ac præcipuum est vita æterna; nam dum ante baptismum interrogatur Catechumenus, quid sibi fides ab Ecclesia petita præstet, vitam respondet æternam: nimirum quia per fidem in nobis inchoatur vita æterna: nam *vita æterna est cognoscere Deum sicut est.* & Ioan. 17. *Hæc est vita æterna ut cognoscant.* Hanc autem cognitionem inchoamus hic per fidem. DEINDE per fidem anima coniungitur Deo, & ceu sponsa quoddam spirituale matrimonium contrahit cum eo, Osee 2. *Sponsabo te mihi in fide:* & dum anima fidem respuit, ut adultera de fornicatione in scripturis arguitur. Huius delicti Synagoga Ierem. 2. arguitur. *In omni inquit colle sublimi, & sub omni ligno frondoso tu prosternebaris meretrix.* Et cap. 3. *Fornicata es cum amatoribus multis,* i. repudiata fide vnus veri Dei, seruebat multis idolis. PRÆTEREA, Fides Catholica docet omnia necessaria ad benè beateq; viuendum, docet quòd Deus est remunerator bonorum & ultor malorum: docet aliam esse vitam præter præsentem, & alia multa huiusmodi, quæ hominem alliciunt ad bona opera, & à malis retrahunt; atq; ex hoc fructu fidei Moysen laudat Apostolus. Hebr. 11. *Fide Moyses grandis factus, negavit se esse filium filia Pharaonis, magis eligens affligi cum populo Dei, quàm temporalis peccati habere iucunditatem, maiores diuitias æstimans thesauro Ægyptiorum, improprium Christi.* INSUPER. fructus fidei est, vincere tentationes, nam omnis tentatio vel est à diabolo, vel à mundo, vel à carne. Fides vincit tentationes diaboli. 1. Petr. 5. *Aduersarius vester diabolus, tanquam leo rugiens, circuit quærens quem deuoret, cui resistite*



## CATECHESIS II.

*Ephef. 6.* *stite fortes in fide.* Vincit tentationem mundi. *1. Ioan. 5.* *Omne quod natum est ex Deo vincit mundum, & hæc est victoria quæ vincit mundum fides nostra.* quâ contemnimus prospera mundi, nec formidamus aduersa, credentes aliam vitam meliorem iustis, & deteriora mala iniquis parata. Vincit tentationem carnis, dùm docet inordinate inhærentes præsentibus delicijs, amittere æternas. Proinde hortatur Apostolus, *ut in omnibus sumamus scutum fidei.* Addit Catechismus Paroch. fidem nobis præstare id, quod acie humanæ mentis perspicere non possit; nam altitudo æternæ beatitudinis superat intellectum nostrum, & eius cognitionem per fidem à Deo accipimus.

*1. Tim. 6.* *DIXERIT quispiam.* Ad ea quæ superant rationem, nec videntur, non debet homo conari, iuxta illud *Ecc. 3.* *Altiora te ne quæsieris:* frustra itaq; credit quod nec percipit nec videt. & Licet ea quæ superant cognitionem hominis, non sint ab homine per rationem inquirenda, ne scrutando opprimatur, à Deo tamen reuelata, sunt per fidem suscipienda. & 2. Si homo inuisibilia perfectè cognosceret, illa credere non deberet, sed quia debilis intellectus ad superna pertingere non potest, defectum illius, fides supplet. Et quisquis non credit nisi ea quæ videt, stultus est & superbus, dicente Apostolo. *Si quis non acquiescit sermonibus sanis Domini nostri Iesu Christi, superbus est nihil sciens.*

## CATECHESIS II.

## DE SYMBOLO.

**F**idei notione in præcedenti Catechesi explicata, iam de ipso Symbolo in quo fidem profiteamur, priusquam singulas articulorum sententias aggrediamur, aliquid prælibandum in ista Catechesi, in qua tria sibi à Catechista explicari deposcit Christianus.

I. *Quid*



## DE SYMBOLO.

9

- I. *Quid sit Symbolum?*
- II. *A quo exordium sumpsit?*
- III. *In quot partes diuidatur?*

### QVANTVM AD PRIMVM.

**C**hristiane, Symbolum ex doctrina antiquorum Patrum est breuis & compendiosa fidei regula; ita S. Leo. serm: II. de passione Domini. Augustinus Enchiridij cap. 56. Et lib. I. de Symb. ad Catechum. cap. I. *Regula fidei nominatur quia dum Symbolum recitamus & retinemus, in unitate & professione veræ fidei conseruamur.* Atq; regula ista fidei, iam dudum symboli nuncupationem retinet: tum quia ex varijs sententijs in vnum collatis est conflatum: tum quia est quasi nota quædam & tessera, qua à falsis & adulterantibus verbum Dei, internoscimur. Et quanquam in Concilijs sit compositum aliquod symbolum, explicās quod in præteritis implicite fuit positum contra aliquam nouam exorientem hæresim, ordinatio tamen symboli, proprie pertinet ad Summum Pontificem. Vnde & S. Athanasij doctrina, symbolum appellatur, non quòd ipse per modum symboli scriptum suum fecerit, sed quia integram fidei veritatem breuiter continet, ita autoritate Summi Pontificis eius doctrina est recepta, vt quasi regula fidei habeatur. Hic considera Christiane cum vulgo tria symbola vnius fidei in Ecclesia habeantur, diuersis tamen temporibus recitantur. Et Apostolorum quidem symbolum in prima & completorio occultè & silentio recitatur, quia tempore persecutionis editum fuit, fide nondum publicata: occulte contra tenebras errorum præteritorum & futurorum. Symbolum Nicænum recitatur in Missa post Euangelium clara voce, in quo populus ostendit se doctrinæ Christi in Euangelio per fidem assentire. Similiter symbolum Athanasij in

*Catech. Pasch. roch.*

*S. Thom. I. p. q. 36. art. 2. 2m.*

*2. 2æ. q. I. 4o. 1o. 3m.*

*Ibid. q. I. 4o. 9. 6m.*

B

prima



3. p. 9. 83.  
a. 4.

prima diebus Dominicis. Est ergo symbolum summarium veram Dei diuinarumq; rerum cognitionem, qua ad benè beateq; viuendum cuiq; necessaria est, breuiter ac dilucidè ob oculos ponens.

DIXERIS. Scriptura sacra ita est regula fidei, cui nec addere, nec subtrahere quidquam licitum est. iuxta illud. Deut: 4. *Non addetis ad verbum quod vobis loquor, neq; auferetis ab eo.* Et Apoc. 22. *Si quis apposuerit ad hæc, apponet Deus super illum plagas, &c.* & Symbolum est regula fidei, non quod addatur scripturæ, sed quia ex scriptura sumitur. Veritas enim fidei diffuse in scriptura, & in quibusdam obscure continetur, vt ergo omnibus, quibus non competit per studium longo tempore fidei veritatem inquirere, summarie innotescat, pro regula credendorum symbolum proponitur. Quare non additur scripturæ, vt ei aliquid contrarium aut discrepans, quod in locis scripturæ allegatis prohibetur.

### QUANTVM AD SECVNDVM.

2. Cor. 5.

Marc. 16.

CHRISTIANE, indubium est, symbolum fidei ab ipsis Apostolis compositum esse, siue vnus vnâ sententiam, alius aliam, siue omnes in simul, quod mihi probabilius videtur, totum integre composuerint: & non quidem scripserunt, sed viua voce Ecclesiæ tenendum & recitandum tradiderunt. Ab Apostolis autem ortum, omnes Doctores, Concilia, Pontifices, vniuersa deniq; Ecclesia semper agnouit & docuit, Iren. lib. 3. cap. 4. Hieron. in Epist. ad Pamach. August. in lib. de fide & operibus; specialiter conscribens quatuor libros de Symbolo ad Catechum. Ambrosius Symbolum ab Apostolis compositum & traditum, ab Ecclesia illibatum dicit custodiri. Et enim cum Sanctissimi Apostoli mandatum à Domino accepissent, vt pro ipso legatione surgentes, in vniuersum mundum proficiscerentur, atq; omni creaturæ Euangelium prædicarent, Christianæ fidei formulam componendam censue-  
runt,



runt, vt scilicet omnes idem sentirent ac dicerent, *neq; vlla essent inter illos Schismata*, quos ad vnitatem fidei vocassent, *sed essent perfecti in eodem sensu, & in eadem sententia*. Atq; hanc fidei professionem à se compositam, Symbolum Apostoli appellarunt. Sed hîc Catechistæ quis

1. Cor. I.

OBICIAT, Quomodo tu dicis Symbolum istud ab Apostolis editum, siquidem Apostoli, quos docuit Spiritus veritatis, nihil falsò pronuntiare aut profiteri docuerunt; sunt verò multi Christiani, qui falsò verba illa symboli **CREDO IN DEUM**. pronuntiant, illi scilicet qui non habent fidem formatam charitate *carantes*: non ergo Apostoli, sed quispiam alius hanc fidei professionem edidit. R. Verum quidem est, quòd credere in DEUM est actus fidei formatæ per charitatem, ita enim August. Tract: 29. in Ioan. *Quid est credere in Deum? credendo amare, credendo diligere, credendo in eum ire, & eius membris incorporari*. Sed Apostoli Symbolum ita tradiderunt, vt in illo fidei confessio fieret ex Persona totius Ecclesiæ, quæ per fidem vnitur. Fides autem totius Ecclesiæ est formata, quæ inuenitur in omnibus, qui non solum numero, sed etiam merito sunt de Ecclesia. Deinde ideo Apostoli in Symbolo ita confessionem fidei ediderunt, vt etiam si qui fideles fidem formatam charitate non habent, ad hanc formam pertingere moniti studeant.

### QUANTVM AD TERTIVM.

CHRISTIANE, Catechismus Parochorum, in tria capita Symbolum Apostolorum partitur, vt in primo capite ostendatur prima Persona diuinæ Naturæ, id est Persona Patris, vnaq; opus creationis: in secundo capite, eiusdem diuinæ Naturæ secunda Persona id est Filius DEI, simulq; mysterium humanæ redemptionis: in tertio demum capite, tertia persona Deitatis, Spiritus Sanctus, qui est fons Sanctificationis nostræ. Quamuis enim trium Personarum diuinarum, vna sit cognitio



quantum ad unitatem essentiae: quantum etiam ad distinctionem Personarum, quae est per relationes originis, in cognitione Patris includatur quodammodo cognitio Filij, non est enim Pater absq; Filio, & amborum Spiritus Sanctus est nexus, & ideo sufficeret de hoc vnus Articulus. Credo IN DEUM. Ad vitandos tamen errores circa singulas Personas, de singulis Articuli sunt distinguendi. Arius enim negabat coeternitatem & consubstantialitatem Filij cum Patre. Macedonius negabat veram diuinitatem Spiritus Sancti, & sic de alijs. Quare vbicunq; occurrit aliquid speciali ratione non visum seu difficile, ibi etiam specialis Articulus distingui debet. Et hac ratione totum Symbolum in duodecim articulos à Patribus distributum accepimus, eo quod ex illis duodecim sententijs, occurrit in singulis aliquid specialiter non visum & difficile.

DIXERIS. Si vbi specialis difficultas occurrit, specialis articulus constitui debeat, profecto de Sacramento Eucharistiae debebat specialis articulus distingui, cum specialem difficultatem habeat, ex eo quod ibi miraculose Corpus Christi contineatur. R. De isto Sacramento non est opus specialem distingui articulum, sed difficultas tota de illo sub articulo primo de omnipotentia DEI continetur & explicatur.

QUAESIERIS. Cur plures articuli de Persona Filij & Spiritus Sancti, quam de Persona Patris distinguuntur? R. Quia Filius & Spiritus Sanctus, mittuntur ad sanctificandam creaturam, circa quod plura credenda occurrunt, & ideo plures articuli ad explicanda, circa Personam Filij & Spiritus Sancti distinguuntur: Pater autem nunquam mittitur. Sicut nec procedit, & ideo circa Personam eius sufficit vnus articulus.





# ARTICVLVS

## SYMBOLI PRIMVS.

Credo in Deum Patrem Omnipotentem  
Creatorem Cœli & Terræ.

**C**Atechismus Parochorum docet his verbis explicari primam in Deitate Personam, scilicet Patrem Omnipotentem, cuius potentia cœlum & terra, omniaq; quæ cœli & terræ ambitu continentur, ex nihilo condita: reguntur & gubernantur providentiâ. Atq; vt mysteria in hoc articulo abdita fiant manifestiora. Sit ad hoc

## CATECHESIS I.

### DE IPSA CREDENDI RATIONE.

**Q**uia primum hunc Symboli articulum, à vocabulo **CREDO** inchoamus, omniaq; in progressu ad Credo terminantur, ideo primam Catechesim, de ipsa credendi ratione institui-  
mus; in qua Christianus à Catechista de tribus quæsitis eru-  
diatur.

- I. *Quid in se contineat Credo in Deum?*
- II. *Cur homo obligatur in Deum credere?*
- III. *Quid præcipue credere debeat Christianus?*

### QVANTVM AD PRIMVM.

**C**hristiane, Duo hic quærantur; vnum, Quid sit credere?  
alterum, Quid sit in Deum credere? vt tuis votis fiat satis.

R. I. Credere, seu actum credendi cap. 2. de prædestin. San-



## ARTICULUS I.

etorum ita August: explicat, vt sit cum assensione cogitare: nec simpliciter cogitare, vt est quicunq; actus intellectus considerantis; nec cum dubitatione vt opinantis, sed credere est cogitare cum firma & immobili atq; immutabili adhæſione ad vnam partem. Fides enim ita firma esse debet, vt excludat omnem formidinem & dubitationem; ita certa debet esse fides, vt superet certitudine & constantia omnem Scientiæ adhæſionem, quamuis non sit euidencia rei creditæ, id est, quamuis non cernatur id quod creditur. Diuinum enim lumen quo credenda percipimus, nos dubitare de his non permittit, tametsi perspicacitatem non adferat, id quod Apostolus 2. Cor. 4. in hæc verba prosequitur. *Deus qui dixit de tenebris lucem splendescere, ipse illuxit in cordibus nostris.* Is credit qui pio mentis affectu sine vlla hæſitatione, Deo sua mysteria aperienti & reuelanti certo firmiterq; assentitur. Sed quia internus actus fidei, debet pro necessitate in externum exire, is qui credit, oportet, intimum mentis suæ assensum manifestè declaret, vt aperta fidei professione proferat, quod animo inclusum seruat, id quod in Ss. Apostolis & Martyribus suspicimus. Vnde cum Ps. 115. Propheta. d. *Credidi propter quod locutus sum.* Ayguanus ponderans. d. *Credenti necesse est loqui, non enim perfecte credit, qui quod credit non loquitur.* Et vltra. *Hic verus & congruus ordo, prius credere postea loqui, ne nondum credens audeat loqui, sed fidem sequatur confessio.* Hic discite Christiane, ad Confessionem fidei, ita nos esse obligatos, vt nunquam sit licitum negare, etiam cum manifesto vitæ periculo. Fuisse olim Hæreticos affirmantes, non peccare eos, qui in persecutionibus negant Christum externa voce, modo cum corde firmiter teneant, memorat Eusebius lib. 6. Histor. Eccles. cap. 37. Verum huiusmodi assertio falsa, tenebat enim firmiter corde Christum Petrus, quem confessus erat Filium DEI viui, quia tamen externa voce negauit, quis immunem à peccato dixerit? Hinc ipse Christus Matth. 10. *Omnis qui confitebitur me co-*

Matth. 16.

Matth. 26.

Marci. 14.

Luc. 22.

Ioan. 18.

ram



# CATECHESIS I.

15

ram hominibus confitebor & ego eum coram Patre meo, qui in cœlis est, qui autem negauerit me coram hominibus, & ego eum negabo coram Patre meo. Et August. Tract. 36. in Ioan. Quanta vita est confiteri Christum, tanta mors est negare Christum.

DIXERIS. Dum quis est apud infideles tempore persecutionis, potest fugere vel se occultare, quod patet exemplis Sanctorum. Paulus enim fugit ex ciuitate Damascenorum, dum ad mortem quæreretur. S. Athanasius fugit nauiculâ, & postea latuit in sepulchro Patris, sic & alij, imò Christus ipse fugiebat, Luc. 4. Ioan. 8. atq; ita præcepit Matth. 10. Cum vos persecuti fuerint in una ciuitate, fugite in aliam. Nemo itaq; cum periculo vitæ ad fidei confessionem obligatur. R. Potest fugere vel se occultare quis, tempore persecutionis, non tamen interrogatus fidem negare, aliud est enim fugere vel se occultare, aliud manifestè fidem negare. Immo qui fugit corpore, eo ipso videtur quodammodo confiteri, nam ideo fugit, ne compellatur negare quod confitetur. Ad quæsitum

Act. 9.  
2. Cor. II.

R. 2. Credere in DEUM, est mentem pie deuoteque ad summum omnium Creatorem, Gubernatorem, Prouisorem & Conseruatorem eleuare: qui omnia creauit, omnia gubernat, omnibus necessaria vitæ prouidet. Qui dat iumentis escam illorum, & pullis coruorum inuocantibus eum. Sed hîc obserua Christiane, triplicem actum credendi, distingui in ordine ad intellectum ex parte obiecti, vt aliud sit credere DEUM. Aliud credere DEO, atq; aliud credere in DEUM. Et quidem credere DEUM, est materiale fidei: credere Deo formale, est enim medium propter quod assentimur rebus credilibus, Credere in DEUM, est illud imperium voluntatis, quo intellectus mouetur & excitatur. Magister sent: ita explicat. Credere lib. 3. d. 23. Deo, est credere vera esse quæ Deus loquitur, quod & mali faciunt, & nos credimus homini sed non in hominem. Credere Deum, est credere quod ipse sit Deus, quod etiam mali faciunt. Credere in Deum, est credendo amare, credendo diligere, credendo in eum ire, & eius membris

Pf. 146.

incor-



## ARTICULUS I.

*incorporari, per hanc fidem iustificatur impius. Hic aliquis Catholici.*

OPPONET. Credere Deum, inter actus fidei non debet numerari, siquidem de ratione fidei est inevidentia, & quæ sciuntur non creduntur: porro DEUM esse, evidens est, & per scientiam habetur. Ethnici enim Philosophi nullam fidem habentes, de DEO multa locuti sunt, & demonstratiuè à posteriori DEUM esse probauerunt, quia ergo per scientiam teneatur, non creditur. R. 1. Quamuis de DEO per scientiam (quòd sit) teneatur, sola tamen fide teneatur quòd sit in vnitate trinus. R. 2. Quamuis Philosophi demonstratiuè sciuerunt DEUM esse, tamen qui demonstrationem de eo non habent, fide oportet apprehendere. R. 3. Cùm fides certitudine superet omnem rationem, licet scientiâ teneatur DEUM esse, credi tamen debet: tùm propter maiorem certitudinem, tùm propter meritum; omnis enim actus humanus procedens ex libero arbitrio moto per gratiam, est meritorius: & talis est actus intellectus assentientis veritati diuinæ, ex imperio voluntatis à Deo per gratiam motæ.

## QUANTVM AD SECVNDVM.

CHRISTIANE. Credere in Deum ratione ab ipso dotali obligamur: non propter aliquod eius commodum, cui nihil abesse aut adesse potest, sed propter nostrum profectum & utilitatem. Deus enim humanis manibus non colitur indigens aliquo, cùm ipse det omnibus vitam, & inspirationem & omnia, proinde Dauid Ps. 15. Dixi Domino, Deus meus es tu, quoniam bonorum meorum non eges. Credere ergo obligaris in Deum Christiane, propter tuam magnam utilitatem, & fructus quos fides vera profert. R. 1. Credens quippe exultabis lætitia inenarrabili & glorificata, reportato sine fidei tuæ, salute animæ. Et credenti in eum, qui iustificat impium, reputatur fides eius ad iustitiam, secundum propositum gratiæ Dei. Vita æterna credenti in scripturis repromittitur. Ioan. 6.

Qui



*Qui credit in me habet vitam æternam.* Hinc August: de verbis Domini. Nullæ inquit maiores diuitiæ, nulli maiores thesauri, nulli honores, nulla huius mundi maior est substantia, quàm fides Catholica, quæ peccatores iustificat, cecos illuminat, infirmos curat, pœnitentes reparat, Virgines, viduas, coniugatos casto pudore conseruat, Clericos ordinat, Sacerdotes consecrat, & in æterna Societate cum Angelis collocat. Lætificat illud Christi Ioan: II. *Qui credit in me, etiã si mortuus fuerit, viuet, & omnis qui viuit & credit in me non morietur in æternum.* Et quia obligamur diligere Deum super omnia, ex toto scilicet corde, credere autem in Deum est eum diligere, & is solùm credit in Deum, qui eum diligit, qui habet fidem charitate formatam, nam fides informis, facit illa quidem credere Deo & Deum, sed non in Deum. DEINDE. Cùm sine fide impossibile sit placere Deo, finisq; ad beatitudinem in clara Dei visione consistens, qui homini propositus est, cùm altior sit, quàm vt humanæ mentis acie perspicui possit, necesse est ipsius cognitionem à Deo per fidem accipere. Sed hîc

Deut. 6.

Catech. Pa-  
roch.

OBJICITUR. Si homo obligatur credere in Deum, ipsum credere est ad salutem necessarium: sed credere non ita ad salutem necessariũ, vt sine ipso non possit haberi, sufficit enim cognitio naturalis. Nam ad perfectionem vnicuiq; rei sufficiunt ea, quæ ei conueniunt secundum suam naturam. Ergo & homini ad perfectionem & salutem ea sufficere debent, quæ ei secundum eius naturam conueniunt. Ergo quæ superant naturam non sunt quærêda; credere autem in Deum excedit naturalem rationem hominis: nam & antiqui saluati sunt nondum habentes fidem, iuxta illud Gal. 3. *Priusquam veniret fides, sub lege custodiebamur conclusi.* & Sine fide in Deum nemo saluatur; & quia finis homini propositus excedit rationem naturalem, ideo & cognitio eius supernaturalis est necessaria. Neq; etiã perfectio creaturæ rationalis, in eo solo consistit quod ei competit secundum suam naturam, sed etiã in eo quod ei attribuitur ex quadam supernaturali participatione diuinæ

2. 2æ. q. 2. a.  
3. 1m.



## ARTICULUS I.

bonitatis. Neq; antiqui absq; fide in Deum sunt saluati, quod de illis ostendit Apostolus Hebr. ii. incipiens ab Abel, qui fide plurimam hostiam obtulit Deo. Cum verò dicit Apostolus *Priusquam veniret fides*, in eo loco accipit fidem pro rebus promissis in veteri testamento, q. d. priusquam venirent olim promissa, & iam isto tempore exhibita.

## QVANTVM AD TERTIVM.

**C**hristiane. Cum omnia quæ Deus reuelauit, & per suam Ecclesiam ad credendum proposuit, tum illa præcipuè duo prima Principia seu Mysteria debet ante omnia explicitè credere quisquis exoptat saluari, mysterium scilicet Trinitatis & Incarnationis. Quia enim per fidem in nobis vita æterna inchoatur, duo ista generalia principia fidei, ostenduntur Ioan. 17. *Hæc est inquit vita æterna, vt cognoscant & solum Deum verum, & quem misisti Iesum Christum*. Vbi cum dicit. *Vt cognoscant & solum Deum verum*, insinuat mysterium Trinitatis, vbi etiam particula exclusiua solus, secernit alias naturas ab vno vero in Trinitate Deo. Cum verò d. *Quem misisti Iesum Christum*, manifestè mysterium Incarnationis explicatur. Hæc eadem duo Principia insinuat Apost. in illo Hebr. ii. *Accedentem ad Deum oportet credere quia est, & inquirentibus se remunerator sit*. Oportet enim credere quòd Deus vnus est in Natura & Trinus in Personis: oportet item credere, quia remunerator sit per Incarnationem Filij sui, *per quem maxima & pretiosa nobis promissa donauit*, vt remunerationem beatitudinis per eum consequamur. Itaq; mysterium Trinitatis semper credi oportebat, quia in principio libri Genes. inculcatur. *Faciamus hominem ad imaginem & similitudinem nostram*, vbi tres Personæ, vnus Naturæ diuinæ insinuantur, Sed antiquis sufficebat implicita fides tanti arcani, quibus in parabolis datum erat nosse: sicut alia ita quoq; istud secretum, atq; in figuris omnia illis contingebant.

2. Petr. 1. *Iam verò in noua lege post tempus diuulgati Euangelij, omnibus*

Luc. 8.

1. Cor. 10.



nibus postquam ad annos discretionis peruenerint, explicite hoc mysterium necessitate medijs creditu est necessarium. Nam ex præcepto Apostolis dato, & docendi & baptizandi sunt omnes in nomine Patris, & Filij, & Spiritus Sancti. Et hoc mysterium, quod omnes, qui in Christo renascuntur, adipiscuntur, est fundamentum omnium fide Christiana credendorum; dicit enim S. Thomas, super reuelatione facta Apostolis, de fide vnitatis & Trinitatis, fundatur tota fides Ecclesiæ, confitentis. Qui cum vnigenito tuo & Spiritu Sancto, vnus est Deus, vnus est Dominus, non in vnus singularitate Personæ, sed in vnus Trinitate Substantiæ: quod enim de gloria Patris eo reuelante credimus, hoc de Filio, hoc de Spiritu Sancto, sine differentia discretionis sentimus. Vt in confessione veræ, sempiternæq; Deitatis, & in Personis proprietatis, & in Essentia Vnitas, & in maiestate adoretur æqualitas. Simili modo mysterium Incarnationis omni tempore ad salutem aliquo qualiter credi oportebat, sed nunc iam explicite, sicut ante peccatum Adam credidit, secundum quod ordinabatur ad consummationem gloriæ, ait S. Thomas. Post peccatum credebatur secundum quod ordinabatur ad liberationem hominis à peccato per passionem & resurrectionem, quod protestabantur illa Sacrificia. Post tempus diuulgati Euangelij, omnes tenentur habere explicitam fidem de ijs Christi mysterijs, quæ ab Ecclesia publicè Solemnizantur. Et ratio est, quia per quod homo salutem consequitur, illud semper credi oportuit: hoc enim proprie & per se ad fidem pertinet, per quod homo consequitur beatitudinem: talis autem est Incarnatio; cum non sit aliud nomen sub cælo datum hominibus, in quo oporteat saluos fieri, cui subscribit August. Illa inquit fides sana est, quâ credimus, nullum hominem liberari à contagio mortis; & obligatione peccati, nisi per vnum mediatorem Dei & hominum Iesum Christum: cuius hominis eiusdemq; Dei saluberrima fide, etiam illi iusti, sunt salui facti, qui priusquam veniret in carnem, crediderunt in carnem venturum. Hic necitur Catechistæ C 2 No-

q. 2. art. 7.

Act. 4.

Epist. 157.



## ARTICULUS I.

Nodus. Constat illud necessarium necessitate medij, sine quo nullo modo finis haberi potest: sicut baptismus omnibus ad salutem ita est necessarius, siue in re, siue in voto, iuxta illud Ioan. 3. *Nisi quis renatus fuerit ex aqua & Spiritu Sancto, non potest introire in regnum Dei*: siue medium istud culpabiliter siue inculpabiliter omittatur: nam sine culpa ipsorum infantum omittitur, qui tamen non saluantur. Porro absq; explicata fide mysterij Trinitatis multi salutem consequuntur, illi videlicet quos experientia docet tum rudes esse, qui quantumvis doceantur, & ipsi conentur addiscere, explicite tamen capere non possunt. Damnabimusne istos? absit. Ergo explicata fides Trinitatis, non est de necessitate medij. R. Verum est, inuenire tam rudes qui recto ordine secundum Origines Trinitatem Personarum pronuntiare non valeant, mente tamen & corde explicite concipiunt & retinent Patrem, Filium, & Spiritum Sanctum: nam & nos ipsi plura mente concipimus, quàm verbis effari valemus. Proinde condescendendum rudibus, in hac difficultate pronuntiandi distincte, ordine debito, tres in Deitate Personas, modo interno cordis desiderio mysterium teneant.

VRGEBIT Catechistam vltterius nodus iste, Docet enim S. Thomas purè negatiuam infidelitatem non esse peccatum, & eos qui nihil de mysterijs Trinitatis & Incarnationis audierunt incredulitate non peccare: & si damnantur, non propter huiusmodi infidelitatem damnantur, sed propter alia peccata. Ergo inculpabiliter prædicta mysteria ignorans non peccat. Ergo fides explicata & notitia eorum, non est de necessitate medij. R. Non solum est de necessitate salutis peccata vitare, & mala non agere, sed etiam bene facere: nemo enim fidelium negare potest bona opera esse media ad salutem. Quare transeat quod purè negatiua infidelitas non sit peccatum, illa tamen manente circa mysteria prædicta nemo saluatur, quia non tendit per fidem, tanquam per medium ad salutem.



## CATECHESIS II.

21

salutem. Fides itaq; explicita vtriusq; mysterij prædicti, est ad salutem necessaria necessitate mediij.

## CATECHESIS. II.

### DE INACCESSA MAIESTATE DEI.

**P**rimum in quod se extendit fides nostra, & lingua confite-  
tur, est Deus; idcirco de inaccessa eius maiestate ista for-  
matur Catechesis, in qua, tria expedientur.

*I. Quid nomine Dei importetur:*

*II. Quòd credendum, unum tantum Deum esse.*

*III. Quid ulterius de Deo credendum?*

### QUANTVM AD PRIMVM.

**C**hristiane, recte progredieris, cum primò in Deum te cre-  
dere profiteris, cuius maiestatis incomprehensibilitatem,  
cum ex innumeris Scripturæ Sacræ locis, tum ex Ierem. cap.  
23. audis. *Cælum & terram ego impleo*, dicit Dominus. Hinc  
Cyprianus in lib. de vanitate idolorum, *Dei inquit templum to-  
tus mundus est*. Et iterum. *Deus est totus ubiq; diffusus*. Sed quia  
Christiane quæris, Quid nomine Dei significetur, ineffabile  
& inexplicabile. I. S. Thomas in explicatione symboli fi-  
dei dicit. Nomen Deus nihil aliud significat quam *Gubernato-  
rem & Prouisorem rerum omnium*. Ab ipso enim (dicit Catech. Pa-  
roch.) *Omnia, ad omnes creatas res, atq; naturas, perfecta bona dima-  
nant*. Quem etiam Philosophi sapientem, veritatis authorem, iu-  
stum, beneficentissimum, & alijs nominibus appellarunt, quibus  
summa & absoluta perfectio continetur. II. Damascenus lib.  
I. cap. 12. dicit nomen Dei Græcè *Θεός* dictum à *θεῖν*, quod  
est currere, quasi discurrens per omnia creata, singula con-  
seruet & foueat, Sap. I. *Quomodo aliquid conseruaretur nisi tu vo-  
luisses?*



## ARTICULUS I.

luisse? vel ab αὐθεῖν, quod est ardere, seu vrere, quia Deus ignis dicitur. Vel ab ἀποτοῦ θεᾶσαι, quod significat prospicere, quia Deus omnia prospicit, Hebr. 4. *Omnia sunt nuda & aperta oculis eius*, Eccl. 23. *Oculi Domini multo plus lucidiores sole, circumspicientes omnes vias hominum &c.* Vide Christiane quid agas ante conspectum eius, Iob. 34. *Non sunt tenebræ, & non est umbra mortis, ut abscondantur ibi, qui operantur iniquitatem.* III. Sunt præterea hoc nomine Deus contenta, quæ soli ipsius maiestati conueniunt, & nulli creaturæ, sicut esse omnipotentem, omne bonum, omnia scientem, quia cognoscit omnia, præterita, præsentia, & futura, non per temporum vices, sed simul omnia præsentialiter. Quæ sint, quæ fuerint, veniantq; vno mentis cernit in ictu, canit Philosophia apud Bòetium. lib. 5. de Consol. Metro. 2. *Solus cognoscit & in se videt occultas hominum cogitationes.* IV. Nomen Dei, ut Nazian. Orat. 2. de Theol. d. significat principem quandam causam, quæ res omnes procreauit atq; conseruat. V. Nomen Dei significat Ens, quod est necessario, non ab alio, sed ab illo omnia. Exod. 3. Moyse dixit. *Ego sum, qui sum;* vsq; adeo, ut magis sit necessarium Deum esse, quàm possibile esse creaturas. Nam etsi creaturæ non essent possibile, Deum tamen fore esse necessarium. VI. Nomen Dei significat id, quo melius excogitari non potest, iuxta Anselm. in Prosolog cap. 2. Sed hic Catechistæ.

OBVIATUR. Frustra laboras circa explicationem nominis primi Entis, cui nullum nomen potest assignari, iuxta illud. Prou. 30. *Quod nomen eius, & quod nomen Filij eius si nosti?* Hinc Dionis. cap. 1. de diuin. nomin. d. *nec nomen, nec opinionem ipsius esse.* 2. Nomen, Primo Enti non potest dari, secundum quod in se est & perfecte: imperfecte tamen ex creaturis ipsi nomina dantur. Non potest inquam dari nomen Primo Enti secundum quod in se est, quia essentia eius est supra omne quo ipsum nominamus, & quod de illo intelligimus. Ex creaturis  
autem



autem sumuntur nomina & dantur Primo Enti, quæ ipsum quodammodo significant, sicut ex creaturis in eius cognitionem deuenimus.

## QUANTVM AD SECVNDVM.

**C**hristiane, Non te lateat errorem fuisse gentilium, qui plures deos colebant, quem errorem confutat Apostolus 1. Cor. 8. d. *Nullus est Deus nisi vnus*; nam etsi sunt qui dicantur dii, siue in cœlo siue in terra, (siquidem sunt dii multi & domini multi,) nobis tamen vnus est Deus. Manichæus Hæreticus duos excogitauit, vnum bonum à quo Spiritus sunt producti, alterum malum à quo corporalia. Alij diuinam substantiam in tres Personas diuisam voluerunt, qui & Tritheitæ sunt appellati, quasi deos colentes. Tu autem Christiane cum Symbolo Nicæno, fide Catholica vnum Deum confitere: quod ex Symbolo Apostolorum accepisti. Credo in Deum, id explicat symbolum Nicænum. d. Credo in vnum Deum, nam vnitas maiestatis plurium vocabulo deos prohibet appellari, ait Nazian. Si enim naturaliter vnaquaq; res vnitati studet, quid de maiestate Authoris rerum omnium sentiendum? elementa homogenea si in partes distrahas, illæ partes vniri & ad se redire conantur, quod in ipsis aquæ guttulis perspicuum est. Et cum vnum & bonum idem sint; Summum bonum, summè vnum esse est necesse. Pulchrè id Philosophia proponit Boëtio lib. 3. de consol. prosa. 11. *Nostine inquit omne quod est, tam diu esse atq; permanere, quamdiu sit vnum, sed interire atq; dissolui pariter, atq; vnum esse destiterit.* Et vnitas quidem cum permanentiam efficiat, Deus quoniam in æternum permanet, Ps. 101. *Ipsi peribunt, tu autem permanes & anni tui non deficient.* Exod. 15. *Dominus regnabit in æternum & ultra;* Deus igitur est summè vnus. Philosophus quoq; in 8. Phys. vnum principium primum omnino immobile asserit; & quod principium illud nisi Deus, cuius laudes celebrat Philosophia apud

Bernard. B.  
lib. 2. lit. M.



pud Bòet. lib. 3. metr. 9. d. O qui perpetua mundum ratione gubernas, terrarum cœliq; sator qui tempus ab æuo. Ire iubes, stabilisq; manes, das cuncta moueri. Deus nullâ specie motus, est mutabilis; non generatione & corruptione, quia non est generabilis nec corruptibilis, non augmentatione aut diminutione, cum non sit quantus secundum molem: non alteratione aut loci mutatione, cum sit ubiq;. Sed fortissimo robore Scripturarum unitas Dei conuincitur. Deut: 6. *Audi Israel Dominus Deus tuus, Deus vnus est.* Exod. 20. *Non habebis Deos alienos coram me,* Isai. 44. *Absq; me non est Deus,* Ephes. 4. *Vnus Dominus, vna fides.* Trismegistus in Pymandro. Monas inquit genuit monadem, Sanè verò si duo essent dii, necesse esset vnum non pendere ab alio; nam Deum verum intelligimus eum esse, qui à seipso non ab alio pendet; quòd si vnus ab alio non penderet, vnus esset & existeret contra voluntatem alterius, atque ita, æqua esset in omnibus potestas & imbecillitas, ait Athanasius. Par quidem potestas, quòd alter alterius voluntatem vinceret, eo ipso, quòd altero inuito esse posset. Par item imbecillitas, quòd nolentibus ipsis, ea quæ nollent euenirent, siquidem vnus non posset alteri resistere, ne contra suam voluntatem existeret. Hinc Tertullian. contra Marcionem, *Deus*, inquit, si non vnus est, non est. DEINDE, Deus est id quod est potentissimum, immutabilissimum, optimum, & pulcherrimum, impossibile autem est plura esse potentissima, immutabilissima, optima & pulcherrima, vel vt dicit Catechis. Paroch. Deo tribuimus summam bonitatem, & summam perfectionem; impossibile autem est, id quod summum est, atq; absolutissimum in pluribus inueniri, si autem alicui deest aliquid ad summum, imperfectum est, non potest igitur ei conuenire natura Dei. Sed aliquis ex gentilitate Catechistæ.

OBUIABIT. Possunt esse duo dii æque boni, æque potentes & perfecti, qui necessario mutuo se diligant. & Friuolum hoc



hoc & sine fundamento, nam duo isti, non solum ipsi à seipsis, sed etiam cætera omnia ab ipsis esse deberent. Aut ergo ab vno solo, sine altero possunt res fieri & conseruari, aut non. Si possunt, ille alius superfluous erit, quia sine illo omnia fieri possunt. Si ab vno solo, sine altero non possunt res fieri & conseruari, vterq; imperfectus: & imbecillis, Deitatisq; impos: dicere etiam eos inter se conuenire, vt quædam ab vno, quædam ab alio libera voluntate producantur, ridiculum est.

QUANTVM AD TERTIVM.

**C**hristiane, credere debes de Deo, quod & Ecclesia Catholica docet, quod sit plenus omni perfectione vsq; adeo, vt omnium rerum perfectiones in eo reperiantur. Nam vt Dionys. cap. 5. de diuin. nomin. d. *Deus in vna existentia omnia præhabet idq; perfectiori modo.* Ratio quia effectus præexistit virtute in causa efficiente: & quidquid præexistit virtute in causa efficiente, perfectiori modo præexistit. Deus igitur cum sit prima causa effectiua rerum, in ipso præexistunt perfectiones omnium rerum, modo perfectiori & eminentiori. Atq; secundum modum istum. Bernardus in serm. de omnibus sanctis d. *Miraris in sole splendorem, in flore pulchritudinem, in pane saporem, in terra fecunditatem? sed à DEo omnia ista dona sunt. nec dubium quin multo amplius reseruauerit sibi, quàm dederit creaturis.* Pulchrum, pulcherrimus ipse mundum mente gerens, similiq; ab imagine formans, ait Boët. lib. 3. de consol. Philos. metro 9. Quare Sap. 13. arguuntur Ethnici insanix, qui ob pulchritudinem creatam in rebus, creaturas deos esse putauerunt. *Quarum, inquit, si specie delectati deos esse putauerunt, sciant quanto his Dominator eorum speciosior est. Speciei enim generator omnia hæc constituit.* Credere debes Christiane DEUM esse Omnipotentem, sapientissimum, optimum. Omnipotentiam eius vbiq; celebrant scripturæ. Gen. 17. Abraham dixit. *Ego DEus omnipotens, ambula coram me. & esto perfectus.* Gen. 43. *DEus meus omnipotens,* Exod. 15. *Omnipotens*



## ARTICULUS I.

potens nomen eius, De sapientia eius plurima. Iob. 9. *Sapiens est corde & fortis robore.* Ps. 146. *Sapientia eius non est numerus, ita ut nihil eum latere possit.* Hebr. 4. *Omnia sunt nuda & aperta oculis eius,* Eccl. 23. *Circumspicit omnes vias hominum, & profundum abyssi & corda hominum intuentur oculi eius in absconditas partes.* Quamobrem Christiane coram sapientissimo, & omnia perspiciente DEO caue peccare. *Non sunt etiam tenebræ nō est umbra mortis, ut abscondantur ibi, qui operantur iniquitatem.* Speculator adstat desuper, qui nos diebus omnibus, actusque nostros prospicit à luce prima usq; ad vesperam, canit Ecclesia. Libros de consol. Philos. his verbis Boët. concludit. *Magna vobis si dissimulare non vultis indicta est probitatis necessitas, cum ante oculos agatis iudicis cuncta cernentis.* De bonitate DEI clarius est quam dici possit. Immo nemo bonus nisi solus DEUS. Luc. 17. eius bonitatem rogat Ps. 118. *Bonus es tu, & in bonitate tua doce me iustificationes tuas.* Thren. 3. *Bonus est Dominus sperantibus in eum, anima querenti illum.* sane verò, quia etiam omnes vult saluos fieri. Sed contra Catechistam.

INSURGES. Creaturarum perfectiones inter se pugnant, ut Spiritus & corpus; rationale & irrationale. Deus autem summè vnus. Quædam etiam sunt accidentia, at in DEO nullum accidens, non possunt de ipso affirmari, & deberent si in ipso essent: non enim dixeris, Deus est lapis, est albedo, nigredo &c. Quomodo igitur in DEO sunt omnes perfectiones creaturarum? R. Recta esset ista illatio, si perfectiones creaturarum in DEO esse formaliter concederetur: omnes enim perfectiones creaturarum sunt formaliter finitæ & limitatæ, in DEO autem nihil finitum & limitatum, quatenus finitum & limitatum. Itaq; licet perfectiones creaturæ non sint in DEO formaliter, sunt tamen eminenter, ut in causa efficiente: obiectiuè ut in intelligente: repræsentatiuè ut in idea & exemplari.



## CATECHESIS III.

## DE VIRTUTE CREANTE.

**P**ropter eos, qui sublimioris sunt intellectus & capacitatis, & præter vulgaria solent & affectant penitiora inspicere & inquirere, hæc tertia Catechesis proponitur, in qua Christianus tria à Catechista inquireret.

*I. An in solo DEO sit virtus creandi?*

*II. An aliqua creatura possit esse instrumentum  
DEI ad creandum?*

*III. Quis fructus ex horum consideratione?*

## QUANTVM AD PRIMVM.

**C**hristiane, ita est proprium DEI creare, vt nulla creatura possit produci, quæ in se habeat virtutem, vel minimam rem creandi; cum enim illi tantum causæ conueniat creare, quæ aliam vniuersaliorem causam non supponit, solus autem DEUS est eiusmodi, ad illum solum referenda rerum omnium creatio. Quare August. lib. 3. de Trin. c. 8. docet, *neq; bonos, neq; malos angelos posse esse alicuius rei creatores.* Et Achanas. serm. 3. contra Arianos. d. *Administrare creaturam & seruorum est, condere autem & creare solus DEI eiusq; Verbi & Sapientiæ.* DEINDE, creare est ex nihilo aliquid producere, requirit igitur virtutem infinitam: nulla verò creatura habet virtutem infinitam: quia quia limitatæ, & finitæ essentia, qualis est omnis creaturæ, non potest esse virtus infinita. Soli DEO honor iste à nobis deferatur, qui solus infinitæ est potentia, sicut & essentia, & omnia potest. *DEUS enim est immense virtutis, viuens & potens.* vt lib. 8. de Trin. dicit Hilarius. **PRÆTEREA.** Si aliqua creatura posset creare deberet esse spiritualis & nobilissima,



## ARTICULUS I.

omnium, eo quod creatio sit perfectissima actio transiens. si nobilissima creatura, liberè non necessario crearet, si liberè, certè in quantum intelligit & vult, qui sunt actus spirituales. Media autem intellectiōe & voluntate creata nihil potest creari, quia intellectio & volitio creata est accidens, non potest igitur esse principium creandi substantiam. DIXERIS. Perfectum est, quod potest sibi facere simile ex 2. de anima, Tex. 24. Ergo quanto aliquid perfectius, tanto melius facit sibi simile; creaturæ immateriales perfectiores sunt materialibus. Ergo melius sibi faciunt simile. Cum igitur materiales faciunt sibi simile, ignis ignem, homo hominem, certe substantia immaterialis potest creare immaterialem: non potest autem generare. Ergo creare. &. Autoritas Philosophi intelligenda est de viuentibus corporeis perfectis non orbatis, qualia sunt animalia & plantæ, quæ tunc perfecta dicuntur, quando secundum tempus, tale alterum, cuiusmodi sunt, producere queunt. Fallit autem in Deo & substantijs separatis, neq; enim Deus potest facere sibi similem alium Deum. quia implicat, neq; substantiæ separatæ possunt alias creare, in quo errauit Auicenna dicens quod prima substantia separata, à Deo creata, alias creauit. Potest & aliter responderi: duplex esse simile, vnum secundum substantiam, aliud secundum perfectionem. superadditam substantiæ, vt cum præceptor docet discipulum, facit eum sibi similem, non secundum substantiam, sed secundum perfectionem superadditam, id est secundum scientiam. Viuentia itaq; corporalia faciunt sibi simile secundum substantiam, viuentia verò spiritualia possunt facere sibi simile secundum perfectionem superadditam substantiæ, sed non secundum substantiam.

## QVANTVM AD SECVNDVM.

**C**hristiane, Etsi id controuersum est inter Doctores de quo  
inqui-



inquiris, nam affirmant non pauci cum Magistro sent. lib. 4. dist. 5. c. plurimum tamen est sententia excedere id dignitatem & conditionem creaturæ, ut assumatur à Deo tanquam instrumentum creandi, Etenim quod iam dictum est requiri infinitam virtutem ad creandum, creatura autem non est capax infinitæ virtutis, cum sit finitæ essentia & naturæ, quare nec instrumentum creandi fieri potest, DEINDE, ut instrumentum cum principali causa operetur ad effectum, oportet ex se habeat præuiam operationem aliquam, quod videre est in omnib9 instrumentis tam artis quam naturæ: sicut enim calor qui est instrumentum naturale ignis, habet ex se præuiam operationem ad producendum alium ignem, ita securis quæ est instrumentum artis, ex se præuiam habet operationem ad secandum. Porro nulla creatura potest habere præuiam operationem ad creandum aliquid. Etenim cum nihil præcedat rei quæ creatur, nullum etiam est subiectum, circa quod instrumentum præuia sua operatione operetur. Præclare proinde Cyrill. lib. 2. contra Iulianum *Inaccessa* inquit *naturæ sunt ea, quæ propria sunt solius, & omnium summæ substantiæ, quem unum esse dicimus efficaciter operari posse, ut Creatorem, & producere res, quæ aliquando non erant.* Quare sicut solius Dei est creare, & ex nihilo aliquid producere, ita nullam creaturam esse capacem virtutis instrumentalis ad creandum confitendum est; solus propria virtute sine adminiculo alicuius instrumenti, verbo suo creauit omnia, cuius verbo cæli firmati sunt, atq; portat omnia uerbo virtutis suæ, per quod omnia facta sunt, & sine ipso factum est nihil. Inde Mercurius ille Trismegistus in Pymandro Tacium filium suum adhortatur. *Mundum, inquit, verbo non manibus fabricatus est artifex, hoc verbum o fili cole & adora.* Hic quoq; Catechista,

Psal. 34.

Hebr. I.

Ioan. I.

al. opifex.

OBIICITUR. Verba Sacerdotis sunt instrumenta: illa autem verba attingunt creationem totius substantiæ corporis Christi, quia attingunt efficaciter transubstantiationem pa-



nis in corpus Christi, creatura ergo assumitur ut instrumentum creationis, & Transubstantio illa non potest dici creatio, non ideo solum quia est ex termino positiuo, creatio autem est ex nihilo, sed quia non est productio termini ad Quem, neq; enim transubstantiatio est productio, sed ordo est quidam vnus transeuntis in aliud, panis in corpus Christi, Vide Vasquez. 1. p. disp. 176. n. 38. m.

### QUANTVM AD TERTIVM.

**C**hristiane, si deuotè consideras rerum, totiusq; vniuersi creationem, multos inde fructus reportabis, Primò quidem peruenies ad cognitionem diuinæ Maiestatis, ostendit autem ratio naturalis opificem eminere operibus suis. Si DEUS Creator vniuersorum, quanta eius præ omnibus eminentia! Solis & Lunæ aliquantum, præ inferioribus videntes pagani eminentiam deos esse putauerunt, sciant quanto his Dominator eorum Speciosior est, aut si virtutem & opera eorum mirati sunt, intelligant ab illis quoniam qui hæc fecit, fortior est illis. Vnde quidquid potest esse aut cogitari, minus est DEO: quoniam Magnus est Dominus, & laudabilis nimis, & magnitudinis eius non est finis. DEINDE cognosces Creatoris bonitatem, simulq; ad gratiarum actionem concitaberis: sciens enim DEUM esse creatorem omnium, scies ab eo omnia tibi data; nam quidquid es, & quidquid habes, ab ipso est, ideo debes ei gratiarum actionem. Quid retribuam Domino (ait iustus) pro omnibus quæ retribuit mihi? PRÆTEREA firmaberis in patientia. Etenim cum omnis res secundum naturam suam sit bona, quoniam est à DEO, tamen si in aliquo tibi noceat & inferat pœnam, patienter ferre oportet, quia est à DEO, & omnis pœna quæ à DEO est, iusta est, & ad tuum commodum, nam pœnæ purgant peccata, humiliant reos, bonos prouocant ad amorem DEi. Iob. 2. Si bona inquit suscepimus de manu DEi mala quare non sustineamus? INSUPER, habes instructionem rectè uti creaturis, ad hoc nimirum, ad quod factæ

Sup. 13.

Psal. 144.

Eccl. 4. v. 7.

August. lib. 1.  
Retract. c. 9.



factæ sunt; sunt autem factæ creaturæ ad duo, ad gloriam DEI: Prou. 16. *Vniuersa propter semetipsum operatus est Dominus:* ad vtilitatem nostram, Deut. 4. *Quæ fecit Dominus in ministerium cunctis gentibus:* proinde quidquid habes totum ad gloriam DEI conferre debes. POSTREMÒ inde perspicies dignitatem humanam, cum propter hominem omnia facta sint. Gen. 1. *Faciamus hominem ad imaginem & similitudinem nostram,* ut præsit piscibus maris volatilibus cæli, & vniuersæ terræ. DEUS ipse Dominus est vniuersorum, hominem fecit ad imaginem & similitudinem suam, tanquam alterum dominum vniuersorum, omnia subiecit sub pedibus eius. Quare vide Christiane, ne dignitatem tuam per peccata diminuas, ut de te dicatur. *Homo cum in honore esset non intellexit, comparatus est iumentis insipientibus, & similis factus est illis.* Psal. 48.

QUÆSTIO. Cùm DEUS ab æterno sit, cur non ab æterno creauit mundum, quia definito annorum numero mundus existere narratur? si enim potuit ab æterno creare, qui semper idem potens, cur non ab æterno creauit? ipseque mundus potuit esse ab æterno. R. Potuit DEUS ab æterno mundum creare, mundusque potuit ab æterno esse, nulla implicantia, non tamen ab æterno, sed in tempore & cum tempore creauit, quia *DEUS est agens voluntarium, omnia quæcunque voluit fecit.* S. Thom. Opus. 3. cap. 98. Psal. 113. qui licet habuit voluntatem æternam producendi aliquem effectum, non tamen aliquem effectum æternum produxit. Ita Damasc. lib. I. c. 8. Creatio in DEO cùm à voluntate proficiscatur, DEO profectò coæterna non est, quandoquidem hoc naturæ minimè comparatum est, ut quod ex nihilo in ortum producit, eandem cum eo quod principij expers est, ac sempiternum est, æternitatem habeat. Mundum non ab æterno sed in tempore, & cum tempore produxit DEUS, quia hoc manifestius ducit in cognitionem diuinæ potentiae creantis, quòd mundus non semper fuit, quàm si semper fuisset. Omne enim quod non semper fuit, manifestum est habere cau-

S. Thom. Opus.

3. cap. 98.

Bonau. in 2.

dist. 1. q. 2. b.

R. 35.

1. p. 7. 46. c.

1. 6m.

re cau.



re causam, sed non ita manifestum est de illo, quod semper fuit. Et hoc indicat scriptura dicens. *In principio creauit Deus cælum & terram*: in principio scilicet temporis, vel vt aliter exponitur. *In Filio*, in quo condita sunt vniuersa, sicut enim principium effectuum appropriatur Patri, propter potentiam, ita exemplare principium Filio propter sapientiam. Psal. 103. *Omnia in sapientia fecisti.*

Coloss. I.

## CATECHESIS IV.

## DE CREATIONE VISIBILIVM.

Scriptura dicit. *In principio creauit Deus cælum & terram*; idem Symbolum Apostolorum proloquitur. *Credo in Deum Patrem Omnipotentem creatorem, cæli & terræ.* Porro Symbolum Nicænum duplicem creaturam à Deo productam distinguit, dum confitetur Deum esse factorem visibilium & inuisibilium, i. corporalium & Spiritualium. Et quia à notioribus omnis doctrina sumit exordium, vt in i. Phys. docet Philof. visibilia autem seu corporalia notiora sunt nobis inuisibilibus & spiritualibus, ideo Christianum, Catechista primo de creatione visibilium seu corporalium in hac Catechesi instituere conabitur, in qua tria inquireret Christianus.

I. *Quare credendum vnum tantum mundum esse creatum?*

II. *Quanto tempore mundus visibilis creabatur?*

III. *Quid mysticè in hoc considerandum?*

## QUANTVM AD PRIMVM.

Christiane, equidem potuit Deus, & adhuc potest pro sua absoluta potentia aliud vniuersum, solo numero distinctum, cum alijs cælis, elementis & mixtis producere: fide  
tamen



tamen diuina, sicut credis vnum esse DEUM, factorem omnium tam visibilium quam inuisibilium, pariter crede vnum vniuersum seu mundum ex visibilibus & inuisibilibus conflatum ab eo productum. Id mihi ex scripturis persuasum. quæ semper & ubiq; de vno mundo loquuntur. nec vsptiam plurimum mundorum meminerunt. Natura quoq; vnum desiderat, illudq; omni conatu inquit, vt lib. 3. de consol. prosa. 11. Boët. inculcat Philosophia, testatur Mercurius ille Trismegistus in Pymandro, Dialogo 4. d. *Monas genuit monaden, & in se suum reflexit ardorem.* i. vnus DEUS, vnum mundum propter sui amorem creauit, vt exponit S. Thom. 1. p. q. 32. a. 1. 1m. DEINDE. Cùm DEi sapientia & prouidentia mundus administretur, & omnia vno ordine ad vnum ordinentur, manifestum est, vnum esse mundum, cuius vnitatem tam concinna & suavis harmonia proficitur, vbi omnia ad se inuicem & ad DEUM ordinantur. PRÆTEREA. cùm *omne agens agendo intendat finem.* profectò ipse DEUS mundum fabricando: pluralitas autem mundorum repugnat rationi finis, quæ cùm sit materialis tendit in infinitum: nemo proinde dixerit plures mundos esse à DEO creatos. Sed quidpiam.

1. p. q. 47. a.  
3. c. 1m.

2. Phys. c. 8.

OBJICIET. DEUS semper facit quod melius est, cùm sit ipse optimus, minimeq; boni inuidus, & naturam ad hoc instituit, vt quod melius est faciat, multo igitur magis ipse; melius est autem plures mundos esse quàm vnum, quia plura bona meliora sunt paucioribus. Ergo plures mundos DEUS creauit, quantum vis nobis non sint cogniti. & Democritus infinitos mundos posuit, non ex sapientia ordinante, sed ex casu; verùm istud friuolum. Quòd si dicantur meliores plures mundi quàm vnus, secundum multitudinem materialem dicerentur meliores; iam verò tale melius non est de intentione agentis ad finem, ex quo nullum agens intendit pluralitatem materialem ad finem.



## QUANTVM AD SECVNDVM.

**C**hriftiane. S. Auguftinus lib. 4. de Genef. ad lit. c. 22. & lib. 11. de Ciuit. c. 9. affirmat vno die & vno instanti mundum & omnia quæ in eo funt à Deo producta effe. Communis tamen via Doctorum & Ecclefie laudat Sapientiam Creatoris, qui mundum fucceffiuè, fex dierum fpatio condidit & formauit. Atq; in hac via funt plurima, Chryfoft. Homil. 3. in Gen. Ambrof. lib. 1. Hexam. c. 7. Bafil. in Hexamero. Nazian. orat. 43. Hoc ipfum fcriptura teftatur tum in principio Gen. tum Exod. 20. Sex diebus inquit fecit Dominus cælum & terram, & mare, & omnia quæ in eis funt, & quieuit die feptimò. Quare in huius rei memoriam, Iudæis præceptum erat datum, de fânctificatione feptimi diei feu Sabbati. Itaq; vt edifferamus fabricam mundi vifibilis, iuxta feriem dierum in Genef. defcriptam fic procedamus. **PRIMA** die, creauit Deus cælum, terram & aquam, prout in Gen. legitur. *In principio creauit Deus cælum & terram, terra autem erat inanis & vacua, & tenebræ erant fuper faciem abyffi.* Cælum itaq; Empyreum in quo Maieftas DEi à beatis cernitur in primo instanti creauit Deus: per abyffum intellige aquam nimiam, quæ totum fpatium à terra vfq; ad illud ipfum cælum impleuerat. Eadem die creauit Deus lucem vt narrat fcriptura, *Dixit Deus fiat lux & facta eft lux, & vidit Deus lucem quòd effet bona, & diuifit lucem à tenebris, appellauitq; lucem diem, & tenebras noctem, factumque eft vefpere & mane dies vnus.* Quæ fuerit illa lux, multam quæftionem inter fe faciunt Doctores, verum quæcunq; illa fuerit, ab oriente in occidentem difcurrens fucceffiuè illuminabat tenebras. Eadem Die conftituit Deus infernum pro fupplicio malorum Angelorum; qui prima die peccauerunt. **SECUNDA** die produxit Deus firmamentum, id eft aggregatum ex aère, igne, & omnibus cælis mobilibus, ex aqua: ita fcriptura narrat. *Dixit Deus fiat firmamentum in medio aquarum,*  
& di-



# CATECHESIS IV.

37

Et diuidat aquas ab aquis, Et fecit DEUS firmamentum, diuisitq; aquas quæ erant sub firmamento, ab his quæ erant super firmamentum, Et factum est ita: vocauitq; DEUS firmamentum cælum, Et factum est vespere Et mane dies secundus; Hoc recoleus Ecclesia canit, Imense cæli Conditor. Qui mixta ne confunderent Aqua fluentia diuidens, Cælum dedisti limitem. Esse autem aquas super cælos, affirmat scriptura. Psal. 148. Aqua omnes quæ super cælos sunt, laudent nomen Domini. Daniel. 3. Benedicite aquæ omnes quæ super cælos sunt Domino. TERTIA die discooperiendo terram, congregauit DEUS aquas in locum vnum, produxit plantas, & arbores. Dixit DEUS, congregentur aquæ quæ sub cælo sunt in locum vnum, Et appareat arida. Hinc Ecclesia canit. Telluris alme Conditor, Mundi solum qui separans. Pulsis aquæ molestijs Terram dedisti immobilem, &c. Eadem die paradisum DEUS plantauit, in quo postea posuit hominem, Gen. 2. Plantauerat Dominus DEUS paradisum voluptatis à principio, in quo posuit hominem quem formauerat. QUARTA die produxit DEUS omnia astra, solem, lunam & stellas. Fecit inquit DEUS duo luminaria magna, luminare maius, ut præesset diei, Et luminare minus ut præesset nocti, Et stellas. Ecclesia canit. Quarto die qui flammeam, Dum solis accendis rotam, Lunæ ministras ordinem. Vagosq; cursus siderum. Magna luminaria vocantur sol & luna, ob magnam virtutem & efficaciam eorum in hæc inferiora. Hic Christiane contemplantur bonitatem Creatoris, qui ob tuas utilitates & commoda astra creauit. Primo ut tibi luceant super terram; deinde ut diuidant diem ac noctem & sint in signa, & tempora, & dies & annos, tandem, ut sint in signa, id est, ut indicent æris tempestates, ventum, pluiam, serenitatem, opportunitatem seminandi, metendi, arandi, prout Astrologi ex ipsis cognoscunt, & prognosticant, ita explicat S. Thomas 1. p. q. 70. a. 2. 1m. QUINTA die produxit DEUS pisces & aues ex aquis Gen. 1. Creauit DEUS cete grandia, Et omnem animam viuentem atq; motabilem, quam producerunt aquæ in species suas, Et omne volatile secundum genus suum.



## ARTICULUS I.

Et canit Ecclesia. *Magna, DEUS potentia, qui fertili natos aqua, partim relinquit gurgiti; Partim leuas in aëra.* SEXTA die, produxit DEUS animalia terrestria, bestias, & hominem, tanquam Dominum vniuersorum in consilio Ss Trinitatis. *Faciamus hominem ad imaginem & similitudinem nostram, & præsint piscibus maris, & volatilibus cœli, & bestiis vniuersisq; terræ. &c.* Contemplanre Christiane benignitatem Creatoris erga hominem, quem in tantum honorauit, vt quasi alterum DEUM vniuersorum constituerit, propterea eum etiam vltimo creauit, tanquam opus perfectissimum, & complementum omnium operum manuum suarum. Ordinem seruauit DEUS creando videntia, ab imperfectis progrediendo ad perfectiora. Primo enim produxit plantas, secundo pisces, tertio aues, quarto animalia terrestria, quinto denique hominem, in quem tanquam in epithomen & paruum mundum omnia opera magni mundi colligeret. Hinc Ecclesia, *Hominis supreme Conditor, Qui cuncta solus ordinans, Humum iubet producere, Reptantis & ferae genus.*

DICES. Scriptura Eccl. 18. affirmat omnia producta vno momento temporis, nec fuisse distributum per sex dies opus creationis. *Qui inquit, viuit in æternum, creauit omnia simul.* aliud ergo per sex dies in scriptura positos, præter successivum spatium temporis intelligi debet, præterea DEUS omnipotentia sua, an non potuit vno momento omnia absq; tanta mora producere? R. Creauit DEUS omnia simul, quia æquali potentia; vel simul omnia creauit, quia omnes species rerum, ita in principio mundi creauit, vt amplius novas species non creet. Compleuit enim die septimo opus suum quod fecerat, & requieuit die septimo, i. amplius novas species non creauit, Quod autem tam lentè progressus fuerit per sex dies producendo, cum vno momento potuerit totum, sit pro ratione voluntas eius, quâ omnia quacunq; voluit fecit.

*Psal. 113.*

QVAN-



## QUANTVM AD TERTIVM.

**C**hristiane, quem vides ordinem servatum à Deo in productione magni huius mundi, qui constat cœlo, terra, elementis & mixtis, eundem considera servari ab ipso, in reparatione lapsi mundi parvi, id est in iustificatione peccatoris; id ita perpende. In creatione magni mundi, audis prima die productam esse lucem, ad dispellendas tenebras, quæ erant super faciem abyssi: & quia peccator tenebris mentis obnolutus est, Eccl. II. *Error & tenebra concreatæ sunt peccatoribus*, i. Ioan. 2. *Qui odit fratrem suum in tenebris est*; ideo D E U S, cuius omnipotentia misericordia est, primo creat lucem, id est infundit menti peccatoris illuminationem, qui cognoscat semetipsum, statum & pericula. 2. Cor. 4. *Deus qui ducit de tenebris lucem splendescere, ipse illuxit in cordibus nostris*, q. d. qui prima die fecit lucem ad dispellendas tenebras, idem illuminat corda nostra ad cognoscendum statum peccati, quam lucem petebat ille, Ps. 12. *Illumina oculos meos, ne unquam obdormiam in morte*. Et quia secunda die produxit firmamentum, quo diuisit aquas superiores ab inferioribus, ita dum iustificat peccatorem, producit firmamentum, id est timorem, à quo poenitentia concipitur, vt dicit August: Hoc firmamentum diuidit aquas superiores & inferiores, id est appetitum rationalem à sensitivo, vt homo qui sensu ad terrena inclinatur, ratione & mente ad cœlestia tendat, vt *quæ sursum sunt sapiat, non quæ super terram*. Absq; firmamento fuissent omnia confusa, sine timore non fit iustificatio. Firmamentum istud expetebat ille Psal. 118. *Confige timore tuo carnes meas*. Tertia die, congregauit Deus aquas discooperiendo terram, & produxit de terra plantas, Homo peccator operitur aquis concupiscentiæ, & nullum affert fructum bonum. *Concupiscentia enim cum conceperit parit peccatum*: dum iustificat D E U S peccatorem congregat aquas, id est mortificat concupiscentiam per gratiam ne opprimat ani-

Coloss. 3.

Eccl. 1.

Iacob. 1.



## ARTICULUS I.

mun, ut is fructus bonos afferat. Quarta die produxit DEUS in cœlo solem, lunam, & stellas: iustificando peccatorem. producit solem, id est charitatem, lunam, firmam fidem; hesperum spem diuinæ misericordiæ, de quibus illud. 1 Cor. 13. *Nunc manent fides, spes, charitas.* Quinta die produxit DEUS ex aqua pisces & aues: in iustificatione peccatoris dat humilitatem profundam, quâ cum piscibus profunda petas & humilia; dat contemplationem cœlestium, quâ cum auihus petas sublimia, Philip. 3. *Nostra conuersatio in cœlis est.* Sexta die creauit hominem ad imaginem & similitudinem suam: hic Christiane oportet agnoscas bonitatem DEI; qui te ad imaginem suam fecit, iam collapsum restaurat & iustificat, absterlis per gratiam sordibus peccatorum. imaginem suam donis Spiritus Sancti & charismatibus collustrat. Quantum debeas Creatori & restauratori contemplare. Magister sent. lib. 2. dist. 1. d. *Si queratur ad quid facta est creatura rationalis? R. ad laudandum DEUM, ad seruendum ei, ad fruendum eo, in quibus proficit ipsa non DEUS.* Sed Christianus ex Catechista.

QUÆRET. Cur scriptura dicit, DEUM post opus sex dierum requieuisse, num fatigatus creando fuit? R. Propter eruditionem tuam id scriptura dicit. sex diebus operatus est, septimo requieuit qui non fatigatur, ut auarus discat, post laborem sex dierum & curas temporales, septimo die requiescendum in laude DEI & gratiarum actione pro beneficijs ab eo acceptis. Id scriptura docet Exod 20 *Sex diebus operaberis, & facies omnia opera tua, septimo autem die Sabbatum Domini DEI tui est.* Disce etiam Christiane, post labores, afflictiones & tædia huius vitæ requiem in futuro seculo pijs & DEUM diligentibus repositum esse, Hebr. 4. *Itaq; Sabbatismus relinquitur populo DEI, id est, gaudium cœleste figuratum per Sabbatum veteris legis.*



## CATECHESIS V. DE CREATIONE HOMINIS.

**Q**uod si mundus iste visibilis propter hominem creatus est, tanquam palatium propter regem, in quod in-  
tronizandus erat, ut ponderat Nazian. Orat. 43. ideo cognitâ  
fabrica mundi, nunc de homine specialiter Christianus imbui  
à Catechista expetit, à quo tria de hominis creatione in ista  
Catechesi percipiet.

- I. *Qualis homo creatus quoad substantiam?*
- II. *Qualis quoad gratiam?*
- III. *Qualis quoad dominium?*

### QUANTVM AD PRIMVM.

**C**hristiane, hic in primis considera vilitatem & dignitatem  
conditionis humanæ, Vilitatem ne te supra te efferas: Di-  
gnitatem ut bonitatem creatoris agnoscas, ipsum ames, & lau-  
dibus celebrare non desinas. Quare considera hominem ex  
duplici substantia conditum, una corruptibili altera incorru-  
pibili, ex corpore & Spiritu. Nam ex limo terræ, ita homi-  
nem corpore efficit Deus, & constitutum effinxit, ait Catech.  
Paroch. ut non quidem naturæ ipsius vi, sed diuino beneficio  
immortalis esset, & impossibilis, dicente scriptura. *DEUS cre-*  
*auit hominem inexterminabilem*: atq; corpori ex terra formato  
inspirauit Deus animam rationalem. *Formauit*, inquit scriptu-  
ra, *Dominus hominem de limo terræ, & inspirauit in faciem eius spir-*  
*aculum vitæ, & factus est homo in animam viuentem.* Atq; hæc anima  
rationalis est forma corporis, sicut in brutis anima sensitua,  
quâ sentiunt internè ex externè; & in arboribus anima vege-  
tatiua quâ vegetantur, nutriuntur & crescunt, ita in homine  
anima rationalis quâ primo intelligit est eius forma. Et enim  
illud

Sap. 2o

Gen. 2o



## ARTICULUS I.

*illud quo primo aliquid operatur, est forma eius, cui operatio attribuitur, homini autem attribuitur intelligere, & non alio intelligit quàm anima rationali, illa proinde est forma hominis.* Cur vero in creatione hominis animam rationalem vnuerit Deus corpori, triplicem rationem assignat Magister sent. Vna quia sic Deo placuit, & voluntatis eius inquit causa querenda non est. Deinde quia hoc fieri conueniebat in signum futuræ beatitudinis, quia vnio Spiritus & carnis ostendit possibilem vnionem animæ humanæ cum Deo, Tandem quia anima corpori mortali vnita, potest proficere ad maius meritum quàm si separata mansisset, sed hic sagax Christianus ex Catechista.

*QUÆRET.* quia alia est anima vegetatiua in arboribus, quâ viuunt, nutriuntur & crescunt: alia sensitiua in animalibus, quâ sentiunt: alia rationalis in homine, quâ intelligit, num in vno homine tres animæ, quia operatio arguit formam? *R.* vna tantum secundum essentiam rationalis, quæ officijs omnium fungitur, axioma autem illud veritatem frequentius obtinet, quando huiusmodi operationes elucent in diuersis subiectis, non autem cum in eodem porro hæc anima rationalis est tota in toto homine, & tota in qualibet parte corporis totalitate perfectionis & essentix, quamuis non secundum totalitatem virtutis, *diuersa enim operatur in diuersis membris*, per oculus videt, per aurem audit &c.

*OBSERUA* Christiane rationes, ob quas anima hominis dicitur creata ad similitudinem DEI, Prima quidem quia sicut Deus immortalis, ita & anima humana: deinde sicut Deus est ubiq; totus & vnus implens omnia, sic anima est tota in toto, & tota in qualibet parte; tertio sicut Deus in dissimilibus creaturis dissimilia operatur, ita & anima: quartò, sicut Deus est vnus in Essentia Trinus in Personis, ita vna anima tribus prædita potentijs, memoriâ, intellectu & voluntate. Et intima horum consideratione istos reportabis fructus. Primò vt diligas Deum, qui benigna voluntate sua, sibi te assimilauit, si enim



enim similis es DEO, attentius ipsum dilige, ita enim *omne simile diligit sibi simile*; secundo ut imagini DEI in te condignum exhibeas honorem. Eccl. 10. *Fili in mansuetudine serua animam tuam, & da illi honorem secundum meritum suum*, tertio ut cui similis es in natura, studeas similis esse in gratia & gloria: etenim cum apparuerit similes ei erimus, quia *videbimus eum sicuti est*. 1. Ioan. 3.

### QUANTVM AD SECVNDVM.

CHRISTIANE, primus homo creatus fuit in gratia, Eccl. 7. *Deus fecit hominem rectum*, id est gratia Sanctificante, quæ illi simul cum natura data fuit. Vnde Concil. Trid. Sess. 5. can. 1. *Si quis inquit, non confitetur primum hominem Adam, cum mandatum Domini fuisset in paradiso transgressus, statim sanctitatem & iustitiam in qua constitutus fuerat, amisisse, Anathema sit*. Ius enim vitæ æternæ non potest haberi nisi per gratiam sanctificantem, quod ius Adam habuit ante peccatum, & per peccatum amisit tam sibi quam posteris, ut loco prædicto. Can. 2. dicit Concil. *Si quis Adæ præuaricationem, sibi soli & non propagini eius asserit nouisse, & acceptam à DEO sanctitatem & iustitiam quam perdidit, sibi soli & non nobis etiam perdidisse. Anathema sit*. DEINDE creatus fuit in iustitia originali, quæ subiciebat animam DEO, partes inferiores superiori, id est corpus animæ; hinc immortalis erat homo, qui si non peccasset: nunquam mortuus fuisset, sed sine morte translatus fuisset ad visionem beatam, & hæc immortalitas non fuisset homini naturalis sed supernaturalis. lib. 6. de Gen. ad lit. cap. 26. August. dicit. *Mortalis erat conditio animalis, immortalis beneficio Creatoris*. Quare iustitia originalis data erat primis parentibus ea lege, ut ex illis in posteros cum natura simul deriuaretur si non peccassent: & quia peccauerunt amiserunt illam nobis, quæ continebat tria dona supernaturalia: quædam in anima scilicet in intellectu & voluntate, qualis gratia sanctificans, fides, spes, charitas: quædam in ap-



petitu irascibili & concupiscibili; quibus passiones animi componebantur: quædam postremò in corpore, contra mortem erat immortalitas, & à nocuentis conservatio. Atq; hæc iustitia originalis fuit habitus supernaturalis subiciens corpus  
 1. p. q. 94. a. animæ, potentias inferiores rationi; & rationem Deo, pro-  
 1. q. 100. a. 1. pagataq, fuisset cum natura. Sed Christianus explorando.

3m.

DICET. Quatuor virtutes cardinales immediatè comitantur gratiam, has autem primi parentes quia non habuerunt, nec gratiam habuerunt. Nam in primis iustitiam non habuerunt, quia præceptum DEI contempserunt: prudentiam non habuerunt, quia circumspècti non fuerunt; non temperantiam, quia aliena appetuere: non fortitudinem, quia prauæ suggestioni succubuere. & profectò Adam virtutes istas non habuit quando peccauit, peccando enim eas amisit, quas ante peccatum integras habuit, Hic quoq; Christiane.

OBSERUA. Statui iustitiæ & innocentie originalis connaturalis fuisse donum scientiæ tam naturalis, quàm supernaturalis: naturales quidem veritates omnes nouerunt, primi parentes, in supernaturalibus decipi non poterant; ita enim benignus Conditor, *disciplina intellectus repleuit eos*, dicit Ecclesiasticus, c. 17. DICES. decepti tamen sunt, nam Eua Gen. 3. fatetur, *serpens decepit me*. & Eua fuit decepta, non in statu innocentie sed in statu peccati, quia in ea iam præcesserunt peccatum superbiæ, internæ elationis, cum enim se fore similem Deo audiuit, non statim credidit, sed voluntas prius deprauata & ambitione corrupta fuit, deinde illa traxit intellectum in errorem & deceptionem, ita enim error & tenebræ concreata sunt peccatoribus: hinc August. lib. 3. de lib. arb. cap. 12. *Approbare vera pro falsis, non est natura instituti hominis, sed pœna damnati*: & Apost. 1. Tim. 2. *mulierem seductam esse in prauaricatione non ante prauaricationem*.

QVAN-



## QUANTVM AD TERTIVM.

**C**hristiane, Conditor DEUS ita hominem gloria & honore coronavit, ut eum dominum verum omnium constituerit; tradidit manui & potestati eius omnia animalia, ut præsint piscibus maris, volatilibus cæli, & uniuersis animantibus quæ mouentur super terram. Et hoc quidem naturale dominium hominis, fundatum est in dignitate imaginis & similitudinis ad DEUM. Et ratio horum est, quia diuina prouidentia inferiora per superiora gubernat, homo autem superior est animalibus & ceteris inanimatis, cum sit ad imaginem Dei factus, ideo Dominus & gubernator omnium constituitur. Quapropter etiam in isto statu naturæ vitiatæ, vniuersa animalia ex primo aspectu horrent hominem tanquam Dominum sibi præpositum. Gen. 9. Noacho & filiis eius dictum. *Terror vester ac tremor sit super cuncta animantia terræ, & super volucres cæli, cum vniuersis quæ mouentur super terram.* Peccatum etiam in hac parte multum nocuit homini; nam in statu naturæ integræ, hoc dominium naturale multo perfectius conueniebat homini quàm nunc, nunc enim solum illi conuenit quoad ius & potestatem, tunc autem quoad vsum & executionem animalibus imperasset, plantis & animatis vsus fuisset absq; impedimento; si homo obediens permansisset Deo, omnia animalia ad imperium & nutum obediissent homini. Vide Christiane quanti meriti & pretij obedientia, *Vir obediens loquetur victoriam*, quantæ damnationis inobedientia! *Eiecit Dominus DEUS hominem de paradiso voluptatis*, quid nisi propter inobedientiam? omnia animalia non solum siluestria, sed etiam domestica reluctantur homini, quid nisi in pœnam inobedientiæ?

**QUÆSIERIT** Christianus. In statu innocentiae, si homo super homines, aut etiam super Angelos dominium habuisset? ratio dubitationis est, quia, si in hoc statu Angeli sunt in seruos hominum dati, iuxta illud Hebr. 1. *Omnes sunt administra-*

Psal. 8.

Gen. 1.

Prov. 21.

Gen. 3.



## ARTICULUS I.

*torij Spiritus, in ministerium missi, propter eos qui hereditatem capiunt salutis. Quid impedit in statu illo naturæ integræ hominem habuisse dominium super Angelos? R. Nullum dominium conuenire potest homini super Angelos, cum Angelus superior sit natura, neq; hoc ex verbis Apostoli elici potest: non enim ille dicit Angelos mitti ut seruos hominum, sed ad ministerium Deo exhibendum, circa procurandam salutem hominum. Quantum verò ad homines, istis in statu innocentiae dominatus fuisset homo, non seruiliter sed directiue, sicut Angeli superiores habent dominium super inferiores.*

## CATECHESIS VI.

### DE STATU HOMINIS POST LAPSUM.

*F*ECIT Deus hominem, non in paradiso sed extra paradysum, cum ideo *quia non erat in eo permanfurus*, ait Magister sent: *tum ut non naturæ sed gratiæ omne melius assignaretur: & eum de limo terræ formatum. multis donis tam naturalibus quàm supernaturalibus exornatum transtulit in paradysum, ut operaretur & custodiret illum.* Sed homo non intellexit suam dignitatem, quousq; iumentis insipientibus propter peccatum similis fieret; ex immortalis mortalis, ex sapiente insipiens, perdita ratione, qua sola homo superior iumentis. Quare S. Bernardus conditionem hominis post peccatum ponderans dicit. *Heu quomodo de grege egregia facta est creatura!* puto dicerent iumenta si possent loqui, Ecce Adam factus est quasi vnum ex nobis, cum in honore esset; certe quia habitabat in paradiso in loco voluptatis, nihil molestiæ, nihil indigentiae sentiebat. Cum itaq; Christiane aliquantisper cognoueris statum hominis primum innocentiae, considera statum eius post lapsum in ista Catechesi; in qua tria proponuntur.

I. Qua-



# CATECHESIS VI.

45

- I. *Qualis Adam effectus per peccatum?*
- II. *Qualis posteritas eius per peccatum?*
- III. *An post peccatum homo retineat liberum arbitrium?*

## QVANTVM AD PRIMVM.

**C**hristiane, postquam peccauit homo, pulsus est ex paradiso, & secundum animam, & secundum corpus mutatus est in deterius, vt considerat August. Enchiridij c. 24. & de Ciuit. lib. II. cap. 15. Secundum animam quidem, quia subiectus ignorantiae, qui in creatione dotatus fuit sapientia naturali & supernaturali. Tanto vigore mentis pollebat, qui etiam omnibus animalibus coram se consistentibus nomina indiderit, quæ naturam vniuscuiusque & proprietates exprimerent, Gen. 2. *Omne quod vocauit Adam animæ uiuentis, ipsum est nomen eius*; iam post peccatum *cunctæ res factæ sunt ei difficiles*. Et difficile estimamus quæ in terra sunt, & quæ in prospectu sunt inuenimus cum labore. DEINDE subiectus concupiscentiæ rerum noxiarum, non solum illius ligni vetiti, cuius esum appetiuit, postquam in superbiam mente elatus fuit, sed etiam aliorum: quod vitium, nobis etiam pro natura inoleuit, nam *Nitimur in vetitum cupimusq; negata*. TANDEM in potestatem diaboli reductus est, & ad æternum cum eo supplicium condemnatus, vt August. dicit Enchiridij c. 25. Nam quamuis diabolus iniuste quâcum in ipso erat, hominem sua fraude deceptum, sub seruitute teneret, & quantum ad culpam, & quantum ad poenam, iustum tamen erat, hominem hæc pati DEO permittente quantum ad culpam, & ordinante quantum ad poenam, ait Ioan. Chrysost. Secundum corpus subiectus necessitati moriendi. *Quocunq; die (inquit DEUS) comederis, morte morieris*. Oper. imperf. quod ita ponderat Magister sent. *Primus homo secundum naturam*

Eccl. 1.

Sap. 9.

Oper. imperf.



## ARTICULUS I.

corporis terreni, & immortalis fuit quodammodo secundum aliquid quia potuit non mori, & mortalis quodammodo quia potuit mori. In illo namque primo statu habuit posse mori & posse non mori, & hac fuit prima corporis humani immortalitas scilicet posse non mori: in secundo vero statu post peccatum habet posse mori, & non posse non mori quia in hoc statu est moriendi necessitas. Subiectus item post peccatum varijs miserijs, ægitudinibus, tristicis laboribus. Sed hic Christianus.

QUÆRET. An homo peccauit aliqua necessitate? & ita opinabatur Florinus, teste Augustino in lib. de hæresibus, & Bernardus Lutzerburg. lib. 2. lit. F. Calvinus nunc criminatur DEUM esse authorem & causam peccati. Sed tu Christiane dic anathema istis erroribus, & scito nec necessitate, nec DEO authore, qui cum sit summè bonus, causa mali esse non potest; sed suadente satana propria voluntate in superbiam elatus, Deum deseruit homo, eiq; rebellauit: quare tu Christiane contra fraudes diaboli esto cautus, & quali à facie colubri fuge peccatum cuius sub te est appetitus.

QUÆSIT. iterum, sciens DEUS casurum hominem cur permisit à satana tentari? & hoc quærit Magister. lib. 2. dist. 23. & respondet quòd ad laudabilius bonum tentari permisit, laudabilius enim est, posse tentari & non consentire, quàm nec posse tentari, nec posse consentire. Cur verò inquit Omnipotens non conuertit voluntatem hominis ad bonum vt non consentiret in peccatum? respondet quia voluit eos relinquere naturæ suæ, vt nec infuètuose boni essent, nec impune mali.

QUÆRIT adhuc Christianus, Cur diabolus non aliam ad tentandum induit bestiam quàm serpentem? & August. lib. II. de Gen. c. 3. Satanam non fuisse permissum alio instrumento vt quàm serpentis ore, proportionabatur quippe in hoc calliditas diaboli calliditati serpentis, de quo Gen. 3. Sed & serpens callidior erat cunctis animantibus terræ.

QVAN-



## QUANTVM AD SECVNDVM.

**C**hristiane, si Adam in originali illa innocentia perstitisset, similes sibi filios procreasset, scilicet secundum animam innocentes, & secundum corpus immortales. Innocentes inquam, quia cum natura, simul iustitia illa & innocentia in illos deriuaretur. Cap. 10. de conceptu virgin. Anselm. d. quod simul cum rationalem haberent naturam, iusti essent, quos generaret homo si non peccaret. Immortales quoq; quæ immortalitas in originali iustitia contenta fuisset: iam verò per peccatum primi hominis tota posteritas est vitiata, & secundum animam & secundum corpus. Et quidem secundum animam, quia iustitiam originalem amisit primus homo, tam sibi quàm posteritati: qui enim vigor in ipsa radice emarcuit, ad palmites transmitti non potest. Ideo qui ex Adam nascuntur in originali peccato nascuntur, quia sine iustitia nascuntur. Psal. 50. David plangebat. *Ecce in iniquitatibus conceptus sum.* Job. 14. *Quis potest facere mundum de immundo conceptum semine?* Ephes. 2. Omnes nos *natura filij iræ*; quia primus homo peccauit in ipso omnes peccauerunt. Est autem hoc peccatum originale iuxta doctrinam S. Thomæ. *Languor nature, id est inordinata dispositio ex dissolutione harmoniæ iustitiæ originalis.* Secundum corpus vitiata natura hominis per primum peccatum, quia mortem & innumeras inuexit ægrotudines & calamitates, *nunc enim omnes morimur & quasi aquæ dilabimur, statutumq; est hominibus semel mori.* Quare considera Christiane diuinæ iustitiæ seueritatem, quæ non patitur inultum peccatum; poena siquidem primi peccati, amissio iustitiæ originalis & donorum supernaturalium, quibus natura fuit à Deo instructa, & hæc poena æqualiter omnes nos premit, quam pœnam consequuntur etiam alia mala. Nudos se esse cognouerunt parentes nostri amissa iustitia originali, quia peccator, nudus est amissa per peccatum gratia Dei. Intulit Deus pœnas peccatoribus, mulieri dixit.

Multi-

Rom. 9.

1. 2e. 7. 82.  
a. 1.

2. Reg. 14.

Hebr. 9.



## ARTICULUS I.

*Multiplicabo ærumnas tuas & conceptus &c. Adæ verò, Maledicta terra in opere tuo in laboribus comedes ex ea &c. utrique communis pœna, mortis necessitas. Pulvis es & in pulverem reuerteris, vide quantorum malorum causa peccatum! Eccl. 17. Quid nequius quàm quod excogitauit caro & sanguis? & hoc arguetur.*

QUÆSTER. Si homo nunc formaretur ex muliere sine viro, num contraheret peccatum originale? &. Haberet omnes defectus naturæ sicut alij, sed non haberet rationem culpæ vel pœnæ, Ratio primi, quia defectus naturæ non possunt còderi nisi per iustitiam originalem, qua careret hoc modo formatus, Ratio secundi, quia peccatum originale per Patrem trahitur.

QUÆSTER. iterum. Non peccante Adamo, si Cain peccasset, num peccatum Cain posteros infecisset? &. non infecisset; nec vitiaffet, quia peccatum Cain tunc personale & particulare solum fuisset, solus autem, primus homo totius naturæ humanæ personam gerebat.

## QUANTVM AD TERTIVM.

CHRISTIANE, cùm hæretici dicunt omnia nobis ex necessitate conuenire, liberum arbitrium per peccatum primi hominis penitus extinctum & abolitum dogmatizant. Quorum errorem Concil. Trid. Sess. 6. Can. 5. de iustif. damnat. *Si quis inquit liberum arbitrium hominis, post Adæ peccatum amissum & extinctum esse dixerit, aut rem esse de solo titulo, immò titulum sine re, figmentum deniq; à satana inuectum in Ecclesiam, Anathema sit.* Tu itaq; Christiane scito, hominem in statu naturæ corruptæ, retinere liberum arbitrium in actionibus naturalibus, nec villo modo esse amissum per peccatum primi hominis: potest enim homo, pro suo arbitratu ire in agrum aut non ire, potest loqui aut tacere, & similia. Per gratiam verò tam actualem quàm excitatur peccator, quàm per habitualement, quàm coram Deo Sanctus iustificatur, habet liberum arbitrium ad actus supernaturales



rales fidei; spei, charitatis &c. Huc tibi Christiane doctrinā deducitur ex varijs locis scripturæ, quorum aliqua de peccatore, aliqua de iusto intelliguntur, Gen. 4. Caino dictum. *Sub te erit appetitus peccati tui, & tu dominaberis illius.* Iosue. 24. *Sin malum vobis videtur ut seruiatis Domino, optio vobis datur, eligite hodie quod placet,* 2. Reg. 24. *Trium tibi datur optio, elige unum quod volueris ex his, ut faciam tibi.* Eccl. 31. *Potuit transgredi & non est transgressus, facere mala & non fecit.* Et quamuis homo nihil possit sine auxilio gratiæ in ijs rebus quæ pertinent ad salutem, tamen per gratiam præuenientem excitatus, & à Deo adiutus, ita potest operari, ut possit etiam non operari, potest gratiam acceptare aut respuere. Prou. 1. *Vocaui & renuisti,* Matth. 23. *Volui congregare filios tuos, & noluisti,* Act. 7. *Vos semper Spiritui Sancto resistitis.* Quare Christiane cum quid mali perpetraris, noli accusare diuinam voluntatem cum illo de schola Caluini, qui cum ad supplicij locum ob flagitia sua duceretur, dixit. Ita Deus uoluit, ut ego peccarem: voluit quidem Deus te pro scelere tuo puniri, sed non illud facere. Deus enim *non est volens iniquitatem,* quam prohibet mandato suo, *& est intentator malorum.* Quare agnosce tui arbitrij libertatem. Eccl. 15. *Ante hominem vita & mors, bonum & malum, quod placuerit ei, dabitur illi.*

Psal. 5.

Iacob. 1.

QUÆSIERIS. Si per peccatum primi hominis non est læsum nec sublatum liberum arbitrium, cur August: Enchiridij cap. 30. d. *Libero arbitrio male utens homo, & se perdidit & ipsum: id est ipsum liberum arbitrium.* R. Perdidit homo liberum arbitrium, non quoad vires eius naturales, nec quoad opera naturalia aut ciuilia, sed quoad vires supernaturales, & quoad opera quæ profunt ad salutem. Læsum ergo est liberum arbitrium per peccatum primi hominis, quia ea libertas quam habuit Adam, & donis supernaturalibus ad vitam æternam promerendam, per peccatum sublata est, nec potest recuperari, nisi ex meritis Christi dona illa supernaturalia recupe-



## ARTICULUS I.

rentur quæ ad libertatem requiruntur, ita quod post peccatum primi hominis nemo possit credere in DEUM, diligere DEUM, operari propter DEUM sine auxilio gratiæ. Ita enim Concil: Trid. Can. 3. sess. 6. *Si quis dixerit sine præueniente Spiritus Sancti gratia atq; eius adiutorio, hominem credere, sperare, diligere, aut pœnitere posse sicut oportet, ut ei iustificationis gratia conferatur. Anathema sit.* Hoc ipsum August. lib. 1. cap. 2. contra duas epistolas Pelagianorum docuerat, d. *Quis nostrum dicat, quod primi hominis peccato, perierit liberum arbitrium de humano genere? libertas quidem perijt per peccatum, sed illa quæ in paradiso fuit, habendi plenam cum immortalitate iustitiam.* S. Thom. 1. p. q. 83. art. 2. 3m. dicit, *Homo peccando dicitur liberum arbitrium perdidisse, non quantum ad libertatem naturalem quæ est à coactione, sed quantum ad libertatem, quæ est à culpa & miseria: non enim liberi sumus à culpa vel à morte, & alijs pœnalitatibus, vide etiam si placet Bôët. lib. 5. de consol. prosa. 2. ubi modos libertatis aliquos ostendit.*

## CATECHESIS VII.

## DE ANGELORVM CREATIONE.

**I**N Symbolo Apostolorum ita confiteris Christiane, *Credo in DEUM Patrem omnipotentem creatorem cœli & terræ: ex quo cognouisti, productionem à DEO factam eorum, quæ cœli & terræ ambitu continentur.* Symbolum tamen Nicænum explicantius loquitur, nam præter visibilium productionem, etiam invisibilem, id est Spiritualium substantiarum, scilicet Angelorum creationem ad credendum proponit. d. *Credo in unum DEUM Patrem Omnipotentem factorem cœli & terræ, visibilium omnium & invisibilium.* Et quia Apostolus Rom. 1. dicit, *Inuisibilia DEI per ea quæ facta sunt, intellecta conspiciuntur: tanquam à notioribus igitur, ad ea quæ minus nota sunt nobis, in hac doctrina Christiana progredimur, id est à visibilibus ad inuisibi-*  
lia



## CATECHESIS VII.

lia & Spiritualia, id est ad Angelorum creationem. Tria ergo de illorum creatione à Catechista perdiscere Christianus postulabit.

- I. *Quales Angelos DEVS creauit?*
- II. *Quando boni gloriam, mali pœnam acceperunt?*
- III. *Ad quid Angeli præsunt hominibus?*

### QVANTVM AD PRIMVM.

CHRISTIANE, de existentia Angelorum, multi cum Saducæis dubitabant; eos tamen existere in rerum natura, non solum bonos sed & malos, quod euidenti ratione demonstrari nequit, sacrarum literarum autoritate est manifestum. Bonos quidem sæpius Sacræ literæ cum noui, tum veteris testamenti memorant, Gen. 3. *Eiecit Dominus de paradiso voluptatis Adam, & collocauit ante paradysum Cherubim*, Gen 19. *Venerunt duo Angeli Sodomam vespere*. Gen. 21. *Vocauit Angelus Domini Agar de cælo*. Gen. 22. *Ecce Angelus Domini de cælo clamauit*. Matth. 26. *duodecim legiones Angelorum nominantur*. De malis angelis Psal. 77. *Immissiones per Angelos malos*, 1. Reg. 18. *Inuasit Spiritus DEI malus Saul*. Iob. 1. & 2. *Satan nominatur*. In Euangelio res manifesta, vbi Christus sæpe dæmonia id est Angelos malos eiciebat. Fides docet Angelos à DEO creatos esse. Coloss. 1. *In ipso condita sunt vniuersa in cælis & in terra, visibilia & inuisibilia, siue Throni siue Dominationes*. Creati sunt Angeli à DEO naturæ Spiritualis, nulla corpora habentes, Spiritus puri, quod scripturæ testantur. Psal. 103. *Qui facit Angelos suos Spiritus*, ob quam causam in scripturis Spiritus absolute vocantur, & ideo incorruptibiles sunt, & immortales, cum non consent ex contrarijs inter se pugnantibus elementis. Assumunt autem Angeli corpora tanquam motores tam boni quàm mali, & in



1. p. 7. 62. a. 3. *ipſis apparent hominibus: boni quidem ex condensato aëre ut plurimum, mali etiam cadauera assumunt damnatorum. Porro quantum ad conditionem, in gratia ſanctificante Angelos Deus creauit, condens naturam & largiens gratiam.*, ut dicit  
 lib. 12. de Ci- *Auguſt. Cum bona voluntate, id eſt amore caſto quo illi adhæ-*  
 rit. cap. 9. *rerent. Nam de Lucifero Ezech. 28. ſub figura regis Tyri. d. Perfectus in vijs tuis à die conditionis tuæ donec inuenta eſt in te iniqui-*  
 tas. Acceperunt autem gratiam iuxta quantitatem ſuorum nat-  
 2. diſt. 3. *turalium, de quo Magiſter ſent. Qui inquit natura magis ſubti-*  
*les, & ſapientia magis perſpicaces creati ſunt, hi etiam maioribus gra-*  
*tia muneribus præditi ſunt, & dignitate excellentiores alijs conſtituti:*  
*qui verò natura minus ſubtiles, & ſapientia minus perſpicaces conſtituti*  
*ſunt, minora dona gratiæ habuerunt, inferioresq; conſtituti ſunt, ſapientia*  
*DEI æquo moderamine cuncta ordinante. De ſapientia Angelorum*  
*manifeſtum eſt, nam ita in ſcripturis nominatur. Eccl. 1. Prior omni creata eſt ſapientia: illa enim ſapientia, quæ Deus eſt*  
*creata non eſt, ait Magiſter. Qua ratione ſapientiam David, extollens illa Thecuitis. 2. Reg. cap. 14. confert illam cum ſapientia Angelica. Tu inquit Domine mi rex ſapiens es, ſicut habet ſapientiam Angelus DEI, ut intelligas omnia ſuper terram. Habuerunt autem Angeli triplicem cognitionem naturalem, quâ ſciebant quid facti erant: & à quo facti erant: & cum quo facti erant, & habebant aliquam boni & mali notitiam, intelligentes quid appetendum vel reſpuendum illis foret: Hæc Magiſt. Auguſtinus verò duplicem in Angelis beatis diſtinguit cognitionem. Matutinam & claram, quâ cognoscunt creaturas in Deo, ſive ut aiunt in Verbo. Veſpertina & obſcuriorem, quâ cognoscunt res in ſeipſis, ſeu in proprio genere. Potentes virtute Spiritus creauit Deus Angelos, qui magna miranda poſſunt efficere. 4. Reg. 16. Vna nocte de exercitu Sennacherib, interfecit Angelus centum octoginta quinq; milia, localiter mouere poſſunt corpora etiam maxima & ſubito. Daniel. 14. Habacuc Prophetam ſubito portauit Angelus ex Iudæa in Babylonem, In impetu Spiritus ſui, id eſt in virtute*



tute ait Lyran. ita Act: 8. Philippum detulit in Azotum. Lapidem magnum valde Marci 16. reuoluit ab ostio monumenti: immò orbem cœlestem in spatio vnus diei mouet Angelus; quamobrem virtutes & exercitus Domini in scriptura appellantur. Si etiam de numero eorum Christiane aliquid exploratum habere volueris, scito eos in numero ingentem esse creatos qui nobis est ignotus, Daniel. 7. *Millia millium ministrabant ei, & decies millies centena millia assistebant ei.* Ex quo colligimus, alios esse assistentes tanquam intimos aulicos, alios ministrantes, & ad nutum paratos: & inter ministrantes, alios disponentes seu ordinantes, alios exequentes. Per nonem choros seu ordines distincti, vt dicit S. Greg. nam *supremi sunt Seraphini, qui præ alijs ardent charitate, Cherubim pleni sapientia, Throni, qui tanta diuinitatis gratia implentur.* ait Greg. *vt in eis sedeat DEVS, & per eos decernat iudicia atq; informet, Dominationes præordinantes quæ agenda sunt, Virtutes primò mouentes ad opus Potestates cœrcentes omne quod potest obuiare executioni diuini imperij, Principatus qui præsunt regnis & prouincijs, Archangeli qui nuntiant hominibus ea, quæ superant rationem, id est mysteria fidei,* Et hic assistunt personis publicis, regibus, principibus & alijs, sicut B. V. MARIÆ, quæ fuit publica persona assistebat Gabriel Archangelus: Angelorum vltimus ordo, ex quo sunt custodes nostri, singuli singulis hominibus à Deo deputati. Immò cuiuslibet specie animalium Angelus præest, omnibus viuentibus, arboribus, herbis; in super elementis, igni, aëri, aquæ, terræ. Apoc. 16. Vers. 5. nominatur *Angelus aquarum*, id est, qui præpositus erat elemento aquæ. Et cap. 14. v. 18. *Angelus habens potestatem super ignem.* Eo autem fine istis etiam speciebus bonitas DEI præposuit Angelos bonos, vt defendant à Satana, cuius malitia omnia cupit euertere. Hic ex Catechista Christianus.

Orige. Homil.  
14. in Numer.

QUÆRIT. In quo loco creati sunt Angeli? S. Thom. 1. p. q. 61. art. 4. in cœlo Empyreo creatos esse docet, quia ibi sa-



## ARTICULUS I.

anas peccauit & inde pulsus. Luc. 10. *Vidi satanam tanquam fulgur cadentem de cælo.* Et Apoc. 12. *per Michælem inde diabolus eiectus.*

QUÆRIT iterum. Quare Lucifer Isai. 14. *in cælum voluit ascendere* si in cælo creatus fuit? Magister sent. lib. 2. d. 2. dicit, *Cælum vocat DEI celsitudinem*, cui parificari volebat, q. d. ascendam ad æqualitatem DEI.

## QVANTVM AD SECVNDVM.

CHRISTIANE, Omnes Angeli in primo instanti meruerunt de condigno primam gloriam per actum dilectionis DEI: in secundo instanti boni meruerunt augmentum gratiæ & gloriæ: mali peccauerunt. In tertio instanti (puta, quæ instantia per Angelicas actiones distinguuntur) acceperunt gloriam respondentem, primæ gratiæ & augmento eius. Quia sicut homines non consequuntur gloriam nisi per meritum, infantes quidem per solum meritum Christi, adulti verò etiam per sua merita; *nam nemo coronabitur nisi legitime certauerit*, ita quoq; Angeli per meritum gloriam sunt consecuti. Quare Apoc. 21. in cœlesti Ierusalem dicitur *eadem esse mensura hominis quæ Angelis*, vt obseruat S. Thom. 1. p. q. 62. art. 4. Hoc verò diuina bonitas in melius creaturæ rationalis ordinat: nam ceteris partibus, melius est habere aliquid ex merito quàm sine merito. Vnde quanto maior gratia & augmentum gratiæ, quæ est fundamentum meriti, tanto maior & gloria. Itaq; quanto Angelus quisq; perfectior fuit in natura, tanto maiorem accepit gratiam, maius meritum habuit, maiorem quoq; gloriam accepit, cum gratia sit semen gloriæ. Atq; hanc gloriam nunquam amittent, cum sit firma possessio summi boni, & status bonorum omnium congregatione perfectus, excludens omne malum, omnemq; defectum. Apostatæ verò peccauerunt in secundo instanti, nolentes subesse Ego, cupientesq; inordinate alijs præesse, proinde sicut boni in tertio instanti acceperunt præmium & gloriam,

Boet. lib. 2. de  
consol. Philos.  
prosa 2.



## CATECHESIS VII.

55

riam, ita apostatæ in tertio instanti acceperunt pœnam & damnationem. *DEus enim angelis peccantibus non pepercit* (ne forte nec tibi ô peccator parcat) punit in intellectu, quia illis cognitio præclusa supernaturalis, Ezech. 28. *perdidisti sapientiam*: in voluntate, quia obstinati in malo, per subtractionem gratiæ; puniti carentia visionis beatificæ, quæ pœna grauissima rationali creaturæ: igne infernali cruciantur, exigente diuina iustitia, & vim igni conferente; *qui paratus est diabolo & Angelis eius*, Hic aliquis Catechistæ.

2. Petr. 2.

OBJICIET. Non videtur Angelus in secundo sed in primo instanti peccasse, quod scripturæ conformè videtur dicenti: *ab initio diabolum peccasse*. R. Initium in istis scripturæ locis; non sumitur pro instanti primo angelico, sed pro ipso mundi principio ut mundus creatus est. Peccasse autem in primo instanti; aut potuisse peccare, ne in ipsum naturæ Authorem illud peccatum deriuēs, caue dicas, quæ verior & melior ac tutior Theologorum sententia.

Ioan. 8.

1. Ioan. 3.

QUÆSIET. An imputandum apostatis quòd auersi sunt? Ratio dubitandi, quia sine gratia cooperante non potuerunt conuerti; quæ illis sine illorum culpa non fuit data, R. Imputandum est illis, alioquin iniuste damnarentur, porro apud *DEum non est iniquitas*. Quòd autem eis non est data gratia, culpa illorum fuit, quia cum possent stare, quousq; eis gratia apponeretur, noluerunt, sed per superbiam ceciderunt. Potuerunt autem non cadere sed stare per id, quod eis in creatione collatum fuit: & nihil erat quod eos ad cadendum compelleret, nisi spontanea eorum voluntas.

Job. 34. 10.

Psal. 91. 17.

Rom. 9. 14.

## QUANTVM AD TERTIVM.

CHRISTIANE. Cum vniuersa propter semetipsum, & propter gloriam suam operatus sit Dominus, eius immensa bonitas ordinavit Angelos bonos præesse non solum hominibus, sed omnibus visibilibus creaturis. Tam dignatur Deus honorare ani-

Prov. 16.

mam



## ARTICULUS I.

nam hominis, ut ei tam præstantem naturam deputet ad custodiam: quod dum ponderat Hieron. d. *Magna dignitas animarum, ut unaquæq; ab ortu suo habeat Angelum ad custodiam sui delegatum.* Qui Angelus custodit incunctanter, nec deserit hominem usq; ad mortem; immò post mortem deducit animas saluandas ad suum locum. Docet S. Thomas quòd *Angelorum custodia principaliter ordinatur ad illuminationem, secundo ad arcendum demones ne noceant aut tentent, quamdiu volunt.* Tob. 8. Raphaël Angelus compescuit dæmonem, à filia Raguelis vxore Tobiz. Sunt tutelares Angeli qui de malis liberant. Gen. 19. cum Dominus puniret Sodomam, Lotum eduxerunt. Act. 12. Petrum Apostolum Angelus eduxit de custodia, Gen. 48. Iacob Patriarcha beneficium Angeli erga se agnoscit; *Angelus inquit eduxit me de cunctis malis.* Custodit Angelus retrahendo à malis operibus. Num. 22. Cohibuit Balaamum à maledicendo Israeli. Quod si obstinatus fueris in malo, ad tempus nutu DEI permittit Angelus te cadere. Ierem. 51. *Curauimus Babylonem & non est sanata, derelinquamus eam,* Gloss. d. *Medici sunt Angeli quos à nobis repellimus, dum eorum consilio non acquiescimus.* Custodit Angelus bonos cogitationes immittendo, excitans ad bonum inchoandum & prosequendum. Cap. 13. Lætabatur Iudith. castissima de custodia Angeli, *Viuit Dominus, quia custodiuit me Angelus eius, & hinc euntem, & ibi commorantem, & inde huc reuertentem, & non permisit me Dominus ancillam suam coinquinari, sed sine pollutione peccati reuocauit me vobis.* Custodit, quia docet de mysterijs diuinis, quod patet in plurimis locis scripturæ; in quibus Angeli Diuina hominibus reuelabant. Hinc Dionys. cap. 4. cœlest. Hierarch. *Reuelationes inquit diuinorum perueniunt ad homines mediantibus Angelis.* Omnibus itaq; indiscriminatim hominibus bonis & malis, reprobis & prædestinatis, fidelibus & infidelibus, etiam Antichristo ad custodiam Angelus datur. Primi parentes nostri tametsi in gratia & sanctitate creati fuerint, indiguerunt tamen Angeli custo-

x. p. q. 113.  
a. 5. 3m.

x. p. q. 111.  
a. 1.



custodia: quia poterant tentari & peccare, sicut & factum est. Quare magnam curam & diligentiam Sanctorum Angelorum circa procurandam salutem hominum intueri Christiane: sicut enim *Diabolus circuit querens quem deuoret*, ita Angeli Sancti vigilant ne homo pereat. Non enim minor est charitas Angelorum erga homines (cum quibus ipsi vnā Ecclesiam, vnā Sanctam ciuitatem constituunt) quā odium diaboli contra eosdem, satanas insidiatur vt impediatur orationes nostras, Sancti Angeli eas offerunt DEO. Sed hic est aliquid quod possit Catechista.

1. Petr. 5.

1. Thess. 2. 18.

Apoc. 8. 3.

Tob. 12. 12.

OPPONI. Vt quid omnibus hominibus datur custos Angelus cum non omnibus sit necessarius? Primò quidem Christus cum in similitudinem hominum factus fuerit non indigebat custodia Angelica: nec primus homo in statu innocentiae, qui in omnibus circumspēctus in nullo potuit decipi. Deinde custos Angelus utiq; ad vitam æternam ducit, excitando ad bona opera & muniendo contra insidias diaboli: vitam verò æternam præsciti ad damnationem nunquam consequuntur. & Christus secundum quod homo, quia immediate regulabatur à Verbo, & secundum animam fuit comprehensor, ideo non indiguit custodia Angelorum, sed utebatur ministerio, ratione pusillitatis corporis vt viator. Primus autem homo quia subiectus erat periculo tentandi ab exteriori, indiguit custodia. Tandem infideles, præsciti & Antichristus non destituntur custodia Angelica, qui sicut muniuntur auxilio interiori naturalis rationis, ita etiam non priuantur exteriori auxilio, toti humanæ naturæ diuinitus concessa, scilicet custodia Angelorum. Et licet per hanc custodiam non consequuntur vitam æternam, quia ea bonis operibus non merentur, per eam tamen retrahuntur à malis operibus, quibus & sibi & alijs nocere potuerunt.



## CATECHESIS VIII. DE PROVIDENTIA DEI.

**Q**UONIAM DEUS summa sapientia vniuersa creauit, omnibus quoq; creatis prouidet: prouidere enim omnibus ad eum spectat. de quo Xenophon, *DEUS inquit rerum omnium est Author & Actor, aeterna & prouida mens, quæ cælorum perennes orbes, quæ siderum inæquales cursus, quæ elementorum aeternas vices, quæ deniq; omnes res inferas & superas temperat, moderatur & gubernat.* Et alius DEI inquit *providentia mundus administratur.* Dicto igitur Symboli iuxta exigentiam huius primi articuli de creatione rerum, iam de prouidentia quæ est gubernandorum, seu ratio ordinandorum in finem aliquid vel paucis dicendum, proinde in ista Catechesi tria proponuntur.

- I. *Quid de prouidentia veritas tenere mandat?*
- II. *Quis sit vniuersorum prouisor & gubernator?*
- III. *Gubernatio vniuersi quo tendat?*

### QUANTVM AD PRIMVM.

**C**HRISTIANE, rectè inquis quid de prouidentia tenere debeas, de qua multum antiqui gentilium Philosophi errârunt. Et Prothagoras quidem DEVM in dubium vocauit, Diagoras palam negauit, similiter alij Athei prouidentiam omnem sustulerunt, vt omnia casu & fortuna fierent. Huic si dementiæ immiscuerunt illi Iob. 21. dicentes. *Quis est Omnipotens vt seruiamus illi, aut quid proderit si orauerimus eum?* Et cap 22. *Quid enim nouit DEUS? quasi per caliginem iudicat.* Epicurus prorsus negauit prouidentiam. Empedocles regimen vniuersi fortunæ & casui perperam deferebat. Sed isti expenderint, quomodo id quod incertum & instabile est, qualis fortuna & casus, stabilem & certis legibus constantem ordinem efficere potest?

Quare



Quare Christiane cogita cum res creatæ sine prouidentia regimine esse non possint, omnia à diuina prouidentia pendere. Quid verò (quæris) est prouidentia? *est ipsa diuina ratio in summo omnium Principe constituta, quæ cuncta disponit*, ita Philosophia apud Bôetium lib. 4. de Consol. Prosa. 6. Tot tamq; enormes in hoc argumento deuita Christiane errores & atheismos, inueniuntur qui dixerint, DEUM vniuersalibus & incorruptibilibus rebus proximè & per seipsum prouidere, humanorum, autem & singularium penitus curam non habere. *Nubes (aiunt illi Iob. 22.) latibulum eius, & nostra non considerat, circa cardines cæli perambulat*: at ille minimis rebus etiam formicæ prouidet. Sap. 8. *Attingit à fine vsq; ad finem fortiter, & disponit omnia suauiter*. Si etiam lilia agri vestit Deus, profectò singulari prouidentia, quod absurdum visum fuit Philosopho, *Primum scilicet Mentem de quibusdam cogitare, & melius esse quædam non videre quàm videre*. Agnosce autem Christiane in eo maxime elucere DEI prouidentiam, quòd in vsum fidelium suorum, cum expedire iudicauerit, etiam illa præstat ex creaturis, quæ naturalem causam excedunt. *Israelitis quidem dedit manna in deserto, dedit aquam de petra, in Cæna Galileæ vinum ex aqua, turbis sequentibus auditionem verbi DEI Panes multiplicauit*. Sed hic versutus quis ex Catechista.

Marth. 6.

Lib. 12. Metaph. cap. 2.

Exod. 16. 17.

Ioan. 2.

Marth. 14.

Marc. 6.

Ioan. 6.

QUÆSIER. Si prouidentia est, infallibilis est, si infallibilis, necessitatem rebus imponit: illud enim necessario euenit, quod infallibiliter euenturum Deus præuidit; si necessario quomodo prouidentia simul stabit cum libero arbitrio? quomodo liber sum in mea actione, quam infallibiliter Deus præuidit inuariabiliter futuram? R. Equidem Tullius lib. 2. de diuinat. negauit diuinam prouidentiam de futuris contingentibus ex libero arbitrio dependentibus. Verùm Bôet. lib. 5. de Consol. Philos. quæstionem de convenientia prouidentia DEI cum libero arbitrio satis diffuse tractat, ostendens quomodo inter se conueniant. Ego autem breuiter dico, ita



1. p. q. 22.  
a. 4. 2m.

res eueniunt, sicut DEUS præuidet euenturas: etenim quas necessario euenturas præuidet, necessario eueniunt; quas contingenter & liberè euenturas præuidet, contingenter & liberè eueniunt. Et quidem res naturales ex causis necessarijs, necessario euenturas præuidet, necessario item eueniunt: illas autem quæ ex causis liberis euenturæ sunt, libere euenturas præuidet, atq; etiam liberè eueniunt, vt ex diuina præscientia nulla vis libero arbitrio inferatur.

### QVANTVM AD SECVNDVM.

1. Petr. 3.

Iob. 34.

1. p. q. 22.

CHRISTIANE, Stulti homines quorum plena sunt omnia, sæpè dæmonibus tribuunt potestatem in mundi gubernatione. E. G. cùm DEUS punit peccata eorum aliquibus plagis, non à DEO vindice, sed à diabolo, sagarum interuentu, omnia euenire autumant, vt cùm affliguntur frigoribus, penurijs, egestate, infirmitate, calamitate & alijs id genus. Non tamen curant reatum suum agnoscere & culpam corrigere, atq; illius meminisse. *Quis est qui noceat vobis si boni æmulatores fueritis?* Quare abolita ista persuasione (quâ malè imbuti sunt) à mentibus eorum, à DEO omnia fieri, etiam malum pœnæ persuasum habeant, nec sine eius voluntate atq; regimine aliquid occidere, qui quod condidit regit & gubernat, teste scriptura. *Quem constituit alium super terram, aut quem posuit super orbem quem fabricatus est?* Gredor. lib. 24. Moral. cap. 26. d. *Mundum per seipsum regit DEUS, quem per seipsum fabricatus est.* Et quia prouidentia duo in se continet, rationem scilicet gubernationis, quâ DEUS apud se disponit quæ sunt faciendæ, seu rationem ordinis rerum prouisarum in finem, vt loquitur S. THOMAS, deinde includit executionem ordinis, seu ipsam gubernationem. Itaq; quoad rationem ordinis seu gubernationis, ipse DEUS immediate prouidet omnibus, qui in suo intellectu habet rationem omnium etiam minimorum. Quoad executionem ordinis seu ipsam gubernationem, prouidet mediantibus alijs, qui-



## C A T E G H E S I S V I I I .

61

quibus dedit virtutem exequendi ordinem gubernationis; atq; hoc modo gubernat inferiora per superiora, corpora per Spiritum, vt August: lib. 3. de Trin. c. 4. docet. *Omnia inquit corpora per Spiritum vitæ rationalem: & Spiritus vitæ rationalis deseritor atq; peccator, per Spiritum vitæ rationalem pium & iustum, & ille per ipsum DEum.* Et quoniam quoad executionem ordinis & gubernationis per alia D E U S gubernat mundum, Hinc Christianus.

QUÆRIT. Num hoc ob defectum virtutis, num ipse insufficienti in singulis exequi ordinem gubernationis? &. Non quòd non sufficiat ipse, qui sufficientiam & virtutem tribuit alijs, & se solo potest, quidquid cum causa secunda potest: sed quia bonus est, & bonum supius diffusum, iuxta Dio-  
Cap. 4. diuin. nomin.  
 nyfum, etiam alijs tribuit hunc honorem, vt eos admittat ad consortium suæ gubernationis. Et sicut terreni Regis augetur maiestas ex ordine ministrorum, ita Rex æternæ gloriæ suam  
3<sup>o</sup> Reg. 10. 8.  
 in eo maiestatem declarat, quia alijs communicat gubernationis executionem.

## Q V A N T V M A D T E R T I V M .

CHRISTIANE. Sicut creationis ita & gubernationis finis est gloria DEI. Prou. 16. *Vniuersa propter semetipsum operatus est Dominus, quoniam ipsum cognoscimus ex operibus eius, & inuisibilia DEI per ea quæ facta sunt, à creatura mundi intellecta conspiciuntur, sempiterna quoq; eius virtus & diuinitas.* Si QUÆRAS: Gubernante DEO cur mala quoq; irrepant inter bona? scito ob decorem bonorum DEO permittente & ordinem ponente. Malum enim bene ordinatum, & suo loco positum, eminentius commendat bona, vt magis placeant & laudabiliora sint, dum conferuntur cum malis, vt pulchra cum turpibus. DEUS enim cum sit summè sapiens; bonus & omnipotens, melius iudicauit de  
Cap. 11. Ezechir.  
 malis, benefacere, ait August. quàm mala nulla esse permittere. Si effectum gubernationis diuinæ mente assequi desideras, est



## ARTICULUS I.

rerum in esse conseruatio: gubernando enim conseruat creaturas, quæ quidem rerum conseruatio, est earum quædam continua creatio, quâ non minus continuo res ex nihilo extrahitur, quàm in principio cum primum creata fuit. Quare Apost. Hebr. I. conseruationem rerum ostendens, dicit DEum portare omnia verbo virtutis suæ, cum sit omnium prima causa, non solum in fieri, sed etiam in esse: proinde omnis creaturæ esse, ita dependet à DEo, ut nec ad momentum creatura subsistere possit, sed in nihil redigeretur, si non operatione diuinæ virtutis in esse conseruetur. Sap. II. Quomodo aliquid permanere posset nisi tu voluisses aut quod à te vocatum non esset conseruaretur? August: lib. 4. de Gen. ad lit. c. 12. d. Virtus DEI ab eis quæ creata sunt regendis si cessaret aliquando, simul & illorum cessaret species omnisq; natura concideret. Et in lib. Colloq. c. II. Sicut Domine non eram, & de nihilo fecisti me, sic si me non regis, adhuc ad nihilum redigor in me. Nam si Deus subtraxerit influxum suum, quo conseruat creaturam, necesse est continuo illam in nihilum redire, sicut ex nihilo creata est, Ierem 10. Corripe me Domine, verumtamen in iudicio non in furore tuo, ne forte ad nihilum redigas me. Hic aliquis sagacior audiens Catechistam de annihilatione dicentem, explorando, QUÆSIERIT. Quandoquidem Deus est causa rerum per bonitatem, ita quod in quantum bonus, sumus, prout ponderat August. lib. I. de doctr. Christiana, c. 32. nonne repugnaret bonitati eius aliquid in nihilum redigere? Non repugnaret, quia bonitas DEI est causa rerum, non ex necessitate, sed per liberam voluntatem, Vnde sicut potuit sine præiudicio bonitatis res non producere in esse, ita absq; detrimento eiusdem bonitatis, potest res in esse non conseruare & in nihilum redigere. Quis enim prior dedit illi ut retribuatur ipsi? quoniam ex ipso & per ipsum, & in ipso sunt omnia. Rom. II.

CATE-



# CATECHESIS XIX.

## DE PRÆDESTINATIONE.

QVia prædestinatio est pars prouidentia, nam prouidentia versatur circa omnes creaturas, prædestinatio circa solas rationales: & prouidentia est respectu omnium finium, tam naturalium quàm supernaturalium, prædestinatio autem respectu vnius tantum supernaturalis finis, scilicet vitæ æternæ. Cum latius pateat prouidentia, quàm prædestinatio, rectè prædestinatio pars prouidentia, non quidem subiectiua sed obiectiua nuncupatur. Quare cum iam audisset Christianus nonnihil de prouidentia DEI, restat ex consequenti nunc de prædestinatione, aliquid dicere in ista Catechesi, in qua tria Catechista explicabit.

- I. *Quam certa & immutabilis prædestinatio.*
- II. *Quomodo aliqui in libro vitæ scribantur.*
- III. *Quare aliqui reprobantur?*

### QUANTVM AD PRIMVM.

CChristiane, profundum & inexhaustum prædestinationis, pariterq; reprobationis arcanum, in lib. soliloq. cap. 28. dum contemplatur S. Augustinus, expauescere se & obstupescere fatetur, de altitudine diuitiarum sapientia & scientia DEI, Rom. 11.  
 quoniam ex eodem luto, *alia quidem vasa facit in honorem, alia in contumeliam sempiternam.* Tu quoq; hîc mentem paulisper erigas ad contemplandum finem vltimum, & cogita quàm certa est prædestinatio bonorum & reprobatio malorum, quæ nullo modo mutari potest, ita vt nec prædestinati damnentur, nec reprobi saluentur. Hæc q; certitudo pender ex firmitate diuinæ præscientiæ, quæ falli non potest. Cum enim DEUS sciat certo & infallibiliter, qui bene & qui male vsuri sunt Rom. 9.  
 medijs



medijs sibi præparatis & collatis ad salutem, sicut etiam infallibiliter qui intraturi sunt ad vitam, & qui in æternæ damnationis chaos delapsuri. Inde est illud Apostoli, *Quos præsciuit & prædestinavit conformes fieri Imagini Filij sui.* Et ipse Dominus Ioan. 10. d. *Oves meæ vocem meam audiunt, & ego cognosco eas, & sequuntur me & ego vitam æternam do eis, & non peribunt in æternum.* Si non peribunt in æternum, certissime saluabuntur, qui prædestinati sunt, ut ex hac definitione prædestinationis in lib. de bono perseverantiæ cap. 14. ab August. data colligitur. *Prædestinatio inquit est præscientia & præparatio beneficiorum, quibus certissime liberantur, quicunq; liberantur.* Id ipsum probat illud Apostoli 2. Tim. 2. *Firmum inquit fundamentum DEI stat, habens hoc signaculum, cognoscit Dominus qui sunt eius, ut discedat ab iniquitate omnis, qui inuocat nomen Domini.* Duo sunt ista signacula, vnum, DEI præscientia, alterum cooperatio liberi arbitrij, præscit enim Deus, qui libere & constanter fidem & gratiam retinebunt, & qui liberè ac neminè cogente gratiam repudiabunt. Quare qui prædestinatus est, potest damnari & non potest, potest quidem ex parte mediorum, quibus si male utatur, pro sua libertate potest damnari; at ex parte diuinæ præscientiæ non potest damnari, certo enim & infallibiliter Deus scit illum bene vsurum. Porro quantus sit numerus prædestinatorum aut reproborum nobis incertum est, soli DEO cognitum. *Qui numerat multitudinem stellarum & omnibus eis nomina vocat.* Aliqui coniectant tot esse prædestinatos: quot Angeli de cœlo ceciderunt, ut eorum loca possideant; alij tot, quot steterunt; alij tot quot creati sunt Angeli: Illud certum maiorem esse numerum reproborum quam prædestinatorum, arcta est enim via quæ ducit ad vitam, & pauci sunt qui inveniunt eam, Spatiosa via est quæ ducit ad perditionem, & multi sunt qui intrant per eam.

*Psal. 146.*

*Matth. 7.*

QUÆSIER. An quis possit certo scire se esse prædestinatum? *A. Apostolus Rom. 11. o altitudo diuitiarum sapientiæ & scientiæ*



## CATECHESIS IX.

65

scientiæ DEI, quàm inscrutabilia sunt iudicia eius, nam de lege ordinaria nemo scire potest. *Vtrum amore vel odio dignus sit, sed omnia in futurum seruantur incerta.* August. in lib. de corrept. & gratia cap. 13. *Quis, inquit, ex multitudine fidelium, quamdiu uiuitur in hac uita mortali, in multitudine prædestinatorum se esse præsumat?* id tamen specialiter aliquibus reuelatum fuit, Quare etiam Apostolus Rom. 8. d. *Certus sum, quia neq. mors, neq. uita &c.* Hanc doctrinam definit Concil. Trid. sess. 6. cap. 12. d. *Nisi ex speciali reuelatione sciri non potest, quos Deus sibi elegerit.* Ec Can. 15. *Si quis dixerit hominem reatum & iustificatum teneri ex fide ad credendum, se certo esse in numero prædestinatorum, anathema sit.* Quare in hoc negotio sedulò monet Apostolus. 2. Petr. 1. *Magis, inquit, satagite, ut per bona opera certam uestram uocationem & electionem faciatis.*

Eccl. 9.

## QUANTVM AD SECVNDVM.

CHRISTIANE, In libro vitæ scribuntur electi ad gloriam, in quo scripti erant discipuli Domini, quibus Luc. 10. dicebat. *Gaudete quòd nomina uestra scripta sunt in celo.* Est enim liber vitæ conscriptio ordinatorum ad uitam æternam, ait S. I. p. 7. 24. 4. 3. Thomas. aut clariùs, est notitia DEI, quâ firmiter retinet se aliquos prædestinasse ad uitam æternam! tanquam ad finem ultimum. Et scito Christiane duas esse paginas libri vitæ. Vna est præsentis iustitiæ, altera præcognitionis æternæ. Et de prima quidem pagina aliqui delentur, iuxta illud Psal. 68. *Deleantur de libro uiuentium, & cum iustis non scribantur;* illi scilicet qui deficiunt à gratia & præsentis iustitiæ, & qui sunt ordinati ad habendam uitam æternam, non ex prædestinatione diuina, sed solum ex gratia, ex qua digni erant uita æterna, & habuissent si permanissent. Iam uerò ex pagina secunda nemo deletur. quia ibi scripti sunt simpliciter ad habendam uitam æternam, ex prædestinatione diuina ut eam habituri in se ipsa. Cùm enim sit duplex uita, una gratiæ in præsentis, altera glo-



Ecc. 21.

ra gloriæ in futuro, scripti in libro vitæ gloriæ per æternam prædestinationem & præscientiam, non possunt deleri, quia scientia DEI, qua cognoscit se aliquos prædestinasse ad vitam gloriæ est certa & immutabilis: qui autem scripti sunt in libro vitæ gratiæ sæpe delentur per peccatum mortale. Fuge ergo Christiane peccatum, (quod tantum nocere potest) quasi à facie colubri. Ergo non deleri, de libro vitæ inter præmia iustorum & electorum numeratur. Apoc. 3. *Qui vicerit sic, vestietur vestimentis albis, & non delebo nomen eius de libro vitæ.*

QUÆSIT. Si nemo deletur de Pagina præcognitionis æternæ libri vitæ cur Moyses sine culpa Exod. 32. dicit: *aut dimitte eis hanc noxam, aut si non facis, dele me de libro tuo quem scripsisti?* R. Multæ sunt expositiones huius verbi, congrua tamen est illa ut dicatur, id Moysen dixisse ex magna confidentia, qui sicut non timebat deleri de libro vitæ, ita etiam confidebat peccatum dimittendum illi populo.

### QUANTVM AD TERTIVM.

Epist. 106.

CHRISTIANE, dum inquiris cur aliqui reprobentur, scito peccata eorum præuisa mereri reprobationem, à regno cœlesti exclusionem, & pœnis æternis deputationem. Id præclare insinuat August: ad Paulinum. *Quenquam inquit immeritum & nulli peccato obnoxium, si DEUS damnare creditur, alienus ab iniquitate non creditur.* Et lib. 3. contra Iulian. *Bonus est DEUS, iustus est DEUS, potest sine bonis meritis liberare, quia bonus est, non potest sine malis meritis damnare, quia iustus est.* Id scripturæ testatur, Matth. 25. *Discedite maledicti in ignem æternum. Quare? esuriui enim & non dedistis mihi manducare.* Rom. 2. *Ira & indignatio in omnem animam hominis operantis malum.* Quare toto cœlo errant Caluinistæ, dum asserunt ante præuisa peccata destinari aliquos ad æternam damnationem, ex solo DEI beneplacito. Errant inquam, sicut enim DEUS neminem in tempore excludit à gloria & condemnat ad mortem nisi propter peccata, ideo Magi-

# Ita ab æterno remissione efficaciter de creuit & tunc ore agitur. Ister  
et ad pœnas damnare nisi propter peccata.



ster sent. lib. 1. dist. 40. reprobationem in hunc modum definit, ut sit *præscientia iniquitatis quorundam, & preparatio damnationis eorundem*; cum sit *præscientia iniquitatis*, profecto non ex solo beneplacito DEI quis reprobatur. Et S. Thomas 1. p. q. 23. art. 3. cum dicit reprobationem includere voluntatem inferendi damnationis poenam, non simpliciter & absolute, sed pro culpa. Caue proinde omni conatu Christiane peccata, in quibus obduratur peccator, qui est effectus reprobationis: nam si peccando deseris DEUM, mereris ut vicissim à DEO deseraris & obdureris id quod de infidelibus Rom. 1. ostendit Apostolus. d. *Sicut non probauerunt DEUM habere in notitia, tradidit illos DEUS in reprobum sensum*, Sed hinc.

QVÆSIT. Si ex præiis peccatis reprobatur DEUS, & non ex solo beneplacito suo, quomodo illud saluabitur. *An non habet figulus luti potestatem, ex eadem massa aliud vas facere in honorem, & aliud in contumeliam?* ex quo loco ostenditur æque ex suo beneplacito alios ad gloriam, alios ad contumeliam prædestinare. R. Sicut liberum est figulo ex eadem informi massa aliud vas in honorem, aliud in contumeliam exhibere, ita liberum est DEO, ex eadem massa peccati alterum ex misericordia assumere, alterum ex iustitia reijcere, alteri condonare peccatum, alterum damnare propter peccatum.

## CATECHESIS X.

## DE MYSTERIO SS. TRINITATIS.

Q Via summa totius fidei & doctrinæ Christianæ est mysterium SS. Trinitatis, ideo plebs Christiana sedulo instruenda & imbuenda, ut credat vnum DEUM in Trinitate, & Trinitatem in unitate. Hanc fidem Catechumenus priusquam baptizetur confiteri postuletur. Credis in DEUM Patrem Omnipotentem? Credis in Iesum Christum Filium eius vnigeni-



eum? Credis in Spiritum Sanctum ab viroq; æternaliter procedentem? quod ubi integrè confessus fuerit, ad salutare baptismi lauacrum admittitur. In hac itaq; Catechesi trium Christianus percipiet explicationem à Catechista.

I. Quomodo Pater & Filius & Spiritus Sanctus sunt unus DEVS?

II. Si unitas essentia Patris & Filij, & Spiritus Sancti naturali ratione cognosci possit?

III. Si Trinitas unitatis per similitudines aliquo modo inuestigari possit?

### QVANTVM AD PRIMVM.

*l. p. 9. 31. a. 1.  
August. de cognitione veræ  
vitæ, cap. 10.*

CHRISTIANE, Trinitatem esse in Diuinis, cum Paganis & Iudæis negarunt hæretici. Tu verò crede in DEUM in unitate Trinum, & firmiter ac fideliter persuasum habeto, impossibile esse, in diuinis non esse Trinitatem. Est enim DEUS vt Catholicè confitearis increata Trinitas, seu trium personarum indiuisæ naturæ unitas: & si vis saluus esse, hoc corde crede, & ore confitere. Hæc enim fides Catholica, vt vnum DEUM in Trinitate, & Trinitatem in Unitate veneremur, neq; confundentes, Personas (quod Sabellius) neq; substantiam separantes (quod Arius & Trithemæ fecerunt). Crede itaq; firmissime Christiane & nullatenus dubites, Patrem & Filium & Spiritum Sanctum vnum esse DEUM, vnum unitatè naturæ, quod audis à Filio, Ioan. 10. pro palatum. Ego & Pater vnum sumus. Vtrumque audis (inquit August.) vnum, & sumus, & à charybdi & à scilla liberaberis; Quod audis vnum, liberat te ab Ario, quod dicit sumus, liberat te à Sabellio. Nihil certius, nihil firmitus, nihil verius, quàm quod vnus sit tantum DEUS: id enim scripturæ clamant: ex unitate motus unitatem.

moto-

# *Id philosophi. Lumine naturali eundem ostendunt.*



motoris indagantes. Porro Patrem esse verum DEUM, Filium verum DEUM, Spiritum Sanctum verum DEUM abunde in scripturis proclamatum. Patrem quidem verum esse DEUM, nusquam in dubium fuit vocatum, Filium esse verum DEUM, innumeri scripturæ loci protestantur. Isai. 35. cum de aduentu Christi sermo fieret, ita dictum. *DEUS ipse veniet & saluabit nos.* Rom. 9. *Christus super omnia DEUS benedictus.* Tit. 2. *Magnus DEUS.* Luc. 1. Zacharias celebrat aduentum Christi, & dicit impletum esse in eo, quod DEUS promisit daturum se nobis, dedit autem Filium suum IESUM Christum. Ergo Filius DEI IESUS Christus est verus DEUS. Isai. 8. *Dominus exercituum erit in lapidem offensionis &c.* sed Luc. 2. *Christus in ruinam,* Rom. 9. *lapis offensionis.* Ergo est Dominus exercituum. Isai. 45. *DEO curuabitur omne genu.* Sed Christo in iudicio curuabitur omne genu. Ergo verus DEUS. Ioan. 14. in Christum sicut in Patrem credendum. Ergo verus DEUS. Spiritus Sanctus & hic verus DEUS, nam verus DEUS replet omnia, Ierem. 23. *Cœlum & terram ego impleo dicit Dominus.* Spiritus autem Sanctus Sap. 11. *repleuit orbem terrarum.* Et Psal. 138. *Quo ibo à Spiritu tuo.* 1. Cor. 2. *Spiritus omnia scrutatur etiam profunda DEI.* Act. 5. *Ananias non est mentitus hominibus sed DEO, mentitus est autem Spiritui Sancto.* Ergo Spiritus est DEUS. Hæc & similia cum dicantur in scripturis, quæ non possunt dici nisi de vero DEO, dicuntur autem de Filio & Spiritu Sancto. Ergo Filius & Spiritus Sanctus sunt cum Patre vnus verus DEUS. Quare Christiane id semper credas & confitearis. *Tres sunt qui testimonium dant in cœlo, Pater, Verbum & Spiritus Sanctus, & hi tres vnus sunt.* August: lib. 9. de Trin. *Credamus Patrem & Filium & Spiritum Sanctum vnus esse DEUM, vniuersæ creature conditorem & rectorem, nec Patrem esse Filium, nec Spiritum Sanctum vel Patrem esse vel Filium, sed Trinitatem relatarum ad inuicem personarum.* DEINDE. vbi vnum nomen, vna virtus & potentia, vna natura, vnus & DEUS: Patris & Filij & Spiritus Sancti, vna virtus & poten-



*Matth. 28.*

tia regeneratiua Filiorum DEI in baptismo in vno nomine. Quis eat inficias vnum confitendum & adorandum DEUM? Fulgentius de fide ad Petrum. *Vna est, inquit, natura siue essentia Patris & Filij & Spiritus Sancti, sed non vna persona.* Achanasius in Symbolo confitetur. *Alia est Persona Patris, alia Filij, alia Spiritus Sancti, sed Patris & Filij & Spiritus Sancti vna est diuinitas, equalis gloria coeterna maiestas.* Et serm. 4. contra Arianos. *Non tria, inquit, principia aut tres Patres introducimus, sicut Marcionistae, cum non tres soles ad comparationem adducimus, sed vnicum solem eiusque splendorem, & ex utroque lucem procedentem.* Quod si sciolus Sophistes contra Catechistam prodeat &

DICAT. Tres personae non possunt esse vnus verus DEUS. Verus enim & vnus DEUS est Pater Domini nostri Iesu Christi, 2. Cor. 1. Et 1. petr. 1. porro tres personae non sunt Pater Domini nostri Iesu Christi. Quomodo igitur tu doces Patrem & Filium & Spiritum Sanctum esse vnum verum DEUM? R. In isto Sophismate est fallacia à Logicis dicta, à non distributo ad distributum. Cum enim dicitur, Verus & vnus DEUS est Pater Domini nostri Iesu Christi, Ly DEUS non distribuitur plenè, sed particulariter & distinctè ac determinatè pro vna persona supponit; dum verò ex eo Sophistes conatur inferendo concludere Patrem & Filium & Spiritum Sanctum non esse vnum DEUM, Ly DEUS vniuersaliter indistinctè & indeterminatè ponitur pro natura seu Deitate, quae communis est tribus personis, Adhuc in gratiam Catechistae.

DICES. Si tres personae ita sunt vnus DEUS, vt sint vnus & eiusdem essentiae, tres personae sunt idem inter se, iuxta illam maximam. *Quae sunt eadem vni tertio, sunt eadem inter se.* paternitas verò & filiatio sunt eadem res cum essentia. R. Hæc maxima non est vera vniuersaliter, nisi quando aliqua sunt eadem vni tertio adæquatè, sicut patet in Mathematicis, vbi si duæ lineæ sint æquales vni tertiae, vniuersaliter sunt æquales inter se, quia ibi est summa adæquatio. At verò si dicas homo

&



& equus sunt idem re animali: Ergo & inter se? non valet, consecutio, quia homo & animal non sunt idem re adæquatè. Ita etiam paternitas & essentia non sunt idem adæquatè, quia essentia ad plura se extendit.

### QVANTVM AD SECVNDVM.

**C**hrisiane, hoc sublime mysterium DEI in Vnitate Trini, est supra naturam, ita sola natura duce, seu solo lumine naturali in eius cognitionem deuenire non possumus. Ratio, quia omnis naturalis cognitio, qua DEUM in hac vita cognoscimus, oritur ex cognitione creaturarum, & effectuum diuinorum. DEUM enim cognoscimus ex operibus eius, ait quidam, creaturæ autem non manant à DEO quatenus Trinus, sed quatenus Vnus, quandoquidem à potentia DEI emanant quæ est attributum essentiale. Vnde si quis vellet hoc mysterium naturali ratione demonstrare, in multa incideret absurda. Derogaret fidei quoad eius dignitatem, cum enim mysteria fidei sint non apparentia, & supra humanam rationem, non est dignum ea rationi subijcere. Tum etiam meritum fidei minueretur, nam *fides non habet ibi meritum, ubi ratio humana quærit experimentum*, ait Gregor. Deinde derogaret diuinæ reuelationi; quâ hoc mysterium habemus reuelatum, cum non esset ratione naturali inuestigabile, Matth. 11. *Nemo nouit Filium nisi Pater, neq; Patrem quis nouit nisi Filius, & cui voluerit Filius reuelare.* Matth. 16. *Beatus Simon Bar Iona, quia caro & sanguis non reuelauit tibi, sed Pater meus.* q. d. quod ex te & natura duce cognoscere non poteris, cognouisti ex reuelatione Patris. Ioan. 6. *Nemo venit ad me nisi Pater qui misit me traxerit eum*, id est, nemo fide diuina potest credere in Filium DEI nisi per reuelationem Patris. Profectò mysterium istud vnigenitus Filius qui est in sinu Patris ipse nobis enarrauit. Hinc August. Tract. 106. in Ioan. ponderans illud Ioan. 17. *Pater manifestauit nomen tuum hominibus*, ita dicit. *Non id nomen quo vocaris DEus, sed quo vocaris Pater meus.*

Ioan. 1.

Et vl-



Et ultra. In hoc quod DEUS fecit hunc mundum, notus in omnibus Gentibus, in hoc quod non est cum falsis dijs colendus, notus in Iudæa DEUS; in hoc vero quod est Pater huius Christi per quem tollit peccata mundi, hoc nomen prius occultum, nunc manifestavit eis. Pulchrè idem August. in lib. Soliloq. cap. 31. ponderans illud Psal. 113. Cælum cæli Domino, exclamat. Soli tibi Trinitas integrè nota es; Trinitas Sancta, Trinitas supermirabilis, superinenarrabilis, superinscrutabilis &c. quam neq; dicere, neq; cogitare, neq; intelligere, neq; cognoscere possibile est, etiam oculis Angelorum, quàm neq; Cherubim, neq; Seraphim perfecte cognoscunt. Hoc enim certum, Angelis in ipsa creatione mysterium istud fuisse reuelatum, quod & viatores crediderunt.

**DIXERIS.** Gentiles Philosophi lumine naturali mysterium istud cognouerunt; nam Mercurius Trismegistus in Pyramandro dixit, Monas genuit monadem & in se suum reflexit ardorem. id est, Vnus DEUS Pater, genuit vnicum Filium, & ex mutuo illorum amore procedit Spiritus Sanctus. & Non de Filij DEI generatione aut Spiritus Sancti processione illud dixit Trismegistus, sed de mundi creatione, vnus enim DEUS vnum mundum produxit propter sui amorem. *Vniuersa enim propter semetipsum operatus est Dominus.* Quod si quis contentiose voluerit de mysterio Trinitatis locutum esse Trismegistum, ex aliqua sibi facta reuelatione locutus, quæ & Sybillis facta fuit, non ergo naturali lumine.

Prout 16.

**DICES adhuc.** Quia generatio Filij DEI ad omnipotentiam Patris pertinet: quam quia naturali lumine cognoscimus, etiam ipsam generationem naturali lumine cognoscimus. & Omnipotentiam DEI naturali lumine cognoscimus, generationem tamen Filij DEI non cognoscimus naturali lumine, non enim ad omnipotentiam pertinet. Nam ad omnipotentiam DEI solum pertinet, quod omnem effectum possibilem extra se DEUS producere potest, proinde Hilari. lib. 1. de Trin. Non putet homo sua intelligentia generationis Sacramentum posse consequi.

Et Am-



Et Ambrosi lib. 7. de fide ad Gratianum cap. 5. *Impossibile est generationis scire secretum, mens deficit, vox silet*, nam Isai. 53. dictum. *Generationem eius quis enarrabit?* Cognouerunt ergo Philosophi potentiam Dei ad extra productiuam creaturarum, non tamen cognouerunt potentiam ad intra generatiuam Filij, aut spiratiuam Spiritus Sancti.

### QUANTVM AD TERTIVM.

**C**hristiane, Supposito lumine fidei, per similitudines creaturarum, poteris sumere congruentias ad explicandum mysterium SS. Trinitatis, quanquam insufficienter: & quidem cum non sit contrarium naturali rationi in tribus hypostasibus esse vnā naturam, quæ congruentia ita declarari potest. Inuenitur quippe in vna natura vna hypostasis, vt in vno Angelo, & plures in pluribus Angelis: plures naturæ in vna hypostasi, vt in homine corpus & Spiritus. Ergo credibile est, esse quoq; vnā naturam in pluribus hypostasibus, vt in Patre & Filio & Spiritu Sancto. Insufficienter hoc inquam, dicit enim August. *per creaturarum contemplationem sufficiens notitia Trinitatis non potest haberi, aliquantula tamen haberi potest.* Et oportet inquit, vt Creatorem per ea quæ facta sunt intellectu conspicientes Trinitatem intelligamus. Equidem vnaquaq; res creata, & vnitatem in se ostendit, & speciem & ordinem, quæ tribus personis appropriari possunt. Nam in Deo, Trinitate est vna summa origo omnium rerum, & perfectissima pulchritudo, & beatissima dilectio. Vnam summam originem Christiane intellige DEVM Patrem, dicit August: in lib. de vera religione. *à quo sunt omnia, à quo Filius & Spiritus Sanctus, perfectam pulchritudinem intellige Filium, qui est splendor gloriæ & figura substantiæ, & imago DEI inuisibilis, per beatissimam dilectionem, intellige Spiritum Sanctum, qui est amor Patris & Filij.* Iterum lib. 14. de Trin. in anima humana ostendit imaginem SS. Trinitatis. *nam licet, inquit, mens humana non sit eius naturæ cuius est Deus, ima-*

Hebr. 1.

Coloss. 1.



go tamen illius, quo nihil melius est ibi querenda & inuenienda est: nam sicut vna est essentia animæ, tres tamen potentias habet memoriam, intellectum & voluntatem; & sicut anima humana seu mens cum seipsam intelligit actualiter, ex memoria producit intellectum, & ex memoria & intellectu voluntatem; ita sumpta licet imperfecta similitudine, vna est diuina essentia & tres personæ realiter distinctæ. Pater intelligendo se, format Verbum, & sic per modum intellectus producit seu generat Filium; Pater autem cum Filio diligentes se mutuo, per modum voluntatis simul spirant Spiritum Sanctum. Et sicut quælibet potentiarum animæ nostræ capit omnes tres, & omnes tres capiunt quamlibet ipsarum; ita diuinæ personæ sunt inter se æquales, & nec vna minus quam omnes tres, nec omnes tres magis quam vna. *Tota diuina essentia in tribus, & tota in singulis, totus Pater in Filio & Spiritu Sancto, totus Filius in Patre & Spiritu Sancto, totus Spiritus Sanctus in Patre & Filio, nullus horum extra quemlibet ipsorum, ait Fulgentius.* Considera Christiane, quamuis trinitas creata in anima sit Imago Trinitatis increatæ, magna tamen cum dissimilitudine. Primò quidem quia Trinitas increata, quæ est Pater & Filius & Spiritus Sanctus, istæ tres personæ sunt vnus Deus essentialiter, & è conuerso, vnus Deus sunt tres personæ: anima tamen humana non sunt istæ tres potentie, sicut Deus Trinitas est tres personæ, sed anima dicitur habere istas vires seu potentias. Deinde Pater & Filius & Spiritus Sanctus sunt personæ subsistentes, memoria autem & intellectus & voluntas non sunt personæ subsistentes; sed potentie connaturales vnus personæ. Sed hic solers Christianus.

QUÆSIERIT. Si ante fidem reuelatam aliqua rerum Symbola potuerunt hominem inducere in cognitionem Trinitatis increatæ? Ratio quæsitæ, quia Philosophi per numerum ternarium magnificabant in Sacrificiis Deum vnum, eminentem proprietatibus eorum quæ sunt creata, vt habet Aristoteles



les lib. 1. de coelo & mundo, videntur ergo ex numero ternario Symbolicè deuenisse in cognitionem Trinitatis increatæ. & Nulla Symbola rerum, ante fidem in cognitionem Trinitatis increatæ inducere hominem potuerunt. Philosophi autem magnificabant Deum per numerum ternarium, non quòd in diuinis cogitauerunt numerum ternarium, sed id faciebant tantum propter perfectionem. quendam numeri ternarij, continentis principium, medium, & finem.

Tex. 2.

## CATECHESIS XI.

## DE PERSONA DEI PATRIS.

**M**ethodicè docendus est Christianus, qui cum didicisset debere se explicite credere tres in vna Deitate personas, ita quòd alia sit persona Patris, alia Filij, alia Spiritus Sancti, quarum vna est indiuisa Deitas, vna natura & essentia: de singulis quid specialiter sibi sit credendum, iuxta ordinem Symboli Apostolorum explicabitur. Ac primò de prima Patris persona, de qua Catechista tria Christiano explicabit.

*I. Quare prima persona, Patris nomine appellatur?*

*II. Quare illi omnipotentia appropriatur?*

*III. Quare illi creatio rerum attribuitur?*

## QVANTVM AD PRIMVM.

**C**hristiane, cum de Patre, id est prima Deitatis Persona doceris, scito nomen Patris duobus modis vsurpari, essentialiter & notionaliter seu personaliter; de hoc ita Catechismus Parochorum dicit. Quoniam Patris vox, non vna ratione DEO tribuitur, illud prius declarandum erit, quæ sit magis propria huius loci significatio. Et quia essentialiter sumptum nomen Patris conuenit tribus personis & vni essentia, idq;



respectu creaturarum Metaphoricè aliquot modis, qui Deo concedente & donante in explicatione orationis Dominicæ in principio explicabuntur. Nunc quomodo nomen Patris tantum primæ personæ propriè respectu Filij notionaliter conveniat. Pater enim est qui genuit Filium, non de nihilo sed de sua substantia. Scire tamen oportet Christiane, non ita de substantia Patris genitum esse Filium DEI, sicut homo generat filium cui partem suæ substantiæ communicat. Deus autem Pater totam suam substantiam quæ omnino est indivisibilis communicat Filio per æternam generationem. Prima itaq; Deitatis persona dicitur hîc Pater, personaliter accepto nomine Patris, nec potest alijs convenire personis: nam

*Athanas.* unus est Pater, non tres Patres, & unus Filius non tres Filij, unus etiam Spiritus Sanctus, non tres Spiritus Sancti; propter notiones & proprietates personales, Pater ingenuitus, Filius genitus, Spiritus Sanctus procedens: nec actus notionales ibi ad plures personas terminari possunt. Dicitur ergo Pater æterna generatione, quia Filium in æternitate genuit, cuius egressio à principio, à diebus æternitatis eius. Cum enim Deus sit potentissimus, sapientissimus, optimus, potest, scit & vult se summè communicare; hoc autem est maiestatis suæ plenitudinem alijs dare. Ergo Pater Deus ab æterno æqualem sibi per omnia Filium genuit, cui divinitatis suæ essentiam communicavit. Et hæc ratio

*Ioan. 17.* cur prima in Deitate persona Patris nomine vocatur, qui modus vocandi Patrem ante fuit abstrusus, novissimis verò diebus per vnigenitum eius manifestatus.

QUÆSIER. Cur DEUM Patrem vocas primam in Deitate personam, cum ibi non detur primum sicut nec postremum.

*Athanas.* In hac enim Trinitate nihil prius aut posterius. R. DEUM Patrem dicimus primam in Deitate personam, ordine enumerationis, qui responderet ordini originis, ait S. Thomas, est enim Pater principium sine principio, principium inquam Filij & Spiritus Sancti. Hinc Concil. Tolet. 6. cap. 1. Credimus Patrem in-

geni-



genitum. fontem & originem totius diuinitatis, scilicet quia est principium Filij & Spiritus Sancti, in quibus singulis est tota diuinitas.

## QVANTVM AD SECVNDVM.

**C**hristiane, Equidem toti SS. Trinitati communis est Omnipotentia: nam Omnipotens Pater, Omnipotens Filius, Omnipotens Spiritus Sanctus. ait Athanasius. Quemadmodum enim DEUM Patrem, DEUM Filium, DEUM Spiritum Sanctum, neque tamen Tres DEOS sed vnum DEUM dicimus, ait Catech. Paroch. ita æque Patrem & Filium, & Spiritum Sanctum Omnipotentem confitemur. Et hæc omnipotentia DEI, opportunè, nobis in principio Symboli manifestatur, cuius mira opera credenda proponuntur. Ne verò curiose disquiramus, quomodo aliquid eorum fieri potuit, tota ratio nobis est, quia DEUS Omnipotens est, cui nihil difficile, nihil factu impossibile. Manifestat autem nobis suam Omnipotentiam multis modis. Tum creando res ex nihilo, tum conseruando, tum puniendo peccatores. 2. Petr. 2. *DEVS angelis peccantibus non pepercit*, ne forte nec tibi parcat. tum conuertendo ad se quoscunque voluerit, etiam maximè rebelles. Act. 9. Saulum. tum peccata pro sua voluntate dimittendo, tum vilissimos homines ad æternam gloriam perducendo, vt latronem. Deniq; credimus & confitemur Omnipotentiam DEI, quâ potest plus quàm facit, aut cogitatio nostra comprehendit: potest etiam alium mundum creare, potest de lapidibus filios Abrahamæ suscitare. potest facere vt camelus per foramen acûs transeat, quod nos contra Galuinistas de absoluta DEI potentia confitemur. Quare Christiane cum es in magnis periculis, de quibus opera humana euadere non possis, spera in Omnipotente DEO, & ipse liberabit te, sicut sperauerunt Sancti & liberati sunt. Quoniam in me sperauit liberabo eum. Sed hæc de potentia quatenus communis est tribus personis. Appropriatur autem DEO Patri, quia omnis originis fons est, ait Catech. Paroch.



id est ipsi adest omnis potentia etiam ad intra, potentia videlicet generatiua Filij & spiratiua Spiritus Sancti, ab ipsoque communicata est Omnipotentia Filio & Spiritui Sancto, quia communicata essentia.

OBSERuat Magister Sent. lib. I. dist. 34. congruentiam, cur Deo Patri potentia, Filio sapientia, Spiritui Sancto bonitas tribuatur, cum hæc tria attributa omnibus sint communia. Et Patri quidem tribuitur potentia, ne, inquit, ratione antiquitatis (ut contingit in hominibus) impotens credatur Filio sapientia, ne ratione iuuentutis insipiens existimetur. Spiritui Sancto bonitas, ne ratione impetuositatis crudelis censeatur.

DIXERIS. Quomodo asseris Omnipotentiam Dei, cum Deus non possit facere quod præterita non fuerint, nec ea quæ non facit, quia non præsciuit nec præordinauit ea se facturum? R. ad hæc, & primò ad primum, non potest Deus facere quod præterita non fuerint, sed hoc non arguit impotentiam in Deo, verum impossibilitatem rei; implicat enim contradictionem: potest Deus facere omnia quantum ad perfectionem suæ potentia, sed quia aliqua deficiunt à ratione possibilem, ideo non subduntur eius omnipotentia. & hoc modo impossibile est præterita non fuisse: impossibile etiam quod virgo post ruinam non fuerit corrupta, ut Hieron. dicit ad Eustochium. R. ad secundum, illud enim dicitur de potentia ordinaria, nihil tamen prohibet esse aliquid in potentia Dei absoluta, quod non vult, & quod non continetur sub ordine quem rebus statuit, & quod tribuitur potentia secundum se considerata, potest Deus secundum potentiam absolutam: & huiusmodi est omne illud, in quo potest saluari ratio entis. Nam quia non exhibuit Deus Pater Christo duodecim legiones Angelorum ad defensionem contra hostes, ergo non potuit exhibere? quis tam insanus ut hæc dicat? cum & Christus id à Patre potuerit impetrare, quod Euangelium disertè ostendit.



## QVANTVM AD TERTIVM.

**C**hristiane, Verus Deus tuus illustri ea nota à falsis pagano-  
rum dijs discernitur, quia possit creare, quòd illi non pos-  
sunt, qui non dij, sed vel dæmones immundi, vel homines  
mortui, vel muta elementa, vel animalia, vel aliquid eorum  
quæ non viuunt, fuerunt, quorum impotentia & imperfectio  
Isai. 41. in derisu. *Annuntiate inquit quæ ventura sunt in futurum,*  
*& sciemus quia dij estis vos, &c.* Deus autem tuus Christiane est  
res tam viua, tamq; efficax vt prorsus omnia creârit. Cur ve-  
rò creârit si quæras, non est alia causa, nisi vt rebus quæ ab  
ipso effectæ essent bonitatem impertiretur, nempè *bonum est*  
*sui diffusiuum*, ait Dionys. cap. 4. de diuin. nomin. Bôetius  
quoq; lib. 3. de Consol. Philos. metro 9. *Quem non externa pe-*  
*pulerunt fingere causæ, Materia fluitantis opus sed insita summi For-*  
*ma boni, &c.* Et plato in Timæo. *Bonitas DEI est causa factionis*  
*mundi, & originis omnium rerum*. Deus autem sicut natura sua  
beatissimus est, nullius rei indigens, ita sua bonitate adductus,  
*omnia quæcunq; voluit fecit*, non per exemplar aut formam ex-  
ternam, sed quia in sua mente & intelligentia continentur  
exemplaria omnium rerum; ea exemplaria intuens in seipso  
summus iste artifex, summa sapientia & infinita virtute, quæ  
ipsius propria est, rerum vniuersitatem initio procreauit.  
Quod vltterius prosequitur Bôetius. Tu inquit *cuncta sereno du-*  
*cis ab exemplo, pulchrum pulcherrimus ipse, mundum mente gerens si-*  
*milig; ab imagine formans*. Mundus in mente diuina præexi-  
stens archetypus dicitur, quasi principalis similitudo. Deus  
enim cum sit agens per intellectum producens mundum, ipse  
præhabuit in mente sua exemplar mundi & omnium parti-  
um eius, ad cuius imitationem produxit mundum extra. Qua-  
re hîc cum Apostolis in Symbolo credimus, & confitemur.  
*Deum Creatorem cæli & terræ*: cum Patribus Nicænis, *Factorem*  
*cæli & terræ, visibilibus omnium & inuisibilibus*. Triplex est au-  
tem

Psal. 15. 7

16. 17.

Psal. 113.

tem



tem creatura, corporalis tantum seu visibilis, ut elementa: Spiritualis tantum seu invisibilis, ut Angeli & anima humana, composita ex his, ut homo. Dum ergo confitemur Deum Creatorem cœli & terræ, nomine cœli & terræ (quæ extrema sunt huius mundi corporalis & visibilis) omnia omnino creata, quæ cœlo & terra continentur & conspiciuntur, expressa intelligimus. In cœlo produxit Deus solem, lunam & stellas. In terra quam iussit Deus in media parte mundi consistere, produxit herbas, arbores, virgulta, animalia, denique hominem. Et quoniam opera Trinitatis ad extra sunt indivi- vel ut Dionys. dicit *Communia sunt totius Diuinitatis*, quidquid creat Pater, creat Filius, creat Spiritus Sanctus, quia hi tres sunt vnus Deus, vnus essentiæ, potentiæ, voluntatis, intellectus & sapientiæ. Ioan. 5. *Quæcunq; Pater fecerit, hæc & Filius similiter facit.* Appropriatur tamen Patri id, quod commune est omnibus tribus personis. Ratio huius est, quia in eo quasi in æthio residet potestas creandi; quam cum essentia communicat alijs personis: atq; iuxta hunc sensum Filius in Evangelio ad Patrem tanquam ad æthium omnia sua refert.

*Gloss. Bedæ.* QUÆSIER. Num dissonant Symbola, cum Apostoli Deum vocant Creatorem, Nicæni autem Patres Factorem confitentur, cum creare sit ex nihilo aliquid producere, facere autem est ex præiacenti materia aliquid statuere? &. Nulla est in hoc dissonantia, quando interdum vnum pro alio promiscue ponitur, creare pro facere, & facere pro creare. Ita enim etiam in scriptura creare pro generare ponitur. Cum Eccl. 24. Sapientia Dei de se pronuntiat. *Ab initio & ante secula creata sum*, cum tamen genita sit non creata. Et è contra Deut. 32. generare pro creare vsurpatur. *Deum qui te genuit dereliquisti*, & crebrius sunt multæ metaphoræ. Iacob. 1. *Voluntariè genuit nos verbo veritatis*, Ita in præsentī creare pro facere, & facere pro creare ponitur, ut in utroq; significantia productionis exprimatur, contra errores eorum primò, qui dicebant mundum



dum non incepisse sed ab æterno extitisse, propterea dicitur Deus factor cœli & terræ; si enim facta sunt, profectò non semper fuerunt, sed esse inceperunt. *Dixit & facta sunt.* Deinde est contra errorem Minichæorum dicentium omnia visibilia creata esse à diabolo, sola inuisibilia à Deo, ut refert Bernardus Lutzemb. in Catalogo hæret. lib. 2. lit. M. & ideo contra hunc errorem confitemur Deum esse opificem tam visibilium quàm inuisibilium. Tandem contra errorem dicentium mundum esse factum ex præiacenti materia, dicimus Deum Creatorem cœli & terræ, ut ostendatur mundus ex nihilo factus.

Psal. 148.

## C O R O L L A R I U M

## A R T I C U L I.

**P**rimus iste fidei articulus, quam nobis in isto Symbolo tradiderunt viva voce Apostoli, docet te Christiane credere vnum verum Deum: vnum, inquam, in essentia & natura diuina, Trinum in personis, Patrem & Filium & Spiritum Sanctum, docet te credere non tres sed vnum creatorem cœli & terræ, qui omnia visibilia & inuisibilia propter se & suam bonitatem, solus sine alicuius adminiculo ex nihilo produxit, regit, & gubernat: omnibus creatis prouidet, atq; omnia conseruat, rationales mentes ad vltimum æternæ beatitudinis finem destinat & gubernat ordinatq;. Quare Christiane ut fructum spiritualem ex doctrina huius articuli reportes, istum tuum Creatorem, Gubernatorem & Prouisorem super omnia ama, ipsi seruito. Nam si quæras (inquit Magister sent.) ad quid creata sit rationalis creatura? respondetur ad laudandum Deum, ad seruiendum ei, ad fruendum eo, in quibus proficit ipsa, non Deus. Deus enim perfectus & summa bonitate plenus, nec augeri potest nec minui. Quod ergo rationalis creatura facta est à Deo, referendum est ad Creatoris bonitatem & ad creaturæ utilitatem.

lib. 2. dist. 1.



## ARTICVLVS II.

Et in IESVM CHRISTVM Filium eius vnicum, Dominum nostrum.

Cum credis Christiane in Deum Patrem, oportet credas in IESVM Christum Filium eius vnicum, Dominum nostrum: hæc enim ratio fidei & confessionis Ioan. 14. à te exigitur. *Creditis in DEUM* (ipse Dominus dicit) *& in me credite.* Oportet credas & confitearis DEI Filium, DEUM esse verum, Patri consubstantialem. Nam sicut Pater est increatus, immensus, æternus, Omnipotens, DEUS verus; ita vnicus eius Filius est increatus, immensus, æternus, Omnipotens, DEUS verus de DEO verò, genitus non factus, consubstantialis Patri per quem omnia facta sunt. Et sicut credis, DEUM esse Patrem, consequens est, vt credas Filium habere. Petrus id testimonio Patris declarat. *Non doctas, inquit, fabulas secuti, notam facimus vobis Domini nostri IESV Christi virtutem & præsentiam, sed speculatores facti illius magnitudinis: accipiens enim à DEO Patre honorem & gloriam, voce delapsa ad eum huiusmodi à magnifica gloria. Hic est Filius meus dilectus.* Tanta necessitas est fidei in Dominum nostrum IESVM Christum, vt nemo credat in Patrem, nisi credat in Filium. 1. Ioan. 2. *Omnis qui negat Filium, nec Patrem habet, qui constitetur Filium & Patrem habet.* Et cap. 4. *Quisquis confessus fuerit, quoniam IESVS est Filius DEI, DEUS in eo manet, & ipse in DEO.* Quod vt firmitus mentibus nostris imprimamus, ipse Christus vocat DEUM Patrem suum, seq; Filium DEI nominat. Ea; de causa Apostoli inter articulos fidei posuerunt, quod Christus est Filius DEI, dicentes, *Et in IESVM Christum Filium eius vnicum.* Et postea Patres Nicæni, *Et in vnum Dominum nostrum IESVM Christum, Filium DEI vnigenitum, & ex Patre natum ante omnia*

2. Perr. 1.

Matt. 17.



omnia secula, DEum de DEo, lumen de lumine, DEum verum de DEo vero, genitum non factum, consubstantialtem Patri, per quem omnia facta sunt. Non sinit & Athanasius. Filius, inquit, à solo Patre est, non factus, nec creatus, sed genitus. Proinde Christiane ut completam doctrinam huius secundi articuli accipias, hæreses tibi primò contra ipsum profligandæ, postea quid in eo iuxta doctrinam Ecclesiæ continentur, aperiendum. Sit itaq;

## CATECHESIS I.

## DE HÆRESIBVS

*Contra istum Articulum.*

**I**Nfesti humano generi, ipsiq; DEI Filio, malitiam Draconis Apoc. 12. describit Ioannes dicens. *Draco stetit ante mulierem quæ erat paritura, ut cùm peperisset Filium eius deuoraret.* Quid draco iste Hæreticorum progenitor nisi Diuinitatem Filij DEI demoliri satagit? tot hæreses excitando, quæ fidem de vera Diuinitate Filij DEI abolere contendunt; verum cassi eorum omnes conatus, nam qui regit gentes in virga ferrea, ad Thronum DEI Patris raptus, potestatem omnem in cœlo & in terra obtinuit. Quare in ista Catechesi tres hæreses confodientur.

*I. Quæ fuerit hæresis Photini?*

*II. Quæ vero Sabellij?*

*III. Quid postremò Arius opinabatur?*

## QUANTVM AD PRIMVM.

**C**hristiane, ante omnia oportet te circumspectum esse, & vitare atheismos hæreticorum contra veram & Catholicam fidem, ut in ipsa stabilis & immobilis perman eas. Præcauet enim Apostolus. *Filioli nouissima hora est, & sicut audistis quia Antichristus venit, & nunc Antichristi multi facti sunt.* Et iterum,

*I. Ioan. 2.*



*Cap: 4.* *Omnis Spiritus qui soluit IESum ex DEo non est, & hic est Antichristus.*  
*En habes Photinum hæreticum,* circa annum 374. ut dicit Bernard. Lutzemb. lib. 2. lit. F. qui dicebat Christum non aliter esse Filium DEI, quàm sunt viri boni, qui bene viuendo meruerunt dici Filij DEI per adoptionem, facientes DEI voluntatem: ita de hoc eius errore narrat S. Thom. in expositione Symboli Apostol. *Vide quàm turpiter errauit non agnoscens Christum, DEI Filium esse secundum naturam.* Et qui Filium negat, neq; Patrem habet. De hoc argumento ipse Christus cum Iudæis loquitur, à minore ad maius ut dicunt Logici. *Nonne, inquit, scriptum est in lege vestra, ego dixi di estis? si illos dixit deos ad quos sermo DEI factus est, & non potest solui scriptura, quem Pater sanctificauit & misit in mundum, vos dicitis quia blasphemas, quia dixi, Filius DEI sum.* Talis ac tantus Filius qui est in sinu Patris. Idem hæreticis dixit, Christum non fuisse antequam natus eiset ex Maria Virgine. Tu Christiane crede secundum diuinitatem fuisse ante omnia secula. Nondum erant abyssi, id Patres Nicæni confitentur. *Ex Patre natum ante omnia secula. Æternus Pater, æternus filius, Antequam Abraham fuerat ego sum.* Et quoniam infans iste hæreticus, Dominum nostrum IESum Christum ex adoptione tantum Filium DEI esse dogmatizabat, pro ampliori instructione Christianus ex Catechista.

*QuÆRIT.* Si Christus non adoptivus, cur Apostolus Rom. 6. vocat ipsum primogenitum ex multis fratribus, nam primogenitus eiusdem conditionis est cum ceteris? R. Vocat Apostolus Christum primogenitum in multis fratribus, non quòd vel secundum humanam naturam sit adoptivus, (neq; enim natura sed persona adoptari dicitur) sed quia ipse solus naturalis, multos sibi similes habet secundum analogiam, qui sunt Filij adoptiui. Primogenitus ergo dicitur respectu adoptiuorum, ipse solus existens naturalis. Quomodo etiam inter homines naturalis Filius cui sunt adoptiui fratres, primus siue primogenitus inter eos dicitur. Est ergo Christus primogenitus in mul-



multis fratribus id est fidelibus, Sanctis & electis DEI. Primò quia ipse est naturalis, cum ceteri sint tantum adoptiui: deinde quia ipse ante omnes fuit prædestinatus ad hanc filiationem & vnionem cum verbo. Tandem quia ipse finis, scopus, & exemplar omnium electorum & prædestinatorum.

## QVANTVM AD SECVNDVM.

**C**hristiane, declina aliam hæresim & atheismum Sabellij circa annum 260. qui confundebat diuinas personas, ita vt diceret non esse tres personas in vna Deitate realiter distinctas, nec Filium DEI esse alium à Patre, sed qui est Pater idem & Filius; Patrem natum esse dicebat, passum in humana carne. Et quòd illa singularis persona diuina, nunc appellatur Pater propter creationem rerum & mundi gubernationem, Filius quia assumpsit carnem ex Virgine propter humani generis redemptionem, Spiritus Sanctus, secundum quòd creaturam rationalem. sanctificat & ad vitam mouet. Te verò Christiane docet Ecclesia Catholica credere ita esse vnum DEUM Patrem & Filium & Spiritum Sanctum, vt tamen in vna Deitate sint realiter distinctæ personæ: nam alia est persona Patris, alia Filij, alia Spiritus Sancti, sed Patris & Filij vna est diuinitas, æqualis gloria, coæterna maiestas, vt Athanas. & Fulgentius in lib. de fide ad Petrum cap. I. dicit. Vna est essentia Patris & Filij & Spiritus Sancti; in qua non est aliud Pater, aliud Filius, aliud Spiritus Sanctus, quamvis personaliter sit alius Pater, alius Filius, alius Spiritus Sanctus. Ioan. I. *Verbum erat apud DEVM*, Filius scilicet DEI (qui iuxta vsitatum loquendi modum in scripturis, Verbum dicitur) erat apud DEUM Patrem; constat profectò aliam esse personam Patris, aliam Filij, vt quæ fuerit apud Patrem, cum nemo apud se esse dicatur, sed apud alium. Ioan: 8. de se Christus dicit. *Ego ex DEO processi*, & quia *Ly Ego*, in natura rationali personam denotat, apparet aliam esse personam procedentem, & aliam



I. p. q. 43.  
a. 8. c.

à qua procedit. Et adhuc. *Solus*, inquit, *non sum, sed ego & qui misit me Pater*; profectò nemo mittitur à seipso sed ab alio, si Filius mittitur à Patre, alia est persona à Patre; in quantum etiam mittens designatur ut principium personæ quæ mittitur. ait S. Thom. & nihil sui metipsum principium esse potest, Sed docentem Ecclesiam attentius audi Christiane, quæ mysterium, istud in præfatione pro Festo Ss. Trinit. completè prosequitur, ut eius verba referamus. *Qui* (inquit) *cum unigenito Filio suo & Spiritu Sancto, unus est DEUS, unus est Dominus. Non in unius singularitate personæ, sed in unius Trinitate substantiæ. Et ultra. Ut in cōfessione veræ, sempiternæq; Deitatis, & in personis proprietatis, & in essentia unitas, & in maiestate adoretur æqualitas.* Hic Christianus.

INQUIRIT. Quomodo Filius alius est à Patre, cum alias diuersitatis substantiæ relationem contineat. R. Eò Filius alius est à Patre, quia Pater à nullo est, Filius autem à Patre per generationem æternam: nam Pater à nullo est factus, nec creatus, nec genitus, Filius à solo Patre non factus, nec creatus, sed genitus. Hinc Nicæni dicunt *DEVM de DEO, lumen de lumine, DEVM verum de DEO vero.* Alius ergo, cum sit sicut quoddam particulare nomen tenet se ex parte suppositi, ad cuius rationem sufficit distinctio personæ. Quare Filius dicitur alius à Patre, sed non diuersus.

### QVANTVM AD TERTIVM.

Circa annum  
328. Lutzéb.

CHRISTIANE, post atheismum Sabellij confundentis diuinas personas, considera venenosissimam Arii perfidiam, qui licet diceret aliam esse personam Patris, aliam Filij, tria tamen pestilentissima dogmata de Christo divulgauit, ut S. Thom. dicit. in exposit. Symboli. Vnum quòd Filius Dei fuerit creatura: alterum quòd non fuit ab æterno sed ex tempore nobilissima creaturarum à DEO facta: tertium quòd non fuit eiusdem substantiæ cum Patre, ac proinde non verus DEUS. Quare Christiane sicut credis & confiteris tres personas reali-

ter



ter distinctas in DEO contra Sabellium, ita nunc crede & confitere eos esse vnius naturæ & essentia. Christum DEI Filium non creaturam sed Creatorem vnum esse cum Patre. *Per quem omnia facta sunt, & sine ipso factum est nihil.* Crede coæternum Patri, ita quod nunquam fuerit DEUS Pater sine vnigenito Filio suo, quem ex substantia sua ab æterno genuit. Non de alia natura factus Patri comparabilis, sed de eius essentia natus ipsi æqualis, ait S. Leo. Crede consubstantialem Patri cum audis dicentem, *Ego & Pater vnum sumus.* Vnum non in persona, sed in natura Deitatis. Sed hic Christianus pro ampliori instructione à Catechista indagando.

Ioan. 1.

In Homil. de  
Transf.

QUÆRET. Quomodo Filius genitus à Patre? horret edicere. *Ualas. cap. 53. Generationem eius quis enarrabit?* nam DEI generatio in infinitum discrepat ab aliarum rerum generatione. Generatur DEI Filius à Patre non carnaliter sed mentaliter, per intellectum tanquam per principium proximum.

S. Thom. in ex-  
posit. Symb.

Quo. Sicut enim cum homo cogitat, ex anima eius oritur conceptio intellectus sicut ex Patre, & vocatur verbum intellectus; sic & Filius DEI nihil est aliud quam Verbum DEI, non exterius prolatum, sed interius conceptum, & ideo Verbum DEI est substantia eiusdem naturæ cum Patre, & generanti æquale. Hic considera Christiane pro consolatione tua mirificum & yberrimum fructum ex fide & confessione huius articuli. 1. Ioan. 4. *Quisquis confessus fuerit quoniam IESVS est Filius DEI, DEUS in eo manet, & ipse in DEO.* Petrus quoque ubi confessus est. *Tu es Christus Filius DEI vivi,* beatitudine donatus, *Beatus es Simon Bar Iona.*

Matth. 16,

Considera quoque quam seuerè puniti sunt, iniurij in Filium DEI. Iudæi qui volebant super se regnare: negarunt ante faciem Pilati, dispersi sunt inter gentes, Iudas sacrilegus venditor, suspendio seipsum necauit, Arius similem poenam luit, de quo Magister Sent: *Arij, inquit, hæc fuisse perfidia legitur, ut Christum creaturam fateretur, ideo effusa sunt Arii viscera, atque crepuit medius, prostratus in faciem, ea*

Luc. 19.

Ioan. 19.

Leuit. 24.

Matth. 27.

Act. 1.

qui-



## ARTICULUS II.

quibus Christum negauerat, feda ora pollutus. Sed hîc adhuc pergit Christianus, & ex Catechista discere cupiens.

QUÆRIT. Huius seculi sectarij Lutherani & Calvinistæ creduntne in Filium DEI Dominum nostrum IESUM Christum? R. persuasione humana aliquid dicunt, nihil autem credunt fide diuina quam non habent. Et Lutherus quidem sicut & Arius negat Filium DEI esse eiusdem cum Patre essentia, in libro contra Latomum dicit. *Anima mea odit vocabulum Homouision*, vt refert Vasquez. disput. 109. cap. 1. in 1. partem. Quapropter & isti cum ceteris iam iudicati sunt, quia non credunt in nomine vnigeniti Filij DEI Ioan. 3.

## C A T E C H E S I S II.

### DE CREDENDIS IN SECVNDO SYMBOLI ARTICVLO.

PROpositis iam in præcedenti Catechesi quibusdam atheis-  
ismis grauioribus contra veram fidem huius secundi arti-  
culi: oportet doctrinam de eodem articulo perscruteris, atq;  
ea Christiane, quæ te Sancta Mater Ecclesia Catholica docet  
perdiscas, credas, & tanquam pretiosissimum depositum fide-  
liter custodias. Quare in ista Catechesi, tria potissimum per-  
discere satage.

1. Tim. 6. 20.

- I. Unde conuincendi infideles negantes Filium Dei esse verum Deum, Patri consubstantialem & æqualem?
- II. Quomodo intelligendum per Filium omnia facta?
- III. Quare specialiter Filium confitemur Dominum nostrum?

QVAN-



## QUANTVM AD PRIMVM.

CHRISTIANE, Filium DEI Dominum nostrum IESUM CHRISTUM, qui est secunda in Deitate persona, esse verum DEUM, Patri consubstantialem & æqualem, perfidos, illustres loci scripturæ conuincunt, tam noui quàm veteris testamenti, qui in vna Deitate tres Personas ostendunt. Ac primò quidem, cum subuerteretur Sodomorum ciuitas propter enormia scelera, ita scriptura dicit. *Pluit Dominus super Sodomam & Gomorrhæam sulphur & ignem à Domino de cælo*, dicitur Dominus à Domino, id est. Filius à Patre à quo genitus est: cui conformis est illa phrasis Ps. 109. *Dixit Dominus Domino meo*, id est Pater Filio, tam Filius Dominus, quàm Pater Dominus, & in prædictis locis Hebræa vox יהוה Iehoua quæ DEO vero congruit, ponitur. Deinde Ps. 2. *Filius meus es tu*: si Filius, certè eiusdem cum Patre naturæ & substantiæ, nam Filius ex substantia Patris generatur. Ex utero genui te; quod non diceret nisi ex sua substantia generaret. Præterea Zachar. 12. Christus confixus promittit se effusurum Spiritum gratiæ in homines. *Effundam inquit super domum Dauid, & super habitantes Ierusalem Spiritum gratiæ precum, & aspicient ad me quem confixerunt*, effundere autem Spiritum gratiæ, proprium est solius veri DEI. Ps. 83. *Gratiam & gloriam dabit Dominus*. Quis nam neget Christum DEI Filium esse verum DEUM, Patri consubstantialem & coæqualem? In nouo testamento innumera sunt, quæ Christum consubstantialem Patri & coæqualem secundum diuinitatem testantur. Matth. 19. Petrus confessus dixit. *Tu es Christus Filius DEI viui*, per quod ostendit eum esse naturalem Filium DEI, qui Ioan. 1. & 2. vocatur *unigenitus*, & Rom. 8. *Proprius*, qui si non esset eiusdem naturæ cum Patre, non diceretur *unigenitus* & *proprius*. Et quia Petrus confessus est naturalem Filium, quem alij adoptiuum, alij prophetam dicebant, ideo eius confessio præ alijs laudata. *Beatus* (inquit)



## ARTICULUS II.

es. Luc. 1. Zacharias prophetauit per aduentus Christi imple-  
tam esse promissionem DEI, qua DEUS promisit semetipsum.  
daturum se nobis. *Ius iurandum, inquit, quod iurauit ad Abraham*  
*Patrem nostrum daturum se nobis, & quia Filium suum dedit. Itai.*  
*9 Filius datus est nobis. Ioan. 3. Sic DEUS dilexit mundum ut Filium*  
*suum unigenitum daret. Quis eat inficias, Filium DEI verum esse*  
*DEUM?* Amplius, quod de vero DEO Itai. 8. dictum est, hoc  
Simeon Luc. 2. de Christo ex Virgine nato pronuntiat. Apud  
Itaiam ita dicitur. *Dominum exercituum ipsum sanctificate, ipse pa-*  
*uor vester, & ipse terror vester, & erit vobis in sanctificationem, in*  
*lapidem autem offensionis, & in petram scandali duabus domibus Israël.*  
Simeon autem prophetans & benedicens Virgini MARIE  
idem penitus dicit. *Ecce positus est hic in ruinam & in resurrectionem*  
*multorum in Israël.* Nonne euidenter ostenditur DEI Filius  
Dominus & Saluator noster verus DEUS, & Dominus exerci-  
tuum? Iudas Apostolus in sua Canonica. d. *IESVS populum de*  
*terra Egypti saluauit, sed DEUS verus populum de terra Egy-*  
*pti saluauit. Exod. 20. Ego sum Dominus DEVS tuus, qui eduxi te*  
*de terra Egypti.* Iesus ergo Dominus noster est verus DEUS.  
Postremò quem Apostolus Tit. 2. vocat magnum DEVM, nun-  
quid verus & natura DEUS non est? Vltimò qui literaliter in  
scripturis, propriissimè & sine vlla figura DEUS vocatur, il-  
lum necesse est natura DEUM rerum æternum esse; cum itaq;  
Filius DEI & Saluator noster hoc nomine vocetur in scriptu-  
ris secundum literam, proprie & absq; vilo tropo. Ierem. 23.  
*Hoc est nomen quod vocabunt eum Dominus iustus noster, in Hebræo*  
*positum est nomen tetragrammaton Iehoua, quod est propri-*  
*um inter nomina DEI, Manifesta igitur res est Christum DEI*  
*Filium natura DEUM verum esse, in quem etiam Ioan: 14.*  
*credendum, quod non esset, si Christus non esset DEUS vt*  
colligit Augustinus. Ad extremum fides Catholica conuincit  
omnem altitudinem extollentem. se aduersus scientiam DEI,  
quâ semper, vbiq; & ab omnibus creditum est Filium DEI  
natura

Tract. 67. in  
Ioan.

2. Cor. 10.



natura DEUM verum esse. Patri consubstantiali & coæqualem. Semper ita creditum est, id est omnibus seculis ab Apostolis ad hæc vsq; tempora. Vbiq; etiam, in oriente, occidente, meridie & septentrione. Ab omnibus Catholicis Græcis, Latinis & aliorum idiomatum Doctoribus & populis. Quare contra prænominatas in præcedenti Catechesi tres hæreses, fidem Catholicam præmunit Euangelium. Ioan: i. vbi deducens diuinitatem Christi, tria tribuit Verbo, primò æternitatem dicens. *In principio erat Verbum.* Secundò distinctionem Filij a Patre. *Verbum erat apud DEVM.* Tertiò consubstantialitatem, *Et DEUS erat Verbum.* Quod si Gatechistæ.

OPPONATUR. LUC. 18. Christus ipse negat se esse DEUM cuidam dicens. *Quid me dicis bonum? nemo bonus est nisi solus DEVS.* R. Falsum est: non negat sed asserit potiùs Christus se esse verum DEVM. q. d. Tu qui negas me esse verum DEUM, cur me tua simulatione bonum dicis, cum nemo sit bonus, nisi solus DEUS.

QUÆSIER. Cùm DEO omnia sint nuda & aperta, cur Christus dicit se ignorare aliqua, vt diem iudicij? ita enim Matth. 24. & Marc. 13. *De die illa & hora, nemo scit neq; Angeli in cælo, neque Filius DEI nisi Pater.* Si non cognoscit omnia cum Patre, profectò non est eiusdem sapientiæ nec naturæ cum Patre. R. Christus dicit se ignorare diem iudicij, non vt DEUS, sed vt homo, quatenus hæc particula. ut Homo, reduplicatiuè sumitur, & reduplicat naturam humanam in se consideratam, vt sit sensus, Christus homo in quantum homo, id est simplex ex natura humana, & non vt talis homo ignorat diem iudicij. Vt verò talis homo, qui ab initio conceptionis fuit beatus, nouit omnia quæ ad eius statum pertinent: & cùm sit Iudex viuorum & mortuorum, ad ipsum pertinet nosse diem iudicij. Iudex autem etiam vt homo. Ergo etiam vt homo nouit diem iudicij. Si enim nouit quod maius est, nouit etiam quod minus est, nouit omnes actus omnium hominum secundum omnia

Ioan. 5.



nia tempora, ab initio mundi vsq; ad finem quorum est Iudex quod quidem maius est. Ergo nouit & diem iudicij, quod minus est. Dicit autem se nescire ad eum scilicet effectum, vt nobis reuelet, quod nec expedit, vt Act. 1. dixit. *Non est vestrum nosse tempora vel momenta.*

### QVANTVM AD SECVNDVM.

**C**hristiane, Hæc te rursus confirmant in fide veræ diuinitatis Filij DEI, cum audis omnia per ipsum facta, vt Ioan. 1. dicitur. *Omnia per ipsum facta sunt, & sine ipso factum est nihil.* Et Hebr. 1. de Filio dicit Apostolus, *Quem constituit heredem vniuersorum, per quem fecit & secula, qui cum sit splendor gloriæ, & figura substantiæ eius, portans omnia verbo virtutis sue.* Omnia hæc dicta conferunt ad ostendendam veram Filij DEI diuinitatem. Filius enim DEI qui est eiusdem cum Patre Substantiæ seu naturæ & essentiæ, suo verbo, suo nutu & iussu potenti omnia portat, & sustentat pondus creaturarum, ait Theophylactus. Mercurius autem Trimegistus in Pymandro Tacium Filium suum erudit & admonet. d. *Mundum Verbo non manibus fabricatus est opifex, hoc Verbum o Fili cole & adora.* id est Filium DEI, de quo Psal. 32. *Verbo Domini cæli firmati sunt.* Quomodo Deus non est, qui cum Patre omnia condidit. Quæcunq; enim Pater fecerit, hæc & Filius similiter facit. Et ultra. *Sicut Pater suscitatur mortuos & viuificat, sic & filius quos vult viuificat.* Attestatur & Paulus. *Per eum inquit condita sunt omnia, quæ in cælis sunt, & quæ in terra, siue throni siue dominationes, omnia per eum & in eo condita;* insuper omnia etiam per ipsum consistunt seu conseruantur. Potest etiam dupliciter intelligi, omnia per Filium facta. Et primo quidem tanquam per principium ex principio, proprium enim est Filij esse principium ex principio: deinde tanquam per sapientiam quæ Filio appropriatur.

**QVÆSTIØ.** quia Filius cum Patre omnia operatur, sicut & Pater cum Filio, cur ergo non dicitur Filius operari per Patrem,



trem, sicut Pater per Filium? & non Filius per Patrem, sed Pater dicitur per Filium, ad ostendendam in Patre autoritatem, non enim Pater à Filio, sed Filius à Patre operatur, Sed  
 rursum.

*Magister. Sēs.  
lib. 2. dist. 13.  
1.*

DICES. Si per Filium omnia sunt facta & creata, num etiam Spiritus Sanctus in ista vniuersali distributione OMNIA includatur? & ista vniuersalis distributio Omnia, comprehendit quidquid est factibile & creabile: Spiritus verò Sanctus cum sit extra ordinem rerum factibilium & creabilium, in ista vniuersali distributione nullatenus includitur.

### QUANTVM AD TERTIVM.

CHRISTIANE, Confitemur Orthodoxa fide Dominum. Patrem, Dominum Filium, Dominum Spiritum Sanctum, & non tres Dominos sed vnum Dominum; sicut non tres DEOS, sed vnun DEVM. Speciali tamen ratione Filium Dominum nostrum confitemur, tam in Symbolo Apostolorum cum hæc verba recitamus. Et in IESUM Christum Filium eius vnicum, Dominum nostrum quàm in Nicæno. d. *Et in vnum Dominum nostrum IESVM Christum, Filium DEI vnigenitum.* Petrus etiam Act. 2. d. *Certissimè sciat omnis domus Israël quia & Dominum eum, & Christum fecit DEUS hunc IESVM.* Ratio ea est, cur peculiari ratione Filium confitemur Dominum nostrum, quia nos deprauatos & perditos redemit, nempe. *Qui propter nos homines & propter nostram salutem descendit de cœlis.* Agnosce itaq; Christiane te seruum esse eius, & iure creationis, & iure redemptionis. Qui pro te æterno Patri, Adæ debitum soluit, & veteris piaculi cautionem pio cruore deterfit: quod in benedictione cerei Sabbato magno canit Ecclesia. Ipse in sua carne, quæ non rapuit, exoluit. Et ideo viginti quatuor seniores Apoc. 5. d. *Dignus es Domine accipere librum & soluere signacula eius, quia occisus es, & redemisti nos DEO in sanguine tuo.* Atq; hanc dignitatem suam, quam per passionem meruit, Apostolis post resur-



## ARTICULUS II.

rectionem manifestam facit. d. *Data est mihi omnis potestas in cælo & in terra.* Nam ut DEUS accepit hanc potestatem à Patre cum natura diuina per æternam generationem, ut homo meruit per passionem. Hic Christianus.

QUÆSIT. Credo & confiteor ex duabus & in duabus naturis Personam Christi consistere: secundum quam magis Dominum appellabo? R. Secundum utramque quantum ad redemptionem, quia secundum utramque est Redemptor tuus: ita quod neque solus DEUS secundum iustitiam redimere potuisset, neque homo solus æquiualeuter satisfacisset. Si enim solus DEUS esset, pati non potuisset, ac proinde iustitiæ DEI pœnas pro peccatis exigenti satisfactum non fuisset. Si etiam homo tantum esset, tanti pretij non esset, ut pro peccatis hominum, qui omnes rei erant æternæ mortis, condignum aliquid exoluisset.

## CATECHESIS III.

## DE NOMINIBVS FILII DEI.

UT plurimum nomina imponuntur ab eo per quod res cognoscitur, id est à proprietate vel ab operatione: sicut enim substantiam rei ex proprietatibus vel ex operationibus inuestigamus, ita substantiam rei denominamus, sicut substantiam lapidis denominamus ab eo quod lædat pedem. Nomina itaque Filio DEI Domino nostro Iesu Christo quæ & in scripturis, potissimum verò in Symbolo imposita, ad quid imposita sint, in præsentī Catechesi contemplanda. Proinde in ipsa Christianus à Catechista tria requireret.

I. *Cur dictus est IESVS?*

II. *Cur dictus Christus?*

III. *Quam nomina ista veneranda?*

QVAN-



## QUANTVM AD PRIMVM.

**C**hristiane, Nomen hoc venerandum IESUM, non ab hominibus, non etiam ab Angelis DEI Filio impositum, sed ab ipso DEO Patre, ab Angelo autem pronuntiatum, Luc. 1. *Ecce Virgo concipies in utero & paries Filium, & vocabis nomen eius IESVS.* Hinc Ambros. in Luc. *Vides Angelos quæ audierint, non quæ usurpârunt nuntiare.* Præfiguratum nomen istud in aliquibus. Num. 13. Filius Nun Iesu dictus, (quod est in Hebræo יהושׁוא Iehosua) qui post Moysen populum duxit in terram promissionis Aggæi cap. 1. *Filius Iosedech Sacerdos magnus IESVS dictus.* Deinde in prologo Ecclesiastici *Filius Syrach IESVS appellatus.* Itaq; quod in figuris alij prætulerant; Filio DEI hoc nomen IESUS maximè conuenit, vt ponderat Hieron. in cap. 1. Osee & in cap. 1. Aggæi. *Dictus est igitur Mediator DEI & hominum hæc nomine proprio IESVS operationibus & factis eius valde congruente, cuius nominis rationem Iosepho edisserit Angelus. d. Vocabis nomen eius IESVM, ipse enim saluum faciet populum suum à peccatis ipsorum.* q. d. non iam de illa Ægypto ad plagam Australem, sed nunc de Ægypto scilicet angustijs peccatorum, non etiam de potestate illius qui mersus est in mari rubro Pharaonis, sed de potestate & tyrannide principis tenebrarum, iuxta illud Coloss. 1. *Eripuit nos de potestate tenebrarum.* Duxit ad terram promissionis, antiquos quidem ad terram Chananæorum, &c. nos verò ad terram æternæ beatitudinis. Idem nomen prædixerat Ieremias cap. 23. *d. Hoc est nomen quod vocabunt eum Dominus iustus noster; seu iustitia nostra, iustificator noster.* IESUS itaq; Saluator qui DEUS & homo est. *Omnes vult saluos fieri.* Hunc agnosce Christiane, & ab ipso quære saluari; nam quantum est in medico venit sanare ægrotum.

1. Tim. 2.

August. Tract.  
12. in Ioan.

**DICES.** Nomen istud discordat à prænuntiatis per Prophetas, nam Isai. 7. *Emanuel nomen eius,* cap. 8. *Accelera spolia detrabere.* cap. 9. Plura nomina recensentur. Zachar. 6. *Ori-*



## ARTICULUS II.

*ens nomen eius.* R. Nomine IESUS passim DEI Filius vocabatur, quia hoc nomen breuiter & completè in se continet, quidquid alia nomina per Prophetas prænuntiata significabant, id est vniuersalem humani generis salutem.

QUÆSIT. Quoniam IESUS seu Saluator, DEUS & homo est in vna Persona diuini Verbi, quid proprium vnicuiq; naturæ, diuinæ & humanæ? R. Secundum diuinam naturam æqualis Patri; omnium Creator & gubernator. Secundum humanam factus ex tempore: Patre minor; hominibus subditus. Deinde secundum diuinam naturam viuificans omnia, secundum humanam esuriens, sitiens, algens.

Philipp. 2.  
Ioan. 1. & 5.  
Ioan. 1. &  
14.  
Luc. 2.  
Ioan. 5.  
Matth. 4.

## QUANTVM AD SECVNDVM.

CHRISTIANE, nomen IESUS impositionis, Christus naturæ, significat enim vtramq; naturam diuinam & humanam, ait S. Thom. significat *vnctum*, estq; nomen *honoris & officij*, vt dicit Catech. Paroch. Tria olim vngebantur genera personarum, Regum, Sacerdotum & Prophetarum, quæ res in sacris literis manifesta. Et quoniam Dominus noster has dignitates præ omnibus amplexus est, & officia absoluit, peculiari modo vnctus, non vnguento materiali terreno, sed spirituali oleo. Psal. 44. *Vnxit te DEUS, DEUS tuus oleo lætitiæ præ consortibus tuis.* Vngebantur reges quando potestatem regni accipiebant ad populum defendendum, & malos puniendos, Christus igitur Rex, qui regnat in domo Iacob in æternum, populum suum defendit contra fortem armatum: malos iudicabit & damnabit, *comburens paleas igni.* Porro regnum eius spirituale in terris inchoatur, in cœlo perficitur & consummatur. Rex ergo est Christus. dicit August. *non ad exigendum tributum, vel exercitum ferro armandum, hostesq; visibiliter debellandos, sed quod mentes regat, quod in æternum consulat, quod in regnum æternum credentes, sperantes amantesq; perducatur.* Vngebantur Sacerdotes, qui sacrificia offerunt DEO, pro populo deprecantes, functus hoc

Luc. 1.  
Luc. 11.  
Matth. 3. &  
26.  
Tract. 50. in  
Ioan.



### CATECHESIS III.

97

hoc officio Christus, quia obtulit semetipsum pro nobis hostiam & oblationem DEO. Mameet Sacerdos in æternum secundum ordinem Melchisedech inchoans in cæna vltima, non desinit exequi munus Sacerdotij sui, per vicarios suos Sacerdotes in Ecclesia Catholica. Functus officio Sacerdotij, dùm in diebus carnis suæ preces supplicationesq; cum clamore valido & lachrymis offerens, exauditus est pro sua reuerentia. Vngebantur Prophetæ, qui voluntatem Dei hominibus & secreta cœlestia referebant, monebant & arguebant. CHRISTUS summus propheta, quem alij figurabant; ille enim ita docet interius sine strepitu verborum, vt sine doctrina eius frustra laboret lingua cuiuscunq; hominis. Hinc ipse Luc. 4. *Spiritus Domini super me, propter quod vnxit me evangelizare pauperibus misit me.* Vnctus ergo præ consortibus suis, id est præ omnibus Sanctis, qui ab ipso participant de plenitudine eius accipientes. Vnctus vnctione gratiæ, quando in primo instanti conceptionis suæ habuit tantam gratiam, quantam dare ei Deus potuit, non enim ei datus est ad mensuram Spiritus, sicut alijs datur.

Hebr. 5.

Ephes 5.

Hebr. 5.

Ioan. 1.

Ioan. 3.

QUÆSIER. Dominus noster ob huiusmodi vnctionem dictus est CHRISTUS, nos verò cur vocamur Christiani? R. Vocamur hoc nomine, quia de illius regno & Ecclesia sumus, quasi vncti & consortes illius summi Christi, per cuius doctrinam illuminati sumus, per Sacerdotium à peccatis expiati, per regnum contra insultus tentationum roborati & inuicti & in bono persistentes vt dicit August: Christiani nominamur & sumus, si eius bonitatem, humilitatem, patientiam ac misericordiam eiusq; Sanctitatem imitatur, mandataque ipsius obseruamus, vt amici & fratres ipsius efficiamur.

lib. 1. Confess.  
cap. 3.

Ioan. 5.

### QUANTVM AD TERTIVM.

CHRISTIANE, ista duo nomina Filij Dei summo honore habenda & veneranda, nec temerè & leui causa proferenda, secundo Decalogi mandato instruimur. Quod si requiras

N

quod



quod ex illis sublimius aut diuinius, valde difficile & præsumptuosum definire. Vtrumq; diuino cultu venerandum. Nam de nomine IESU audis Apostolum Philip. 2. d. *In nomine IESU omne genu flectatur cælestium, terrestrium & infernorum.* Si omne genu in hoc nomine flectendum est, satis inde constat summo-  
*Act. 4.* pere venerandum. Quia etiam cum non sit aliud nomen sub cælo datum hominibus in quo oporteat nos saluos fieri; quis non maximo honore salutem sibi paratam veneretur? Dulce nomen IESU, cuius dulcedinis & suauitatis præcessit figura in illo ligno, quod amaras in dulcedinem conuertit aquas: ita enim nomen  
*Exod. 15.* IESUS Sanctis & electis DEI amaras tribulationum aquas in dulcedinem permutat: *ibant enim Apostoli gaudentes à conspectu concilij, quoniam digni habiti sunt pro nomine IESU contumeliam pati.*  
*Act. 5.* Christi quoq; nomen summo honore habendum, ipsa dignitas rei significatæ ostendit, illud enim dignitatem à condito orbe summam continet, tot prophetarum encomijs celebratam, significat. *Regem regum, Dominum Dominantium.* Rex magnus super omnes deos, qui Messias olim fuit repromissus. Ps. 88. *Ego primogenitum ponam illum, excelsum præ regibus terræ.* Quare S. Thom. 2. 2æ. vtrumq; nomen & IESUS & CHRISTUS ad inuicem conferens, excellentiam nominis CHRISTUS ita exponit. d. *Dat intelligere vtramq; naturam diuinam & humanam, nam in eo intelligitur & diuinitas vngens, & humanitas vncta, nomen autem IESUS solam humanam naturam significat.* Hæc ille. Et quia nomen CHRISTUS, non solum humanam sed etiam diuinam naturam significat, quis ambigat magnopere venerandum? Eccl. 43. *Glorificantes Dominum quantumcunq; potueritis, superabit enim adhuc & admirabilis magnificentia eius.* Sed quia per vtrumq; hoc nomen, scilicet IESUS & CHRISTUS magna & miranda fiunt, dæmonia eiiciuntur, serpentes tolluntur, ægri sanantur. Act. 3. Petrus & Ioannes claudum curauerunt. *In nomine IESU CHRISTI Nazareni, surge & ambula:* vtrumq; Christiane venarare. Doctor Angelicus, exponens in oratione Dominica illud.

Sancti-



*Sanctificetur nomen tuum*; ponit exemplum de S. Ignatio Martyre Episcopo Antiocheno. Hic enim S. Martyr in tantum dilexit nomen Christi, quòd cum Trajanus ab eo requireret vt Christi nomen negaret, respondit quòd de ore eius remoueri non posset, & cum ille minaretur caput sibi amputare & Christum de ore eius amouere, dixit, & si de ore abstuleris, nunquam tamen de corde eripere poteris. Hoc enim inquit nomen cordi meo inscriptum habeo, & ideo ab inuocatione eius cessare non valeo. Quod Trajanus probare cupiens, post mortem serui Dei cor eius extrahi iussit, & inuentum est habens nomen Christi in se scriptum literis aureis. Itaq; tu Christiane desine perquirere quod ex his duobus diuinius, sed cura vtrumq; imprimere cordi tuo quoties dicis *credo in IESUM Christum Filium eius unicum, Dominum nostrum*: non labijs & ore tantum, sed corde intimo dicas, *Domine Dominus noster, quam admirabile est nomen tuum in vniuersa terra!* Igitur & huius secundi articuli Symboli Apostolorum. sit

## C O R O L L A R I U M.

**C**um vitas hæreticorum errores Christiane, & Catholicè credis, quæ credenda in isto secundo fidei articulo de vniogenito & consubstantiali Patri DEI Filio, proponuntur, oportet fide formata credas, & ames ex intimo cordis affectu, quem audis IESUM CHRISTUM DEI Filium naturalem: parum enim prodesset credere, si non superesset amare; nam *dæmones etiam credunt & contremiscunt* odientes. Tu verò time casto & Filiali timore; ac reuerere Dominū quem Trinum confiteris: ama tam bonum optimi & clementissimi Patris, in æternitate Filium genitum: nam illis omnibus qui amare detrectant anathema Maran Atha dicit Apostolus. Proinde considera quàm horrenda & confternans sit ista execratoria æternæ damnationis denuntiatio in eos, qui Dominum nostrum IESUM Christum immerfi profunda peccatorum abyssu non student amare; Iacob. 23.  
1. Cor. 16.



Prou: 8:  
1. Ioan. 4.

huic tu Christiane diligenter curæ incumbe, vt diligaris diligere, ait enim. *Ego diligentes me diligo, cum DEVS sit charitas, & qui manet in charitate, in DEO manet & DEVS in eo.*

# ARTICVLVS SYMBOLI III.

Qui conceptus est de Spiritu Sancto, natus ex Maria Virgine.

S. Thom. 1. 2. a.  
q. 2. art. 7.

**V**T homo salutem consequatur æternam, non satis est illi credere mysterium Ss. Trinitatis, non sufficit Filium DEI ab æterno ex Patris substantia genitum: oportet insuper Mysterium Incarnationis eiusdem Filij DEI credere, de quo Athanasius in Symbolo. *Quicumq; vult saluus esse, ante omnia opus est, vt teneat Catholicam fidem, &c. necesseque est, vt incarnationem Domini nostri Iesu Christi fideliter credat. Et Concil. Nicæn. Qui, inquit, propter nos homines & propter nostram salutem descendit de cælis, & incarnatus est de Spiritu Sancto ex Maria Virgine, & homo factus est. Hæc duo Mysteria Ss. Trinitatis & Incarnationis Ioan. 17. ostenduntur necessaria ad salutem, vt credantur, vbi vnigenitus DEI Filius ad Patrem loquitur. Hæc est vita æterna, vt cognoscant & solum Deum verum & quem misisti IESVM Christum id est, vt cognoscant per fidem DEUM vnum in Trinitate, & Trinitatem in vnitatem. Etenim exclusiua particula solus, hoc loco posita, non intelligitur de Persona Patris, sed de tota Trinitate vt lib. 6. de Trin. cap. 9. exponit August: apud S. Thom. 1. p. q. 31. art. 4. 1m. Deinde, quem misisti IESVM Christum. id est, vt cognoscant Filium DEI pro salute humani generis carnem assumpsisse, atq; hominem factum, de Virgine MARIA in temporum plenitudine natum. Hæc eadem duo mysteria attigit Apostolus. Hebr. 11. Acceden-*  
tem,



tem, inquit, ad Deum oportet credere quia est, & inquirentibus se remunerator. Dicit, Quia est, vnus scilicet in Natura Trinus in Personis. Dicit, Inquirentibus se remunerator sit. Bonus est enim *Thren. 3.* Dominus sperantibus in eum, dicit Propheta, animæ quærenti illum: quia habet prouidentiam de salute hominum, medium ad hoc ordinando supple, Incarnationem Filij sui, de quo Ioan. i. Verbum caro factum est & habitauit in nobis. Et Baruch 3. Hic est Deus noster, & non æstimabitur alius aduersus eum, post hæc in terris visus est, & cum hominibus conuersatus est. Quare Ss. Apostoli dixerunt, Qui conceptus est de Spiritu Sancto, natus ex Maria Virgine: Quia verò Catech. Paroch. istum tertium Symboli articulum; in duas distribuit partes, vt vna sit de Incarnatione, altera de Natiuitate, nos ista per Catecheses subiectas explicare studerimus. Itaq; quoad primam partem sic

## CATECHESIS I. DE IP SO INCARNATIONIS MYSTERIO.

Cum sapientissimus regum Salomon, vñtionem Verbi diuini cum natura humana edicere pararet, illud epithalamium super Persona sponsi animarum ita occinit. *Osculetur me osculo oris sui, quia meliora sunt vbera tua vino, fragrantia vnguentis optimis.* Mellifluus Doctor S. Bernardus, serm: i. de Assumpt. B. V. M. ita ponderat. *Christi generationem & Mariæ assumptionem quis dicere potest? Sublimissimum mysterium.* Incarnationis Verbi DEI, quod naturam humanam assumpsit ad vnitatem diuinæ Hypostasis, nempe missus à Patre in mundum hic DEI Filius, osculatus est nos, nostramq; humanitatem diuinitati suæ copulatam, osculo diuini oris sui: quod genus osculi novum ac iure mirandum nobis ab Apostolis in hoc articulo propositum, in Catechesi rimari & contemplari dùm incipimus tria Christiano Catechista exponet.



- I. *Quàm congruum fuit Dei Filium incarnari?*  
 II. *Quæ necessitas Incarnationis?*  
 III. *Quid præcipuè de Incarnatione Christiano credendum?*

QUANTVM AD PRIMVM.

**C**hristiane, hæc ipsa magna est congruentia Incarnationis Filij DEI, ut per ipsum, plenam cognitionem DEI habere-  
 mus: nam nisi Verbum Caro factum fuisset, implicite duntaxat  
*Joan. I.* mysterium Trinitatis tenuissemus, siquidem *nemo Deum vidit unquam, unigenitus Filius qui est in sinu Patris ipse enarrauit*: ipsum  
*Joan. I. 17. 6.* Verbum Incarnatum & se & Patrem nobis manifestauit. Pulchre S. Thom. in exposit. Symb. Apost. id ipsum ponderat, dicens quòd Filio DEI nihil ita est simile sicut Verbum in corde nostro conceptum & prolatum, id est verbum mentis quod est imago actualis rei intellectæ. Quemadmodum autem nemo cognoscit verbum dum est in corde hominis, nisi  
*I. Cor. 2.* ille qui concipit illud. *Quis enim hominum scit quæ sunt hominis, nisi Spiritus hominis qui in ipso est*: sed tunc primum cognoscitur cum profertur; sic Verbum DEI, dum esset in corde Patris non cognoscebatur nisi à Patre tantum: infert Apostolus, ita & quæ sunt DEI, nemo cognoscit nisi Spiritus DEI. Hoc ipse Dominus manifestat *Matth. II.* *Nemo, inquit, nouit Filium nisi Pater, neq; Patre quis nouit, nisi Filius, & cui voluerit Filius reuelare.* Quia neq; Angeli per sola naturalia tantum arcanum attingere potuerunt, sed sicut verbum voce prolatum, tunc primò cognitum manifestum est, ita Verbum DEI carne indutum.  
*Baruch. 3.* *Post hæc in terris visus est & cum hominib; conuersatus est.* Præterea sicut verbum voce prolatum cognoscitur quidem per auditum, non tamen videtur aut tangitur, sed tum demum cum in charta scribitur: ita Verbum DEI & visibile & tangibile factum est, cum in nostra carne quasi scriptum est. *Quod fuit ab initio,*



initio, quod audiuius quod vidimus, quod oculis nostris perspeximus, quod manus nostræ contrectauerunt de Verbo vitæ, nempe inuisibilis DEUS in suis, visibilis factus est in nostris, vt S. Leo dicit. Rursum sicut charta in qua scriptum est verbum puta regis dicitur verbum regis, ita homo cui coniunctum est Verbum DEI in vna hypostasi dicitur Filius DEI. Isai. 8. *Sume tibi librum grandem, scribe in eo stylo hominis.* Adhuc. Summæ bonitatis & perfectioni DEI congruebat, vt se summe communicaret, liquidem *bonum est sui diffusivum*, iuxta Dionys. hoc autem per incarnationem factum est: ita enim se DEUS homini communicauit, vt DEUS & homo esset vna Hypostasis & Persona, ex quo magnam dignitatem supra omnes Angelos homo est consecutus, quia *nusquam DEUS Angelos apprehendit*, quare gratulatur Propheta. *Beatus quem elegisti & assumpsisti*: propterea dixerunt Apostoli. *Qui conceptus est de Spiritu Sancto*. Sed Catechistæ quis

Serm. 2. de  
Natiuit.

Cap. 4. de di-  
uin. nomin.

Hebr. 7.

Ps. 83.

OBVIABIT. Sicut ab æterno DEUS est actus purus, absq; omni carne, nullam admittens compositionem, ita optimum & congruentissimum est eum idem esse vsq; in æternum, vt quid ergo congruit carnem assumpsisse? R. Esto DEUS semper actus purus ab æterno, absq; omni carne fuerit, sed quia ipsa natura DEI est essentia bonitatis, ad cuius rationem pertinet sese communicare, absq; omni commutatione sui, summo modo se communicauit creaturæ, cum vna Persona fieret ex Verbo, anima & carne. Quoad verò compositionem, nullam vnquam in sua essentia admittit DEUS, nec potest venire in compositionem alicuius, dicit S. Thomas, quamuis vera compositio sit in vnione hypostatica Verbi cum humana natura.

1. p. q. 3. a. 8.

3. p. q. 2. a. 4.

## QUANTVM AD SECVNDVM.

CHRISTIANE, Incarnatio Filij DEI non quidem omnino simpliciter & intrinsecè fuit necessaria, DEUS enim est agens infini-



## ARTICULUS III.

infinitæ libertatis & efficientiæ in agendo, in quem nulla necessitas intrinseca, vel coactionis cadere potest: extrinsecè tamen summè necessaria fuit, necessitate finis, ad redimendum & reparandum collapsum genus humanum, ita sapientissimè & benignissime ordinante, sua voluntate, Deo. Peccauerat homo instigante satana, reparari autem à lapsu, nec à se, nec ab alia creatura poterat: *nemo enim inuentus est dignus, neq; in cælo, neq; in terra, neq; sub terra aperire librum*, nempe nulla inter creaturas poterat resignare decretum diuinæ iustitiæ in damnationem hominis propter peccatum, donec leo de tribu Iuda id præstaret. Ideo Iob anxius conqueritur. *Ecce non est auxilium mihi in me, & necessarij mei recesserunt à me*. David quoq; Ps. 86. *Infixus sum in limo profundi & non est substantia. Redemptore eguimus ipso Filio DEI*. Rom. 3. *Omnes peccauerunt & egent gloria Dei*; hoc modo, ut sicut per Verbum conditi sumus, ita per Verbum collapsi repararemur. Certe post peccatum, vnum de duobus fuit necessarium, ut, aut totum genus humanum maneret in æternum damnatum, aut iusto pretio ira Dei placaretur. Nec poterat per sacrificia legis id præstari, quæ ad perfectum nihil adducere potuit, nec illa holocausta offensam diuinæ maiestatis auferre poterant. Ps. 39. *Holocaustum & pro peccato non postulasti*, Hebr. 10. *Impossibile est sanguine taurorum aut hircorum auferri peccata*. DEVS itaq; qui diues est in misericordia; ne totum genus humanum periret haud enim varie constituit omnes filios hominum, propter nimiam charitatem suam qua dilexit nos, cum essemus mortui in peccatis, conuiuificauit nos in Christo, præstitit id quod non erat possibile legi, Quæ ratione? intendis Christiane, *Filium suum misit in similitudinem carnis peccati, & de peccato damnauit peccatum in carne, ut iustificatio legis impleretur in nobis*. Et hoc est quod Ioan. 3. d. *Sic DEUS dilexit mundum, ut Filium suum vnigenitum daret, ut omnis qui credit in illum non pereat, sed habeat vitam æternam*. Inde Christiane erigere spem debes in Deum, nihil enim tam necessarium fuit ad

eri-



erigendam spem nostram, inquit August. quàm ut demonstra-  
retur nobis, quantum diligeret nos DEUS, quid verò huius rei  
isto indicio manifestius, quàm quòd DEI Filius naturæ no-  
stræ dignatus est inire consortium? Hoc tibi Christiane firmi-  
ter credendum, quòd salus totius generis humani exposceret  
Saluatorem non alium quàm ipsum DEI Filium, promissum  
Isai. 35. *DEUS ipse veniet & saluabit nos.* Et nulla causa veniendi fuit  
Christo Domino, ait August: nisi peccatores saluos facere: tolle mor-  
bos, tolle vulnera, & nulla est medicinæ causa: nec villo modo filius  
DEI in carne venisset, nisi propter peccatum, vi illius decreti  
quo iam venit. Hanc causam finalem passim scripturæ osten-  
dunt. Luc. 19. *Venit filius hominis querere & saluum facere quod*  
*perierat.* Ioan. 3. *Misit DEUS Filium suum in mundum, ut saluetur*  
*mundus per ipsum.* Gal. 4. *Vt eos qui sub lege erant redimeret.*  
I. Tim. 1. *Christus IESUS venit in hunc mundum peccatores saluos fa-*  
*cere.* I. Ioan. 3. *In hoc apparuit Filius DEI, ut dissoluat opera diaboli.*  
I. Ioan. 4. *In hoc apparuit charitas Dei in nobis, quoniam Filium suum*  
*unigenitum misit in hunc mundum, ut viuamus per eum.* Hoc docet  
Nicænæ fidei confessio. *Qui propter nos homines & propter no-*  
*stram salutem descendit de cœlis.* Clemens lib. 1. constit. Apostol.  
cap. 7. *Saluator, inquit, noster non aliam ob causam venit, nisi ut*  
*saluaret.* Iren. lib. 1. c. 14. *Si non haberet caro saluari, nequaquam*  
*Verbum Dei Caro factum esset.* Sed Christianus sagax Catechi-  
stam explorabit.

DICENS. Siquidem nihil virtutis aut potentix accessit DEO  
ex carne assumpta, profectò si potuit per carnem assumptam  
nos redimere & offensæ satisfacere, potuit per se absq; carne.  
&c. Ad satisfaciendum non solum virtus & potentia requiritur,  
sed etiam subiectio, proinde licet per carnem assumptam ni-  
hil virtutis aut potentix accessit DEO, accessit tamen aliquid  
ad satisfaciendum necessarium, nempe subiectio, quando hu-  
milauit semetipsum factus obediens.

Philip. 2.



## QVANTVM AD TERTIVM.

CHRISTIANE, vt sis in omnibus fidelis, de Incarnatione Verbi Dei; id omne & solum tibi est credendum, quod Ecclesia Catholica semper credit, credendum proponit & docet. Pro captu autem & ingenio tuo, aliqua tibi sunt proponenda & exponenda. Primo quod Dominus noster IESUS Christus in vna hypostasi seu Persona diuina DEUS est & homo, DEUS verus & homo verus DEUS ab æterno, homo ex tempore. Verum hac de re audi Athanasium dicentem & docentem. *Deus est, inquit, ex substantia Patris ante secula genitus, homo ex substantia matris in seculo natus, perfectus Deus, perfectus homo, ex anima rationali & humana carne subsistens, æqualis Patri secundum diuinitatem, minor Patri secundum humanitatem. Qui licet Deus sit homo, non duo tamen, sed vnus est Christus. Vnus autem non conuersione diuinitatis in carnem, sed assumptione humanitatis in Deum. Vnus omnino, non confusione substantiæ sed unitate personæ. Nam sicut anima rationalis & caro vnus est homo, ita Deus & homo vnus est Christus. Hanc doctrinam vt clarius percipias, obserua in hoc argumento varias extitisse hæreses. Nam Eutyches dixit, per Incarnationis mysterium factam esse commixtionem naturarum diuinæ & humanæ, ita quòd ex duabus naturis coaluerit vna media, quæ nec purè diuina, nec purè humana esset. Damnatuſque est error iste in quarta Synodo Chalcedon: reprobatur etiam Bôceti in libro de duabus naturis in Christo, & in Symbolo Nicæno canimus. *Et homo factus est, Damascenus quoq; lib. 3. In Domino, inquit, nostro IESV Christo, duas naturas cognoscimus vnā Hypostasim. Tu Christiane crede, quòd Dominus noster IESUS Christus, sicut verus est DEUS, ita verus est homo, DEUM verum de DEO vero confitemur: hominem verum ex scripturis accepimus. Ioan. 8. Iudæis dixit, Quid me queritis interficere, hominem qui vera locutus sum vobis? Philipp. 2. Formam serui accepit, in similitudinem hominum factus, & habitu inuen-**



*tus est ut homo: & crebrius in Euangelio seipsum Filium hominis nominat. Ergo fides est recta, ut credamus & confiteamur, quia Dominus noster Iesus Christus DEI Filius, DEUS est & homo: DEUS homo factus est, ut canit Ecclesia: id quod fuit permanfit, & quod non erat assumpsit non commixtionem passus. Porro Nestorius in altero e diametro Eutycheti oppositus, dixit non vnum Christum in Verbo & carne, sed alium esse Filium DEI, alium Filium hominis; aliam Personam DEI Verbi, aliam hominis carnis, & quod Filius DEI non aliter vnitus est homini nisi per inhabitationem gratiæ. Tu verò Christiane crede duas esse naturas integras in Christo, & vnā Personam diuinā, Cateches. Paroch. dicit, Verbum quod diuinæ naturæ Hypostasis est, ita humanam naturam assumpsit, ut vna & eadem esset diuinæ & humanæ naturæ Hypostasis ac Persona. Rursus Manichæus dixit, quod Filius DEI descendens de cælo, non veram carnem sed phantasticam assumpsit: ponebat enim totam creaturam corpoream à diabolo factam, nec esse conueniens ut boni DEI Filius diaboli creaturam assumeret. Tu verò Christiane crede veram carnem à Filio DEI assumptam, id Euangelium ostendit, Verbum Caro factum est: & dicitur proprie absq; omni tropo. August: quoq; in lib. q. q. 83. q. 14. d. Si phantasma fuit corpus Christi, fefellit Christus, & si fefellit veritas non est. Est autem veritas Christus. Ergo non fuit phantasma corpus eius. Idem in lib. de dogmat. Ecclesiasticis cap. 2. Natus est, inquit, DEI Filius, non putatiuè quasi imaginarium corpus habens, sed corpus verum. Et hoc Athanas. dicit, Perfectus DEUS, perfectus Homo, ex anima rationali & humana carne subsistens. Patres quoq; Nicæni. Et incarnatus est. Deniq; Apollinaris d. Christum non habuisse animam rationalem, ipsum autem Verbum homini Christo pro intellectu & ratione fuisse. ut refert S. Thom. opusc. 3. c. 205. Tu verò Christiane crede, sicut alij homines habent animam rationalem ita & Christus, si enim mirabatur. ut legitur Matth. 8. signum fuit animæ rationalis, Verbo enim di-*

S. Tho. Opusc.  
3. c. 207.

I. Ioan. 5.  
v. 6.



## ARTICULUS III.

uino admiratio conuenire non potest. Si etiam credis Christiane, quod non solum verus Deus sit, sed etiam verus homo crede quod habuerit verum corpus & veram animam rationalem, secus non esset verus homo, homo enim verus constat vero corpore & vera anima. Hic quasi dubitans Christianus ex Catechista.

QUÆRIT. Si credere debeo duas esse naturas integras in Christo, diuinam & humanam, & vnā duntaxat Personam, quare Athanasius dixit, *perfectus homo ex anima rationali & humana carne subsistens*. Si subsistens ergo humanitas habet suam subsistentiam. Ergo propriam Personam. Item d. *Sicut anima rationalis & caro vnus est homo, ita Deus & homo vnus est Christus*. anima autem rationalis & caro vnā naturam indiuiduam constituunt, nonne eodem modo Deus & homo in vnā naturam conueniunt? Quoad primum, non de subsistentia personali in illis verbis, sed de constitutione naturæ humanæ, ex anima rationali & carne S. Athanas. docet. Quoad secundum, ex anima & corpore duplex vnio constituitur: altera Naturæ, altera Personæ. Pone itaq; in hoc secundo similitudinem S. Athanas. id est, sicut ex anima rationali & carne vnus homo personaliter; ita Deus & homo vnus Christus in Persona.

## CATECHESIS II.

### DE MODO INCARNATIONIS.

Hæc audis, & hæc recitas in Symbolo fidei Christiane. *Qui conceptus est de Spiritu Sancto*. Hæc ideo Ss. Apostoli expresserunt, ne velis dicere, eo modo conceptum quo alij homines ex viro & muliere: in quo errore & in sania fuit Ebion hæreticus genere Iudæus, vt refert S. Thomas de Symbolo. Tu verò Christiane Sanctissimam diuinamq; Conceptionem Filij DEI, in utero Virginis venerare, qui supra modum



modum naturalem operante Spiritu Sancto conceptus fuit; id attestantibus Angelis. Luc. i. Virgini dixit Angelus. *Spiritus Sanctus superueniet in te, & virtus Altissimi obumbrabit tibi.* Et Iosepho Matth. i. *Ioseph Fili David, noli timere accipere Mariam coniugem tuam, quod enim in ea natum est de Spiritu Sancto est.* Quare, hæc sedulo conabitur Catechista inculcare rudibus, ut expresse profiteantur Christum conceptum de Spiritu Sancto, multi enim quod exploratum habeo, ex ignorantia & errore dum recitant Symbolum, hæc verba omittunt, ne forte ex ruditate & imperitia, contraria huic articulo, ex assuetudine imbibant. Sed in ista Catechesi, ad postulationem Christiani tria ipsi Catechista explicabit.

- I. *Quare dicitur conceptus de Spiritu Sancto?*
- II. *Quid sit secundum naturam, & quid supra naturam, in mysterio incarnationis?*
- III. *Quam accurate Symbola loquuntur, fidem contra hereses explicantia?*

### QUANTVM AD PRIMVM.

CHRISTIANE, certum est, omnes tres Personas diuinas operatas esse opus Incarnationis Filij DEI: non enim solus Spiritus Sanctus, sed & Pater & Filius operati sunt conceptionem & formationem corporis Christi, de quo Catech. Paroch. ita loquitur. *Quamuis vnus Filius humanam naturam assumpsit, tamen omnes diuinæ Trinitatis Personæ, Pater, Filius & Spiritus Sanctus huius mysterij auctores fuerunt, siquidem illa Christianæ fidei regula tenenda est. Omnia quæ DEUS extra se in rebus creatis facit, tribus Personis communia esse, neq; vnā magis quā aliam, aut vnā sine alia agere.* Hoc ipsum in Euangelio audimus. *Quæcunq; Pater fecerit, hæc & Filius facit similiter.* Ioan. 5.

Tribuitur tamen conceptio seu formatio Corporis Christi



operationi Spiritus Sancti peculiari ratione, quia (inquit Magister sent.) *Spiritus Sanctus est charitas, & donum Patris & Filij, & ineffabili charitate DEI Verbum Caro factum est, & inestimabili dono DEI Filius DEI uniuert sibi formam serui.* Quia igitur ex ineffabili charitate DEI, quæ Spiritui Sancto appropriatur, Verbum DEI est caro, ideo opus incarnationis specialiter Spiritui Sancto tribuitur. DEINDE, quia dona gratiarum, Sanctificatio hominum & omnia charismata in scripturis Spiritui Sancto tribuuntur. 1. Cor. 12. *Diuisiones gratiarum sunt, idem autem Spiritus.* Tit. 3. *Saluos nos fecit per lauacrum regenerationis & renouationis Spiritus Sancti, quem effudit in nos abunde.* Nulla autem maior gratia, nulla sanctificatio maior illâ, qua Sanctificatus est Christus, nullum maius est donum illo, quod donatum est Christo secundum humanam naturam, ut ipse Homo DEUS esset naturaliter non potens peccare: siue ut S. Thom. d. ut *humana natura in unitatem diuinæ Personæ assumeretur.* Proinde ad demonstrandam huiusmodi gratiam, formatio corporis Christi Spiritui S. attribuitur. Capite quoq; 40. Enchiridij Augusti: d. *Iste modus quo natus est Christus de Spiritu Sancto, insinuat nobis gratiam DEI, qua homo nullis præcedentibus meritis, in ipso primo exordio naturæ suæ quo esse cepit, Verbo DEI copulatur, in tantam Personæ unitatem, ut idem ipse esset Filius DEI qui Filius hominis, & Filius hominis qui Filius DEI.*

Thom. 10. 36.

August. l. 13.  
de Trin. c. 19.

Opusc. 3. c.  
219.

PRÆTEREA. Verbum humanum quod est conceptio mentis, habet similitudinem cum Verbo æterno, & quia verbum humanæ mentis, ut appareat visibiliter, vocem & quandoq; scripturam assumit, per quam appareat & audiat, ita Verbum æternum assumpsit carnem. Et quia vox humana per Spiritum hominis formatur, ita etiam conueniens fuit, ut formatio corporis Christi Spiritui Sancto tribueretur. Sed hic Christianus.

INDAGAT. Quia Christus secundum carnem conceptus est de Spiritu Sancto, an non dicendus secundum carnem Filius



## CATECHESIS II.

III

lius Spiritus Sancti, sicut qui dicitur esse de Adam, Filius Adæ procul dubio habetur, ubi particula DEI, dicit habitudinem originis ex alio scilicet de substantia eius? &. Sicut nunquam Spiritus Sanctus potest dici Pater Christi, ita nec Christus potest dici Filius Spiritus Sancti, neq; totius Trinitatis, quamvis dicatur conceptus de Spiritu Sancto: sed sicut secundum diuinitatem est Filius tantum Patris, ita secundum humanitatem, cum sit vnus & idem, vna eademq; Persona Deus homo. Est enim de ratione Patris, vt ex sua substantia Filium sibi connaturalem producat. Et quanuis Christus secundum diuinitatem sit connaturalis Spiritui Sancto, non tamen producit a Spiritu Sancto, immò Spiritus Sanctus ab ipso: secundum humanam autem naturam non est connaturalis. Particula ergo DEI in isto negotio dicit habitudinem principij actiui, non tamen secundum similitudinem speciei: sed hæc particula DEI habet ad Corpus Christi formandum habitudinem causæ efficientis. Propterea Magister Sent: *per hoc, inquit, quod de Spiritu Sancto esse natiuitas Christi dicitur, quid aliud quam ipsa gratia demonstratur, quâ homo mirabilis & ineffabili modo Verbo DEI est adiunctus atq; connexus, & diuina gratia corporaliter repletus.*

## QUANTVM AD SECVNDVM.

CHRISTIANE, Catechismus Parochorum ita te docet, In hoc mysterio quædam supra ordinem naturæ, quædam naturæ vi effecta esse animaduertimus. Et quidem secundum conditionem naturæ ex fæmina, supra conditionem naturæ quod ex Virgine conceptum corpus & formatum. In hoc naturæ vim agnosce, quod ex Matris Sanguine Christi corpus fuit formatum; cui formando Virgo purissima materiam ministravit. In hoc inquam vim naturæ edisce, quod omnium hominum corporibus est commune vt ex Matris sanguine formentur: ex quo se Dominus noster sæpissimè Fili-



Filium hominis nominabat. Atq; in hoc error Valentini, qui dicebat non de Virgine corpus Christi assumptum, sed de coelo, quoddam corpus à Spiritu Sancto deportatum, & in utero Virginis positum quod esset corpus Christi, ut refert S. Thom. in exposit. Symboli, Et Bernard. Lutzemburg. lib. 3. lit. V. Hanc hæresim impugnat Iren. in quinque libris aduersus hæreses, potissimum verò lib. 3. c. 32. ubi ait. Hoc autem dicere (ut dicit Valentinus) est & putatiue apparuisse eum, & tanquam hominem, cum non esset homo, & factum eum hominem nihil assumentem de homine. Si enim non accepit de homine substantiam carnis, neq; homo factus est, neq; Filius hominis. Quare Christiane credere debes corpus Christi de corpore Virginis assumptum, ipsamq; Virginem carnis suæ materiam nascituro Dei Filio ministrasse, quod notanter Angelus Luc. 1. ostendit. d. *Quod ex te nascetur Filius Dei vocabitur.* Et Apost. Gal. 4. *Misit Deus Filium suum factum ex muliere,* id est non aliunde quàm de Virgine Matre, carnem assumentem. 1. Ioan. 4. *Omnis Spiritus qui confitetur Iesum Christum in carne venisse, ex Deo est.* Agnosce etiam Christiane in mysterio Incarnationis opus Spiritus Sancti, quod ordinem naturæ & humanam intelligentiam superat, cum aliorum hominum corpora per multum spatium temporis formentur, corpus tamen Christi vno temporis momento formatum fuit & perfectè organizatum animaq; rationalis infusa, atq; ita perfectus Deus, perfectus homo, ex anima rationali & humana carne subsistens, postquam Virgo nuntio Angeli consensit. d. *Ecce ancilla Domini, fiat mihi secundum verbum tuum;* quod mysterium Ieremias insinuat dicens. *Creauit Dominus nouum in terra, femina circumdabit virum,* ut in hoc sensu exponit Lyranus. Adhuc diuinitatis opus aduerte Christiane, quod eodem momento temporis, quo anima fuit infusa corpori, Diuinitas quoq; insolubili vinculo vtriq; copulata fuit: animamq; illam Sanctam Christi, in ipso instanti conceptionis fuisse beatam,

Ierem. 31.



ram per claram visionem & fruitionem diuinitatis, cui in Hypostasi Verbi vnita fuit: accepisse quoq; omnem plenitudinem gratiæ & sapientiæ: siue de gratia vnionis accipiat, secundum quod humana natura hoc donum accepit, nullis præcedentibus meritis vt vniretur DEI Filio in Persona: siue de gratia singulari, qua anima Christi præ ceteris fuit gratia & veritate repleta. Alij quidem Sancti in mensura accipiunt. *Vnicuiq;*, inquit, Apost: *datur gratia secundum mensuram*, anima autem Christi vberriam Spiritus Sancti copiam accepit, ait Catech. Paroch. atq; omnium charismatum plenitudinem, non ad mensuram: siue accipiat de gratia capitis secundum quod in alios ab ipso redundat. Et hæc exprimit Euang. Ioan: i. nam quantum ad gratiam vnionis, d. *Verbum caro factum est*; quantum ad gratiam singularem, *Vidimus eum quasi unigenitum à Patre plenum gratiæ & veritatis*; quantum ad gratiam capitis, *de plenitudine eius omnes nos accepimus*. Hic Christianus

Ephes. 4.

Ioan. 3.

ROGAT. Quia corpus Christi non verò diuinitas, de corpore Virginis, assumptum est, num debeam in salutatione Angelica Matrem DEI compellare, cum hoc nullibi scriptura dicat, nonne sufficit Matrem tantum Christi nominare? & Nestoriani hæretici, qui aliam Personam Christi DEI, aliam Christi hominis dicebant, negauerunt Virginem debere dici Matrem DEI, sed tantum Matrem Christi. Tu verò Christiane si Christianus vis esse, confitere verè Matrem DEI, quod licet in scripturis non est expressum, est tamen expressum, quod Iesus Christus est DEI Filius & Deus verus. i. Ioan. 5. *Quis est qui vincit mundum*, nisi qui credit quoniam IESVS est Filius Dei? & quia Virgo est Mater vera Iesu Christi, est Mater Filij DEI veri; DEI: atq; verè Mater DEI & hominis dici debet, cum eodem momento DEUM & hominem concepisset & peperisset. Fæmina enim ex qua homo aliquis nascitur, Mater illius dicitur, eo quod materiam ministraret eius conceptui: & quia Maria Virgo ministravit materiam conceptui Filij DEI,

Circa annum  
424.S. Thom 3. p.  
q. 35. art. 3.  
¶ 4. 1m.



## ARTICULUS III.

verè Mater Filij Dei dicenda est, genuit enim eum, qui est verus DEUS. Quod si id tibi Christiane difficultatem pariat, quòd diuinitas non sit sumpta ex Virgine & ideo dubites dicere Matrem DEI. Considera nec animam tuam sumptam esse ex illa fœmina de qua natus es, num igitur negabis eam verè esse Matrem tuam?

## QUANTVM AD TERTIVM.

CHRISTIANE, considera quàm varie hæretici in mysterio Incarnationis errauerunt; nam Cerintus & Ebion dixerunt corpus Christi ex semine viri conceptum; enormiter errarunt turpi blasphemia contra veri Saluatoris ac Redemptoris humani generis dignitatem, qui vt hominem à vinculis peccatorum posset absolvere & expedire, necesse fuit ipsum ab omni prorsus peccato immunem esse; porrò nulla ex virili semine conceptio fieri potest absq; peccato de lege communi, nam quidquid ex humano semine nascitur, corruptam illam Adæ naturam atrahit, adeoq; in vtero materno per peccatum originale illico contaminatur. Vt ergo Christus Dei Filius verus fieret homo, & tamen immunis à peccato, eius conceptio non carnalis sed spiritualis fuit, id est *non ex voluntate carnis aut ex voluntate viri, sed ex Spiritu Sancti efficientia*. Quare tu Christiane contra istos hæreticos conceptionem Christi existima omnium purissimam, sanctissimam & admirandam, intra sanctam & integerrimam Virginem sine vlla viri cooperatione factam; audis enim sæpius Apostolos dicentes. *Qui conceptus est de Spiritu Sancto*. Rom. i. & Gal. 4. cum Apostolus dicit Christum factum, non natum. Magister sent: lib. 3. dist. 4. explicat Apostolum dixisse Christum factum ad ostendendam differentiam conceptionis eius à communi conceptione hominum. Nam Christus ratione singularis suæ conceptionis habet rationem & facti & nati, ex eo quòd sola operatione Spiritus Sancti in vtero Virginis formabatur; ceteri autem homines habent solam rationem nati,

Ioan. I. v. 13.



nati, quia caro eorum virtute virilis seminis formatur in utero; ideo etiam homines dicuntur filios generare non facere. ait Magister. Dicit præterea Apostolus Christum factum ex semine David, non quod semen hominis eius conceptioni interuenerit, sed quia ex carne Virginis, quæ ex semine David venit, caro Christi formata fuit. Origenes etiam de Incarnationis Christi fine male sensit, dicens eo fine Incarnatum, ut per suam passionem dæmones quoque saluarentur, ita refert August. lib. 21 de ciuit. cap. 17. & 23. Tu Christiane crede & ama Saluatorem, tibi enim non dæmonibus per eius incarnationem beneficium salutis paratum, ut August. de Catechizandis rudibus dicit, *Ama amorem illius, qui amore tui descendit in uterum Virginis, & ibi amorem suum tuo amori copulauit.* Quare hunc Origenis errorem excludit Concil. Nicænum. d. *Qui propter nos homines, & propter nostram salutem descendit de cælis & Incarnatus est.* Nazarei etiam addiderunt, dicentes fidem Christi non sufficere ad salutem, nisi quis etiam opera legis impleat, Circumcisionem & alias Purificationes, de quo errore Galatas infantes Paulus arguebat. Tibi verò Christiane fides Christi sincere amplectenda, quæ est absque legalibus saluifica. Rom. cap. 3. *Arbitramur hominem iustificari per fidem sine operibus legis:* Iam verò fidem & mysterium Incarnationis Christi absque legalibus sufficere. Symbolum Nicænum docet. *Qui inquit, Incarnatus est propter nostram salutem.*

Circa annum;

224.

Lutizenb. lib.

2. l. 6.

DUBITABIS. Si nulla ex virili semine conceptio fieri potest absque peccato: nonne hæc distributio vniuersalis NULLA. ad conceptionem B. V. M. extenditur? R. Nequaquam, hæc enim distributio currit de lege aliâs communi & ordinaria, quæ tamen priuilegio immaculatæ conceptionis B. V. in nullo derogare putanda est. Quanquam & in eo sensu assertum accipi possit, ut intelligatur nulla ex semine virili conceptio fieri posse absque peccato concipientis, ubi nimis vehemens feruor adsit concupiscentiæ, iuxta quem sensum illud. Ps. 50.



## ARTICULUS III.

*In peccatis concepit me Mater mea: exponit Aijguarius: & allegat Magistrum lib. 2. dist. 31. c. ubi dicit iam nunc non posse fieri carnalem copulam absq; libidinosa concupiscentia, quæ semper vitium est & etiam culpa, nisi excusetur per bona coniugij.*

QUÆSIT. Quem ex dictis fructum referam? R. In his omnibus attentius perpende charitatem Christi, qui ob hunc finem homo fieri voluit, ut nos homines Filij DEI nasceremur, ait Catech. Paroch. Et Chrysost. Homil. 2. in Matth. Ineffabilis, inquit, DEUS qui nec sermonibus explicari potest, nec cogitationibus comprehendere, Patri per omnia coequalis per virginis ad nos venit uterum. Et infra. Cum verus & dilectus sit Filius sempiterni DEI, etiam Filius David esse dignatus est, modo ut te Filium faceret DEI, non enim semetipsum ita humiliasset, nisi nos esset exaltaturus.

Ioan. I. 12.

## C A T E C H E S I S III.

### D E P U B L I C I S O F F I C I I S

#### C H R I S T I.

**Q**UONIAM DEUS Pater Filium suum misit in mundum ut publicam Personam, qui à Patre mandatum accepit publicæ functionis officiorum. Oportebat eum igitur publica exercere officia, id est, Capitis, Mediatoris & id genus quæ ut patefiant Christiano, per tria membra in ista Catechesi distribuentur.

- I. *Quomodo Christus est Caput Ecclesiæ: Mediator & Sacerdos?*
- II. *Qualis Rex & Propheta?*
- III. *Quomodo Legislatus & Index.*

#### Q U A N T V M A D P R I M V M.

**C**Hristiane, venerare Christum ut Caput totius Ecclesiæ, tam triumphantis quàm militantis, ex hominibus & Angelis



lis consistentis. Id doctrina Apostoli tradit Ephes. i. dicentis. *Constituit eum ad dexteram suam in cœlestibus, super omnem principatum & potestatem, & virtutem & dominationem, & omne nomen quod nominatur non solum in hoc seculo sed etiam in futuro, & omnia subiecit sub pedibus eius, & ipsum dedit Caput super omnem Ecclesiam, quæ est corpus eius.* His verbis ostendit Apostolus Christum esse caput omnium & singulorum hominum qui quocunq; modo sunt de Ecclesia. Et dico quocunq; modo siue actu siue potentia, nam & infantum nondum baptizatorum, baptizandorum tamen, & infidelium dum in præsentis seculo viuunt. Ratio quia caput influit in membra id verò Christus facit dupliciter, vt docet S. Thom. 3. p. q. 8. art. 6. & 7. *intra & extra, intra per gratiam, extra per gubernationem actionum.* Considera autem quando Christus vtroq; modo influit in membra Ecclesiæ, Nam in Angelos influit intra id est gratiæ dona, quanquam non iustificantis, tamen illuminantis & illustrantis: influit extra quia illorum vtitur ministerio circa salutem hominum. In homines influit, quia omnes ab eo accipiunt dona gratiæ, alij donum Fidei, & Spei, alij etiam Charitatis, alij denique perseuerantiæ & gloriæ æternæ. Infideles quoq; accipiunt ab eo influxum gratiæ actualis (immò & Antichristus) quâ excitantur ad Fidem & Baptismum, si non proximè & immediatè, tamen vel remotè & mediatè. Interno itaque modo influit iuxta illud Ioan. i. *De plenitudine eius omnes nos accepimus.* Ephes. 4. *Vnicuiq; nostrum data est gratia secundum mensuram donationis Christi,* id promissum Isai. 12. *Haurietis aquas in gaudio de fontibus Saluatoris.* Externo autem modo influit per gubernationem actionum; & quidem in terra existens per seipsum, iam modo ad dexteram Patris sedens, per alios. Hunc modum gubernationis Christi in Ecclesia, indicat Ephes. 5. d. *Mulieres subditæ sint viris suis sicut Domino, quoniam vir caput est mulieris, sicut Christus caput est Ecclesiæ.* Sicut autem mulier in externis actionibus dirigitur imperio viri sui; ita Ecclesia lege



## ARTICULUS III.

& mandatis Christi. Atq; hæc de capite Christo constitutum habeto Christiane. MEDIATOREM autem esse quoad solutionem debiti & satisfactionem Sanctissimæ Trinitati, ita proprium. Christi, ut nulli alteri conuenire possit, Ipse enim pro nobis soluit & satisfecit mortem sustinendo, 1. Tim. 2. *Vnus est DEVS, & unus Mediator DEI & hominum Homo Christus IESVS, qui dedit redemptionem seipsum pro omnibus, quod lætabunda Ecclesia in benedictione cerei Paschalis celebrat. Qui, inquit, pro nobis æterno Patri Adæ debitum soluit, & veteris piaculi cautionem pio cruore deterfit. Et in ipsa Paschali solemnitate. Agnus, inquit, redemit oues, Christus innocens, Patri reconciliauit peccatores. Quod si QUÆSIERIS. Quomodo Christus mediator, ut homo tantum, vel ut DEUS tantum, aut utroque modo? R. Ut DEUS tantum mediator dici non potest, aliàs suiipsum mediator esset. Non etiam ut homo tantum, ita enim non posset esse efficax Mediator. Itaq; Mediator seu principium Quod operationis operum Mediatoris non fuit DEUS solus, nec homo solus, sed DEUS HOMO, Verbum Incarnatum. Principium autem Quo illa opera à Mediatore fiebant, fuit natura humana non diuina. DEUS quidem Incarnatus erat, qui patiebatur & satisfaciebat, hoc tamen secundum formam serui, non secundum formam DEI exequabatur. Persona ergo Verbi exercuit opera Mediatoris, humana verò natura fuit per quam exercuit. Si ergo quæres non de supposito, sed de natura Mediatoris. Christum confitemur Mediatorem secundum humanam, non secundum diuinam naturam; non enim alia de causa addidit Apostolus hanc particulam Homo, nisi ut ostenderet secundum quam naturam Christus Mediator esset. Notionem mediatoris ita accipe. Mediator debet esse medius, id est aliquo modo distans ab utraq; parte diffidente; hoc autem conuenit Christo, ut homo iustus est, non autem ut DEUS est, nam ut homo, distat à DEO, ut iustus conuenit cum DEO. E contra, ut homo conuenit cum ceteris hominibus, ut iustus distat ab hominibus, qui omnes*

Orichonius in  
Chymera Strā-  
sarana fol. 12  
& seqq.



omnes nascuntur naturâ Filij iræ. Iam verò Christus vt Deus, non distat à DEO vlllo modo, nec natura, nec iustitia, proinde non vt DEUS, sed vt Homo, iustus Mediator est inter DEUM & homines peccatores. Audi etiam Christiane de SACERDOTIO Christi, qui tam à Propheta quàm ab Apostolo proprie vocatur *Sacerdos secundum ordinem Melchisedech*. Multis quidem rationibus, sed hæc sufficiat Christiano, quia sicut Melchisedech obtulit Panem & Vinum. Gen. 14. Ita Christus suam Carnem & Sanguinem sub speciebus Panis & Vini. Hinc S. Hieron. ad Marcellan. *Recurre ad Genesim, & Melchisedech regem Salem inueniens, qui iam tum in typo Christi, Panem & vinum obtulit, & mysterium Christianum in Saluatoris sanguine & corpore dedicauit.* Et S. Cyprianus lib. 2. Epist. 3. *Melchisedech Sacerdos DEI summi fuit, quod Panem & vinum obtulit, quod Abraham benedixit. Nam quis magis Sacerdos DEI summi quàm Dominus noster IESVS Christus, qui Sacrificium DEO Patri obtulit, & obtulit hoc idem quod Melchisedech obtulerat, id est Panem & Vinum, suum scilicet corpus & sanguinem.* Si QUÆRAS. An vt homo tantum, vel vt DEUS tantum, aut vtroq; modo fuerit Sacerdos? R. Lutherani & Calvinistæ vtroq; modo volunt. Tu verò Christiane dicito ipsum fuisse Sacerdotem secundum humanam duntaxat naturam: nam sacrificium superiori naturæ offertur, Christus vt DEUS cum non habeat superiorem, æqualis Patri per omnia, cui vt DEUS obtulit sacrificium?

DICES. Conuenientius erat Christum dici Sacerdotem secundum ordinem Aaron, quàm secundum ordinem Melchisedech, cum enim Sacerdotium Aaronicum propinquius erat Christo vt pote in lege, remotius verò Melchisedech quod fuit ante legem; expressius etiam significabat Christum atq; eius in cruce sacrificium, cur itaq; non secundum ordinem Aaron sed secundum ordinem Melchisedech Sacerdos dicitur? Verum quidem est, quoad oblationem Sacerdotii Aaron expressius significabat Sacerdotium Christi, quàm Sacerdotium

Mel-

Ps. 109.

Hebr. 5.



Melchisedech, quia in Sacerdotio Aaronico sanguis fusus non in Melchisedechiano. Quia tamen excellentia Sacerdotij Christi maximè attenditur in effectu & participatione, quam expressius præfigurabat Sacerdotium Melchisedech, qui offerebat Panem & Vinum significantia unitatem Ecclesiasticam, quam constituit participatio Sacrificij Christi: vnus enim Panis & Vnum corpus multi sumus, omnes qui de vno

*1. Cor. 10.  
August. Tract.  
26. in Ioan.  
Ex multis gra-  
uis vnus Panis  
conficitur  
Ec.*

Pane participamus: ideo Sacerdos Christus secundum ordinem Melchisedech. & non secundum ordinem Aaron. Aeternum etiam dicitur Sacerdotium Christi, siue ideo quia ipsi aliud non succedit, siue quia consummatio sacrificij eius manet in æternum, bona etiam æterna per hoc sacrificium consequimur. Et hoc docet Apostolus in sua ad Hebr. epistola. Si enim, inquit, consummatio per Sacerdotium Leuiticum erat, quid adhuc necessarium fuit secundum ordinem Melchisedech alium surgere Sacerdotem, & non secundum ordinem Aaron dici?

*Hebr. 7.*

### QVANTVM AD SECVNDVM.

**C**hristiane, Dominus & Saluator noster, passim à turbis etiam ipsis Pròpheta vocabatur. Luc. 7. *Propheta magnus surrexit in nobis.* Et post ingressum Ierosolymam populi clamabant. *Hic est IESVS Propheta à Nazareth Galilee.* Ioan. 6. *Hic est verè Propheta qui venturus est in mundum.* Moyse quoq; prædicens Iudæis aduentum eius dicebat. *Prophetam de gente tua, & de fratribus tuis suscitabit tibi Dominus tuus.* Eo vsque Propheta, vt omnia Prophetarum fuerit executus officia. Si enim officium fuit Prophetarum instruere populum, hoc fecit Christus, Marc. 1. *Sabbatis ingressus in Synagogam docebat eos.* Luc. 4. *Ipse docebat in Synagoga eorum,* Matth. 26. *ipse dixit. Quotidie eram apud vos docens in templo.* Sed & arguere peccata munus erat Prophetarum sicut Nathan arguebat Dauidem adulterij & homicidij: Christus verò Scribas & Phariseos hypocrisis arguebat frequenter. Futura etiam prædicebant Prophetæ siue bona siue

*Matth. 21.*

*Deut. 18.*



siue mala: bona in consolationem Israël. Isai. 14. *Prope est ut veniat tempus eius: mala propter scelera populi, Ierem. 1. Ab Aquilone pandetur malum super habitatores terræ.* Hoc fecit Christus, futuram suam passionem & mortem prædicebat, resurrectionem ascensionem & Ierosolymorum euerfionem. Tandem occulta agnoscebant, sicut Daniel occultum somnium Nabuchodonosor. Et Christus videbat occultas cogitationes. Sed

Daniel. 2.

Matth. 9.

OPPONES. Quomodo Christus Propheta fuisse dicitur, cum semper fuerit beatus, & Prophetia beatis non conuenit: alia est enim cognitio Prophetica, alia perfecta quæ est beatorum, Prophetæ enim è longè aspiciunt, beati ex propinquo iuxta illud. 1. Cor. 13. *Et parte cognoscimus & ex parte propheta, mus, cum autem venerit id quod perfectum est, euacuabitur quod ex parte est.* & Fuit Christus beatus simul & viator, sed Prophetæ, non quâ beatus sed qua viator, & hic status vterq; conueniebat ei ante passionem. Et quia Christus quatenus caput omnium habet perfectionem omnium gratiarum vt homo, in eo enim tanquam in fonte omnium gratiarum concurrunt omnia, cum alij tantum particulatim habeant, ideo non solum Propheta, sed rex etiam fuit, & hoc titulo passim à turbis salutabatur. Luc. 19. *Benedictus qui venit Rex in nomine Domini,* Et Ioan. 12. *Rex Israël.* de eo percontabantur Magi. *Vbi est qui natus est Rex Iudeorum?* Et hæc erat de eo publica fama, ex qua Pilatus Ioan. 18. interrogat. *Tu es Rex Iudeorum?* Et quamuis vt DEUS vnus est Dominus, vnus Rex cum Patre & Spiritu Sancto, verum etiam vt homo Rex regum & Dominus dominantium. Rex à Patre constitutus: terrenum tamen & temporale regnum administrare noluit, qui Pilato respondit. *Regnum meum non est de hoc mundo.* de quo August. Tract. 50. in Ioan. *Quid magnum fuit Regi seculorum, regem fieri hominum? non enim Rex Israël Christus ad exigendum tributum, vel exercitum ferro armandum, hostesq; visibiliter debellandos, sed Rex Israël quod mentes regat, quod*

Apoc. 19.

Psal. 2.



## ARTICULUS III.

*in aeternum consulat, quod in regnum caelorum credentes, sperantes amantesq; perducatur. Rursum*

*QUÆSIER. Si Christus fuit Rex, simul Iudex, quia iudicium ac potestas consequitur regalem dignitatem. Christus noluit esse iudex, Luc. 12. cuidam de turba interpellanti. Dic fratri meo ut diuidat mecum hereditatem, Dominus respondit. Homo quis me constituit iudicem aut diuisorem inter vos? R. Regis est iudicare, sicut autem Christus noluit temporale regnum administrare, ita iudiciariam potestatem noluit super res temporales exercere, qui venerat homines ad diuina transferre. Hinc Ambr. lib. 7. in Luc. Benè terrena declinat, qui propter diuina descenderat, nec iudex dignatur esse litium. Et arbiter facultatum, viuorum habens mortuorumq; iudicium arbitriumq; meritum. Et ex hoc*

## QUANTVM AD TERTIVM.

*Christiane, Iudicem tuum Christum agnosce, ipse enim*  
*Act. 10.* *est, qui constitutus est à Deo Iudex viuorum & mortuorum; qui nunc sedens ad dexteram Patris iudicium particulare cum singulis animabus de corporibus egressis peragit, in fine verò & consummatione seculi vniuersum genus humanum iudicabit, quem Ecclesia in Missa pro defunctis deprecando interpellat. Iuste Iudex ultionis, donum fac remissionis, ante diem rationis.*

*QUÆSIER. Quomodo Iudex venit, qui Ioan. 3. d. non semissum ut iudicet mundum, sed ut saluetur mundus per ipsum? R. Christus in primo aduentu suo non exercuit officium iudicis sed saluatoris, tamen ad iudicium venit in mundum. Ioan. 9. ut secundum humanitatem iudicet, tum ut suauius sit iudicium hominibus, cum per hominem iudicantur, tum ut in illo iudicio finali, per hominem suscitentur corpora, sicut per Deum suscitantur animæ, tum ut iudicandi videant iudicem,*

*Ioan. 5. & ideo Pater omne iudicium dedit Filio.*

*QUÆ-*



**QUÆSIER.** Iterum si omne iudicium delatum est Filio, num iudicabit Pater? **R.** Potestas iudiciaria quæ est communis toti Trinitati, attribuitur Filio per quandam appropriationem. Ratio enim Iudicij est lex sapientiæ & veritatis, secundum quam iudicatur, & quia Filius sapientiæ genita & veritas à Patre procedens atq; ipsum perfecte repræsentans, ideo ipsi proprie iudiciaria potestas tribuitur. Tum vltcrius quia secundum legem iudicium fieri debet, Christum esse Legislatorem cap. 33. *Isaias proclamauit, Dominus Iudex noster Dominus Legifer noster, Dominus Rex noster.* Apostolus quoq; dicit, *Vnus est Legislator noster.* Nam vt Moyses legis antiquæ lator fuit, ita nouæ Christus; lex eius, sunt mandata. Ioan. 13. *Mandatum novum do vobis, ut diligatis inuicem, Cap. 14. Mandata mea seruare.* Atq; legis latæ à Moyse sicut sunt mandata triplicia, alia moralia, alia ceremonialia alia iudicialia, ita legis latæ à Christo, alia moralia, *Diligite inimicos vestros;* alia fidei, Ioan. 14. *Creditis in DEVM? & in me credite;* alia Sacramentalia, quibus Sacramentorum essentialia statuebat.

Iacob. 41

Marth. 51

**QUÆSIER.** Quomodo Christus Legislator cum præcepta legis non tulerit? iam enim ante ipsum, lex etiam Decalogi lata fuit cum suis præceptis morabilibus ad quæ etiam spectant præcepta fidei, cum in primo Decalogi credenda statuuntur? **R.** Verum est quidem, tam moralia quàm fidei præcepta ante Christum erant constituta, sed quæ implicite erant constituta, ea planius & explicatiùs proposuit, vt merito Legislator sit appellandus.

## CATECHESIS IV.

## DE OPEPIBVS SALVATORIS.

**O**pera Salvatoris dicimus, quæ propter salutem nostram, Saluator & instructor noster operatus est: & hac in tribus

Q2

potissi-



## ARTICULUS III.

potissimum consideramus: in vita ipsius, in doctrina, in miraculis, atq; hæc tria in ista Catechesi proponuntur.

I. *Qualis vita Saluatoris nostri?*

II. *Quæ eius Doctrina?*

III. *Quæ miracula & ad quid ordinabantur?*

## QUANTVM AD PRIMVM.

**C**HRISTIANE, Contemplare Sanctitatem vitæ Saluatoris, quem audis esse Sanctum Sanctorum, admirare & quantum potes imitare: qui in hac similitudine Carnis peccati & magna miseria annis circiter triginta tribus versatus est DEI Filius: patienter incommoda plurima tota vita tolerans, humilitatis, veritatis, mansuetudinis, iustitiæ atq; pietatis, virtutumq; omnium perfectum exemplar conuersatione exhibuit. Ac primò quidem, anno trigesimo in Iordane à Ioanne baptizatus fuit, non quidem ad suam indigentiam, sed ad nostram eruditionem. Non inquam ad suam indigentiam, cum sanctissimus ac mundissimus esset dicente Ambrosio. Baptizatus est, inquit Dominus non mundari volens, sed mundare aquas, ut alutæ per carnem Christi quæ peccatum non agnoscit, baptismatis vim haberent. Ad nostram ergo eruditionem & carnalis naturæ nostræ indigentiam baptizari voluit. Tum ut ostenderet baptismum Ioannis à Deo fuisse, ait Beda in Marci Cap. i. Baptizatus est, inquit, Dominus baptismo Ioannis, ut baptismum suo baptismum Ioannis comprobaret. Tum ut doceret nos humilitatem, ne in suscipiendis Sacramentis discrimen inter ministros faciamus, cum ipse ab inferioris longe sanctitatis ministro baptizari non detrectarit, & ut nos admoneret ad suum recipiendum baptismum, ideo facere voluit quod alijs faciendum imperauit, ait August. propterea Ioanni baptizare recusanti respondit. Sic decet nos implere omnem iustitiam: quod exponens Ambros.

Daniel. 9.

Rem. 8.

in Luc. lib. 2.

Serm. de E-  
piph.



brof. d. *Hæc est iustitia, ut quod alterum facere velis, prior ipse incipias & tuo alios horteris exemplo.* In Iordane Baptizatus, ut ostenderet per suum baptismum patere ingressum terræ promissæ: id est regni cœlorum, quod non alius ingreditur nisi baptizatus; figurabatur autem hoc in Iordane, quem tranauerunt Filij Israël ingressus in terram promissam. Verum nec istud vacat mysterio, quod trigesimo anno baptizari voluit, qui enim perfecta ætate baptizatus est, docet suo baptismo regenerari viros perfectos, vnde & Apost. dicit *nos in resurrectione occursuros in virum perfectum, secundum mensuram ætatis plenitudinis Christi.* Quod verò trigenario numero hæc perfectio figuretur, ostendit S. Thom. 3. p. q. 39. art. 3. c. f. consurgit enim trigenerarius ex ductu ternarii in denarium, in ternario perfectio fidei SS. Trinit. in denario perfecta, impletio mandatorum legis. Post baptismum Dominus noster ductus in desertum à Spiritu Sancto, ibi quadragenarium absoluit, atq; nostras tentationes suis tentationibus superauit, nosq; contra tentationes pugnare instruxit, Quod August. lib. 4. de Trin. cap. 13. exponit. d. *Quod Christus se tentandum diabolo præbuit, ut ad superandas tentationes eius mediator esset, non solum per adiutorium, sed etiam per exemplum.* Nec prius tentari voluit quàm ieiunauit, ut doceret ieiunium esse arma contra tentationes. Hoc enim genus in nullo potest exire, nisi in ieiunio & oratione. Ieiunauit ergo Dominus non ieiunio indigens sed nos instruens, ait Chrysost. *Pauperem vitam Dominus duxit, ut doceret in patientia & laboribus cœlestes thesauros quærere Pauper sum inquit & in laboribus à iuuentute mea.* Conuersabatur cum turbis, quoq; se ab eis subtrahebat: conuersabatur ut lucrifareret omnes, qui venit quærere & saluum facere quod perierat. Subtrahebat se. Matth. 5. *Videns turbas ascendit in montem,* Ioan. 4. fecit, quod Chrysost. Homil. 15. ponderans. d. *Quod non in ciuitate & foro, sed in monte & solitudine sedit, erudicauit nos nihil ad ostentationem facere.* Reliquum vitæ Domini & Saluatoris nostri est exemplar nostræ

Matth. 3.  
in Luc.

Marc. 16.

Ioan. 3.

Ephes. 4.

Marc. 9.

Homil. 13. in  
Matth.  
Psal. 87.

Luc. 19.



Ioh. 13.

perfectiōis, nam suis exemplum dedit, ut quemadmodum ille fecit, ita ipsi quoque facerent. Hic Christianus à Catechista.

QVÆRET. Cum perfectior sit vita contemplatiua quàm actiua, & tanquam optima pars in Maria commendata, cur Christus actiuam vitam, non in solitudine manendo sed sed cum hominibus conuersando agebat? R. Hoc indigebat salus hominum propter quam ille venit in mundum; deinde vita contemplatiua perfectior est quàm vita actiua quæ occupatur circa actus corporales, vita tamen illa actiua, quæ occupatur circa Spirituales actus ut docendo alios, perfectior est quàm illa vita contemplatiua, quæ solum contemplatur, quia vita actiua docens præsupponit & includit multam contemplationem. Deinde hanc & non solitariam elegit Christus, ut ostenderet se DEUM esse & hominem: nam conuersando cum hominibus, ostendit se esse hominem; prædicando vero, docendo & miracula faciendo manifestabat suam diuinitatem.

### QVANTVM AD SECVNDVM.

CHRISTIANE, quoniam Christus ut magister & Doctor fuit missus, ita enim Isai. 30. v. 20. Cap. 55. v. 4. Ioan. 3. v. 2. exordium doctrinæ eius fuit de pœnitentia, Matth. 3. Caput Iesus docere & prædicare, pœnitentiã agite, appropinquauit enim regnum cœlorum. Docuit virtutes, peccata arguebat; regnum cœlorum iustis, supplicia æterna iniquis esse præparata, ex lege Moyſi & Prophetis. Iudæos autem in primis cepit docere idque ob multas congruentias; tum ut imple-ret promissiones ex antiquo factas Iudæis. Hinc Apost. Rom. 15. *Dico autem Christum IESVM ministrum fuisse circumcisionis propter veritatem Dei, ad confirmandas promissiones Patrum, q. d. ideo Christus prædicauit Iudæis & minister fuit Euangelij (qui hic per Synecdochen circumcisio appellantur) ut veritas Dei manifestetur & confirmetur, in exequendis promissionibus factis,*



factis, tūm quia ordo ipse exposcebat vt prius euangelizaret  
ijs qui propinquioreſ erant Deo per fidem & cultum vnus  
DEI, vt poſtea per illos ad Gentes doctrina illius transferretur,  
ad ſimilitudinem Hierarchiæ cœleſtis, in qua per ſuperiores  
& proximiores Deo Angelos deueniunt reuelationes diuino-  
rum ad inferiores: tūm ne haberent Iudæi occaſionem que-  
rulandi contra ipſum, ſe ad Gentes prius & Samaritanos præ-  
dicationem conuerſiſſet: & ne diceretur, nihil dederat po-  
pulo Iudæorum vnde poterat melior fieri, vt ait Ambroſi. ſed *lib. 4. in Luc.*  
quia Iudæi oderant ſalutem communem omnium, publicè  
Dominus eorum vitia & errores arguebat, tūm quia reſiſte-  
bant doctrinæ Chriſti, per quam ſolam poterat eſſe ſalus, tūm  
quia prauis ſuis operibus ſcandalo erant populis. Matth. 23. eis  
dicebat. *Vae vobis ſcribe & Pharifæi hypocritæ, quia clauditis re-  
gnum cœlorum ante homines, vos non intratis, nec introeuntes finitis  
intrare.* Et vltra *Vae vobis qui circuitis mare & aridam vt faciatis  
vnum proſelytum, & cū factus fuerit, facitis eum Filium gehennæ  
duplo quàm vos:* & alia plurima vitia eorum exprobrabat illis.  
Amplius quia nouerat Dominus vitia eorum & ſupinam mali-  
tiam, qui calumniaturi erant doctrinam illius ſi in occulto  
doceret, quemadmodum fecerunt non ſemel, potiffimum  
verò tempore paſſionis eius criminati ſunt doctrinam eius co-  
ram Pilato dicentes. *Hunc inuenimus ſubuertentem gentem noſtram.*  
Et, *Commonuit populum docens per vniuerſam Iudæam,* ideo Dominus  
publicè & palam docebat, vt oſtenderet doctrinam ſuam im-  
munem ab omni errore & immunditia. Nam qui errores &  
immunditias docent, in occulto docent. Quare immunem  
coram Anna Pontifice ab omni ſuſpicionem ſuam doctrinam  
Dominus probauit dicens. *Ego palam locutus ſum mundo ego ſem-  
per docui in Synagoga & in templo, quo omnes Iudæi conueniunt, & in  
occulto locutus ſum nihil.* Sed

Luc. 23.

QUÆSIER. Cur Chriſtus doctrinam ſuam non ſcripſit, quæ  
imprimeretur in cordibus noſtris, ſicut Prophetæ ſcripſerunt,  
nam



nam scriptura eo fine ordinatur, ut doctrinam relinquat & imprimat in cordibus discipulorum? & non conveniebat ut Christus doctrinam suam scripto commendaret; tam enim excellens doctrina eius fuit, ut nullis literis comprehendi posset, Ioan. cap. 21. dicitur. *Sunt multa alia quæ fecit IESVS, quæ si scribantur per singula, nec ipsum arbitror mundum posse capere eos, qui scribendi sunt libros;* id est capacitate legentium illi libri comprehendi non possent, ut Tract. 124. in Ioan. exponit August. Et si scripsisset nihil altius homines de doctrina eius opinarentur, quam quod in libris legerent. Postremò non scripsit Dominus doctrinam suam propter nostram eruditionem vel potius admonitionem, ut sciamus non omnia quæ ad nostram salutem sunt necessaria, scripta esse, plurima eorum in penù Ecclesiæ docentis & verbum Dei annuntiantis recondita esse.

### QUANTVM AD TERTIVM.

Ioan. 2.

**C**hristiane, ad confirmationem doctrinæ suæ, & diuinitatis ostensionem, cepit Christus in Cana Galileæ virtute diuinitatis suæ miracula facere. Si autem non piget attendere, fecit miracula circa substantias Spirituales, quando Spiritus immundos eiciebat: quod prædictum erat Zachar. 13. *Spiritum, inquit, immundum auferam de terra* Ioan. 12. compleuit, *Nunc iudicium mundi, nunc princeps huius mundi eijcietur foras.* Act. 10. Petrus de illo. *Pertransit benefaciendo, & sanando omnes oppressos à diabolo.* Matth. 8. *Eiciebat spiritus verbo:* & alia innumera. Fecit miracula circa corpora cœlestia, tempore scilicet passionis suæ, quando tenebræ factæ fuerunt super vniuersam terram, quia obscuratus fuit sol, de quo Chrysost. Homil. 89. in Matth. *Hoc est, inquit, signum, quod petentibus promittebat dare dicens. Generatio praua & adultera signum petit.* Fecit etiam circa homines, tum leprosos mundando, tum infirmos sanando, & ex potestate diaboli liberando, tum etiam mortuos suscitando. Fecit deniq; in omnibus creaturis, panes enim multi-



multiplicauit, aquam in vinum conuertit, & alia sine numero, quibus veritatem doctrinæ suæ confirmauit. Ea enim quæ fidei sunt, humanam rationem excedunt, nec possunt per rationes humanas probari, oportet vt probentur per argumenta diuinæ virtutis, de quibus Ioan. 10. Iudæis dixit, *Si mihi non vultis credere, operibus credite.* Duo verò ista de Christo credenda, vnum quòd Deus esset in eo, non per gratiam adoptionis, in quo errauit Nestorius, sed per gratiam vnionis, Coloſſ. 2. *In ipso inhabitabat plenitudo diuinitatis corporaliter;* id est per vnionem diuinitatis cum carne humana in Persona Verbi. Alterum quòd doctrina eius supernaturalis esset à Deo: & hoc vtrumq; manifestant miracula à Christo facta, de quibus. 1. Cor. 14. Signa data sunt infidelibus: eo scilicet fine, vt per ea tanquam per motivum sufficiens ad fidem conuerterentur. Signa enim & miracula inducebant ad fidem, & confirmabant exterius in fide eos, qui aliàs increduli fuissent, ob id Regulo Ioan. 4. dictum. *Nisi signa & prodigia videritis, non creditis.* Et quia Humanitas Christi erat instrumentum Diuinitatis, opera quæ faciebat, diuinæ solius erant virtutis: peccata enim dimittebat, & mortuos suscitabat. Pater, inquit, *in me Ioan. 14* manens ipse facit opera. Sed aliquis Catechistæ.

DICET. Christuscum sit Deus & homo, venit vt saluaret homines per fidem: perfectio igitur modo saluare debuit, quia DEI perfecta sunt opera. Saluare & inducere homines ad fidem per miracula est modus imperfectus, fides enim per miracula concepta diminuit, immò amittit meritum. R. Tametsi modus minus perfectus sit, fidem ex miraculis & per miracula conciliare, tamen melius est vel sic credere, quam non credere. Neq; etiam semper miracula diminuunt meritum fidei, sed in ijs duntaxat qui ita duri sunt, vt nolint alia via nisi per miracula, fidei colla subijcere.



# CATECHESIS V. DE TEMPORE INCARNATIONIS.

Gol. 4.

**O**mnia tempus habent, dicit Ecclesiastes cap. 3. Deus definituit tempora omnibus quæ fuerunt, sunt & ventient, cum sit causa omnium vniuersalis, gubernat & disponit omnia per tempora, vnde & Filium suum misit in salutem humano generi in plenitudine temporum, de cuius aduentu tempore præsens Catechesis. In qua Catechista tria ad considerandum Christiano proponet.

*I. Cur non à principio mundi Verbum Caro factum?*

*II. Cur Incarnatio non est dilata ad finem mundi?*

*III. Quàm ordinatè hoc tempore Filius DEI Incarnatus?*

## QUANTVM AD PRIMVM.

Sap. 8.

**C**hristiane, considera cur non ab ipso mundi exordio, vel illico post Adæ peccatum, Deus Filium suum in Carnem misit? æterna enim DEI sapientia omnia suis spatijs, modis & temporibus distribuit. Attingit à fine ad finem fortiter & disponit omnia suauiter. Non ante peccatum, quia Incarnatio principaliter ordinata fuit ad reparationem lapsæ humanæ naturæ, & corruptæ per peccatum, tanquam medicina contra infirmitatem. Non ergo conueniebat medicinam dari nisi ægrotanti, iuxta illud Matth. 9. *Non est opus valentibus medicus, sed male habentibus.* Neq; etiam statim post peccatum id ipsum fieri conueniebat, ob certas congruentias. Primò: Cum enim sit magnum Sacramentum absconditum à sæculis in Deo, conueniebat mul-

Ephes. 3.



multo ante tempore prædici & præfigurari priusquam fieret, ut cum maiori affectu & deuotione ab hominibus susciperetur. Hinc August. Tract. 31. in Ioan. *Multi dicunt, cur non ante venit Christus? quibus respondendum est, quia nondum venerat plenitudo temporis, moderante illo, per quem facta sunt tempora.* Sciebat enim quando venire deberet, primò per multam seriem temporum & annorum prædicandus erat, non enim aliquid paruum venturum erat, diu fuerat prædicandus, semper tenendus. Quanto maior Iudex veniebat, tanto præconum longior series præcedebat. Deinde conueniebat ut homines ad hoc mysterium longe ante disponerentur, cum per legem naturalem & Mosaycam, tum per agnitionem propriæ infirmitatis. Nam sub lege naturali relictus homo libertati arbitrij sui, cognouit defectum, quo agnito clamabat ad medicum & gratiæ quærebat auxilium. PRÆTEREA, si ex principio mundi Verbum caro factum fuisset, fides feruorem suum iam hæcenus amisisset, sicut hoc millenario magna iam ex parte tepuit, & in fine mundi vix inueniretur, ut ipse Dominus prædixit. Luc. 18. *Filius hominis veniens putasne inueniet fidem in terra?* Magno ergo DEI consilio factum est (ait Gloss. Ord. in cap. Gal. 3.) ut post hominis casum, non illicò Filius DEI mitteretur.

QUÆRIT Christianus, cum Incarnatio propter salutem hominum ordinata sit, nonne plures salui fuissent si ab initio Filius DEI carnem assumpsisset? & Verum est, sed quis sapientiæ & bonitati DEI modum ponet? cuius viæ vniuersæ misericordia & veritas, & sapienter disponit omnia. Hinc August. in lib. de bono persenerantiæ cap. 6. assumpsit verbis Apostoli. Rom. 9. *Non est volentis, neq; currentis sed Dei miserentis.* Qui his, inquit, quos præuidit miraculis suis credituros, quibus voluit subuenire, alijs autem non subuenit, de quibus in sua prædestinatione occultè quidem, sed aliud iuste iudicauit.

Psal. 23.



## QUANTVM AD SECVNDVM.

**C**hristiane, etiam hoc considera. Verbi Dei Incarnatio-  
nem non esse dilatam vsq; ad finem mundi sicut temere &  
frivolè Iudæi hætenus sui Messie præstolantur aduentum.  
Nec enim conueniens erat ad vltimam ætatem istud differri  
mysterium. Etenim in hoc magis manifestatur diuinæ virtu-  
tis magnitudo, quæ pluribus modis homines saluat: nunc per  
fidem futuri, vt ab initio mundi vsq; ad aduentum, Patriarchæ  
& Prophetæ per fidem venturi saluati sunt: nunc per fidem præ-  
sentis, vt Apostoli & alij viri Apostolici salutem sunt consecuti:  
nunc per fidem præteriti (quamuis *qui heret idem & hodie*) nos vsq;  
ad consummationem seculi, in quem nunc quoq; non videntes cre-  
dimus. DEINDE Verbum Dei Incarnatum, est causa efficiens  
perfectionis humanæ naturæ in gratia, nam de eius plenitudine  
omnes nos accepimus gratiam pro gratia, non ergo decuit differ-  
ri vsq; ad finem mundi. PRÆTEREA, Si hæc dilatio facta fu-  
isset, cognitio Dei penitus extincta fuisset; iam enim & lex  
naturæ, quæ notitiam Dei aliquomodo ingerit, iuxta illud  
Rom. 1. *Quod notum est Dei, manifestum est illis*: & lex scripta rei-  
ciebatur. itaq; misericors Deus Filium suum misit, qui data  
omnibus remissione peccatorum, Deo Patri illos iustificatos  
offerret. Hic plenam notitiam Dei, per fidem dedit mundo.  
Ioan. 1. *Vnigenitus qui est in sinu Patris ipse enarrauit*. id est, no-  
men Dei in Vnitæte Trinitatis aperuit. Ioan. 17. *Pater manifestauit No-*  
*men tuum hominibus*, q. d. ait August: *Non id nomen quo vocaris*  
*Dens meus, sed quo vocaris Pater meus*. Hinc S. Thom. 2. 2æ. q. 2.  
art. 8. 2m. *Ante Christi*, inquit, *aduentum fides Trinitatis erat oc-*  
*culta in fide maiorum*, sed per Christum manifestata est in mundo.  
Christianus solers ex Catechista.

INDAGAT. An non potuit sufficienter consuli saluti huma-  
næ per aduentum in fine mundi, vt quid necesse fuit Dei Fi-  
lium longè ante mundi consummationem Incarnari? & Ad-  
uentus



# CATECHESIS V.

133

uentus qui expectatur in fine mundi, erit iudicij, quem necesse erat præuenire aduentu misericordiæ. Duo enim isti aduentus Christi ait Chrysost. *Primus ut remittat peccata, secundus ut iudicet mundum.* Si enim hoc non fecisset, vniuersi perdituri fuissent: *omnes enim peccauerunt, & egent gloria Dei.* Et quamvis duplex iste aduentus distinctè fuerit in scripturis prædictus, Iudæi tamen perperam vtriusq; opera, in vnum confundunt.

Homil. 27. in Ioan.

Rom. 3.

## QUANTVM AD TERTIVM.

CHRISTIANE, hic iam vides quàm congruè & ordinatè Filius DEI carnem suscepit, eo videlicet tempore, anno à mundo condito ferme 3950. ita DEUS in sua æternitate nostrorum temporum momenta ordinauerat, à quo omnia ordinata sunt. Non enim conueniebat, vt iam audisti in principio mundi fieri, non etiam in finem differri, sed quasi in medio temporum, vt Abacuc 3. d. *Domine opus tuum in medio annorum viuifica illud, in medio annorum notum facies, cum iratus fueris, misericordiæ recordaberis.* DEINDE, tunc quodlibet negotium opportunissimè exercetur, cum eius maxima est indigentia: Incarnandi Verbi DEI, & aduentus Christi; tunc maxima fuit indigentia quando venit: iam enim vt dixi, & lex naturæ & lex scripta, quæ nihil ad perfectum potuit adducere, penè abolita fuit. Quare cum multis modis olim DEUS locutus fuerit in Prophetis, nonissimè locutus est in Filio. Deniq; ait August: Tract: in Ioan. *ubi venit plenitudo temporis, venit & ille qui nos liberaret à tempore, liberati enim à tempore, venturi sumus ad libertatem illam, ubi non est tempus, nec dicitur ibi quando veniet hora, dies est enim sempiternus, qui nec præceditur hesterno, nec excluditur crastino.* Quare obserua Christiane contra Iudæos, iam tunc implera esse tempora aduentus Messie Christi, de quo prophetia Iacob Patriarchæ. Gen. 49. dicentis: *Non auferetur sceptrum de Iuda, donec veniat qui mittendus est: iam autem tunc ablatum erat sceptrum de Iuda, cum Herodes alienigena dominaretur.* Vnde Chrysost: Homil. 2.

Rom. 13.

Hebr. 7.

Hebr. 1.

R 3

Oper.



Oper. imperf. Quamdiu gens Iudæorum sub Iudaicis regibus quamvis peccatoribus tenebatur, propheta mittebantur ad remedium eius; nunc autem quando lex Dei sub potestate regis iniqui tenebatur, nascitur Christus, quia magna & desperabilis infirmitas, medicum artificiosorem querebat. Idem protestantur illæ hebdomadæ Daniel. 9. Post hebdomades sexaginta duas occidetur Christus. DENIQUE, vniuersæ gentes ab ortu solis ad occasum, ab Austro ad Aquilonem Messiam. hunc IESUM à Nazareth agnoscunt, simulacra etiam Egypti corruerunt Isai. 19. quod pro firmo & evidenti argumento habendum est. Sola gens perfida Iudæorum in prauitate obcæcata negat. Pro complemento.

QUERIT Christianus, tempus quo DEI Filius factus est homo, cur nouissimum appellatur, ait enim Apostolus. *Filioli nouissima hora est*, cum iam sint aliquot centena annorum & nondum est nouissima dies ne dicam hora? R. Totum hoc tempus ab aduentu Christi vsq; ad consummationem seculi nouissimum appellatur, his de causis. Primo quia hoc tempore data est lex gratiæ. Ioan. 1. Gratia & veritas per IESUM Christum facta est, quæ lex est vltima, cui iam non succedit alia. Deinde hoc tempore completæ sunt omnes prophetiæ, & quidquid à Deo prædictum est. Tandem hæc est vltima ætas mundi, quæ *vespera mundi* ab Origene appellata est: dicta & *senectus* ab Augustino. Gregorius etiam Homil. 1. in Euang. *Senescentem nunc mundum vocat.*

Homil. 8. in  
Iosue lib. 1. de  
Gen. c. 23.









## QUANTVM AD PRIMVM.

**C**hristiane, quia iam supra & didicisti & confessus es duas naturas in Christo, diuinam & humanam, confitere duas etiam eius natiuitates, vnā æternam, aliam temporalem, ita enim Damaſcen. lib. 3. c. 7. *Confitemur duas Christi natiuitates, vnā quæ est ex Patre æternam, & vnā quæ est in ultimis temporibus propter nos.* Similiter Ambrosius lib. 2. in Luc. c. 2. *Due sunt in Christo generationes, vna est paterna, materna altera, paterna illa diuinior, materna quæ in nostrum vsum & laborem descendit.* Vtriusq; proprietates explicat Magr: sent: lib. 3. dist. 8. Et de æterna quidem natiuitate Christi, qua ante omnem creaturam ex substantia Patris genitus est, plurimæ scripturæ loquuntur. Psal. 2. *Dominus dixit ad me, Filius meus es tu, ego hodie genui te:* id est in æternitate, in qua semper hodie, quia nihil transit in præteritum, nec in futurum expectatur, ait Aijguan. in hunc locum. Et Psal. 109. *Ex utero ante Luciferum genui te,* Gloss. *ex occulta & secreta substantia mei, genui te ineffabiliter.* Et quod dicit ante Luciferum, intelligendum ante omnem creaturam & omnia tempora, Prou: 8. *Dominus possedit me in initio viarum suarum, antequam quidquam faceret à principio:* possedit id est genuit, cui similis illa phrasis Gen. 4. *Possedi hominem per Deum.* Mich. 5. *Egressus eius ab initio, à diebus æternitatis eius.* Ioan: 8. *Ego ex Deo processi.* Temporalis verò natiuitas Christi ex Virgine Matre, de qua homo factus est, in isto tertio articulo explicanda. Et quidem DEI Filius temporaliter natus ex Virgine, propter nos homines & propter nostram salutem, descendit de cælis, non mutatus loco, sed apparens in carne, humanitatem sibi nostram in vnitatem. Personæ suæ vniuit, processit ex Virgine, atq; hoc modo carnaliter secundum tempus natus est. Et qui ab æterno erat DEI Filius, natus est ex Virgine, vt idem esset hominis quoque Filius, bis natus: semel in æternitate, semel in tempore. Sed hic Catechismus Parochorum



causam inuestigat, cur Christus ex Virgine natus, dictus sit ab Apostolo nouissimus Adam? ita enim I. Cor. 15. *Factus est, inquit, primus homo Adam in animam uiuentem, nouissimus Adam in Spiritum uiuificantem*: Cuius analogiæ festina ratio datur, tum quia sicut in primo Adam omnes homines moriuntur, ita in nouissimo omnes ad vitam reuocantur. Quoniam quidem per hominem mors, & per hominem resurrectio mortuorum, & sicut in Adam omnes moriuntur ita in Christo omnes uiuificabuntur: tum quia sicut Adam quoad naturalem conditionem, humani generis parens fuit, ita Christus gratiæ & gloriæ Author: tum deniq; quia sicut Adam factus est in animam, id est anima seu animal, uiuens vita sensitiua & vegetatiua, cibo potu & alijs fomentis indigens; ita Christus post resurrectionem factus est in Spiritum uiuificantem, habens animam gloriosam, quæ instar Spiritus uiuifici corpus uiuificaret, illudq; redderet Spirituale, cibi expers, impassibile, immortale. Hic sagax Christianus ex Catechista.

Ioan. I. 17.

Gen. 2. 7.

**QUÆRIT.** Quia vnā Personam & duas Naturas in Christo confitemur: & secundum istas naturas duas natiuitates, cui natiuitatem potius tribuere debeo, Naturæ an Personæ? **R.** Quia per Incarnationis mysterium diuina Persona incepit esse in humana natura, natiuitas propriè competit personæ in humana natura vt subiecto, seu vt ei quod nascitur, ait enim Damasc. lib. 3. c. 6. *Natiuitas hypostasis est non natura*. Quia vero terminus generationis seu natiuitatis est forma, natura autem per modum formæ significatur, ideo natiuitas dicitur esse via, motus & tendentia ad naturam, tanquam ad terminum. Et hoc modo natiuitas tribuitur naturæ vt termino, terminatur enim naturæ intentio ad formam seu naturam speciei.

Perfo-  
na vt  
subie-  
cto Na-  
tura vt  
termi-  
no. } Na-  
turi-  
tas  
ser-  
uit

## QVANTVM AD SECVNDVM.

**C**hristiane, considera circumstantias & qualitates natiuitatis Christi. In primis quidem quia sine omni dolore San-  
s  
ctissimæ



- Altissima Matris natus, ut de ea impletum fuerit illud. Isai. 55.  
 3. p. 9. 35. 4. 6. *Germinans germinabit sicut lilium, & exultabit letabunda.* Gaudi-  
 um Virginis in partu ponderat Amadæus Homil. 4. de laudi-  
 bus Virginis. d. *Lingua balbutit, cor refugit, sensus expavescit ad*  
*pondus tanti gaudij. Ipsa Virgo absq; ulla obstetricum opera, puerum IE-*  
*SVM pannis inuoluit,* ait S. Hieron. contra Heluidium. *Angelos*  
*in ministerio Virgo habuit, qui, sicut in deserto post victum Satanam mi-*  
*nistrabant ipsi Christo; ita circa natiuitatem eius ministrabant Virgini,*  
 Matt. 4. *qui etiam in manibus Virginis infantem posuerunt, & plura alia ut re-*  
 Homil. 9. *fert Cartagena.* Natus Saluator noster in multa paupertate  
 egens, nempe ut te Christiane, diuitem in Spiritu faceret. 2.  
 Cor. 8. *Scitis gratiam Domini nostri IESV Christi, quoniam propter*  
*vos egenus factus est, ut illius in opia vos diuites essetis.* Natus in di-  
 uersorio ut peregrinus, non in proprio, qua de causa vagus  
 Jerem. 14. appellatur, quod ponderans Gregor. d. *Non in pa-*  
*rentum domo, sed in via nascitur, ut profecto ostenderet, quia per hu-*  
 1. Paral. c. 29. *manitatem suam quam assumpserat, quasi in alieno nascebatur.* Inde  
 15. *tu discite Christiane, te quoq; hic peregrinum esse, non enim hic*  
 Hebr. 13. 14. *habemus manentem ciuitatem.* Sive ideo peregrè nasci voluit, &  
 in via transitu, ut nos per viam veritatis ad patriam nostram  
 3. Reg. 8. reduceret, ut Euthymius explicat. Natus in vili præsepio &  
 angusto collocatus, cuius est vniuersus orbis terræ atq; cœlo-  
 rum amplitudo, quem neq; cœloru, aut cœli cœlorum cape-  
 re possunt. Hinc Beda in Catena S. Thomæ: *Duri præsepj an-*  
*gustia continetur cui cœlum sedes est, & nos per cœlestis regni gaudia*  
*dilatat, qui panis est Angelorum in præsepio reclinatur, ut nos quasi*  
*sancta animalia carnis suæ alimento reficeret.* Natus media hyeme,  
 1. 35. a. 8. 3m. *ut ex tunc carnis pateretur afflictionem pro nobis,* ait S. Tho-  
 mas. Tu quoque Christiane per imitationem paratus esto pati  
 Rom. 5. *aduersa, quia tribulatio patientiam operatur, patientia autem proba-*  
 tionem, probatio verò spem, spes autem non confundit. Mortifica tu-  
 Rom. 8. *as passiones, quia si secundum carnem vixeritis, ait Apostolus,*  
*moriemini, si autem Spiritu facta carnis mortificaueritis, viuetis.* Et  
 alibi:



alibi: *Abstinete vos à carnalibus desiderijs quæ militant aduersus animam.* Natus media nocte, quia lux est, illuminans noctis tenebras. In q. q. novi testamenti, q. 53. August. d. *Tunc Christus nasci voluit quando lux diei crementum accepit, ut ostenderetur quod ipse venerit ut homines crescerent in lucem diuinam.* Natus est tempore pacifico, quia ut dicit Beda. *Augustus Cæsar quando natus est Christus duodecim annis ante natiuitatem eius in pace regnauit, quod prædictum erat Isai. 2. Conflabunt gladios suos in vomeres, quia princeps est & amator pacis, ut idem Beda ponderat. Pacatissimo, inquit, tempore nascitur Christus, quia pacem querere venit, & pacis sectatores inuisere dignatur.* Sed hic Christianus.

QUÆRIT. Cur Christus non est natus in Ierusalem siquidem Isai. 2. d. *Verbum Domini exhibit de Ierusalem?* & in Bethlehem nasci voluit quæ est ciuitas David, ut manifestum fieret illum esse verum Messiam Regem promissum de semine David, de quo etiam Mich. 5. *Et tu Bethleem Ephrata paruulus es.* &c. Deinde in Bethlehem nasci voluit, quæ est ciuitas quædam parua, in sorte tribus Iuda, ut Abulens. in cap. 2. Matth. dicit. Ierusalem autem Metropolis erat, ut te Christiane doceret non gloriari de natiuitatis splendore. Hinc Catech. Paroch. Videant fideles quàm salutari doctrina Christus nascens nos instituit, antequam vocem aliquam emittere inciperet. De Ierusalem autem exiuit Verbum Domini, quia de Ierusalem & Iudæa exierunt Apostoli alijque discipuli ad prædicandum gentibus fidem Christi, inquit Lyranus, vel etiam de Ierusalem exiuit Verbum Domini, exponentibus in Ierusalem Sacerdotibus & Scribis Michææ prophetiam de nascituro Christo in Bethlehem. Matth. 2.

### QUANTVM AD TERTIVM.

CHRISTIANE, considera quàm conueniens fuit Christum nasci ex Virgine, quod Symbolum Apostolorum eloquitur. *Natus ex Maria Virgine.* Nobilissimo quippè Filio huic nobiliss.



sima ex Virgine Natiuitas debebatur. Deus enim misit Filium  
 suum in mundum, carne velatum, vt nos ad resurrectionis sta-  
 tum promoueret, ait S. Thom. status autem resurrectionis erit  
*Opusc. 3. c. 221. p. 2.* ille, in quo non nubent neq. nubentur, sed erunt sicut Angeli Dei in  
*Matth. 22.* cœlo, atq. ad hunc finem docet continentiam & Virginitatem,  
 vt in vita fidelium, per Virginitatem resplendeat aliquammodo  
 gloriæ futuræ imago. Propterea summè conueniebat ipsum  
 de Virgine nasci, vt sua natiuitate Virginitatem commenda-  
 ret. DEINDE conueniebat Matrem Christi maximè repleti  
 donis spiritualibus, quæ de Spiritu Sancto erat paritura, ad  
 hoc autem vt repleretur donis spiritualibus, non solum im-  
 munis esse debebat ab omni peccato, in anima, sed etiam in  
 corpore ab omni corruptione carnalis concupiscentiæ. Hinc  
 Damascenus lib. 3. cap. 2. *Filius, inquit, Dei construxit sibi ex*  
*purissimis & castissimis sanguinibus Virginis, carnem animatam anima*  
*rationali.* Et Tertullian. in lib. de carne Christi cap. 7. *Virgo*  
*adhuc erat terra, ex ea hominem à Deo factum accepimus in animam*  
*uiuam.* proinde Christus de terra, id est carne nondum gene-  
 rationi resignata. Verum & scripturæ ac figuræ plurimæ suf-  
 fragium ferunt, Christum de Virgine nasciturum promitten-  
 tes. Isai. 7. *Ecce Virgo Concipiet & Pariet Filium.* cap. 53. de Na-  
 tiuitate Messæ. d. *Et ascendit sicut virgultum coram eo, & sicut ra-*  
*dix de terra sitienti: de terra sitienti: id est de Virgine non humecta-*  
*ta vel fecundata humano semine;* ait Lyrar. vnde dicitur. *Gene-*  
*rationem eius quis enarrabit?* quia præter naturæ consuetudi-  
 nem, ex Virgine natus. Ezech. 44. *Porta hæc clausa erit & non*  
*aperietur.* clausa in conceptione, non aperietur in partu. Hu-  
 ic famulantur Sybillarum vaticinia, quæ de Virgine nascitu-  
 rum mundi Redemptorem prædicebant. Nam Sybilla Persi-  
 ca hæc vaticinata dicitur. *Ille (inquit) Deus casta veniet de Vir-*  
*gine natus.* Et Sybilla Samia. *Hunc (inquit) poterunt clarum vi-*  
*rorum tangere Regem, Humano quem Virgo sinu inuoluta fouebit.* Et  
 Delphica. *Virgineo conceptus ab aluo prodibit sine contactu matris.*

Et



# CATECHESIS VI.

141

Et Phrygia. *Virginis in corpus voluit demittere cælo Ipse Deus prolem, quam nuntiet Angelus almæ Matri.* S. Thom. 2. 2æ. q. 2. art. 7. 3m. narrat in Historijs Romanorum inueniri quod tempore Constantini Augusti & Helenæ Matris ei9 apertum fuit quoddam sepulchrum, in quo iacebat homo, auream laminam habens in pectore suo cum hac inscriptione, *Christus nascetur ex Virgine, & ego credo in eum, &c.* Postremo decuit Christum nasci ex Virgine: hoc enim ad eius honorem refertur, siquidem honor parentum redundat in prolem, Prou. 17. *Gloria filiorum Patres eorum:* & per oppositum, ignominia matris redundasset in filium. Sed Christianus hîc.

QVÆRIT. Eux corpus miraculosæ formatum fuit, & dicitur formatum de carne & ossibus Adæ, Gen. 2. *Ædificauit Dominus costam quam tulerat de Adam in mulierem:* & Adam recognoscens dicit. *Hoc nunc os de ossibus meis, & caro de carne mea.* Christi quoq; corpus miraculose formatum, quare non dicitur de carne Virginis formatum sed de sanguinibus? R. Erat in Adam quædam caro & os non pertinsens ad integritatem Personalem: sed in quantum erat Adam principium humanæ naturæ; atq; illa carne & ossibus corpus Eux formatum absq; diminutione personalis integritatis. In Virgine autem B. non fuit aliqua caro quæ non pertineret ad integritatem personalem, unde de carne Virginis sine corruptione & diminutione integritatis personalis, non potuit formari caro Christi, formata autem est de sanguine purissimo, qui fuit caro non actu sed potentia. Hic iterum Obiter.

QVÆSIT. Si in Adam fuit aliqua caro & os superfluum non pertinsens ad integritatem personalem, nonne prodigiosus erat? R. Non erat prodigiosus, quia illa costa erat necessaria Adæ, quatenus fuit caput & principium totius naturæ humanæ, vt ex illa ædificaretur Eva.



## CATECHESIS VII.

## DE VIRGINITATE MATRIS

CHRISTUS

VNica est hæc tanti honoris & decoris Natiuitas Filij DEI, cuius Mater, nec primum similem visa est, nec habere sequentem, *Gaudia matris habens cum Virginitatis honore.* Et sicut decebat ipsum DEI Filium, non alia quàm de purissima Virgine nasci, in qua non esset aliquid de corruptione carnalis delectationis, ita conveniebat Matri tanti Filij, vt puritatis verticem supra omnes creaturas attolleret, quâ generationem tanti Filij attingeret. Dignum itaq; vt de intemerata Virginitate huius Matris dignè aliquid à Catechista fidei populo annuntietur, de qua tria in ista Catechesi expeditur.

- I. *Quanta cura Maria de seruanda Virginitate?*
- II. *Quòd in conceptione & partu Virgo permansit.*
- III. *Quòd in perpetuum Virgo inuoluta.*

## QVANTVM AD PRIMVM.

CHRISTiane, hæc cogita & de MARIA Deipara indubitanter tene, quòd plena puritatis, primam & maximam curam castitatis & integritatis habuerit. Dùm enim à Gabriele exaltanda prædicaretur. *Ecce (inquit) in utero concipies & paries Filium:* sollicitè sciscitatur de modo. *Quomodo fiet istud, quoniam virum non cognosco?* Vouerit quippe Virginitatem DEO. Et quanquam etiam in isto voto voluntati diuinæ se quoq; resignauerat, si id scilicet DEO placeret, tamen inquit quomodo Virgo conciperet, an ex viro, sicut Virgines innocentiaæ concepissent, an ad osculum vel anhelitum viri: ideo ab Angelo instruitur de opera Spiritus Sancti. Itaq; persuasum habeto Christiane, Deiparam primam omnium, Virginitatem.

Conf. S. Thom.  
1. p. q. 98. a. 7.

omni-



omnipotenti Deo vouisse, de qua Beda in Luc. cap. i. *Dei genitrix quia prima feminarum tantæ se virtuti (scilicet Virginitati) mancipare curauit, iure singulari præ ceteris feminis beatitate meruit excellere.* Origenes quoque in cap. 13. *Matth. Arbitror rationi consentaneum esse, virilis quidem puritatis in castitate primitias fuisse IESVM, muliebris verò Mariam.* Nec aliam ob causam dicit eam primitias fuisse in castitate, nisi quia prima fuit in seruanda sua Virginitate. Hieron: quoque dum ad seruandam castitatem Eustochium Virginem epist. 22. hortatur idem confirmat, *Mihi, inquit, Virginitas dedicatur in Maria & Christo.* Et quoniam Deipara Virgo, prima omnium fuit in seruanda Virginitate, suo quoque exemplo innumeras Virginum cohortes post se duxit, ut cantauit Propheta. *Adducentur Regi Virgines post eam,* S. Ambrosi in lib. de Virgin. cap. 5. *Vexillum Virginitatis erexisse Mariam affirmat.* Damasc. Orat. 1. de Natiuit. Deiparæ, vocat eam feracissimam Virginitatis plantam. *Tu, inquit, feracissima Virginitatis planta, per te enim Virginitatis pulchritudo latissime sese diffundit.* DEINDE, quia Virginitas in animi potius quam corporis consistet integritate, nec corporis castitas aliquid habet nitoris, nisi ab animi nitore deriuetur, iuxta illud August. cap. 8. de Sancta Virginit: *Sicut nemo impudicus vitur corpore, nisi Spiritu prius concepta nequitia, ita nemo pudicitiam seruat in corpore, nisi Spiritu prius insita castitate.* Et Petrus Damasc. Serm. 3. de natiuit. Deiparæ. *Virgo carne non animo, Virginitatis præmia non patitur.* ideo Deipara Virgo, cum esset integerrima Spiritu & corpore, non modo à venereis, sed ab ijs quoque quæ terrenum aliquid saperent, longe mente abhorruit. Hinc S. Anastasius, *Erat, inquit, Virgo intemerata Spiritu & corpore.* Quam, *Virginitas mentis & corporis* (inquit Anselm:) *quasi murus ita undique vallauit, ut nullus unquam libidini ad eam esset accessus, nec sensus eius aliqua corrumpetur illecebra.* Quare cum audis Christiane, tantæ curæ fuisse Deiparæ Virginales castitatem, tu eam pro virili imitare, quam Virginitatis formam,

regu-



## ARTICULUS III.

regulam & Magistram lib. 2. de Virgin. Ambrosius vocat. *Sit, inquit, vobis tanquam in imagine descripta Virginitas, vitæq. B. Mariæ, de qua velut in specula resulget species castitatis & forma virtutis.* Et Hieron. Serm. 3. de Assumpt. *Forma est Virginitatis in Maria, cur vos omnes, ut imaginem reformatis integritatis, faciem imprimere debetis in sculptura Spiritus Sancti.* Quin etiam tanta vis & efficacitas fuit Virginitatis Deiparæ, ut etiam prauissimos quosq; ad puritatis & munditiæ amorem illiceret, nam Eccl: de se dicit, *Sicut cedrus exaltata sum*, quod 3. p. q. 9 membr. 3. articulo 1. ponderat Alensis. *Sicut cedrus interficit serpentes odore suo, ita Sanctitas Mariæ irradiabat in alijs, & in eis exinguebat omnes motus concupiscentiæ carnalis.* Sed hic aliquis cupiens amplius informari. QVÆRET. Cum Virginitatis votum ad perfectionem pertinent consilij, non à Virgine Deipara debuit hæc perfectio inchoari, sed à Christo à quo consilia, & qui finis est legis. R. In Christo plenitudo perfectionis consummata, in Virgine autem aliquando inchoata.

Rom. 10.

QVÆSTER. adhuc. Videns Ioseph Virginem Prægnantem non ignarus summæ eius puritatis & Virginitatis, cur voluit eam occultè dimittere. R. Hieron. dicit Iosephum miratum fuisse quid ageretur, à qua admiratione reducit illum Angelus Match. 2. d. *Ioseph Fili David noli timere accipere Mariam conjugem tuam, quod enim in ea natum est, de Spiritu Sancto est.* Ast Ioseph voluit occulte Virginem, non quasi suspectam de fornicatione, sed ob reuerentiam Sanctitatis eius, timens cohabitare ei.

3. Thom. in 4.  
d. 35. q. 3. a.  
unico 25.

## QUANTVM AD SECVNDVM.

CHRISTIANE, Deiparam absolute Virginem confitendo veneramur, eo quod Virgo fuerit ante partum, Virgo in partu, & Virgo post partum. Ante partum Virgo in conceptione Filij Dei, quem de Spiritu Sancto concepit, ut iam confessi sumus, talis enim conceptus decebat Filium DEI de Virgine,  
non



non de virili semine, ut errarunt Ebion. Cerintus & Photinus. DEINDE si puritati Deiparæ nec Angelica puritas comparari potest, profectò in conceptione & ante partum Virgo. Serm. 4. de Assumpt. Bernard. d. *Quæ vel Angelica puritas Virginitati illi audeat comparari, quæ digna fuit sacrarium Spiritus Sancti fieri, & habitaculum Filij Dei?* Et Richard. de S. Viç: cap. 39. in Cant. Super Angelos, inquit, est quia eos puritate supergreditur. Et S. Antonius 4. p. tit. 15. Beata, inquit, Maria summa puritate etiam Angelos superavit. PRÆTEREA, ita concipere debuit Filium DEI, qui ideo natus est, ut nos renascamur in Filios DEI, Ioan. 1. *Non ex sanguinibus, neq; ex voluntate carnis, neq; ex voluntate viri, sed ex Deo, id est ex ipsa DEI virtute;* atq; huius nostræ nativitatæ debuit exemplar apparere in ipsa Christi conceptione. cap. 6. de Sancta Virginitate S. August. *Oportebat, inquit, caput nostrum insigni miraculo secundum carnem nasci de Virgine, quo significaret membra sua de Virgine Ecclesia secundum Spiritum nascitura.* Nec solum hæc, sed ULTERIUS etiam Christiane credere debes, Deiparam in partu Filij DEI Virginem permanisse, contra Iovinianum. Hoc eiuncit autoritas scripturæ, Isai. 7. *Ecce Virgo concipiet & pariet Filium;* sicut Virgo concepit, ita Virgo peperit. Neq; dicunt Iudæi per Virginem in hoc loco, faminam in communi significari, quod patet inde, quia in Hebræo non est positum nomen Nahara, quod significat puellam siue sit Virgo siue non; neque positum est Betula, quod significat faminam incognitam quidem viro, sed indifferenter siue sit adolescentula siue gravidæ ætatis. Positum est autem apud Isaiam nomen Alma, quod significat adolescentulam incognitam viro. Sicut ergo adolescentula incognita viro concepit, ita eadem peperit, manens Virgo, ut exponit Lyran. In sermone Ephesini Concilij contra Iovinianum Hæreticum dicitur. *Natura post partum nescit ulterius Virginem, gratia vero & parientem ostendit, & Matrem fecit, & Virginitati non nocuit.* Ambros. ad Siricium Papam. *De via, inquit, per-*



versitatis produntur dicere, *Virgo concepit sed non Virgo generavit, quæ potuit Virgo concipere, non potuit Virgo generare cum semper conceptus precedat, partus sequatur?* Et iterum non excedit fidem, quod homo exiit ex Virgine, quando petra profluentem scaturiuit, ferrum super aquas natauit. Bernardi Homil. 2. super Missus est, Aptissime, inquit, sidero comparatur, quia sicut sine sui corruptione sidus suum emittit radium, sic absq; sui læsione Virgo parturit. Filium, nec sideri radius minuit suam claritatem, nec Virgini Filius suam integritatem. Pulchrâ S. Thomas 3. p. q. 28. art. 2. similitudine integritatem DEI Matris in partu seruata ostendit. Sicut inquit Verbum non solum in corde absq; corruptione concipitur, sed etiam absq; corruptione de corde procedit, ita DEI Filius, qui est Verbum DEI Patris, non solum in conceptione, sed etiam in natiuitate Matris integritatem incorruptam conseruauit. Et qui venit tollere nostram corruptionem, non conueniebat ut nascendo, Matris Virginitatem corrumpere: quq; præcepit parentes honorare, Matris honorem nascendo non diminuit. Sed hîc Gatechista ipse, illud Isai. 45. de Christi natiuitate uaticinium. *Rorate cœli de super & nubes pluunt iustum, aperiatur terra & germinet Saluatorem* ponderans, apud se *quæ sunt* *dicet.* Terra significat Deiparam, quia est de terreno Adam, & quia aperienda prædicitur in Christi natiuitate, nonne claustrum Virginitatis solutum? & Nequaquam, neq; enim ista apertio significat refectionem communem claustro pudoris Virginalis, sed exitum prolis de utero matris, ut exponit S. Thom. loco dicto. Deinde ipsa ista authoritas scripturæ famulatur conceptui & partui Deiparæ Virginæ, cum de rore cœli & pluvia Saluator secundum carnem germinandus prænnunciatur, totum opus de Spiritu Sancto.

### QUANTVM AD TERTIVM.

**C**hristiane, Sicut confiteris in partu Filij DEI, integram Matris Virginitatem seruata, contra hæresim souiniani;



ita nunc contra Heluidium oportet te firmissime credere, post  
 natiuitatem Filij DEI, nullum Filium, Deiparam Virginem  
 amplius habuisse: immò omnem penitus fomitem post conce-  
 ptionem Filij DEI in ea extinctum fuisse, atq; Virginitatem  
 quam semel voto, DEO suo sacraverat intemeratam in perpe-  
 tuum conseruasse. Verum hîc pro tua Christiane instructio-  
 ne sufficiant, quæ Doctor Angelicus art. 3. adfert contra Helui-  
 dium dicentem, B. Virginem ex Ioseph alios filios suscepisse.  
 Hoc autem derogaret in primis dignitati & perfectioni Chri-  
 sti, qui sicut secundum diuinam naturam vnigenitus est Patris,  
 tanquam perfectus eius Filius, cui alium parem non generat  
 Pater, cum in isto sit tota perfectio filiationis: ita decuit vt ef-  
 fet vnigenitus quoq; Matris, tanquam perfectum ipsius ger-  
 men. DEINDE derogaretur Spiritui Sancto, violari illum Vir-  
 ginis vterum, qui suum fuit sacrarium, in quo carnem Christo  
 formauerat. Adhuc autem derogaretur Sanctitati & Puritati  
 Matris Christi, quæ si contenta non fuisset tanto Filio, ingra-  
 tissima videretur, si & Virginitatem voluisset sponte perdere,  
 quæ ei in conceptu & partu Filij DEI miraculose conseruata  
 fuit. Tandem ipse Ioseph iustus non euitasset notam præsum-  
 ptionis, si attentasset ad eam Virginem accedere, quam An-  
 gelo significante didicerat ex Spiritu Sancto concepisse. Qua-  
 propter Christiane mundo corde crede DEI genitricem, sicut  
 Virgo concepit, Virgo peperit, ita Virginem in perpetuum  
 permanuisse: immò etiam ipse Ioseph Virgo fuit per Mariam,  
 vt ex virginali coniugio Christus nasceretur. Ne ergo plura  
 desideres curiose perscrutari, de Virginitate Deiparæ. Nam  
 etsi multis causa difficultatis fuerint illa verba Matth. 1. *Acce-  
 pit Ioseph coniugem suam, & non cognoscebat eam, donec peperit Fili-  
 um suum primogenitum*: non tamen propter istam particulam.  
 DONEC sequitur eam aliquando à Ioseph cognitam fuisse, sed  
 hæc particula eo loco significat, non tempus finitum, sed in-  
 determinatum, sicut alibi in scripturis, Psal. 109. Deus Pater



ad Filium dicit. *Sede à dextris meis, donec ponam inimicos tuos scabellum pedum tuorum*, non significat, quòd tantum eo usq; sederit, donec ponerentur inimici sub scabello, ut postea defierit sedere; sed quia dubium poterat esse aliquibus, an Christus federet ad dexteram, quamdiu non viderentur ei inimici subiecti, ideo ad remouendam dubitationem dicitur, sede donec ponam. Similiter dubium esse poterat an Ioseph cognouerit Mariam ante partum Filij DEI, & hoc Euangelista remouit, quasi indubitabile relinquens quia post partum non fuit cognita. Simile est de particula Antequam de qua Hieron. *Non sequitur, inquit, ut postea conuenerint, sed scriptura quid factum non sit, ostendit.* Sed hìc aliquis Catechista.

Hebr. 1. OPPONET. Primogenitus dicitur respectu secundo genitorum, Christus autem dicitur Virginis Mariæ primogenitus Luc. 2. *Peperit Filium suum primogenitum.* R. Quamvis primogenitus dicatur, non inde tamen sequitur eam habuisse alios secundo genitos: nam idem DEI Filius dicitur primogenitus Patris, quis inde colligat alium quoq; à Patre secundo genitum? sed in scriptura primogenitus solet dici, antequam nullus sit genitus, & nec post illum alius sequetur. Postremò in testimonium perpetuæ Virginitatis, in cruce à pendente Ioan: 19. Virgine Filio, Mater Virgo Virgini discipulo commendatur.

## CATECHESIS VIII.

### DE SINGULARITATE ET EMINENTIA MATRIS CHRISTI.

NON incommode illud dicitur. Qui Mariam loquitur, Christum prædicat. Post doctrinam de Christi natiuitate, dignum & congruum est, ut Catechista aliquid de singularitate & eminentia Matris eius populo annuntiet. Nam qui nō runt à muliere esse initium peccati & per illam omnes mori; agnoscant oportet magnum in Maria Sacramentum. Sicut enim



enim per virum & mulierem diabolus humanum genus vice-  
rat, ita per virum & mulierem victus est, quod ipsi denuncia-  
tum fuit. *Inimicitias ponam inter te & mulierem, inter semen tuum  
& semen illius, & ipsa conteret caput tuum.* Lætari ergo nos con-  
uenit singulari honore & eminentia Matris Christi, vt ei di-  
camus. *Tu gloria Ierusalem, tu lætitia Israël, tu honorificentia popu-  
li nostri.* Quare in ista Catechesi tria sibi Christianus postula-  
bit à Catechista explicari.

I. *Qualis in ortu Virgo Maria?*

II. *Quæ eius erga Deum charitas?*

III. *Quibus donis Dei decorata?*

QUANTVM AD PRIMVM.

CHRISTIANE, Sanctissima DEI genitrix Virgo, orta est ex ge-  
nere Regum & Sacerdotum; paterno quidem genere ex  
Iuda, materno ex Leui, Patre Ioachim, Matre Anna pijs &  
Sanctis Parentibus, cuius cognata Elizabeth de filiabus Aa-  
ron Luc. i. prædicatur. Pie credere decet conceptam immu-  
nem à nullo culpæ originalis, quod communis vox Sancto-  
rum & Ecclesiæ testatur; idq; ea ratione considera. Si Eva  
quæ perdendæ salutis, vniuerso generi hominum principium  
fuit, pura absq; peccato & integra in iustitia originali condi-  
ta fuit, vt supra de creatione hominis ostensum est, certe Dei-  
para Virgo quæ eiusdem salutis reparandæ initium fuit, in  
conceptione pura & integra absque peccato conseruata fuit.  
DEINDE decebat ipsam in peccato concipi ob Filij dignita-  
tem, quæ diminueretur si illa in peccato concepta fuisset; ita  
enim Cyrilli. Catechesi. 12. *Decebat, inquit, sanè purissimum puri-  
tatis Doctorem ex puris prodire thalamis.* Clarius & luculentius  
Anselm. in lib. de Concept. Virgin. cap: 18. *Decebat, vt ea pu-  
ritate quâ maior sub Deo non potest intelligi, Virgo illa niteret, cui Deus  
Pater vnicum Filium suum quem de corde suo æqualem sibi genitum,*

*Hilar. Can. 1.  
in Matth.*



*tanquam seipsum diligebat, ita dare disponebat, ut realiter esset unus idemq; communis Dei Patris & Virginis Filius; Si verò peccato originali fœdata fuisset, quoniam pacto sub Deo maior puritas illa intelligi non posset? Firmissime id affirmat S. Thom. in 1. sent. dist. 44. q. 1. art. 3. d. Puritas intenditur per recessum à contrario, & ideo potest aliquid creatum inueniri, quo nihil purius esse possit in creatis, si nulla contagione peccati inquinatum sit. & talis puritas fuit B. Virginis, quæ à peccato actuali & originali immunis fuit.*

PRÆTERA, decuit Deiparam honestari privilegio Filij sui, ut absque peccato conciperetur: decuit Filij sui quoad fieri poterat similitudinem esse. Et si Deipara vel originalis peccati macula affecta fuisset, vel quid minus puritatis & munditiæ habuisset, consequens fuisset, aliquo nœuo obscurari summum splendorem & dignitatem Filij. Dicit enim Philosophus lib. 2. de generat. animalium cap. 1. *Tale alterum generat, quale ipsum est: hoc enim cuiusq; perfecti siue animalis siue stirpis secundum naturam officium est.* Concil. etiam Trident. sess. 5. in decreto de peccato Originali dicit, Non esse intentionis suæ comprehendere in hoc decreto, ubi de peccato originali agitur, Beatam & immaculatam Virginem Mariam DEI Genitricem. Cum non vult comprehendere in decreto de peccato originali Virginem Deiparam. Ergo ab hoc decreto illam eximit. Sed hic aliquis fortasse Gatechista.

DICET. Si Deipara Virgo absq; originali peccato concepta fuit, æquiparatur Filio cui nihil æquiparari potest, & si in conceptu commune privilegium cum Filio habebit, extollendo Matrem, Filij gloriam deprimemus: ita ut nulla sit differentia. R. Tametsi Mater immunis fuit ab originali culpa, non tamen propterea honore Filio æqualis erit; nam licet in peccati immunitate par & eadem sit utriusq; conditio, Filij tamen conceptio præstat conceptioni Matris. Primò quia Filius de Spiritu Sancto conceptus, Mater de viro, idèq; ille suapte natura immunis à peccato fuit, Mater benefi-



cio ac merito Filij, deinde licet mater immunis in conceptione à peccato, à Filio tamen redempta, ne videlicet incurreret illius reatum.

## QVANTVM AD SECVNDVM.

**C**hristiane, imitare in omnibus Deiparam Virginem, ac in primis in feruida erga Deum charitate: qua nihil melius, nihil præstantius, nihil pretiosius. Can. 8. *Si dederit homo omnem substantiam domus sue pro dilectione, quasi nihil despiciet eam.* Alia dona habent etiam mali (ait August.) qui dicturi sunt. *Domine nonne in nomine tuo prophetavimus? & in nomine tuo demonia eiecimus? & in nomine tuo virtutes multas fecimus?* Sola charitas Filios DEI constituit, ut idem ait. Sola discernit inter Filios DEI & Filios diaboli. Hæc in Virgine Deipara excellentissima fuit, adeò ut à principio cor suum per charitatem DEO obtulerit, sciens istud holocaustum DEO gratissimum, quoniam id ipse sibi offerri iubet. Prou. 23. *Præbe Fili mi cor tuum mihi; illud primum & maximum mandatum. Diliges Dominum Deum tuum ex toto corde tuo.* (verum de hoc in tertio, ipso DEO dante tractatu.) Hinc & August. Serm. 21. de verb. Apost. *Deus cor interrogat non manum, neq; nostra placere possunt Deo nisi cor placuerit.* Isai. 29. dictum: *Populus iste labijs me honorat, cor autem eorum longe est à me.* Cum igitur Virgo ista omnia perspecta compertaq; haberet, cor suum in amorem DEI totum convertit; eius verba Cant. 2. *Introduxit me rex in cellam vinariam, ordinavit in me charitatem, fulcite me floribus, stipate me malis quia amore langueo.* q. d. sum enim dilectione vulnerata. Et ut Gregor. Nyss. d. *Hæc Virgo ut summum amorem attingeret, omnem alium amorem penitus propulsavit, in cælo thesaurum suum reponens, iuxta illud Matth. 6. Vbi est thesaurus tuus, ibi & cor tuum.* Propterea Virginem istam appellat Ioannes, signum magnum, quod in cælo apparuit, mulier scilicet amicta sole. De hac Virgine Bernard. serm. 29. in Cant. *Est, inquit, sagitta electa amor*

Ser. 50. de  
Verb. Domini.

In Epist. Ioan.

Orat. 4. in  
Cant.

Apoc. 12.



*amor Christi, quæ Mariæ animam non modo confixit sed etiam pertransiit, ut nullam in pectore virginali particulam vacuum amore reliquerit, sed toto corde, tota anima, tota virtute diligeret ut esset gratia plena. DEINDE si in virgine concedimus (vbi concedi debet) summum omnium virtutem fastigium, tam infusarum, quam acquisitarum, profectò absq; summo fastigio charitatis in DEUM esse non potuit. Dicit enim Hieron. in Isai. cap. 56. Virtutes inuicem se sequuntur, & sibi hærent ita, ut qui vnā habuerit omnes habeat, & qui vna caruerit cunctis careat. Postremo cum Virgine Deipara nihil inter res creatas maius aut sanctius fuerit ut de ipsa Chrysost. dicit. Hæc sola cælum & terram amplitudine superauit, quid illa sanctius? non Prophetae, non Apostoli, non Martyres, non Angeli, non Throni, non Dominationes, non Seraphim, non Cherubim, non aliud quippiam inter creatas res visibiles & invisibiles maius aut excellentius inueniri potest, profectò summo amore super omnia DEUM dilexit, illudq; mandatum de diligendo DEO ex toto corde ad amissim impleuit, in quo implendo etiam Angelos superauit. In serm. 3. de natiuitate Deiparæ Petrus Damian. d. Nec mirum si hæc virgo cunctorum merita transcendit mortalium, quæ & ipsam transcendit celsitudinem Angelorum. Et Epiphani. in serm. de laudibus Deiparæ. Solo DEO excepto cunctis superior existis, natura formosior es ipsis Cherubim, Seraphim, & omni exercitu Angelorum.*

**DICES.** In beatis Angelis, ea est dilectio, quod semper actualiter in diligendum DEUM ferantur, Virgo Deipara cum esset adhuc in via, quomodo poterat semper actualiter cor illius ferri in diligendum DEUM? hoc enim non est possibile in via, ut ponderat S. Thom. 2. 2. q. 24. a. 68. Hoc illi vni datum fuit, quod alij nulli in via concessum, ut eo statu potiretur, quo beati perfruuntur in cœlis, ut DEUS in ipsa omnia fuerit.

**QUÆSIER.** num illa charitas fuit perfecta? iam tum perfecta charitas esse censetur, si ita diligamus DEUM sicut diligibilis est, infinite autem cum sit bonus, infinite etiam diligibilis,



lis, quæ verò creatura attingat hanc periodum? nulla enim creatura elicere potest infinitum actum dilectionis, quia omnis virtus creaturæ siue naturalis, siue infusa finita est. & Verum est ex parte diligibilis, nulla creatura potest perfecte diligere DEUM, ex parte verò diligentis, potest creatura perfecte diligere DEUM, quando diligit tantum, quantum potest. Et hæc perfectio dilectionis DEI, Virgini Deiparæ præ omnibus creaturis excellentius concessa fuit.

## QUANTVM AD TERTIVM.

CHRISTIANE, vnusquisq; donum suum habet ex DEO, I Cor. 7. de cælibatu & nuptijs ita Apostolus differit. Et Ephes. 4. *Vnicuiq; nostrum data est gratia secundum mensuram donationis Christi:* In Deiparam verò virginem, quæ mensura donorum, gratiarum & charismatum fuerit collata, quis edifferat? quidquid enim in rebus creatis perfectionis fuit, id totum Deipara adeptæ. Id sub figura contentum ita accipe. Tabernaculum illud veteris testamenti cum esset construendum, vniversus populus à DEO monitus, preciosissima quæq; obtulit vltro, structuræ illi necessaria. Ita enim Exod. 35. *Egressa inquit omnis multitudo Filiorum Israël de conspectu Moysi, obtulerunt mente promptissima atq; deuota primitias Domino ad faciendum opus tabernaculi testimonij.* &c. Similiter ad templum illud à Salomone confectum, I Paralip. 29. *Dederunt in opera Domus Dei, auri talenta quinq; millia, & solidos decem millia, argenti talenta decem millia, & æris talenta decem & octo millia, ferri quoq; centum millia talentorum, & apud quemcunq; inventi sunt lapides, dederunt in thesauros domus Dei.* Si I. Cor. 10. hæc in illis, quibus omnia in figuris contingebant, quid in rerum veritate? Si ad tabernaculum & templum illud tanta collata sunt, quanta ad illam domum quam sibi ædificauit Sapientia, quanta dona DEI in Virginem istam sunt collata? Hinc S. Bonauent. serm. I. de B. Virgine. *Domina, inquit, nostra omnibus diuinis gratijs fuit plena, in nullo dono alicui Sancto concessa*



sapientius diminuta, quia non solum fuit plena, sed superplena. Et Pe-  
 trus Damian. serm. 3. de nativitate Deiparae. Quid enim, inquit,  
 sanctitatis, quid virtutis quid religionis, quid perfectionis singularis  
 hanc Virgini deesse potuit, quae totius divinae gratiae charismate plena  
 fuit? S. Brigitta, à S. Ioanne Baptista haec sibi narrata & reve-  
 lata dicit. Non est, inquit, aliqua virtus, in aliquo Spiritu, sine in  
 corpore aliquo, quam Virgo Deipara hanc eandem virtutem non habeat  
 excellentius. Quin etiam Virgo ipsa verbis illis. Eccl. 24. de se  
 testatur. In me omnis gratia viae, & veritatis: & supra. In pleni-  
 tudine Sanctorum detentio mea. Quod ponderans S. Bonavent.  
 serm. 3. de B. Virgine. Plenitudo, inquit, gratiae, & plenitudo su-  
 pereminentiae, qua aliquid dicitur alijs supereminere, & haec plenitudo  
 fuit in Beatissima Dei Matre, quae omnia dona, quae alij Sancti accepe-  
 runt in parte, ipsa omnino habuit in plenitudine. Nam sicut in capi-  
 te omnes sensus, sed in alijs partibus corporis, tantum est sen-  
 sus tactus, sic Domina nostra omnia habuit dona Dei, quae in  
 alijs Sanctis sunt divisa. Ex hac causa, mare Deiparam sapi-  
 entissimi & piissimi appellare consueverunt, quia sicut omnia  
 flumina intrant in mare, ita omnia dona DEI & charismata  
 Spiritus Sancti in Mariam, Gen. 1. in creatione mundi dixit  
 DEUS, Congregentur aquae quae sub caelo sunt in locum unum. Et con-  
 gregationes aquarum appellavit Maria; ita enim cum Virginem  
 istam DEUS condidit, omnes gratias & perfectiones in eam  
 contulit. Hinc D. Antonin. p. 4. titul. 15. Congregatis, inquit,  
 omnibus gratijs Sanctorum in unum locum, scilicet in animam Virginis  
 appellavit ipsam Mariam, quasi mare gratiarum: omnia enim flumina  
 intrant in mare, id est omnes gratiae in Mariam. Quod si quispiam.

DIXERIT, Si omnem plenitudinem donorum dicimus fu-  
 isse in Maria Virgine, nihil supra, ipsi Christo concedemus,  
 supra omnia enim nihil est amplius, quia si quid amplius, iam  
 non omnia, erit ergo cum diminutione gloriae Christi. & In  
 eo est maximum discrimen, quia Christo omnis plenitudo  
 convenit per se, ut naturali Filio DEI, propter unionem hy-  
 postati-



## CATECHESIS IX.

155

postaticam cum Verba, idq; Euang. Ioan. i. indicat. *Vidimus gloriam eius, gloriam quasi unigeniti à Patre, plenum gratiæ & veritatis.* Virgini beatæ tributa est ista plenitudo, tanquam Filix adoptiux propter merita Filij. Neq; vero plenitudo Mariæ data, diminuit gloriam Christi, immo redundat in ipsum, nam gloria Filiorum Patres ipsorum, & gloria hominis ex honore Patris, & dedecus Filij Pater sine honore, q. d. ex parentibus honor derivatur in prolem. Certè honor Deiparæ famulatur honor, & gloriæ Christi, de qua Virgine. Bernard. Senen. *Oportuit, inquit, elevari feminam ad quandam aequalitatem diuinam, per quamdam quasi infinitatem perfectionum & gratiarum.*

*Prov. 17.*

*Ecccl. 3.*

*Serm. 61.*

*tom. 1.*

## CATECHESIS IX.

### DE NOMINE MARIA.

**V**Troq; Symbolo tam Apostolorum quam Nicæno Virgini Deiparæ nomen proditur, cum nativitas Christi Dei & Salvatoris nostri asseritur: quasi non satis fuisset dicere Christum ex Virgine natum, nisi nomen Virginis astrueretur. Et Apostoli quidem dixerunt: *Natus ex Maria Virgine.* Nicæna verò Synodus, *Conceptus de Spiritu Sancto ex Maria Virgine.* De nomine itaq; isto Virginis Deiparæ tria in ista Catechesi explicabuntur.

*I. Nomen Mariæ diuinitus reuelatum.*

*II. Nomen Mariæ quid significet.*

*III. Nomen Mariæ honorabile & terribile.*

### QUANTVM AD PRIMVM.

**C**hristiane, quod Deipara Virgo, Nomine MARIA vocata est, non hominum inventionem, non parentum arbitratu & consilio, sed divino instinctu reuelatum, & iussu impositum esse, tenendum ita suadet S. Antonius. *Dis, inquit, qua nata est*

*p. 4. vir. 15.*



*Dei genitrix Virgo, impositum est ei nomen Maria, à parentibus secundum Angelicam reuelationem. Si secundum Angelicam reuelationem hoc nomen Deipara accepit à parentibus, certè de coeli arcanis allatum & à DEO mandatum: nam Angeli quæ à DEO audiunt reuelant hominibus. Tunc videlicet Angelus Sancto Ioachim nomen Filia reuelauit, cum & ipsam natiuitatem intimauit. Nam si alijs Sanctis nomina à DEO fuerunt indita, & per Angelos reuelata, quid prohibet Deiparæ Virgini Sanctissimæ, nomen à DEO fuisse impositum? Gen. 32. Iacob appellatur Israël cui Angelus. Nequaquam Iacob appellabitur nomen tuum sed Israël. S. Ioannes Baptista Luc. 1. nomen à DEO accepit. Quod si serui eo honore decorati sunt, Mater Domini eo honore vacua abiit? neque enim conveniebat servos ampliori honore præ Matre à Domino haberi. Idem figuratum accepimus Baruch 5. de Ecclesia dictum. Nominabitur tibi nomen à Domino in sempiternum. Si Ecclesiæ illud privilegium datum, cur non huic Virgini, quæ & Mater Sponsi Ecclesiæ & eius principale membrum? Similiter illud Isai. 62. Vocabitur tibi nomen novum, quod os Domini nominauit. Sed ex loco isto allegato.*

*QUÆSTIO. Christianus, Quomodo nomen hoc Maria, Deiparæ impositum, novum dicitur, cum tam ante præcesserit in alijs mulieribus: nam soror Aaron Exod. 15. MARIA vocata fuit? R. Quamvis quoad vocem hoc nomen alijs mulieribus datum fuit, non tamen sub ea ratione quâ Virgini Deiparæ, ex qua ratione nomen novum merito dicitur, de quo Ambrosius in lib. de Virginitate c. 5. Dicitur sunt ante Mariæ multæ, nam & Maria soror Aaron dicta fuit, sed illa Maria amaritudo maris vocabatur, speciale Mater Domini hoc nomen inuenit, quod significat Deus ex genere meo. Et Gregorius Nissen. Orat. in Christi Natiuitate. Cum inquit nata esset puella, nomen quidem imposuit ei Mariam, ut etiam per nomen impositum diuinitus, datum munus significaretur.*

QVAN.



## QUANTVM AD SECVNDVM.

**C**hrisiane, agnoscis nomen hoc MARIA Deiparæ divinitus esse impositum; nomina autem quæ hominibus à DEO imponebantur, aptata fuerunt ad eorum conditionem designandam: sic Abraham vocatus fuit à DEO. Gen. ii. quia pater multarum gentium constitutus. Eodem modo nomen Maria impositum à DEO ad significandam excellentiam Virginis Deiparæ, hoc enim nomen Maria significat Dominam, ut explicat Damasc. lib. 4. c. 15. d. Itaq; gratia (nam hoc sonat Anna vocabulum) Dominam parit (id enim Mariæ nomine significatur). verè enim rerum omnium conditærum Domina facta est, cum Creatoris Mater extitit. Immo etiam olim Rabbi Haccados, Matrem Messie dixit Dominam appellandam; est enim Mater eius qui est Dominus omnis creaturæ. Et Bernard. Homil. i. super Missus est. d. Super omnes choros Angelorum exaltatur, an non Deum & Dominum Angelorum Maria suum audacter appellat filium dicens. Fili quid fecisti nobis sic? quis hoc audeat Angelorum? DEINDE nomen Maria prout appropriatur Deiparæ Virgini, significat stellam maris, ob summum fulgorem: ita ipsam salutat Ecclesia, *Aue maris stella*. S. Bonavent. Maria, inquit, est stella purissima sine peccato, purissime vivendo. Sap. 7. de illa dici potest. Speciosior est sole, & super omnem dispositionem stellarum luci comparata, invenitur purior. Quare Bernard. super Missus est. Si, inquit, insurgunt ventum tentationum, si incurris scopulos tribulationum, respice stellam, voca Mariam in periculis, in periculis, in angustiis, in rebus dubijs Mariam cogita, Mariam invoca. Stella maris Cynosura claret proprietatibus, Primò cælum se circa illam vertit; nautas in periculis dirigit; nunquam occidit: ferrum magneticum ad se trahit. Istæ proprietates sunt Virginis Mariæ, circa illam se cælum vertit, quia ad illam tota cœlestis curia attendit, Chrysost. d. Hec sola cælum & terram amplitudine superavit, ipsa periclitantes in mari huius vitæ, ad salutis portum adducit. Cyrill. Alexandr. in



## ARTICULUS III.

Homilia contra Nestorium. *Per te, inquit, Virgo exultat cælum, latantur Angeli & Archangeli, fugantur demones, & homo ipse ad cælum reuocatur.* Hæc etiam Virgo dum alij Sancti auxilia subtrahunt nunquam occidit, ad illam clamamus. *Sancta Maria succurre miseris;* hæc mentes ferreas ad humilitatem & mansuetudinem emollic, nempe omnium excellentium & superbiorum colla, propria virtute calcauit. Mariæ nomen significat illuminatam & illuminantem. Primo ipsa ista Virgo est illuminata, quod mysterium expressit Ioannes Apoc. 12. d. *Signum magnum apparuit in cælo, mulier amicta sole, luna sub pedibus eius, & in capite eius corona stellarum duodecim, & in utero habens.* Desuper illuminata, quia caput stellis coronata, Deorsum illuminata quia luna sub pedibus eius, (Ecclesiam videlicet militantem tuetur donec ad plenam perveniat tranquillitatem, orietur, scilicet, in diebus eius iustitia & abundantia pacis, donec auferatur luna, i. donec sublata fuerit mutabilitas in consistentiam) Ab intus illuminata, quia in utero habens; ineffabile quiddam habuit, quod propterea non exprimitur: *mysterium à seculis absconditum in Deo.* nempe splendorem Patris in utero habuit; candorem lucis æternæ: sine macula: Verbum caro factum. Ab extra illuminata sole, siue dixeris iam immortali corpore. Illuminatrix Virgo MARIA, nos multifariam illuminans. Luceat MARIE accommodare quod de se dicit sapientia æterna. Eccl. 24. *Penetrabo inferiores partes terræ, & inspiciam omnes dormientes, & illuminabo omnes sperantes in Domino.* Pars inferior terræ frigida & obscura, quia sol eo non penetrat, ut pulchrè canit Philosophia apud Boët. lib. 5. de consol. metro 2. Penetrat ergo Maria inferiores partes terræ, quando illuminat eos qui in tenebris sedent peccatorum, & frigidos inflamat amore DEI. Inspicit dormientes, erigit quippe tepidos & negligentes, eosque efficit ferventes, Illuminat omnes sperantes in Domino, quos in luce gratiæ conseruat. Quod si forte alicui contra expositiones istas occurrat difficultas ut

Psalm. 71.

Ephes. 3.

Coloss. 1.

Hebr. 1.

Sap. 7.

Ioan. 1.

DICAT.



**DICAT.** Cum stella maris ad quam nautæ suas dirigunt naves in octavo sit orbe sita, quid commune cum Deipara Virgine habet, ut ipsa quoque hoc nomine nuncupetur? R. Verum est, quoad primam nominis impositionem, stella maris, significat illud sidus in octavo orbe, trahitur tamen secundum usum metaphoricum ad significandam Deiparam Virginem, propter suas dignitates quæ in ista expositione tanguntur. Sicut nomen visionis ex prima impositione, signat actum visus qui per oculos exercetur, trahitur tamen ad significandam cognitionem intellectus. Ita de nomine stellæ maris accipe, ut significetur Deipara ea munera subire, quæ stella Arctico polo finitima, quam navigantes cum per mare feruntur, observare usu habent.

### QUANTVM AD TERTIVM.

**C**hristiane, Si nomen Iesus Filij Dei & Salvatoris nostri veneraris, subinde nomen **MARIÆ** venerare, quod Gabriel Angelus in tantum veneratus est, ut cum annuntiaret Incarnationem Filij Dei, non sit ausus nomen Virginis reverentiæ gratia pronuntiare, sed solum dixit. Ave gratia plena: tunc verò duntaxat expressit, cum ex novitate inusitatæ salutationis Virginem turbatam cerneret, ut eius nominis commemoratione, illa turbatione levaretur. Quanto verò sit in honore Angelis nomen **MARIA**, ipsa Virgo Sanctæ Brigittæ revelavit. *Filius, inquit, meus quantum etiam honoravit nomen meum, audi: nomen meum est Maria, sicut legitur in Evangelio, hoc nomen cum Angeli audiunt, gaudent in conscientia sua, & regratiantur Deo, qui per me, & mecum talem gratiam fecit, & quod vident ipsi humanitatem Filij mei, in divinitate glorificatam.* Et iterum. Angeli boni audito hoc nomine statim appropinquant magis iustis, quibus dati sunt ad custodiam. Quin etiam Deus ipse tanto honori habet nomen istud, ut non nunquam postulata propensius concedat ad commemorationem huius nominis, quam memoria

lib. I. cap. 9



moriâ Domini nostri IESU Christi, ita enim Anselm. in lib. de excellentia Virg. cap. 6. *Velocior est nonnunquam salus memorato nomine Maria, quàm invocato nomine Domini IESU unici Filij Dei Patris; explicat quod dicit. Id quidem, inquit, non ideo fit, quòd ipsa maior & potentior ipso sit, nec enim ipse magnus & potens est per eam, sed illa per ipsum; sed quia Filius eius Dominus est, & Index omnium, discernens merita singulorum. Dùm igitur ipse à quovis suo nomine invocatus non statim exaudit, profectò id iuste facit, invocato autem nomine Matris, etsi merita invocantis non merentur ut exaudiat, merita tamen Matris intercedunt, ut exaudiat. Quòd si hominibus hanc mortalem vitam degentibus, est suffragio & adiutorio nomen MARIE invocatum, non minùs in purgatorio animabus existentibus. Ipsa B. Virgo S. Brigittæ hæc verba dixit. Illi qui in purgatorio sunt, audito nomine meo ultra modum gaudent tanquam æger in lecto iacens si audierit ab aliquibus verbum solatij. Quare Christiane in tuis necessitatibus ad nomen hoc recurre, quod Bernard. in serm. de Annuntiat. mirè celebrat. Sicut, inquit, nomen IESVS est mel in ore, melos in aure, in corde iubilus, sic & nomen MARIE. Et iterum. Si in IESV aut Deitatis, aut sexus virilis austeritatem quis vereatur, ad Mariam recurrat. MARIA est nomen muliebri mansuetudinem præferens & commendans. Honorabile igitur nomen hoc, sed simul horrible malignis spiritibus, S. Bonavent. in speculo cap. 3. d. Maria est mare amarum diabolo & Angelis eius, per ipsum oppressis, quemadmodum mare rubrum amarum fuit Aegyptijs in ipso submersis. Et iterum. Non sic timent hostes visibiles castrorum multitudinem copiosam, sicut aëreæ potestates Mariæ vocabulum, patrocinium & exemplum. Considera etiam Christiane, quantam opem ferat Deipara Virgo etiam in mortis articulo, contra cacodæmones defensoribus sui honoris. Author libelli de recte gerendo Episcopatu refert factum in nostra Polonia in hunc sensum. Nobilis quidam Polonus viræ ceteroqui in libidinibus lubricæ fidei tamen Catholicus; fortuito in Germania commorans in ijs lo-*

cis,



eis, in quibus plurimi blasphemi hæretici in confesso quodam  
 audiens hæreticum blasphemias vomentem contra Deiparam  
 Virginem, quas cum ferre non posset, colaphum blasphemo  
 impexit, provocat hæreticus ad singulare certamen. paratus  
 ille pro honore DEI Genitricis prodit contra blasphemum.  
 quem facile stravit. Reuersus in Poloniam aliquantum postea  
 vixit tempus, etiam illius operis oblitus, ac tandem mortuus.  
 Apparuit post mortem amico suo similis vitæ lubricæ; ad cu-  
 ius conspectum ille primò exhorruit, sciens ipsum iam du-  
 dum mortuum: post superato timore confirmatus, alloqui-  
 tur mortuum. Etiamne tu viuis? & in quo loco es? respon-  
 dit ille, viuo, feliciorq; quàm vos aura fruor: adhæc vivus  
 dicit. Tunè quem tot flagitijs, tot libidinibus inquinatum  
 palàm fuit? vix credo, adhæc mortuus, credes, si modò at-  
 tendas. Cum, inquit, mortis meæ instaret hora, anima è cor-  
 pore egressura esset, circumsteterunt me hostes infernales vt  
 raperent in æternæ damnationis chaos: dùm non esset qui  
 eriperet, Ecce Virgo Deipara memor Zeli mei aliquando  
 pro honore suo Angelicis stipata choris adstitit, ad cuius ad-  
 ventum diffugiunt frementes bestię infernales: illa benigno  
 vultu ad me misericordiæ flexit oculos, milesnè, inquit, me-  
 us, defensor honoris mei, peribit? absit. Tùm conversa ad fi-  
 lium Iudicem meum. Hunc ego, inquit, militem meum, qui-  
 bus te olim stringebam brachijs tantisper complexum tenebo,  
 tu sanguinem quam ex meis suscepisti visceribus stilla, ego  
 efficiam vt ex eius oculis vberes fluant lachrymæ, abluendis  
 sceleribus sufficientes. Tum ego (ait mortuus) rugitibus in-  
 rimis deflebam omnia delicta mea, detestando antea actam in li-  
 bidinibus vitam meam, qua Patrem misericordiarum offen-  
 debam: amore illius exardescens, assistente Patrona mea expi-  
 ravi, anima mea egressa ex corpore ab Angelis in cœlum de-  
 ducta, sicq; feliciori aura fruor. Ad te autem monitor missus  
 sum, vt ad meliorem vitæ frugem redeas, cum non longè di-



stet finis vitæ tuæ. Sed iam huius tertij articuli; Symboli Apostolorum, sic

### COROLLARIUM

**D**Ocet te Christiane tertius hic Symboli Apostolorum articulus credere, Dei Filium qui ante secula genitus est ex substantia Patris, propter nos homines & propter nostram salutem, in tempore factum hominem, & ex Virgine Maria natum. At quam congruè reparando lapso generi humano Deus Filium suum misit in mundum, tam aliquid audisti. Et enim vnaquæq; res, per quæ fit, per eadem si collapsa fuerit reparatur, si enim domus collapsa fuerit, per formam artis, per quam à principio Condita fuit, reparatur. Quia vero Deus humanam naturam sicut omnia creata, per verbum suum i. e. per Filium condidit, *per ipsum quippe omnia facta sunt, & sine ipso factum est nihil*, opportune per idem verbum caro factum collapsam humanam naturam restaurat. Et hoc te Christiane maxime provocare debet ad redamandum Deum, cum audis sic ab eo dilectum mundum, ut pro nostra salute homo fieri voluerit. Exinde quoq; spes unicuiq; nostrum datur pervenienti ad æternam beatitudinem, quam solus Deus naturaliter habet, dum consideramus a Deo tantum æstimari naturam nostram, ut pro nobis homo fieri non fuerit dedignatus. Est enim beatitudo coniunctio creaturæ rationalis cum Deo per claritatem eius visionem & fruitionem, quæ unio equidem magna est, sed longe illa maior, qua unitur Deus naturæ humanæ in persona verbi, per quam unio fit Deus homo, & homo Deus. Atque hæc tanta unio præstita naturæ humanæ, magnam nobis spem ingerit unionis quæ in visione & fruitione consistit. Illud etiam considera Christiane, in hoc tanto beneficio peccati hominis, non Angeli constitutum esse, quia scilicet Angeli secundum immutabilitatem naturæ suæ impenitibiles sunt ab eo, in quod semel convertuntur, homo autem se-

cun-



cundum conditionem naturæ suæ habet mutabilem voluntatem à bono in malum, & à malo in bonum, quæ volubilitas voluntatis in homine manet, quamdiu anima vnitur corpori huic varietati subiecto: nam cum fuerit à corpore separata, eadem immutabilitate voluntatis potietur, quam Angelus naturaliter habet. Vnde & post mortem anima impænibilis est, nec potest de bono ad malum converti, nec de malo ad bonum. Quare ad bonitatem DEI pertinuit, vt per Filium suum naturam humanam collapsam repararet. Quare Christiane ama amorem illius, inquit August: *qui amore tui descendit in uterum Virginis, & ibi amorem suum tuo amori copulauit.*

*De Catechizandis rudibus,*

# ARTICVLVS

## SYMBOLI IV.

Passus sub Pontio Pilato, Crucifixus, mortuus & sepultus.

**I**N prædicatione & confessione fidei huius articuli concurrunt & concinnunt tria Symbola: quod enim Apostoli condiderunt, ita nos instruit. *Passus sub Pontio Pilato, crucifixus, mortuus & sepultus.* Farentur Patres Nicæni & finem passionis adiciunt dicentes. *Crucifixus etiam pro nobis sub Pontio Pilato, Passus & sepultus est.* Subscribit Athanasius. *Qui, inquit, passus est pro salute nostra.* Hortatur autem Catechismus Romanus nos Parochos, diligenter frequentare populo huius articuli intelligentiam, passionemq; tam acerbam Christi pro nobis susceptam commemorare. *In hoc, inquit, argumento omne studium & opera adhibenda est, vt quàm maxime illustretur, fidelesq; tanti benefici commemoratione excitati totos se ad Dei amorem erga nos & bonitatem suspiciendam conuertant.* Et sicut necessarium est Christiano credere Incarnationem Filij DEI, ita necessarium est vt credat,



## ARTICULUS IV.

dat, & amoris vlnis suscipiat passionem & mortem ipsius, cum nihil nasci nobis profuerit, nisi redimi profuisset. Admirandum opus istud, superans vires intellectus nostri, dum Author naturæ patitur & moritur, de quo Act: 13. Paulus in Synagoga Antiochiæ Pisidiæ congregatis turbis illud Abac: 1. commemorans, dixit. *Opus operor ego in diebus vestris opus quod non credetis, si quis enarrauerit vobis.* EPI. Cor. I. *Prædicamus Christum Crucifixum, Iudæis quidem scandalum, Gentibus autem stultitiam.* Plus nos dilexit Deus, quam nos intelligere possimus, cum DEI Filius, Deus verus de Deo vero, homo factus est, & pro nobis passus ac mortuus. Cave autem Christiane ita existimes cum audis Christum mortuum, quod Deitas sit mortua, sed humana natura vnita Deitati, non enim mortuus est secundum quod Deus, sed secundum quod homo, attribuuntur autem hypostasi diuinæ humana, propter naturam humanam assumptam: & homini attribuuntur diuina, propter naturam diuinam unitam. S. Thomas tali similitudine declarat dicens. *Cum moritur homo separatione animæ à corpore, non moritur anima sed corpus, ita in morte Christi non est mortua Deitas, sed humana natura.* Quanquam in ista similitudine id discernendum, quod anima quæ non moritur moriente homine à corpore separatur. Deitas autem quæ non est mortua, moriente humana natura, non fuit diuisa nec à corpore nec ab anima. Catechismus Romanus seu Parochorum istum articulum in duas dividit partes, vt in prima de passione, in secunda de morte & sepultura Redemptoris agatur. Quæ omnia vt clariora fiant, per Catecheses expenduntur. Sic ergo

C A T E C H E S I S I.  
D E E X O R D I I S P A S S I O N I S  
C H R I S T I.

E X o r d i u m p a s s i o n i s C H R I S T I f u i t, c u m I u d æ o r u m c o n t r a  
ipsum



ipsum conspiratio, tum figuræ ac vaticinia Prophetarum, tum tempus, & patientis ipsius voluntatis dispositio. Quare tria in ista Catechesi explicabuntur.

I. *Quomodo figurata & prædicta passio Christi.*

II. *Quo tempore passus est Christus.*

III. *Quomodo ad passionem dispositus.*

### QUANTVM AD PRIMVM.

CHRISTIANE, non ex improvise Christi facta est passio, verum plurimæ figuræ & oracula Prophetarum ipsam præuenerunt, ipseque prædixit. Quatuor figuras passionis Christi Catechismus Parochorum ponit, prima iusti Abel à Cain occisio; de hac figura Apoc. 13. *Agnus qui occisus est ab origine mundi*, id est Christus sub figura Abel. Nam quemadmodum Abel innocens ex invidia Cain occisus fuit, ita Christus ex invidia Iudæorum. Alia figura passionis Christi Isaac, quem iussu divino Abraham sacrificare paratus erat: & quia pro Isaac arietem immolauit. *Eleuant, inquit, oculos suos, viditque post tergum arietem inter vepres hærentem cornibus, quem assumens obtulit hostiaustum pro filio.* Et sicut aries pro Isaac immolatus fuit, ita humanitas Christi pro eius Deitate, ut Ambros. & Cyrill. dicunt. Tertia figura agnus, quem Iudæi immolârunt in egressu ex Ægypto, sicut enim sanguis agni immolati, quo illi postes domorum erant, à plaga Angeli percutientis liberavit, ita sanguis Christi pro nobis in ara crucis immolati, nos liberat à plagis, de quo canit Ecclesia in Solemnitate Paschali. *Agnus redemit oves Christus innocens, Patri reconciliauit peccatores.* Quare S. Thom: in 3. p. q. 73. art. 5. c. dicit agnum paschalem fuisse præcipuum Sacramentum re præsentativum passionis Christi. Quarta figura serpens æneus, quem Moyses in deserto exaltavit, Num. 21. Sicut enim percussi à serpentibus igneis murmurantes Iudæi, aspectu in ligno suspensi serpentis sanaban-

Gen: 4.  
1. Ioan: 3.  
Marth. 27.

Gen. 22.

Exod. 12.



bantur, ita omnis nostra medela contra venena antiqui serpentis ex fide Christi in cruce pendentis, de quo Ioan: 3. *Sicut Moyses exaltauit serpentem in deserto, ita exaltari oportet filium hominis, ut omnis qui credit in ipsum non pereat, sed habeat vitam eternam.* Possumus istis quintam adijcere figuram, Ioseph scilicet venditum: sicut enim ille innocens à fratribus venditus erat Ismaelitis, consilio Iudæ vnus ex fratribus, ita Christus à populo suo gentilibus traditus erat, innocens à discipulo Iuda venditus. Quantum ad Prophetas, omnes Christi passionem prædixerunt. Deut: 28. Moyses Iudæis dixit. *Erit vita tua pendens ante oculos tuos. Quæ vita, nisi Christus? qui venit ut vitam habeant, & abundantius habeant.* Et. Ego sum via, veritas, & vita. Peperdit hæc vita ante oculos Iudæorum in ligno crucis. David Ps. 21. manifeste de morte Christi cantauit, *Foderunt manus meas & pedes meos, Isaias ad vivum expressit, Tanquam ovis ad occisionem ducetur, & sicut agnus coram tondente se obmutescet.* Zacharias venditionem Christi triginta argenteis prædixit. Daniel quoque cap. 9. *Post hebdomades sexaginta duas occidetur Christus.* Deniq; Iacob Patriarcha De passione & morte Christi yaticinatus est, ostendens consilium Iudæorum ad perditionem Christi Messie congregandum, cum diceret. *Simeon & leui vasa iniquitatis bellantia, in consilium illorum non veniat anima mea, & in cæta illorum non sit gloria mea, quia in furore suo occiderunt virum, & in voluntate sua suffoderunt murum, maledictus furor eorum, quia peritinx, & indignatio eorum quoniam dura.*

DICES. Frustra allegatur locus iste pro passione Christi, quin potius in eo arguit Iacob Patriarcha filios suos Simeonem & Leui, propter pertinaciam eorum, qua vlciscentes stuprum sororis suæ Dinæ, ingressi Urbem Sichimorum armati, interfectis omnibus masculis, Hemor & Sichem pariter necauerunt. Ergo Iacob in loco isto nihil de passione Christi locutus est. R. Litera hæc illi negotio, quod in devastatione Sichem patratum est applicari non potest. Ratio, quia Iacob

iam



iam proximus morti, vocatis ad se filiis prophetat, futura prædicens. Ita enim ibi dicitur. *Vocauit Iacob filios suos & ait eis, congregamini ut annuntiem vobis, quæ ventura sunt in diebus nouissimis;* nouissimi autem dies sunt noui testamenti; vt sæpius Ioan. in epist. dicit. sed & apud Hebræos communiter nouissimi dies intelliguntur dies Messæ. Non ergo de vindicta illa propter Dinam arguit S. Patriarcha filios suos, quia iam pridem illud factum fuit, sed de furore in passionem & necem Christi. Hos duos potissimum Simeonem & Leui arguit, quia consilio Pontificum qui fuerunt de tribu Leui, & Phariseorum qui magna experte fuerunt de tribu Simeon, vt in Ioan. cap. 9. Lyranius dicit, passio Christi facta fuit.

Matth. 26.

Marc. 14.

Luc. 22.

QUANTVM AD SECVNDVM.

CHRISTIANE tempus Passionis Christi per quam redempti sumus, tum in scripturis, tum in Symbolo habes insinuatum, scilicet Pontio Pilato præside & iudicè, passus est Redemptor noster: expressa sunt ista, vt cognoscas & iudicem & tempus, circa quod mundi redemptio in Iudæa celebrata est, hinc August. in lib. q. q. noui & veteris testamenti. *Omnia, inquit, proprijs locis & temporibus gessit Saluator.* Præsedet autem Pilatus anno decimo quinto imperij Tiberij Cæsaris & aliquot sequentibus vt Luc. 3. legitur. Abacuc quoq; cap. 3. opus redemptionis nostræ per Incarnationem & passionem Redemptoris insinuans, tempus medium huic negotio accommodatum ostendit, d. *Domine opus tuum, in medio annorum viuifica illud, in medio annorum notum facies.* Et cum pronuntiat medium annorum, non medium rei, seu Arithmeticum, sed medium rationis, seu Geometricum, in quo omnem virtutem docet Philosophus consistere, intelligendum docet Lyranius, in additione ad Canticum istud. q. d. in medio annorum opus redemptionis nostræ: medium animarum, intelligendum secundum conformitatem ad rationem diuinam quæ summè recta est, præor-

2. Echic. C. 6.



præordinantem aduentum Christi, in tempore conformi dictamini rationis suæ. *Sciens, quippe, quia venit hora eius, ut transeat ex hoc mundo ad Patrem*, Apostolus vocat plenitudinem temporis. Et quia voluntas Christi cui sua passio subiecta fuit, diuina sapientia regebatur, tempore conuenientissimo peracta fuit. Passus enim Dominus & Redemptor noster in ipsa Parasceue Paschæ, non quidem Iudæorum consilio, qui metu popularis tumultus excitandi, cogitabant differre Passionem Domini, donec transisset dies azimorum: ita enim legitur, *Erat Pascha & Azima post biduum, & querebant summi Sacerdotes & scribae quomodo Iesum tenerent & occiderent, dicebant autem non in die festo, ne forte tumultus fieret in populo*. Consilio ergo cœlesti Passio Domini in parasceue Paschæ peracta, eo enim tempore voluit Deus Filium suum immolari in oculis omnis masculini Iudæorum, quod in festo azimorum tenebatur esse in Ierusalem. Eo die hostia in ara crucis pro peccatis totius mundi immolata, in cuius vesperatypicus agnus immolabatur, ut figura verteretur in veritatem. Hic aliquis *M. s. non enonqmb*  
 DIXERIT. Figura Passionis Christi fuit immolatio agni Paschalis, immò præcipua figura, ut S. Thom. docet, ideo ea die Passus Dominus, qua immolatus agnus Paschalis: agnus autem Paschalis ad vesperam immolabatur, ut erat præceptum Exod. 12. Quæ causa, quòd Dominus non ad vesperam quoq; crucifigeretur, ut figura in hoc quoq; impleretur, sed circa meridiem crucifixus est, Marc. 15. *Erat, inquit, hora tertia, & crucifixerunt eum*. Et Ioan. 19. *Erat quasi hora sexta?* Agnus Paschalis ad vesperam immolabatur ad finem diei, in signum terminationis legis veteris per passionem Christi: porro ipse Christus circa meridiem passus, quibus horis maxima lux est, quia sua passione mundum erat illuminaturus, hinc Apost. *Eratis, inquit, aliquando tenebræ, nunc autem lux in Domino*. Deinde cum Marcus dicit hora tertia crucifixum Dominum, intelligendum de vocibus Iudæorum, qui in ea hora, linguâ eum crucifixerunt clamantes. Tolle crucifige eum. QVAN-

Ioan. 13.  
 Gal. 4.

1. cor. 1.

2. cor. 1.

3. cor. 1.

Exod. 23.

Ephes. 5.



## QUANTVM AD TERTIVM.

**C**hrisiane, Voluntariè & ex summo amore Christus passus est pro salute & redemptione humani generis, ideo Ps. 107. comparat se pellicano. d. *Similis factus sum pellicano solitudinis, ut enim dicit Gloss. Pellicanus dum inuenit pullos suos serpentis veneno necatos, rostro percutit pectus suum, sanguine proprio conspergit pullos, & sic illos viuificat. Ita Christus inuenit totum genus humanum viru antiqui serpentis faucium, pro summo amore salutis nostræ, voluntariè dedit semetipsum, & nos proprio sanguine viuificauit. Dilexit nos, & lauit nos a peccatis nostris in sanguine suo. Oblatus est, quia ipse voluit. Lyran: d. Voluit propter obedientiam Dei Patris & liberationem humani generis, qui dilexit nos, & tradidit semetipsum pro nobis hostiam & oblationem Deo in odorem suauitatis. q. d. dilexit nos, non tantum dilectione communi cum Patre vt Deus, sed etiam vt homo, charitate creata & infusa, vsque adeo, vt semetipsum tradiderit pro redemptione nostra. Magnam alacritatem ad patiendum ex obedientia decreto Patris ostendit per prophetam Ps. 39. Quod adducit Apost. Hebr. 10. d. Impossibile est sanguine taurorum & hircorum auferri peccata, ideo ingrediens mundum dicit, hostiam & oblationem nolui, corpus autem aptasti mihi, holocausta pro peccato non tibi placent, tunc dixi ecce venio, in capite libri scriptum est de me, vt faciam Deus voluntatem tuam, q. d. scriptum est de me in lege & prophetis, vt voluntate voluntatem tuam ô Pater impleam, qua voluisti & præcepisti mihi sanctificare electos per passionem, Ioan: 18. Offert se sponte tribuno & cohorti, dicens. Ego sum. Neq; verò aut vaticinia tantum prophetarum, aut ipsius Christi prædictiones ipsum benigna voluntate passum & mortuum ostendunt, verum etiam quia tunc sponte seipsum tradidit in manus inimicorum cum venit tempus à se & à Patre præfinitum. Frustra enim antea, toties hostes mortem ipsius moliti sunt, quia adhuc noluit teneri & pati: frustra He-*

Apoc. 1.

Isai. 53.

Ephes. 5.

Matth. 2.

rodes



Luc. 4.

Ioan. 7.

Ioan. 8.

Ioan. 10.

Tract. 31. in

Ioan.

rodes voluit occidere infantem: frustra iam adultum vel præcipitare Nazareni, vel apprehendere Ierosolymitani & non semel lapidare voluerunt, operam & conatus perdididerunt, quia nondum voluit. *Quod modo, inquit, vultis facere facturi estis sed non modo quare? quia modo nolo, ut exponit August.* Immo iam iam capiendus, inimicos & proditorem prius vno verbo ad terram prostravit, ostendens in sua potestate positum capi & teneri. Quare postquam dedit potestatem se capiendi, dixit *Hæc est hora vestra & potestas tenebrarum*, hoc ipsum quod voluit effecerunt. Ostendit & miraculis tempore suæ passionis factis, se voluntariè tentum & passum: si enim potuit tanta opera facere, ut Malchiam illum sanaret, solem obscuraret, terram moueret, petras scinderet &c. an non potuisset passionem suam si voluisset euadere? Itaq; passio Christi non fuit contra voluntatem diuinitatis eius, nec contra voluntatem rationis, licet fuerit contra voluntatem sensualitatis & carnis. Verum discursus gratia aliquis **DIXERIT.**

Necessitas opponitur voluntati, Christus autem necessitatem patiendi & moriendi habuit; assumpsit enim omnes defectus eos, qui totam naturam per peccatum lapsam consecuti fuerunt, & qui non repugnant scientiæ & gratiæ, ut ait S. Thom. 3. p. q. 14. a. 4. sed inter istos defectus est necessitas patiendi & moriendi, quomodo ergo voluntariè passus & mortuus, si necessitate passus & mortuus? R. Christus qui immunis fuit à peccato suscepit necessitatem patiendi & moriendi sola voluntate spontanea, id ita Magister sent: ostendit. *Necessitatem patiendi & moriendi non habuit Christus ex necessitate suæ conditionis, quia à peccato immunis fuit, sed ex voluntate accepit, de nostra infirmitate ponens tabernaculum suum in sole, scilicet sub temporali mutabilitate & labore.* Etenim Christus assumpsit naturam talem, qualem homo habuisset in statu innocentiae, in quo statu non fuisset necessitas moriendi: nam necessitas moriendi non competebat homini ex natura suæ conditionis, secundum



dum quod natura primitus fuit instituta, sed secundum quod postea per peccatum vitiata. Nam quatuor distinguuntur status hominis, Primus ante peccatum, status naturæ integræ: secundus, post peccatum naturæ vitiatæ: tertius sub gratia naturæ reparatæ: quartus in cœlo naturæ glorificatæ. Christus ergo naturæ humanæ Redemptor factus per passionem, de quolibet statu aliquid accepit. De primo, peccati immunitatem, de secundo, pœnales defectus: de tertio, gratiæ plenitudinem: de quarto, non posse peccare & Deum perfecte contemplari.

QUÆSTIO. Si Christus pro redemptione humani generis voluntate spontanea passus est, an peccauerunt Iudæi ipsum persequentes & occidentes, nam si voluit pati, vt Isaias dicit, non est ei facta iniuria, dicit enim Philosophus, *nullus patitur iniustum, volens*: & si volentis pati, voluntatem compleuerunt, cur peccati reos adstruimus? R. Voluit quidem Christus pati, non tamen voluit iniquam actionem Iudæorum, qui ob iniquam actionem ab iniustitia non excusantur. Et si ea vtrique intentione fecissent, vt voluntatem eius patiendi impleverint, & ipsius morte de diaboli potestate se liberandos crederent, nullum peccatum incurrissent. Quia verò negaverunt, & ex invidia Christum occiderunt, timentes se per eius gloriam & dignitatem suum locum & honorem amissuros, ideo tanti sceleris rei sunt. Eorumque peccatum aggravatur, tum ex ratione Gentis, erant enim Iudæi Ierosolymitani, non Gentiles Babylonici, scientes non ignorantes, Ierusalem enim magistra fuit legis, vt habetur Isai. 2. *De Sion exibit lex, & verbum Domini de Ierusalem*, scienti autem gravius peccatum imputatur, tum etiam ex ratione interpretati nominis, Ierusalem enim significat pacifica, & ipsi regem pacis occiderunt.

Isai. 53.

5. Ethic. C. 9.

Ioan. 11.



# CATECHESIS II. DE NECESSITATE PASSIONIS CHRISTI.

**T**anta fuit necessitas Passionis Christi, ut iuxta Dei præordinationem & æternum decretum, aliter saluari non poterimus. Id ipse Iesus Dominus & Saluator noster Ioan. 12. insinuavit dicens. *Nisi granum frumenti cadens in terram mortuum fuerit ipsum solum manet.* quod ponderans August. Tract. 51. in Ioan: dicit, *Seipsum Iesus granum frumenti dicebat.* Et iterum, *Nisi mortem passus esset, aliter fructum nostræ liberationis non fecisset.* Porro S. Thom. 3. p. q. 46. a. 2. ad 1m. dicit. *Loquitur Dominus suppositâ scientiâ & præordinatione Dei, secundum quam erat ordinatum, ut fructus salutis nostræ non sequeretur, nisi Christo patiente.* Hilarius Can: 31. in Matth. *Reparari, inquit, nisi ex Christi Passione non possumus.* Sed in præsentî Catechesi, necessitas ut pro nobis pateretur æternum Dei Verbum, solum consideratur quoad remedium, tum quoad exemplum, proinde hic tria proponuntur.

- I. *Ad remedium quantum nobis Christi Passio necessaria?*
- II. *Ad exemplum quantum necessaria?*
- III. *Ad gloriam corporis ipsius, & nominis exaltationem quantum necessaria?*

## QUANTVM AD PRIMVM.

**C**hristiane, Passio Domini tam est necessaria nobis ad remedium, ut ad remouenda omnia mala, quæ per peccatum incurrimus, efficacissimum ferat remedium. Quinque mala incurrimus per peccatum, quæ Passio Christi remouet. Primò quidem incurrit peccator maculam, quæ manet in peccatore

S. Thom. in ex-  
posit. Symboli.



tore per modum habitus, transacto peccati actu, à qua peccator dicitur verè maculatus, immundus, sordidus, inquinatus, & abominabilis, Iosue 22. d. *Usq; in præsentem diem macula huius sceleris in vobis permanet.* Eccl: 31. *Beatus dives qui inventus est sine macula,* Ierem: 2. *Maculata es coram me in iniquitate tua dicit Dominus.* Baruch 3. *Quid est Israël quod in terra inimicorum es? conquinatus es cum mortuis.* Sed Passio Christi abluit & remouet maculas & inquinamenta ista. Christus enim sua Passione fecit balneum in sanguine suo, quo abluit peccata. Apoc: 1. *Abluit nos à peccatis nostris in sanguine suo.* 1. Cor. 6. *Abluti estis, sanctificati estis.* Et quia in baptismo anima tua Christiane lauitur Sanguine Christi, inde enim sumit virtutem baptismus ablutiuam & regeneratiuam, caue peccare post baptismum, ne te iterum macules, & iniuriam facias sanguini Christi. Hinc illud. Hebr. 10. *Irritam quis faciens legem Moysi, sine ulla miseratione duobus vel tribus testibus moritur, quanto putatis deteriora mereri supplicia eum, qui Filium Dei conculcauerit, & sanguinem testamenti duxerit pollutum.* Secundò peccator per peccatum incurrit offensam seu inimicitiam Dei, quæ in eo consistit, quod peccator per voluntariam auersionem, & quasi turpem defectionem à Deo, Deum ipsum offendit, eiq; displicet, & indignum se constituit amicitia Dei, Deus enim quia summè diligit pulchritudinem animæ, quando per peccatum inquinatur, Deus offenditur, amorem amicabilem aufert à peccatore, & vt inimicum odit, Sap. 14. *Odio sunt Deo impius & impietas eius: nec invenit homo remedium quo ista offensa auferatur, nisi passionem Christi, qui Deo Patri satisfecit pro peccato, pro quo ipse homo satisfacere non poterat: maior autem charitas & obedientia Christi qua satisfecit quàm peccatum hominis, & ista nos Deo reconciliavit.* Tertiò incurrit peccator infirmitatem, quâ pronior efficitur ad iterum peccandum, debilitatâ & corruptâ naturâ, nec potest se villo modo de tali statu subleuare. Passio autem Christi hanc infirmitatem & debilitatem



Rom. 6.

diminuit; ita enim homo ex Passione Christi est confortatus, ut possit à peccatis resilire adiutus gratiâ collarâ in sacramentis, quæ ex Passione Christi efficaciam habent. Quo fit ut nunc multi vivant sine peccato mortali: nam *vetus homo noster simul crucifixus est, ut destruat corpus peccati*. Quarto, incurrit peccator reatum pœnæ, qui reatus est morale quoddam debitum & obligatio, quam quis contrahit ex actu peccati, ex peccato enim nascitur obligatio ad pœnam subeundam: iustitia siquidem DEI exigit, ut qui peccavit, puniatur. Et quia pœna pensatur ex culpa, cum peccati mortalis culpa sit infinita, quia est contra bonum infinitum contra DEUM, à quo se peccando mortaliter auertit peccator, pœna quoq; debet esse infinita, cum peccatores peccent contra DEUM qui æternus & infinitus est, conveniens est, ut eis pœna æterna ex divina iustitia inferatur. Quia vero Passio Christi tantæ fuit virtutis, ut suffecerit ad expianda omnia peccata totius mundi, eo igitur nobis pœnam istam abstulit, dum *peccata nostra pertulit in suo corpore*. Quinto incurrimus peccando exilium à paradiso cœlesti, ideoq; Adam ut peccavit à paradiso terrestri illicò pulsus fuit, appositâq; rhomphæa ad custodiam. Passio tamen Christi aperuit nobis cœlum clausum, clave crucis, iamq; ipsa hora Passionis latroni promisit, *Hodie mecum eris in paradiso*. Et hoc est quod Apost. Hebr. 10. d. *Habemus fiduciam in introitu Sanctorum in sanguine Christi*. Sed Christianus ad hoc ultimum.

REQUIRET. Scripturæ dicunt ascensione Christi cœlum apertum esse. Ephes. 4. *Ascendens in cœlum captivam duxit captivitatem; dedit dona hominibus*. Mich. 2. *Ascendit iter pandens ante eos*, non igitur Passione. R. Verum est sua ascensione Christus nos introduxit in possessionem regni cœlestis, verum tamen sua Passione meruit nobis introitum, & impedimenta removit, id est peccatum, illudq; duplex, vnum commune totius naturæ humanæ, quod est peccatum primi parentis, aliud

speci-



speciale vniuscuiusq; Personæ, quod quisque proprio actu committit, ab utroq; per passionem Christi liberati sumus. A peccato communi, quantum ad culpam, & reatum pœnæ, Christo solvente pretium pro nobis: & à peccatis proprijs singulorum, qui communicant Passioni Christi per fidem, charitatem & fidei Sacramenta. Quare Hebr. 9. per Passi-  
*onem Christi apertam nobis esse ianuam regni cœlestis* ostendit Apostolus, d. *Christus assistens Pontifex futurorum bonorum, per amplius & perfectius tabernaculum &c.* per proprium sanguinem introiuit semel in sancta, æterna redemptione inuenta. Quod etiam in figuris præcessit. Num: 35. homicida inuoluntarius exul manebat à domo sua, in ciuitate aliqua refugij, ad mortem magni Sacerdotis qui vnctus erat oleo Sancto. Et nos quidem vniuersi homicidio obstricti fuimus, tanquam homicidæ animarum propriarum per peccata: extra domum cœlestem exules fuimus, vsq; ad mortem magni Sacerdotis Christi vncti oleo Sancto, qui passione & morte sua nos ab exilio ad Patriam nostram, domum cœlestem reuocauit.

### QUANTVM AD SECVNDVM.

CHRISTIANE, Passio Christi etiam ad informandam vitam nostram multum contulit: est enim sicut liber in legittorio crucis positus, vnde legamus & discamus charitatem, obedientiam, humilitatem, patientiam & alias virtutes. Ut enim Augustinus dicit, *Sapientia Dei hominem ad exemplum quo recte viueremus suscepit.* Quicunq; autem vult recte viuere nihil aliud faciat nisi vt contemnat quæ Christus in cruce contempsit, & appetat quæ Christus appetijt. Contempsit Christus vitam propriam, propter amorem salutis nostræ. Ierem: 12. *Dilectam animam meam dedi in manu inimicorum eius.* Ioan. 10. *Animam meam pono pro ovibus meis:* id tu quoq; Christiane, siue pro ipso, siue pro membris eius, si ita opus fuerit paratus esse debes facere, cum Apostolus dicat. *In hoc cognoscimus charitatem*

*in li. 83. q. 96  
q. 25.*

*1. Ioan. 3.*

*Dei*



Dei, quoniam ille animam suam pro nobis posuit, & nos debemus pro fratribus animas ponere. Et ipse Dominus. Maiorem hac dilectionem nemo habet, ut animam suam ponat quis pro amicis suis, id est. Christo passo in carne, & vos eadem cogitatione armamini, qua cogitatione instructus & armatus Propheta Psal. 115. dicebat. Quid retribuam Domino pro omnibus quæ retribuit mihi? calicem salutaris accipiam. DEINDE Christus patiens fuit, tu quoque Christiane discce ab ipso patientiam, ait enim. In patientia vestra possidebitis animas vestras. Siue enim Christiane magna suffers patienter, ut Sancti Martyres Christum imitati fecerunt; siue suffers ea quæ vitare potuisti & non vitas, magna utrobique patientia agnoscitur, in utroque Christus exemplum dedit. Nam magna pertulit Thren: 1. O vos omnes qui transitis per viam, attendite & videte si est dolor sicut dolor meus: quod dum ponderat S. Thom: 3. p. q. 46. art. 6. dicit dolores Passionis Christi fuisse maiores omnibus doloribus, ut qui tota anima & corpore patiebatur, Et adducit rationes tam Physicas quàm Theologicas. Physica quidem causa tum quia patiebatur in locis nervosis, & maximè sensibilibus in manibus & pedibus in quibus maximus dolor, pondusque ipsum corporis in cruce adaugebat dolorem: tum quia corpus quo magis & melius complexionatum magis sentit dolorem, Christi autem corpus maxime erat complexionatum, ut pote opera Spiritus Sancti in utero Virginis formatum. Theologica quoque causa maximi doloris ex eo monstratur, quia pro totius mundi peccatis patiebatur, quare dolor Passionis eius debebat proportionari fructui qui ex passione sequebatur. Et hunc quidem dolorem, & tantam acerbicatem passionis testatur ille sanguineus sudor, usque adeo, ut ad illum dolorem nihil amplius addi potuerit, ut dicit Catech: Paroch. Potuit quidem Christus vitare mortem & Passionem tam acerbam, cui plus quàm duodecim legiones Angelorum darri poterant, noluit tamen vitare propter salutem & instructionem nostram, ut per patientiam curramus ad propositum nobis certamen,

aspi.



afficientes in authorem & consummatorem fidei Iesum, qui proposito sibi gaudio sustinuit crucem. PRÆTEREA Christus cum sit constitutus à Deo Index viuorum & mortuorum, in tantum se humiliavit, ut pertulerit iudicari à Pontio Pilato, tanquam reus criminis cum fuerit insonitissimus, non erubuit morte turpissima condemnari: te igitur Christiane docet humilitatem, qui semetipsum humiliavit factus obediens usq; ad mortem, mortem autem crucis. Et quia illâ suâ obedientiâ usq; ad mortem reparauit collapsa per inobedientiam Adæ, tu quoq; Christiane obediens esto superiori potestati, filij parentibus, serui dominis, ciues magistratibus. DENIQ; contempsit Christus terrena & nudus in Cruce moritur, ne tu Christiane nimium ad illa afficiaris, ait enim August. *Omnia terrena contempsit homo Christus Iesus, ut contemnenda monstraret.* Hic Christianus volens plenè instrui.

QUÆSIER. Quia Christus contempsit terrena; diuitias quia pauper fuit: honores, quia fugiebat ne rex constitueretur: vestes quia illis spoliatus, an in his omnibus imitandus? Ratio dubitationis, quia per diuitias possumus regnum cœlorum comparare: per honores homo provocatur ad bonum & reuocatur à malo, nam *honor alit artes* dicit Tullius lib. 1. Tusc. *vestis etiam ad decorem personæ spectat, & abiectus habitus ad hypocritism* ut August. dicit lib. 2. de serm. Domini in monte cap. 12. & Ephes. 5. Apost. dicit. *Estote imitatores Dei*, 1. Cor. 4. *Estote imitatores mei sicut & ego Christi*, Itaq; Christiane tua est ista professio ut Christum imiteris: bona terrena non debent contemni, in quantum nos iuvant instrumentaliter ad ea quæ sunt diuini amoris, sed in quantum impediunt, proijcienda, & quia crebrius impediunt, ideo non sunt inordinatè appetēda & contemni debent. De diuitijs illud Mar: 10. *Facilius est camelum transire per foramen acus, quàm diuitem intrare in regnum Dei.* De honoribus Ecclesiastes docet, *Omnia vanitas.* De vestibus 1. Tim. 2. verat Apostolus mulieres ornari auro, margaritis & veste pretiosa, Et Gregor. Homil. 40. in Euang. *Sunt*, inquit,

Z

nonnulli

Act. 10.

1. Petr. 2.

Job: 36.

Isai: 53.

Sap. 2.

Philipp. 2.

Rom: 5.

Ephes. 6.



nonnulli qui cultum subtilium pretiosarumq; vestium non putant esse peccatam, quod si culpa non esset, nequaquam sermo Dei iam vigilanter exprimeret, quod diues qui torquebatur apud inferos, bysso & purpura indutus fuisset.

### QVANTVM AD TERTIVM.

**C**hristiane, Secundum diuinam prænotationem & præordinationem Passio Christi fuit necessaria ad corporis ipsius gloriam & nominis exaltationem. Ipse post resurrectionem suam apparens duobus discipulis ambulanti-  
*Luc: 24.* bus, ac de sua Passione contristatis id aperuit, Nonne, inquit, hæc oportuit pati Christum, & ita intrare in gloriam suam? propter Passionem Deus  
*Philip: 2.* exaltauit illum, & donauit illi nomen, quod est super omne nomen.  
*Rom: 6.* Gloriam corporis obtinuit, quia resurgens à mortuis iam non moritur. Nominis exaltationem obtinuit, quia A solis ortu vsq; ad  
*Malach: 1.* occasum magnum est nomen eius in Gentibus. Quare exaltatio est merces humiliationis eius in passione, ita August: Tract: 104. in Ioan. Ut mediator Dei & hominum, homo Christus Iesus resurrectione clarificaretur & glorificaretur, prius humiliatus est Passione: non enim à mortuis resurrexisset si mortuus non fuisset. Humilitas claritatis est meritum, claritas humilitatis est præmium. Quadruplicem exaltationem meruit sibi per Passionem, ait Sanctus Thomas, tum quia gloriose resurrexit, de quo per Prophetam. Tu cognouisti sessionem meam & resurrectionem meam, tum quia mirabiliter ascendit: descendit primum in inferiores partes  
*3.p.q.49.a.6.* terræ, qui autem descendit, ipse est & qui ascendit super omnes cælos, tum quia sedentis ad dexteram Patris diuinitas manifestata est, *Isai: 52.* Exaltabitur & eleuabitur, & sublimis erit valde, tum quia iudicariam potestatem accepit Ioan: 5. Potestatem dedit ei Pater iudicium facere quia Filius hominis est, quippe propter humilitatem passionis. *Iob. 36.* Causa tua quasi impij iudicata est, causam iudiciumq; accipies. Hic etiam Christianus.

**QVÆSIT.** Christus ab instanti conceptionis manens com-  
 pre-



prehensor, quomodo gloriam & exaltationem meruit per Passionem: cum etiam ex ipsa vnione DEI & hominis id totum ipsi debitum fuerit? & Gloriam obtinuit Christus per passionem, non gloriam animæ, quia in anima fuit semper gloriosus comprehensor, sed gloriam corporis quâ illud indigebat ante passionem.

## CATECHESIS III.

## DE GENERE ET LOCO PASSIONIS CHRISTI.

**C**ogitare de Passione Domini nostri Iesu Christi quâ redempti sumus, non debet desinere Christianus, vel Sponsæ Cant. I. verbis excitatus. *Fasciculus, inquit, myrrhæ dilectus meus inter ubera mea commorabitur.* Quod dum ponderat Bernard. serm: 43. ita Christianum alloquitur. *Tu si sapis, imitaberis prudentiam Sponsæ, atq; hunc fasciculum myrrhæ tam charum à pectore tuo nunquam sinas auelli, amara illa omnia quæ pro te pertulit semper in memoria retinens.* Quare vt iam ex antecedentibus non nihil prælibauit Christianus, in ista Catechesi trium contemplatione occupabitur.

*I. Quam conuenienter in Cruce Christus Passus?*

*II. Quam conuenienti loco?*

*III. Cur inter latrones?*

## QUANTVM AD PRIMVM.

**C**hristiane, sicut iam didicisti, Christum spontanea voluntate pro nobis passum, non aliqua cogente necessitate: nunc præ ceteris generibus suppliciorum grauius & horribilius, nostræ autem reparationi conuenientissimum, iustum ab iniustis, pro iniustis, cum iniustis, sub iudicibus iniustis, crucis tormentum, quod sibi ipsi delegit, perpassum contemplare.



## ARTICULUS IV.

Ascendit in crucem nostra portans peccata, *Isai: 53. Posuit in eo Deus iniquitatem omnium nostrum.* Et *1. Petr: 2. Peccata nostra in corpore suo super lignum portauit. Colos: 2. Delens quod aduersum nos erat chirographum decreti, quod erat contrarium nobis, & ipsum tulit de medio affigens illud cruci.* Et hoc lignum à pereuntibus stultitia nominatur, ijs tamen qui salui fiunt, Dei virtus, Dei sapientia. Nam quia primus Adam superba & libidinosa manuum extensione ad arborem scientiæ boni & mali, vniuersum genus humanum vitiaverat, iam secundus Adam Christus vt hominem à superbia & libidine sanaret, cum summo dolore manus in arbore extendit, satisfaciens pro peccato Adæ. *Contempsit, (inquit August.) Adam præceptum, sumens ex arbore pomum, sed quidquid Adam perdidit, Christus in cruce inuenit.* Et quia Christus seipsum hostiam Deo suauissimi odoris exhibebat, ideo in cruce exaltari voluit; ea enim quæ offeruntur Deo in sublimi eleuantur, quod *Levit: 23. de manipulis novarum frugum mandatum erat. Elevabit, inquit, Sacerdos fasciculum coram Domino;* quatenus etiam demersos in profundo peccatorum ad se attrahens subleuaret Dominus, in cruce eleuatur. *Sz, inquit, exaltatus fuero à terra, omnia traham ad meipsum:* quod contemplanus Chrysost: dicit. *Expansis manibus in cruce moritur, vt altera manu veterem populum, altera eos qui ex gentibus sunt attraheret.* PRÆTEREA, quia prævaricatio primi hominis maledictionem in vniuersum genus humanum invexerat, vt nos ab hac maledictione liberaret, in cruce exaltatur; quod mysterium exponit Apost: *Gal. 3. d. Christus nos redemit de maledicto legis, factus pro nobis maledictum, quia scriptum est maledictus est cunctis qui pendet in ligno.* Factus pro nobis maledictum dicit Apostolus, quia maledictiones humani generis Deus in ipsum transposuit, vt pro nobis infame & execrabile crucis subiret supplicium. Et hæc crux nunc quanto in honore, ponderat Chrysost. *Vbiq;* inquit, *crux honoratur, reges diademata deponentes assumunt crucem, in purpuris, in diadematis, in armis, in mensa sacra, ubique*

1. Cor: 1.

Ioan: 12.

Gen: 3.

Hemit: 88. in  
Matth:

que t  
plu  
bera  
Chri  
rum,  
Eccl  
rare a  
re di  
Per  
to di  
pere  
Est c  
quan  
buir  
stram  
cruce  
am c  
dext  
one  
fixa e  
centis  
ex ea  
sce d  
Am  
quæ  
Sed  
gura  
pass  
igne  
non  
R. A  
tum



que terrarum crux emicat. POSTREMO, Passio Christi in cruce plurimas adimplet figuras. Primò quidem arca Noë lignea liberauit à diluvio, in octo animabus totum genus humanum: Christus per crucem suam nos liberauit à diluvio peccatorum, quare. *Benedictum lignum per quod fit iustitia.* quare canit Ecclesia. *Sola digna tu fuisti ferre seculi pretium.* Atq; portum præparare arca mundo naufrago. Virgâ Moyses in exitu de Ægypto mare divisit, Pharaonem prostravit, populum liberauit. Exod. 14. Per crucem nos Christus traduxit de Ægypto peccatorū, strato diabolo. Crux Christi est ille baculus quo suffultus Dauid percussit Philisthæum, & abstulit opprobrium ab electis suis, Est cythara illa, qua canente Dauid, compescitur spiritus nequam, quo Saul agitabatur. Et quia crux Christi quatuor habuit extremitates, superiorem, inferiorem, dextram, & sinistram, in ipsis Christiane contemplare quatuor beneficia per crucem collata. In superiori extremitate contemplare ianuam coelestem apertam; in inferiori inferni destructionem: in dextera gratiæ collationem: in sinistra peccatorum remissionem. Et quia Tract. 119. in Ioan: August. dicit. *Lignum in quo fixa erant membra Christi patientis, etiam Cathedra fuit magistri docentis.* Contemplare proinde Christiane crucem Christi, atq; ex ea vitæ tuæ fume documenta, Ex suprema extremitate discite charitatem, quæ est forma & perfectio virtutum, ut dicit Ambrosi. ex inferiori humilitatem; ex dextera obedientiam quæ victimis antefertur; ex sinistra patientiam in aduersis. Sed hæc audiens Christianus Catechistæ.

OPPONET. Qua ratione in cruce Christi impletæ sunt figuræ antiquæ, nam certum est sacrificia vetera fuisse figuras passionis Christi, in quibus animalia gladio necabantur, & igne cremabantur, ut in lege Domini res est manifesta, cur non etiam Christus simili modo oblatus est pro salute mundi? Ad figuras implendas non requiritur ut in omnibus figuratum respondeat figuræ: in eo tamen Passio Christi respondet

Gen: 6. 7. 8.

Sap: 14.

I. Reg: 17.

I. Reg: 16.

lib. 2. in Luc.

Colos: 3.

I. Reg: 15.

Eccl: 4.



Exod: 26.

immolationi animalium, quia sicut altare holocaustorum fuit ex ligno, ita quoq; crux Christi. Et quia illa animalia cremabantur igne, ita Christus igne charitatis. Psal. 21. *Aruit tanquam testa virtus mea.* Et Psal: 101. *Aruit cor meum.* Non est autem gladio decollatus, neq; contracta crura, aut membra diuisa, vt Ioannes decollatus, Isaias sectus, vt integrum corpus sepulturae seruetur, ne fieret occasio scissurae corporis mystici id est Ecclesiae. Quamquam & in eo figurae immolatorum gladio animalium respondetur, quia moriens in cruce, iustitiam gladio significatam impleuit.

### QUANTVM AD SECVNDVM.

Exod: 12.

CHRISTIANE, illud mentem tuam ad contemplandos montes æternos euehat, quod audis Saluatorem tuum in monte Caluariæ, in Ierusalem esse crucifixum. In lib. q. q. noui Testamenti: August. d. *Omnia proprijs locis & temporibus gessit Saluator.* & ideo sicut conuenienti tempore, ita loco conuenienti passus est. Conuenienti, inquam, tempore, die videlicet decima quarta primi mensis, vt impleret figuram agni paschalis, qui decima die in locum immolationis introducebatur, & decima quarta immolabatur. Conuenienti quoq; loco, ait S. Leo. *Bethleem elegit nativitati, Ierusalem passioni.* Ierusalem, inquam, elegit passioni, vt ibi victimam pro omni humano genere offerret, vbi Deus ordinauerat sibi sacrificia fieri. Hinc Beda cum agit de ingressu Domini in Ierusalem, dicit. *Appropinquante hora passionis, Dominus appropinquare voluit loco passionis: quia nimirum virtus naturalis è centro ad peripheriam diffunditur, virtus autem Passionis Christi quia ad totum mundum diffundenda erat, ideo tanquam in centro, in medio terræ habitabilis passus est.* Nam mons Caluariæ dicit Beda directè in medio terræ habitabilis est, vt adimpleretur quod per Prophetam Psal: 73. d. *Deus autem Rex noster, operatus est salutem in medio terræ.* In Ierusalem Dominus patitur vt ostenderetur iniquitas cæpta à principib9 populi Iudæorum,

DEI



Dei Filium crucifigentium, in ea enim Vrbe tunc manebant Herodes, Pilatus, Principes Sacerdotum, scribæ, Pharisei, & Seniores Gentis Iudæorum, de quibus Psal: 2. *Aspiterunt reges terræ & principes conuenerunt in vnum, aduersus Dominum, & aduersus Christum eius*, quos Petrus in eo scelere coniuratos accusat. *Conuenerunt, inquit, in ista ciuitate aduersus Sanctum puerum tuum Iesum, quem unxisti, Herodes & Pontius Pilatus cum Gentibus & populis Israel.* Et quemadmodum vitulus & hircus, qui ad expiationem totius populi offerebantur, non in medio sed extra castra cremabantur. ita Christus pro expiatione totius mundi, extra Ierusalem in monte Golgotha crucifixus, quam figuram explicans Apostolus Hebr: 13. dicit. *Quorum animalium inferitur sanguis pro peccato in sancta per Pontificem, horum corpora cremantur extra castra, propter quod & Iesus vt sanctificaret per suum sanguinem populum, extra portam passus est.* Extra portam, inquam, Ierusalem igne passionis consumptus est, vbi dat vobis exemplum exeundi à mundana conuersatione, & subiungit. *Excamus ergo ad ipsum extra castra, improprium eius portantes.* Improperium Christi vocat Apostolus illud probum, quo Christiani vocabantur sectatores Christi crucifixi, de quo tamen non erubescendum monet Apostolus. In montibus Gelbôe mortuus Saul rex Israel, in monte Caluarie crucifixus Rex cæli & terræ: Maledixit Dauid montes Golbôe, tu Christiane benedic montem Caluarie in quo crucifixus Rex seculorum te morte sua à morte perpetua liberauit. Hæc Christianus contemplando à Catechista.

QUÆRET. Cum Christus passus sit pro peccato primi hominis, cur non in eo loco passus est, vbi primus homo sepultus, id est in Hebron vt habetur Iosue 14. *Nomen, inquit, Hebron ante vocabatur Cariath Arbe, Adam maximus ibi inter Enacim situs est.* R. Non in Hebron Christus crucifixus, sed in Caluarie monte in Ierusalem, quia non pro solo peccato primi hominis mortuus est, sed pro totius mundi. In Golgotha crucifi-

XUS

Act: 4.

Leuit: 16.

Ioan: 15.

1. Petr: 4.

1. Reg: 31.



xus Dominus in loco communi damnatorum. in quo truncabantur capita damnatorum inde enim Caluaria nomen accepit.

### QVANTVM AD TERTIVM.

**C**hristiane, Oculo pietatis contemplare iustum in medio latronum crucifixum, quod ita Matthæus narrat, *Crucifixi sunt cum eo duo latrones vnus à dextris, & vnus à sinistris.* Et Ioannes, *Crucifixerunt eum, & cum eo alios duos hinc & hinc, medium autem Iesum.* Medius crucifigitur quia ubiq; medius est. In mysterio SS. Trinitatis medius inter Patrem & Spiritum Sanctum, ordine enumerationis, qui respondet ordini originis, ait S. Thomas Opusc. I. cap. 9. Medius inter DEUM & homines. *Mediator Dei & hominum homo Christus Iesus.* In natiuitate medius, inter duo animalia Isai: I. *Cognouit bos possessorem suum, & asinus praesepe Domini sui.* Nunc tempore Passionis in medio latronum crucifixus, quia pro redemptione & salute peccatorum. *Christus Iesus venit in hunc mundum peccatores saluos facere.* I. Tim: I. ideo expansis manibus ut eos ad se traheret. Isai: 65. *Tota die expandi manus meas ad populum incredulum, qui graditur in via non bona post cogitationes suas.* In medio crucifixus, ut ostenderetur species iudicij, ubi statuet oues à dextris & hædos à sinistris; ideo duo latrones vnus à dextris cui paradisu repromissus, alius à sinistris qui blasphemus reprobatur. Hinc August: Tract: 31. in Ioan. *Ipsa crux, inquit, si attendas tribunal fuit, in medio enim Iudice constituto, vnus qui credidit liberatus, alius qui insultauit damnatus, iam significauit quid factururus est de uiuis & mortuis, alios positurus ad dextram, alios ad sinistram.* Inter sceleratos crucifixus, tùm quo maiorem erga genus humanum pietatem ostenderet, qui ut redimeret nos ab omni iniquitate, non sufficebat sibi ignominiosam crucem subire, sed etiam inter latrones, tanquam complex scelerum non abhorruit computari, Hinc Hieron: in Matth. cap. 27. *Sicut, inquit,*

pro no-



pro nobis, maledictum crucis factus est Christus, sic pro salute omnium inter noxios quasi noxius crucifigitur, tūc ut piē viuens Christianus æquanimiter ferat improborum insultationes, si aliquando ab eis inter flagitiosos computetur, cū & ipse Saluator, qui est Sanctus Sanctorum, vorax, vini potator, publicanorum & peccatorum amicus infimularetur, & inter peccatores crucifigeretur. *Sustinuit crucem confusione contempta*, ne & tu Christiane, si pie & secundum instituta legis diuinæ viuis, calumniantium insultationes verearis. Sed hīc.

Daniel: 5.

Matth: 11.

Hebr: 12.

DIXERIS. Cū non sit participatio iustitiæ cū iniquitate, indignum fuit Christum cum latronibus crucifigi. & Id dignatione fecit Christus, ut sicut morte sua mortem vicit, cuius non erat debitor sed voluntate ipsam subiit, ita sua virtute voluit iniquitatem destruere, ideo cum latronibus citra meritum crucifixus. Quare sicut non indignum putauit cum latronibus crucifixi, ita etiam pertulit ab impijs blasphemari, quem prætereuntes blasphemabant dicentes. *Salua te metipsum si Filius Dei es, descende de cruce & credamus tibi.* Qui si descendisset de cruce, neq; nobis virtutem patientiæ ostendisset, neque impij credidissent: nam impius cū in profundum venerit contemnit. Plus autem fuit de morte resurgere, quā de cruce ante mortem descendere, & si non crediderunt resurgenti de morte, nec credidissent de cruce ante mortem descendentem.

## CATECHESIS IV.

## DE MIRABILI EFFECTV PASSIONIS CHRISTI.

PROpter nos homines & propter nostram salutem, sicut incarnatum & ex Virgine natum, ita passum & crucifixum Dominum & Redemptorem nostrum confitemur. Ita Nicæni Patres confitentur. *Crucifixus etiam pro nobis, sub Pontio Pilato Passus & sepultus est.* Quod cū Petrus Apostolus annuntiat di-



## ARTICULUS IV.

cens. *Christus semel pro peccatis nostris mortuus est, iustus pro iniustis.* Apodidactus Bernardus inde flagrat charitate dicens. *Super omnia te mihi reddit amabilem bone IESU, calix quem bibisti, opus nostræ redemptionis.* Et quia iam didicit Christianus, cur in cruce, monte Caluarie, & inter latrones passus Dominus noster, quantum ad effectus passionis, tria considerabit in ista Catechesi.

- I. *Quod ex potestate diaboli sumus liberati.*
- II. *Quod inde peccatorum remissionem consecuti.*
- III. *Quod Deo sumus reconciliati.*

## QUANTVM AD PRIMVM.

**C**hristiane, ante Passionem Christi habuit diabolus potestatem in hominem multifariè. Primò ex parte ipsius hominis qui suo peccato meruit, ut in potestatem traderetur diaboli, quia consensit eius suggestioni, August: de Trin: dicit. *Iniuste diabolus quantum ad se, tenebat hominem, sed homo iuste tenebatur: quia diabolus nunquam meruit potestatem habere super hominem, sed homo per culpam meruit pati tyrannidem diaboli.* Deinde ex parte DEI, qui per suam iustitiam hominem propter offensam reliquerat potestati diaboli, qui potestatem sibi concessam exercebat non solum super animas peccatorum in inferno, sed etiã Gentes vniuersas ad idolatriam inducendo. Præterea ex parte diaboli, qui ante Christi Passionem sua peruersa voluntate à consecutione salutis hominem impediabat: de quo Iob: 41. *Non est potestas in terra quæ comparetur ei, qui factus est, ut nullum timeret: & nisi Christus venisset, homo in potestate diaboli mansisset, sed Christus venit, & sua passione nos ex potestate diaboli liberavit: ita Catechismus Paroch. Adæmonis, inquit, tyrannide nos eripuit, ipse enim Dominus dicit, nunc iudicium est mundi, nunc princeps huius mundi eijcietur foras.* Subscribit Apostolus Coloss. 1. *Eripuit nos de potestate tenebrarum.* Ulterius hoc



hoc ipsum in illo Luc: II. manifestatur. Cum fortis armatus custodit atrium suum, in pace sunt omnia quæ possidet, si autem fortior illo superueniens vicerit eum, uniuersa arma eius aufert, in quibus confidebat, & spolia distribuet. Ita prorsus, omni tyrannidè possidebat diabolus ante Passionem Christi, quo tanquam fortiore superueniente, amisit diabolus arma potestatis suæ, amisit & spolia. Etenim Dominus fortis & potens, Dominus potens in prælio abstulit diabolo arma illius, vicit diabolus in quo nullum vestigium peccati diabolus inuenire potuit. Et quia contra eum diabolus arma peccatorum exacuit, qui sine peccato erat, meritò in peccatoribus potestatem amisit. Quibus armis victus diabolus, explicat Augustinus lib. I. de Trinit: cap. 14. *Iustitiâ, inquit, Christi victus diabolus, quia cum in illo nihil dignum morte inueniret, occidit eum tamen, & utiq; iustum est, ut debitores quos tenebat liberi dimitterentur in eum credentes, quem sine ullo debito occidit.* Amplius modum liberationis nostræ de potestate diaboli per Christi Passionem insinuat Magister sent: lib. 3. dist: 19. *Venit, inquit, Christus & alligauit fortem vinculis passionis suæ, intrauit in domum eius, id est in corda eorum ubi ipse habitabat, & vasa eius id est nos eripuit, quæ ipse impleuit amaritudine sua.* Deus autem noster vasa eius eripiens & sua faciens, fudit amaritudinem & impleuit dulcedine per mortem suam à peccatis redimens, & adoptionem gloriæ filiorum largiens. Et cum Rom: 5. ait Apostolus. *Commendat Deus charitatem suam in nobis, quoniam cum adhuc peccatores essemus secundum tempus, Christus pro nobis mortuus est;* ibid: Magister dicit, *Exhibita tantæ dilectionis erga nos arrha, & nos mouemur accendimurque ad diligendum Deum, qui pro nobis tantum fecit, Ex his autem Christianus.*

Psalm: 23:

Ioan: 14.

August:

QUÆRET. Quomodo sumus liberati à potestate diaboli, per Christi passionem siquidem adhuc potest tentare in anima, & in corpore vexare? R. Quamuis hoc possit etiam nunc, habemus tamen remedium ex Passione Christi contra ipsius veritias. Et cum Apoc: 20. dicit Ioannes. *Vidi Angelum descen-*



dentem de cælo, habentem clauem abyssi, & catenam magnam in manu sua, & apprehendit draconem serpentem antiquum, qui est satanas & diabolus, & ligauit eum per annos mille, & misit illum in abyssum, & clausit, & signauit super illum, ut non seducat amplius gentes. Augusti. ferm. 197. de temp. Passione Christi diabolus dicitur ligatus. Ante aduentum, inquit, Christi, solutus erat diabolus, venit Christus alligauit diabolus. Sed dicat aliquis, si alligatus est quare adhuc tantum præualet? verum est quia multis præualet, sed tepidis & negligentibus, & DEUM in veritate non timentibus dominatur. Alligatus est enim tanquam canis innexus catenis, & neminem potest mordere nisi eum, qui se ei mortifera securitate coniunxerit, latrare potest, sollicitare potest, mordere non potest nisi volentem. Deinde ante passionem Christi, quantum ad aliquid, ait S. Thomas, nullus poterat diaboli manus euadere, ut scilicet non descenderet in infernum: à quo post passionem Christi se possunt homines eius virtute tueri; qui expoliatis principatus & potestates traduxit confidenter palam triumphans illos in semetipso.

3. p. 7. 49.  
4. 2. 2m.

Coloss. 2.

### QUANTVM AD SECVNDVM.

CHRISTIANE, propter peccata traditi fuimus sub potestate diaboli, & quia per passionem suam nos Christus liberauit ex eius potestate, rupit vincula, quibus ligatos diabolus tenebat, deleuit nostra peccata. Hinc Catech. Paroch. Domini, inquit, passio peccati liberatio fuit, lauit enim nos à peccatis nostris in sanguine suo. Ephes. 1. Habemus redemptionem per sanguinem eius remissionem peccatorum. In lege Moyli varia fuerant sacrificia instituta pro peccatis, ut fuisse habetur Leuit. 4. 5. 6. & 7. Omnis enim Pontifex ex hominibus assumptus, pro hominibus constituitur in ijs quæ sunt ad Deum, ut offerat dona & sacrificia pro peccatis. Et quia illa sacrificia figuræ erant passionis Christi, cerre per illam obtinuius, quod per vetera obtineri non potuit: neq; enim illa sacrificia poterant expiare peccata & sanctificare homines,

Apoc. 1.

Hebr. 5.

sed



sed protestationes tantum erant expectationis passionis Christi, quâ fieret peccatorum remissio, Hinc Apostolus, *Impossibile est*, inquit, *sanguine taurorum aut hircorum auferri peccata*, ideo Christus ingrediens mundum dicit, *hostiam & oblationem noluiisti, corpus autem aptasti mihi, holocaustomata & pro peccato non tibi placent, tunc dixi ecce venio*. Neq; etiam illa sacrificia ratione rei oblatae in se Deo placebant, ad purganda peccata, sed ratione deuotionis offerentis. Corpus autem Christi in cruce oblatum, etiam ratione sui, ad expianda peccata multum Deo placuit, & remissionem peccatorum nobis obtinuit. Quare August. in lib. de agone Christi. *Fuso*, inquit, *sanguine sine culpa, omnium culparum delentur chirographa, quibus debtores qui in illum credunt, à diabolo antè tenebantur*. Sed hic anima Christiana delectata audiens remissionem peccatorum per Christi passionem.

Hebr. 10.

QVÆRET. Quibus modis per passionem Christi sit remissio peccatorum? R. Tres sunt modi. Primò quantum per eam provocamur ad charitatem & dilectionem Dei: per charitatem enim consequimur remissionem peccatorum, quia *charitas operit multitudinem peccatorum*, vel vtrilibi. *Vniuersa delicta operit charitas*, ita Luc. 7. per charitatem feruidam peccatrix obtinuit remissionem peccatorum. Deinde in passione & sanguine Christi, qui soluit quæ non rapuit redempti sumus a peccato: quia enim ipse est caput nostrum, per passionem suam quam ex charitate sustinuit, liberauit nos tanquam membra sua à peccatis, ponens ut pretium sanguinem passionis suæ. Sicut enim corpus naturale est vnum ex diuersitate membrorum consistens, ita tota Ecclesia, quæ est mysticum Christi corpus, computatur quasi vna persona cum capite suo Christo. Et sicut persona aliqua humana, per actum meritorium capitis sui nempe dans consilium multum vtile redimeret se à peccato, quod manibus commisit, ita (persistendo in proportionem corporis mystici ad corpus Physicum) per actum meritorium capitis nostri Christi, nos membra eius à peccatis nostris redem-

1. Petri. 4.

Prou. 10.

Magist. lib. 3.

d. 19. 3. p. q. 49

a. 1.



pti sumus. Præterea per passionem Christi à peccatis liberati sumus, in quantum caro eius passa instrumentum est diuinitatis. Vnde passiones & actiones eius operantur in virtute diuina ad expianda peccata. Sed aliquis.

DICET. Si sacrificia illa vetera non placebant Deo ratione rei oblatæ vt dictum est, cur illa instituit & offerri voluit? & Instituit illa sacrificia populo carnali, vt per illa ab idololatria retraheretur, & vt Deo potius res illæ quàm idolis offerrentur, & vt figura essent futuræ Passionis Christi, vt super Psal: 39. & 9. f. notauit Aygnanus.

### QUANTVM AD TERTIVM.

**C**hristiane, nos qui fuimus aliquando inimici DEI propter offensam, per passionem Filij eius in gratiam admisi sumus, ait enim Apostolus. *Cum inimici essemus, reconciliati sumus Deo per mortem Filij eius.* Erigitur inde spes nostra, si enim nos inimicos reconciliauit Patri Christus Patiens, quanto magis reconciliatos saluabit viuens & regnans? Passio ergo Christi causa fuit reconciliationis nostræ, & hoc duplici modo. Tùm quia remouit peccata, propter quæ homo constituitur inimicus DEI, nam sunt odio Deo impius & impietas eius. Et, Altissimus odio habet peccatores. Quia verò Christus peccata nostra tulit in corpore suo super lignum, pacem inter nos & DEUM composuit. Ipse est enim pax nostra, qui fecit utraq; vnum. Quare Magist. sent. Reconciliauit nos, inquit, Christus cum Deo, dùm offendicula hominum tollit ab oculis DEI, id est, dùm peccata delet quibus Deus offendebatur, & nos inimici eius eramus. Tùm quia Passio Christi, fuit sacrificium Deo acceptissimum, cuius effectus propriè fuit placare DEUM. Neq; verò Christiane ita intelligere debes nos per Passionem Christi reconciliatos, vt tunc de nouo nos Deus inciperet reconciliatos amare, qui ante mundi constitutionem nos dilexit, nempe in charitate perpetua, sed quia per Passionem sublata fuit causa odij, cum per ablutionem

Rom: 5.

Sap. 14.

Eccl: 12.

1. Petr: 2.

Ephes. 2.

lib. 3. d. 19.

Ephes. 1.

Jerem: 31.

nem



nem peccati, tūm per recompensationem acceptabilioris boni charitatis scilicet & obedientiæ. Et quamuis Apost. 2. Cor. 5. dicat. quōd DEUS Pater nos sibi reconciliauit. *Deus, inquit, erat in Christo mundum reconcilians sibi*: propriè tamen Christus per passionem est reconciliator. *Reconciliauit nos tota Trinitas virtutis usu*, ait Magist. *scilicet dūm peccata delet. Sed Filius solus impletionem obedientiæ, in quo patrata sunt secundum humanam naturam, per quæ credentes & imitantes iustificantur*. Similiter quamuis tota Trinitas dicatur nos redemisse, vt prima causa, propriè tamen Christus secundum humanam naturam nos redemit, qui proprium sanguinem & vitam propriam pro omnium redemptione exposuit.

DICES. Causa offensæ non est causa reconciliationis: pugnant enim secum. Passio Christi potius est causa offensæ, quia malitiā hominum perpetrata, & illa malitia grauissimè offendit DEUM, vnde & vindictam grauem obtinuit: quod in illa parabola agricolarum heredem vineæ occidentium declaratur. *Malos, inquit, malè perdet, & vineam suam locabit aliis agricolis*, quomodo ergo passio Christi causa reconciliationis? &. Verum quidem est, grauissimè peccauerunt Iudæi occidentes Christum, quorum peccatum aggrauatur tūm ex genere suo: occiderunt enim hominem qui DEUS erat, tūm ex malitia voluntatis eorum: nec dignum miseratione, vt Amos 2. dicitur. *Hæc dicit Dominus, super tribus sceleribus Israël, & super quatuor non conuertam eum, pro eo quōd vendiderit pro argento iustum*. Quatuor scelera Iudæorum hic ostendit Propheta, vnum fuit adoratio vituli. Exod. 32. Secundum, quando DEUM negauerunt sub Ieroboam, 3. Reg. 12. Tertium, quando prophetas occiderunt, & contempserunt monitiones, 2. Paral. 36. Quartum omnium maximum & grauissimum, quando Christum DEI Filium vendiderunt & iniuste condemnauerunt. Vendiderunt iustum pro argento, scilicet triginta argenteis, qui solus iustus peccatum non fecit, cū tamen ce-

Zachar. 11.  
Matth. 26.  
Isai. 53.



teri homines peccatores fuerint. Grauiſſimè ergo peccauerunt Iudæi occidentes iuſtum, ideo etiam grauiſſimè puniti. Sed ad poſtulatū dicendū licet grauiſſimè Deus offenderetur malitiâ occidentium Chriſtum quia tamen charitas Chriſti patientis pro iniquitate, maior erat quàm iniquitas crucifigentium, ideo paſſio Chriſti ex ſe magis valuit ad reconciliandū DEUM toti humano generi, quàm ad prouocandū ad iram, ex parte crucifigentium.

## C A T E C H E S I S V. DE MODO LIBERATIONIS NO- STRÆ PER CHRISTI PASSIONEM.

**R**ecolens Eccleſia beneficium ſalutis & reconciliationis humani generis per Paſſionem Chriſti in feſtiuitatibus S. Crucis, ita canit. Nos autem gloriari oportet in Cruce Domini noſtræ IESV Chriſti, in quo eſt ſalus, vita & reſurrectio noſtra, per quem ſaluati & liberati ſumus. Iam cognouiſti Chriſtiane non alio pretio te redemptum, ſaluatum, & liberatum niſi Chriſti DEI & hominis paſſi ſanguine. Si verò modum etiam cognoscere deſiderâris, quo per ſanguinem Chriſti ſis ſaluatus & liberatus, triplex tibi in iſta Catecheſi ad contemplantum proponitur. Liberauit enim nos.

*I. Vt caput Eccleſiæ, promerendo.*

*II. Vt mediator, ſatisfaciendo.*

*III. Vt Sacerdos, Sacrificando.*

## Q V A N T V M A D P R I M V M.

**C**hriſtiane, Paſſionem Chriſti deuotè meditare quâ tibi ſalutem & liberationem promeruit, quàm contemplantando  
lib. 3. d. 18. Magiſt. ſent. oſtendit quomodo ſibi & nobis meruit. Meruit  
 membris ſuis, inquit, redemptionem à diabolo, à peccato, à pœna & re-  
 gne



gni reſerationem, ut amotâ igneâ rhomphæâ liberè pateret introitus. Cum Apoſtolus Philipp. 2. d. Chriſtus factus eſt pro nobis obediens uſq; ad mortem, mortem autem crucis, propter quod & Deus exaltauit illum, &c. Auguſt: Tract: 104. in Ioan. ita illud expendit. Humilitas paſſionis claritatis eſt meritum, & claritas humilitatis præmium. Ergo clarificatus eſt per ſuam paſſionem non ſolùm ipſe in propria perſona, ſed etiam in membris, in fidelibus ſuis clarificationem meruit. Nam cùm Ioan: 17. orans ad Patrem dixiſſet. Pater venit hora clarifica Filium tuum, ut Filius tuus clarificet te: poſt, de claritate fidelium ſubiungit. Et clarificatus ſum in eis. Et enim ſi homo in gratia exiſtens, cùm pro iuſtitia patitur meretur ſibi ſalutem, cui beatitudinem tanquam præmium ipſe Dominus pro merito tribuat; eſt enim perſona digna per gratiam cui vita æterna tribuatur; nam Gratia Dei eſt vita æterna. Quid dicendum de merito Saluatoris noſtri, cui gratia data eſt, non ſolùm ut ſingulari perſonæ, ſed etiam ut eſt caput Eccleſiæ, ut ab ipſo redundaret in membra, meruit profeſſio & ſibi & nobis, & quidem ab inſtanti conceptionis ſuæ, ut loco ſupra notato cap. 2. dicit Mag. ſent: Non ſolùm, inquit, Chriſtus meruit, quando Patri obediens crucem ſubiit, ſed etiam ab ipſa conceptione ex quo factus eſt homo, per charitatem & iuſtitiam & alias virtutes. Verùm quia ex parte noſtra fuerunt quædam impedimenta, quibus impediēbāmur conſequi effectum præcedentium meritorum, ad remouenda illa impedimenta oportuit Chriſtum pati, atq; ita per paſſionem & mortem omnium ſuorum meritorum conſummationem fecit. Iſai: 53. Si poſuerit pro peccato animam ſuam, videbit ſemen longævum, ubi paſſio & mors ponitur tanquam conditio requiſita ad meritum Chriſti; quo etiam ſpectat illud Hebr: 9. Ideo noui teſtamenti mediator eſt, ut morte intercedente in redemptionem earum præuaricationum, quæ erant ſub priori teſtamento, repromiſſionem accipiant, qui vocati ſunt æternæ hereditatis. Hinc S. Tho: 3 p. q. 48. art. 1. ad 3 m. d. Paſſio Chriſti habuit aliquem effectum, quem non habuerunt præcedentia merita, non

Rom: 6.



## ARTICULUS IV.

*Hebr: 2.* propter maiorem charitatem, sed propter genus operis quod erat conueniens tali effectui; quod quidem genus operis Deus elegit, ut per illud consummaretur nostra redemptio. Decebat enim qui multos filios in gloriam adduxerat, authorem salutis eorum per passionem consummare. Iam ergo passus & mortuus compleuit merita sua, ut iam non mereatur amplius, cum non sit viator sed comprehensor, eamque consummationem ostendit moriens Ioan: 19. clamans.

*Hebr: 5.* Consummatum est. Quare consummatus, factus est omnibus obtemperantibus sibi causa salutis æternæ; non habens necessitatem quotidie pro delictis populi hostias offerre, hoc enim fecit semel seipsum offerendo. Sed Catechistæ quis forte

*Hebr: 7.*

OPPONET. Quomodo Christus per passionem mereri potuit, siquidem principium passionis non fuit in ipso, sed ab exteriori fuit, nempe à crucifigentibus, & utiq; non possumus mereri nisi per ea, quorum in nobis est principium, orando, ieiunando, eleemosynas dando meremur, quia horum principium in nobis, sed dum patimur persecutionem, quomodo meremur, cum non in nobis, sed in aduersario sit principium. R. Non ipsa passione ut sic meremur, sed dum voluntarie & libenter proter gloriam Dei patimur, ut sic, in nobis sit principium nempe voluntas bona, atque hoc modo Christus meruit voluntate pro nobis passus.

## QUANTVM AD SECVNDVM.

CHRISTIANE, cum satisfactio sit æquivalentis (aliàs indebiti) redditio, ille enim propriè satisfacit pro offensa, qui exhibet offenso id, quod æquè vel etiam magis diligit quàm oderit offensam; & quia humanum genus peccando Dei honorem abstulerat, pro cuius satisfactione nihil æquivalens atq; indebitum poterat reddere, quia quidquid poterat ad honorem Dei facere, iam totum debitum erat ratione creationis. Quare solus Christus sua passione & sanguinis effusione ex charitate & obedientiâ patiendo satisfecit superabundanter, quia

maius



maius Deo aliquid exhibuit, quàm exigeret recompensatio  
 offensæ totius humani generis. Satisfecit, inquam, propter ma-  
 gitudinem charitatis ex qua patiebatur, & eam Ioan: 14. pro-  
 testabatur *Vt cognoscat, inquit, mundus quia diligo Patrem, & sicut*  
*mandatum dedit mihi Pater sic facio.* Et iterum cap. 15. *Maiores*  
*hac, dilectionem nemo habet, ut animam suam, ponat quis pro amicis*  
 *suis.* Et siquidem valet satisfactio vnius hominis pro alio non  
 solum apud homines, sed etiam apud Deum. Nam si cui con-  
 digna in foro interiori pœnitentiæ assignetur satisfactio &  
 pœnitentia pro peccatis, potest alterum ex consensu confes-  
 sarii assumere, qui se iuuat in onere illo portando; nam &  
 Apostolus d. *Alter alterius onera portate,* item apud homines,  
 qui soluit debitum pro alio satisfacit: profecto ipse Christus,  
 qui est frater noster, caro nostra, insuper caput nostrum, per  
 passionem suam pro omnibus delictis nostris, & debitis satisfac-  
 cit Patri. Deinde satisfecit ex dignitate vitæ suæ, quam pone-  
 bat in satisfactionem, quæ fuit vita hominis & DEI. *In ipso enim*  
*inhabitat omnis plenitudo diuinitatis corporaliter.* PRÆTEREA,  
 ex generalitate passionis & magnitudine doloris, ideoq; pas-  
 sio eius, non solum sufficiens, sed etiam superabundans fuit  
 satisfactio pro peccatis humani generis, id quod Apostolus as-  
 seuerat, ipse, inquit, *est propitiatio pro peccatis nostris, non pro no-*  
*stris autem tantum, sed pro totius mundi.* Rom: 5. *Non sicut delictum*  
*ita & donum, si enim vnius delicto multi mortui sunt, multo magis gra-*  
*tia Dei & donum, in gratia vnius hominis Iesu Christi in plures abun-*  
*dauit, ubi autem abundauit delictum, superabundauit gratia.* Qua-  
 propter omnia merita nostra & satisfactiones vim accipiunt  
 ex merito & satisfactione, passionis Christi, quod declarat  
 Concil: Trid. sess: 14. cap. 8. de Sacramento pœnitentiæ. *Non*  
*habet, inquit, homo unde gloriatur, sed omnis gloriatio nostra in Chri-*  
*sto est, in quo viuimus, in quo mouemur, in quo satisfacimus.* Sed hîc

QUÆSIER. Quomodo Christi passio satisfecit pro omni-  
 bus ad salutem, cum non omnes saluentur, multi enim sunt



## ARTICULUS IV.

qui excidunt à salute; id ipse Christus videtur innuere de sui sanguinis effusione affirmans. *Hic est, inquit, sanguis meus novi testamenti, qui pro multis effundetur: & non dicit pro omnibus, sed pro multis. & Christi passio pro omnibus ad salutem sufficienter satisfecit, sed non pro omnibus efficaciter: pro omnibus, inquam, quantum ad sufficientiam. & ad remissionem culpæ atq; adeptionem gratiæ & gloriæ, sed effectum non habuit nisi in illis, qui passioni Christi coniunguntur per fidem, spem, charitatem, & alias virtutes atq; bona opera.*

*August: de  
correp: &  
gratia.*

QUÆSIT. iterum. Adam & alij Sancti patres satisfecerunt pro suis peccatis, quid necesse fuit Christi passionem pro nostra salute satisfacere? R. Adam & alij Sancti Patres satisfecerunt pro peccatis suis, sed tamen in fide passionis Christi, de quibus Hebr. II. *Hi omnes testimonio fidei probati sunt.* Nam illa est fides sana, quâ credimus nullum hominem siue parvæ siue maioris ætatis, liberari à contagio mortis & obligatione peccati, nisi per unum mediatorem. DEI & hominum Iesum Christum. Deinde satisfecerunt illi pro peccatis suis, secundum quod peccatum corrumpit bonum personæ, non secundum quod corrumpit naturam; & pro isto Christus passionem suam satisfecit.

## QUANTVM AD TERTIVM.

*Ephes: 5.*

*Joan: 17.*

CHRISTIANE, sua passione nos Christus salvavit, suam carnem in ara crucis pro salute & liberatione nostri sacrificando. *Qui dilexit nos & tradidit semetipsum pro nobis hostiam & oblationem Deo in odorem suavitatis.* Id quod ipse in horto orans ad Patrem dixit. *Pater pro eis ego sanctifico meipsum: sanctificabat videlicet seipsum pro nobis sacrificando propter remissionem peccatorum nostrorum: Semel oblatum est ad exhaurienda multorum peccata.* Hebr. 9. atq; huius cruenti sacrificij efficaciam cap. 10. præfert omnibus sacrificijs veteris legis, quæ non poterant auferre peccata. *Omnis, inquit, Sacerdos presto est quotidie ministrans.*

*easdem*



*easdem saepe offerens hostias, quæ nunquam auferre possunt peccata, hic autem unam pro peccatis offerens hostiam, in sempiternum sedet in dextera Dei, una enim oblatione consummauit in æternum sanctificatos. Sacrificium DEI appellatur omne opus quod fit ad honorem DEO debitum, & ad ipsum placandum, ita enim August: lib: 10. de Ciuit. cap. 6. Verum, inquit, Sacrificium est omne opus, quod agitur vt sancta Societate inhareamus Deo, relatum scilicet ad illum finem boni, quo veraciter beati esse possumus. Et quoniam Christus patiebatur propter honorem DEO debitum, vt exinde omnes gentes agnoscerent & colerent DEUM, de quo Propheta Psal. 50. Tunc acceptabis sacrificium iustitiæ, oblationes & holocausta, tunc imponent super altare tuum vitulos. Acceptauit enim Deus sacrificium iustitiæ ad honorem suum in cruce à Christo oblatum, per quod augetur honor DEI & cultus, vt passim super altare vituli offerantur, id est lasciuie & in proposito inconstantes sacrificium laudis dabunt DEO. Patiebatur item Christus propter placandum DEUM, cuius sacrificij odore magis placatus quàm olim à Noë oblatus. Et congruè pro peccatis hominum caro humanæ naturæ offerebatur, quæ cum sine peccato fuerit, efficax plurimum ad mundanda peccata; quam quidem carnem obtulit is, cuius erat caro, idem Sacerdos & sacrificium, acceptissimum autem DEO, propter nimiam charitatem offerentis, lib: 4. de Trin: cap. 14. August: d. Quid tam congruenter pro hominibus offerretur quàm humana caro? quid tam mundum pro immundis vitijs mortalium, quàm sine carnalis contagione concupiscentiæ caro? nata in utero & ex utero Virginis? & quid tam grædè offerri & suscipi posset quàm caro sacrificij nostri corpus effectum Sacerdotis nostri? Christus dum clamaret in cruce Eli, Eli lamma-sababani, figuram sui sacrificij ostēdit præcessisse in ariete quem Abraham immolauit Gen: 22. quod subtiliter perpendit Leo à Castro in cap. 29. Isai. ait enim hæc Christum dixisse, vt iudicaret se esse illum arietem pendentem ex arboze Sabec, id est in cruce, quem Deus sub typo alterius arietis olim Abraham ostenderat immo-*



## ARTICULUS IV.

landum pro Isaac, ideo hic nomen Sabeethani potius quàm aliud usurpauit, ut illam arborem in memoriam fidelibus reuocaret, seq<sup>3</sup> ostenderet illam figuram cumulatissimè implere.

DICES tamen. Sacrificium est res sacra, indeque sacrificium offerre est rem sacram facere: quomodo passio Christi sacrificium dici potest, cum crucifigentes & occidentes ipsum non aliquid sacrum sed impietatem fecerunt? R. Passio Christi non dicitur sacrificium à crucifigentibus oblatum, sed ab ipso Christo; non enim illi obtulerunt, sed Christus ex summa charitate & obedientia patiens, ideo etiam acceptissimum. Quare hic obseruabis quod Magist<sup>r</sup> sent. lib. 3. dist. 20. d. *Passionem Christi dici & Iudæorum opus quia ex actibus eorum prouenit, & Dei, quia eo authore, id est voluntate fuit, idem opus bonum & malum: bonum, in quantum authore Deo, malum, in quantum praua intentione Iudæorum.* Bonum itaq; opus ex vna parte operati sunt Iudæi, quando Christum ad passionem tradiderunt, quantum ad opus operatum, quia ex passione Christi honor debitus Deo prouenit, & redemptio facta totius humani generis eiusque exaltatio. Hebr. 2. *Videmus Iesum propter passionem mortis gloriâ & honore coronatum, ut gratia Dei pro omnibus gustaret mortem:* ex altera parte sua scilicet operatione malum opus operati sunt, quia intentio illorum fuit praua, nempe ex odio & inuidia. Quare & Sacerdos accedens cum conscientia peccati mortalis ad tremendum Missæ sacrificium, bonum quidem opus facit ex parte rei operatæ, id est sacrificij quod multum placet & acceptatur à Deo, tamen ex parte operantis opus malum operatur, Sacrilegium committit, quo grauissimè Deus offenditur.



PARS



# PARS SECVNDA ARTICVLIV.

Mortuus & sepultus.

## CATECHESIS VI. DE MORTE REDEMPTORIS.

**E**Quidem satis expressam de vera morte Christi in cruce fidem ab Evangelistis accepimus, omnes enim consentiunt in vnum verbum, nempe IESUM inclinato capite Spiritum. emisisse, qui cum fuerit verus Deus, verus etiam homo. Et homo quidem verè moritur separatione animæ à corpore, ita Iesus verè mortuus est, quia anima eius à corpore per triduum separata fuit. Merito tamen SS. Apostoli hanc fidei doctrinam nobis in Symbolo voce viva tradiderunt, dicentes. *Mortuus & sepultus est*, de quo Catech. Paroch. quia, inquit, non defuerunt Basilidiani & Marcionitæ, qui eum negarunt in cruce verè mortuum. Quare in præsentī Catechesi tria de morte Christi proponetur.

*I. Cur voluit Dominus mori?*

*II. Quod diuinitas nec ab anima, nec à corpore fuit separata.*

*III. Quod moriens fructum nostræ salutis attulit.*

### QVANTVM AD PRIMVM.

**C**hristiane, non solum pati, sed & mori Christus voluit, idq; magnâ convenientiâ & necessitate, quod vel Caiphas propheticè Ioan: iii. prædixerat. *Expedi, inquit, vobis ut*

*vultis*



## ARTICULUS IV.

unus homo pro populo moriatur, & non tota gens pereat, quod August. Tract. 49. in Ioan. ponderans dicit. Caiphas de sola gente Iudeorum prophetavit, verumtamen Iesus moriturus erat non tantum pro gente, sed ut Filios Dei qui dispersi erant congregaret, id est universitatem gentium, ex quibus nondum quidem erant Filij Dei, futuri tamen erant, dicit August. Hæc secundum prædestinationem dicta sunt, nam neq; oves eius, neq; filij Dei adhuc erant, qui necdum crediderant. Voluit ergo Christus mori, tum ut satisfaceret pro humano genere, quod propter peccatum morti erat adiudicatum: nam stipendia peccati mors. ergo satisfecit pœnam mortis pro nobis suscipiendo & sustinendo. 1. Petr. 3. Christus semel pro peccatis nostris mortuus est; voluit ergo mori, ut dum pœnam nobis debitam ipse sine culpa sustineret, nos à reatu mortis liberaret. Tum etiam mori voluit, ut nobis mors eius esset non solum satisfactionis remedium, sed etiam salutis Sacramentum, ut ad similitudinem mortis eius, nos carnali vitæ moriamur in spiritualem vitam translati; Rom. 6. Quod enim mortuus est, peccato mortuus est semel, quod autem vivit, vivit Deo, ita & vos, existimate vos mortuos quidem esse peccato, viventes autem Deo. Mori voluit, ut nobis mors eius esset perfectæ virtutis exemplum; primò quidem charitatis, quam nobis exhibuit, tantò enim magis amare quis ostenditur, quantò graviora pro aliquo patitur, & quid gravius morte, per quam tota hominis vita tollitur? est enim mors rerum omnium extremum, ut dicit Philosophus. Deinde exemplum dedit fortitudinis, ad quam maximè pertinere videtur, ut etiam nec timore mortis à virtute recedas, dicit enim Apostolus. Communicaui carni & sanguini, ut per mortem destrueret eum, qui habebat mortis imperium, id est diabolus, & liberaret eos, qui timore mortis per totam vitam obnoxij erant servituti. Præterea docet patientiam, quæ in adversis non sinit hominem tristitiâ absorberi; maximè autem adversa est mors, quam quia Christus sine mentis perturbatione sustinuit, perfectæ patientiæ exemplum exhibuit, de quo Isai.

Rom. 6.

2. Ethic. c. 6.

Hebr. 2.



Isai: 53. *Tanquam agnus coram tondente se obmutescet & non aperiet os suum.* Insuper obedientiam docuit, quia in re tam difficili Patri obediens fuit, ut mori non recusaret. *Sicut mandatum dedit mihi Pater, sic facio.*

Ioan: 14.

QUÆSIER. Si mori voluit Christus pro nobis, cur non ordinaria morte sed per passionem? R. Sunt huius multæ congruentiæ, tum ut impleret figuras, quæ effusionem sanguinis eius significabant, ut illæ victimæ; tum ne videretur necessitate compellente mortuus, ex infirmitate naturæ, propterea ab extrinseco mortem sustinuit, cui se sponte obtulit. Nos quidem morimur quasi morti subiecti ex necessitate vel naturæ, vel alicuius violentiæ nobis illatæ, Christus autem mortuus est, non ex necessitate, sed potestate & propria voluntate, Ioan: 10. *Potestatem, inquit, habeo ponendi animam meam, & iterum sumendi eam.* Nam quod in Christo secundum humanam naturam fuit naturale, totum eius voluntati subiacebat, propter diuinitatis virtutem cui subiacet tota natura. Erat itaq; in potestate Christi ut quamdiu veller, anima eius vnita corpori remaneret, & cum veller statim separaretur ab ipso. Atq; huius diuinæ virtutis initium fuit, quod voce magna clamans exspiraret, quam virtutem agnouit centurio cum suis dicens. *Verè Filius Dei erat iste;* quod & Apostolo dicit. *Tres sunt qui testimonium dant in terra, Spiritus, sanguis & aqua:* Spiritus id est clamor ille vehemens testabatur diuinam virtutem.

Matth: 27.

1. Ioan: 5.

### QUANTVM AD SECVNDVM.

CHRISTIANE, de morte Redemptoris nostri peruersè aliqui opinati sunt, existimantes diuinitatem & a corpore & ab anima in morte fuisse separatam, propter illa verba clamantis in cruce. *Deus meus ut quid dereliquisti me.* Tu verò Christiane fuge huiusmodi fatuitatem. Clamabat autem Christus se derelictum, quia fuit expositus persecutioni iniquorum. Hinc Magist: sent. lib. 3. dist. 21. *Non recesserat, inquit, Deus ab homine,*

Cc

ita



ita quoddam esset soluta unio Dei & hominis, alioquin fuit quoddam tempus, quando Christus adhuc uiuens homo erat & non Deus, quia adhuc uiuens se derelictum clamabat non derelinquendum. Si ergo illa derelictio unionis intelligatur solutio, antè facta fuit solutio DEI & hominis quàm Christus mortuus esset. Sed quis hoc dicat? separauit igitur se diuinitas ab humanitate, quia subtraxit protectionem sed non soluit unionem. Separauit se foris, ut non adesset ad defensionem, sed non defuit intus ad unionem. Quare quod ordinatum fuit Leuit: 16. ut duo hirci in festo expiationis ante ostium tabernaculi testimonij pro peccato statuerentur, quorum vnus, missis sortibus, Domino immolaretur, alter uiuus in desertum emitteretur, significabant humanitatem & diuinitatem Christi, ita quod immolatus humanitatis, emissus Diuinitatis figuras explerent. Vnde Ezechius. In solitudinem, inquit, id est in cælum tempore passionis diuinitas abÿsse dicitur, non locum mutans, sed quodammodo virtutem cohibens, ut possent impij consummare passionem. Abijt ergo id est virtutem cohibuit & portauit iniquitates nostras, non ut haberet, sed ut consumeret. Deus enim ignis consumens est. DEINDE si separata fuisset diuinitas ab anima, non posset dici, quod post mortem Filius DEI descendisset ad inferos: & si à corpore, non posset similiter dici, quod Filius DEI sepultus fuisset: hoc autem vtrumq; Apostoli in Symbolo tradiderunt. Mortuus & sepultus, descendit ad inferos. Quis ille? nempe quem confessi sunt IESUM Christum Filium DEI. Et si credimus quod diuinitas non fuit separata à corpore, profectò nec ab anima; si quidem immediatius & per prius vnita est verbo DEI quàm corpus: à corpore autem non fuit separata, nam donum hoc unionis fuit per gratiam, & gratia absq; culpa non reuocatur: in carne Christi sicut in anima nullum præcessit peccatum. Quis dicat unionem personalem solutam in morte? Hinc Damasc: lib. 3. c. 27. Quamuis, inquit, Christus mortuus est ut homo, & sancta anima eius separata à corpore immaculato, diuinitas tamen inseparabilis ab utroq; permansit. QUA.

Deut: 4.



QUÆSTI. Separata anima à corpore per mortem, quomodo non etiam diuinitas ab eodem corpore diuisa fuit siquidem mediante anima diuinitas corpori vnita fuit, & amoto medio separantur extrema? R. Mediante anima diuinitas vnita fuit corpori, non eo modo quasi anima fuerit, quasi medium ligans diuinitatem corpori, sed quia per animam corpus pertinet ad humanam naturam, quam Filius Dei assumpsit. Habebat autem corpus ab anima etiam post mortem, quod pertineret ad humanam naturam, in quantum ordinante DEO in resurrectione animæ vniendum erat.

### QUANTVM AD TERTIVM.

CHRISTIANE, cum audis lætabundam & triumphantem in solemnitate Paschali Ecclesiam atq; dicentem. *Qui mortem nostram moriendo destruxit.* exulta inæstimabiles fructus mortem Christi humano generi attulisse: nam imprimis vna morte sua in corpore, duas mortes nostras corporis scilicet & animæ destruxit. Et quia mortem animæ peccatum introduxit, ideo mors Christi hanc mortem destruxit. Traditus est enim propter delicta nostra, id est ut sua morte pœnam debitam peccatis nostris ipsamq; mortem animæ aboleret. Destruxit & mortem corporis. Osee 13. *De manu mortis liberabo eos, de morte redimam eos, ero mors tua o mors, morsus tuus ero inferne.* Apostolus autem 1. Cor: 15. dicit. *Abscripta est mors in victoria.* Quia enim mors est priuatio vitæ propriæ, Christus autem moriens vitam propriam posuit, ideo effectus suæ mortis vnus, fuit destructio mortis vtriusque nostræ, ut sicut mors illa destruxit vitam eius corporalem, ita vtraq; mors nostra corporis & animæ, illâ vnâ illius morte destrueretur.

August: lib 4<sup>o</sup>  
de Trin: c. 3.

Rom: 4<sup>o</sup>

QUÆSTI. Si mors Christi destruxit mortem nostram, an per modum meriti, sicut humiliatio Passionis per modum meriti nostram salutem operata est? at hoc non: cum enim anima sit principium merendi & illa fuit separata à corpore mor-



tuo, morsq; illa fuit corporalis, quomodo ergo mors Christi mortem nostram potuit destruere? R. Mors Christi in factio consummata destruxit mortem nostram non per modum meriti, sed per modum efficientiæ, ideo etiam separatâ animâ à corpore, mors operabatur ad salutem nostram, virtute diuinitatis cum corpore mortuo vnitæ. Et hoc modo ait S. Thom. *quidquid contigit circa carnem Christi, etiam anima separata fuit nobis salutiferum virtute diuinitatis, cuius diuinitatis etiam ipsum corpus fuit instrumentum.*

## CATECHESIS VII. DE CHRISTI SEPULTURA.

Bernard: Lu-  
czemb: lib. 2.  
lit. F.

VERè mortuum non simulatè aut phantasticè, vt Faustus Manichæus malè opinabatur, confitemur cum Apostolis & totâ Ecclesiâ Dominum nostrum IESUM Christum, cuius mortis argumentum est ipsa eius sepultura, non enim viui sed mortui sepeliuntur: neque verò solum credimus Christi corpus sepultum esse, sed illud præcipuè his verbis credendum proponitur DEUM sepultum esse, quemadmodum ex fidei Catholicæ regula verissimè etiam dicimus DEUM mortuum, DEUM ex Virgine natum: nam cum diuinitas nunquam diuisa fuerit à corpore quod in sepulchro conditum est, rectè confitemur DEUM sepultum esse, cum Apostolis dicentibus. *Crucifixus, mortuus, & sepultus.* Et cum Patribus Nicænis, *Crucifixus etiam pro nobis sub Pontio Pilato, Passus & sepultus est.* Sed in hac Catechesi tria quoq; ad contemplandum Christiano dantur.

- I. Quàm conuenienti modo Christus sepultus.
- II. Corpus eius quomodo tribus diebus & tribus noctibus in sepulchro fuit?
- III. Corpus illud nulli corruptioni in sepulchro obnoxium fuit.

QVAN-



## QUANTVM AD PRIMVM.

**C**hristiane, cum audis viros Iabes Galaad commendatos à Dauid & benedictos 2. Reg: 2 pro illa humanitate & obsequantia erga vñctum Domini Saul regem Israël, quem sepeliérunt mortuum in montibus Gelboë. 1. Reg: 31. Cogita qua benedictione potiuntur Ioseph ab Arimathæa, nobilis Decurio & Nicodemus princeps Iudæorum, qui crucifixum vñctum Domini, atq; omnis creaturæ Dominum cum mixtura myrrhæ & alodés alijsq; aromatibus sepeliérunt. August. lib. 1. de Ciuit: cap. 13. *Laudabiliter, inquit, commemorantur in Evangelio, qui corpus Christi de cruce acceptum diligenter & honorificè tegendum sepeliendumq; curauerunt.* Quod si meritorium est opus misericordiæ dum quis sepelit mortuos, quod in Tobia laudat scriptura, quanti meriti fuit DEUM in humana carne sepelire mortuum? inde magnifica sepultura Domini nostri Isai. 55. *Erit sepulchrum eius gloriosum:* quia à magnatibus fuit sepultus secundum morem. sepeliendi Iudæorum cum aromatibus à Nicodemo sepultus, in quo mysterium, & tua Christiane eruditio; illæ enim species myrrhæ & alodés propter amaritudinem significant poenitentiam, per quam in tua mente conseruabis Christum absq; corruptione peccati. Et quia corpus Iesu involutum erat Sindone munda, ad tuam instructionem Hieronymus exponit, vt tunc Sindone munda involuas IESUM, id est purâ conscientia, quando suscipis ipsum in Sacramento. In horto sepultus Iesus, datur tibi intelligere, quod per mortem & sepulturam Christi liber sis à morte, quam per peccatum Adam in horto paradisi commissum, incurristi. In alieno sepulchro ponitur, scilicet in monumento Ioseph, vt scias eum qui propter te voluntariè pauper erat, nec in vita habens domum, nec post mortem suum sepulchrum, propter salutem tuam mortuum. In nouo sepulchro ponitur, in quo nondum quisquam positus erat, hoc fa-

Matth: 27.

Ioan: 19.

Matth. 27.

2. Cor: 8.

Luc: 9.



mulatur testimonio veræ eius resurrectionis, si enim inter alios mortuos positus fuisset, dum resurrexit à mortuis inimici dixissent (ait Theophilactus) non ipsum sed quempiam alium ipso remanente in sepulchro, resurrexisse: sed & tu Christiane morte & corruptione sublata per Christi sepulturam debes renouari. Istud deniq; sepulchrum excisum erat in petra, quia in corda nostra olim dura ad modum petrae, iam per doctrinam infertur Christus. Saxum insuper ingens ad ostium monumenti fuit aduolutum, ne quid faciliè in monumentum illud ingrederetur, quia nihil debet præter Christum in corda nostra intrare.

2. 2. 2. q. 1.  
Art. 6.

QUÆSIT. Cum esse passum, mortuum & sepultum, vnā & eandem difficultatem habeant, & vno suscepto non est difficile alia suscipere, cur Apostoli addiderunt sepultū, cum ex eo quod mortuus fuit facile necessitas sepulturæ consequatur? & posito sepulto videtur esse *πυτολογία* mortuum edicere? Respondet Catech. Paroch: posito mortuo additū esse sepultum. Primò vt minus dubitare de morte liceat: secundo vt resurrectionis mysterium magis declaretur, tertio non solum credendum corpus Christi esse sepultum, sed his verbis præcipuè credendum proponitur Deum sepultum esse, sicut dicitur DEUM natum esse, Deum mortuum. Immo magis propriè dicitur Deus sepultus quàm homo, quia separata anima à corpore iam homo non erat, cum autem diuinitas nunquam separata fuerit à corpore quod in sepulchro conditum est, rectè & propriè confitemur Deum sepultum esse.

Lege Magist.  
sent: l. 3. dist.  
22. Confer S.  
Thom: 3. p. q.  
50. art: 4.

### QUANTVM AD SECVNDVM.

CHRISTIANE, ita recitabis in Symbolo Apostolorum, *Die tertia resurrexit à mortuis*. Patres etiam Nicæni, *Et resurrexit tertia die secundum scripturas*. Scriptura ita refert Matth. 12. cum Pharisei à Domino signum doctrinæ & missionis postularent dicentes. *Magister volumus à te signum videre*: ipse respondens dixit,



dixit, *Generatio mala & adultera signum querit, & signum non dabitur ei nisi signum Ionæ prophetae, sicut enim Ionas fuit in ventre ceti tribus diebus & tribus noctibus, sic erit Filius hominis in corde terra tribus diebus & tribus noctibus.* Certum est autem Dominum nostrum vna die integra & duabus noctibus in sepulchro fuisse. Vna nox fuit post feriam sextam ante Sabbatum, altera nox post Sabbatum ante diem Dominicam. Quomodo igitur in Evangelio dicitur tribus diebus & tribus noctibus? Pro resolutione difficultatis illud considera, i. mysticè prælibando, primi dies incipiebant à luce in noctem, propter significandum futurum hominis lapsum, à luce iustitiæ originalis in noctem peccati. Nunc autem à Christi morte & resurrectione, à tenebris ad lucem tempus computatur, propter reparationem nostram, per Christi mediatoris mortem & resurrectionem.

QUÆSTIO. Si primi dies incipiebant à luce & desinebant in tenebras, cur scriptura Gen. i. præmittit tenebras in enumeratione dierum id est vespere, dicens. *Factum est vespere & mane dies unus, secundus, tertius &c.* R. Id eò fit, quia cum à luce dies inceperit, prius occurrit terminus lucis, quod est vespere, quam terminus tenebrarum & noctis quod est mane: sicut si à tenebris inciperet, prius etiam terminus tenebrarum id est mane occurreret.

INSTABIS. Quomodo primi dies à luce inceperunt, cum in principio tenebræ & non lux fuerunt, narrante scriptura. *Tenebræ erant super faciem abyssi?* R. Quando tenebræ erant super faciem abyssi, nondum erant tunc dies, qui suum principium sumpserunt à productione lucis, de qua dixit Deus *fiat lux & facta est lux*, ex quo etiam cæpit appellari dies & nox, nam appellavit Deus lucem diem, & tenebras noctem. Considera secundò, diem naturalem continere horas 24. propterea ipsa nox præcedens computatur in die sequenti ut diei naturalis compleatur numerus horarum 24. Considera tertio in loco al-

August. lib. 3.  
de consensu E-  
vangel. cap.

24.

lega-



## ARTICULUS IV.

legato Euangelij esse locutionem Synecdochicam, ut ex parte totum intelligatur, ex parte scilicet vltima diei, id est feriæ sextæ intelligenda est integra dies eadem ipsa feria sexta, quæ sumpta ut naturalis dies, habebit horas 24. ad quarum horarum complementum seu completam enumerationem nox præcedens trahitur, quæ ad diem sequentem ipsam feriam sextam pertinebat. Ex his sequitur, sicut tres dies ostenduntur, quibus corpus Christi fuit in sepulchro (quamuis vna tantum die integra nempe Sabbato). Dies quidem prima ipsa feria sexta ad solis accasum; dies secunda id est Sabbatum ut dicitur integra: dies tertia Dominica in diluculo quo Christus resurrexit, iuxta illud. *Exurgam diluculo*. Noctes quoque tres, ut retrogrediendo enumerentur. Vna inter diem Dominicum & Sabbatum; altera inter Sabbatum & feriam sextam; tertia inter feriam sextam & quintam: nam ista nox pertinet ad feriam sextam, à cuius principio ipsa feria sexta incipiebat. In qua feria sexta, quia corpus Christi in sepulchro positum erat, intelligitur tropicè positum etiam nocte præcedente, quæ nox cum feria sexta, vnā diem naturalem conficiebat horarum 24. Cum ergo dies non potuerit carere sua nocte à qua incipiebat, si die iacebat in sepulchro, etiam nocte antecedente iacuisse intelligitur, ut compleatur numerus horarum 24. quæ diem naturalem conficiunt.

DIXERIS. Quomodo Christus fuit in sepulchro vsq; ad diem Dominicum, & in eo resurrexit, si quidem media nocte ex Sabbato resurrexit? dicit enim Gregor. Homil. 21. in Euangel. quòd sicut Samson abstulit media nocte portas Gazæ, ita Christus media nocte, auferens portas inferni resurrexit. R. 1. si nocte præcedente Dominicum diem, resurrexit, etiam ipso die Dominico resurrexisse intelligitur, ad quem diem nox illa pertinebat. R. 2. Christum media nocte resurrexisse dicit Gregor. quia tenebris nocturnis adhuc remanentibus, non quòd præcisè in ipsa media nocte, tanquam diuisa in duas partes æquales.

Nam



Nam August. lib. 4. de Trin: cap. 6. dicit eum in diluculo surrexisse, in quo aliquid lucis est, & adhuc remanet aliquid tenebrarum noctis: diluculum autem dicitur prima pars diei & vltima noctis. R. 3. Confert Gregor. Christum resurgentem à mortuis cum Samfone, non tam ratione temporis resurrectionis, quàm ratione operis, quia sicut Samson de somno euigilans portas Gazæ effregit, ita Christus rediuvus portas inferni. Quòd si Christus media nocte dicitur surrexisse, per medium noctis intelliguntur tenebræ noctis adhuc in diluculo remanentes. *Psal: 106.*

### QUANTVM AD TERTIVM.

**C**hristiane, quia diuinitas sicut ab anima Christi, ita etiam à corpore eius in morte non fuit separata, ideo corpus illud nulli corruptioni, id est resolutioni in elementa fuit obnoxium. iuxta illud *Psal: 15. Non derelinques animam meam in inferno, nec dabis sanctum tuum videre corruptionem.* Quare etiam si corpus illud Domini vsque ad consummationem seculi iacuiisset in sepulchro, diuinitas illi iuncta, non permisisset illud incinerari. Congruentia id maxima probat, Christus enim propter nostram salutem mortem sustinuit, fuisset autem magnum salutis nostræ detrimentum, si non crederetur in eo esse virtus diuina, non crederetur autem, si corpus post mortem incineratum fuisset; vnde per Prophetam. d. *Quæ utilitas in sanguine meo, si descendero in corruptionem?* id est, quæ utilitas fuisset sanguinis mei si non credor Deus? Nostra quidem corpora incinerantur, sed hoc prouenit ex infirmitate naturæ eorum, quæ non potest vltius corpus continere in vnum; Christi autem mors non debuit esse ex infirmitate naturæ, sed ex voluntate, & ideo non debuit corpus eius incinerari, quia sic pateretur ex infirmitate, non spontanea voluntate. *Psal: 29.*

**QUÆSIER.** Nostra corpora statim post mortem ex natura incipiunt putresceri, Christi autem corpus eiusdem naturæ

D d

fuit



## ARTICULUS V.

fuit cum nostris, quare non fuit obnoxium vel ex natura putrefactioni? R. nostra corpora ex duplici capite obnoxia putrefactioni: ex conditione naturæ, & ex merito putrefactionis. Christi corpus equidem ex conditione naturæ passibilis, putrefactibile fuit, non tamen ex merito putrefactionis cum fuerit absque peccato, ideo immune ab omni corruptione, conseruante etiam Verbo, cui vnitum fuit.

## COROLLARIUM.

Cum audis admirabile opus Christiane, passionis & mortis Christi DEI in carne humana crucifixi, mente tota integrisque viribus consurge ad ipsum laudandum & redamandum, qui te in tantum amauit, ut cum esset æterni DEI Filius, Deus de Deo impassibilis, immortalis, inalterabilis in sua natura diuina, propter te & tuam salutem exinanivit semetipsum, & se humiliavit usque ad ignominiosam crucis mortem, & indigna quæque pertulit, tibi meruit, tibi introitum regni cœlestis aperuit, pro tuis debitis satisfecit, ac seipsum in ara crucis sacrificans, te redemit. Hæc & alia innumera, mente deuota recole, atque in arrham gratitudinis pro tantis, tamque cumulatè collatis beneficijs amorem amore repende.

ARTICVLVS  
SYMBOLI V.

Descendit ad inferos, tertia die resurrexit à mortuis.

DUæ sunt huius quinti Symboli Apostolorum articuli partes, sicut & superioris. Vna est de Christi ad inferos descensu; altera de ipsius gloriosa resurrectione. Ut verò rudes dum recitant verba Symboli debito ordine pronuntient,



cient, sedulò sanè monendi & instruendi. Hoc enim passim faciunt, vt prius de resurrectione pronuntient, postea de ipso descensu, dicentes. *Umárl pogrzebion / trzeciego dnia wstał zmarrwych / stapil do piekła / idac z piekła wstapil ná niebiosá;* & in hoc errant. Docendi ergo sunt, quòd anima eius sancta, egressa de immaculato corpore, cum ipsa diuinitate unita, illicò descendit ad inferos, & corpus in monumento conditum. Ergo huius articuli quinti erit.

## CATECHESIS I. DE IP SO DESCEN SV AD IN- F E R O S.

**P**ATres Nicæni nullam mentionem in suo Symbolo de Christi ad inferos descensu fecerunt, ipsis quippe maximè propositum fuit, explicare tunc fidem de Christi diuinitate, & cum Patre consubstantialitate contra Arium; proinde impertinens & alienum à suo proposito illis videbatur de huiusmodi descensu verba facere. Apostoli autem & Athanasius expressè posuerunt. *Descendit ad inferos.* Itaq; in ista Catechesi tria Christianus discet.

- I. *In quem locum descendit?*
- II. *Quàm congruè descendit?*
- III. *Quàm diu ibi moratus est?*

### Q V A N T V M A D P R I M V M.

**C**HRISTiane, Dupliciter cogitare potes de Christi ad inferos descensu, aut secundum effectum, aut secundum substantialem præsentiam. Et quoniam quadruplex fuit locus in inferno, vnus damnatorum, in quo est poena sensus & damni, tenebræ quoq; exteriores & interiores, id est absentia luminis gratiæ, qui locus Iob: 10. vocatur *terra tenebrarum*,



## ARTICULUS V.

*aperta mortis caligine, ubi umbra mortis & nullus ordo, sed sempiternus horror inhabitat.* Ad hunc locum descendit Christus, non præsentia substantiali, sed tantum secundum effectum suæ virtutis, quia ibi damnatos de incredulitate & malitia confutavit. Alter locus, limbus puerorum, ubi est poena damni & non sensus, sunt tenebræ interiores & exteriores. Et ad hunc locum descendit Christus tantum secundum aliquem effectum suæ virtutis. Tertius locus purgatorij in quo ad tempus detinentur & cruciantur animæ piorum, qui cum fide & charitate hinc discesserunt, habentes adhuc aliquas maculas: & in hoc loco est poena damni & sensus ad tempus, sunt tenebræ exteriores sed non interiores quia illi habent lumen gratiæ: atq; de hoc loco canit Ecclesia in officio pro defunctis. *Libera animas omnium fidelium defunctorum de pœnis inferni & de profundolacu.* Ad hunc locum descendit Christus non præsentia substantiali, sed secundum effectum consolando & confirmando illos spe æternæ gloriæ. Quartus locus limbus Patrum Sanctorum, qui & sinus Abrahæ dictus fuit, ubi fuit poena damni sed non sensus, & tenebræ exteriores sed non interiores, quia illi etiam habuerunt lumen gratiæ. Et ad hunc tantum locum descendit Christus præsentia substantiali, nam illi lachrymabili voce Christum orabant (ait August.) & horum dolores, quos patiebatur de dilatione speratæ gloriæ solvit Christus, gloriam illis conferendo, quam latroni in cruce pendenti Luc. 22. promiserat. *Hodie, inquit, eris mecum in paradiso,* id est fruëris diuinitatis gloriâ. Et enim ut anima illa sancta unita diuinitati peruenit ad illum locum, luce diuinitatis illos illuminauit, iuxta illud Eccl. 24. *Illuminabo omnes sperantes in Domino.* Sed hic aliquis negotium Catechistæ faciens.

DIXERIT. non conueniebat Christum præsentia substantiali descendere ad inferos, cum omnia sufficienter peregerit vis & virtus illius. & quod Christus omnem iustitiam impleverit: & sicut secundum corpus sepultus est, ita secundum ani-

Serm. 2. de  
Resurrect.

Matth. 3.



animam., legem omnium mortuorum communem subiit & descendit ad inferos, quod innuit Iren. lib. 4. aduersus hæreses cap. 39. & lib. 5. ad finem. Credendum ergo tibi est Christiane ipsam animam re & præsentia substantiali ad inferos descendisse, ut per David Psal. 15. d. *Non derelinques animam meam in inferno.* Differt autem Christi descensus ad inferos ab alijs, quia alij descendunt inuiti & captiui, ipse verò sponte inter mortuos liber & victor ad profligandos dæmones descendit. Deinde alij omnes qui descendunt in pœnas descendunt, vel pœnas damni simul & sensus, vel damni tantum, CHRISTUS verò descendit, non ut aliquid pateretur, sed ut sanctos ex illa custodiæ molestia liberaret. Proinde per descensum nulla prorsus de summa eius dignitate vel potestate diminutio facta est; verum ibidem sicut in cœlo & in terra vim suam & potestatem declarauit, ut sicut omne genu cœlestium & terrestrium, ita etiam inferorum in nomine eius flectatur. Atq; in eo summam benignitatem, in genus humanum declarauit, qui pro nobis non modò mortem acerbissimam subiit, sed infimas etiam terræ partes penetrauit, ut inde animas sibi carissimas ereptas ad beatitudinem traduceret.

Psal. 17.

## QUANTVM AD SECVNDVM.

CHRISTIANE, magnopere congruum fuit animam Christi post mortem ad infernum, id est in abdita terræ receptacula descendere, tum ut ascensus eius & descensus æquipararentur: qui enim altissimè super omnes cœlos ascensus erat, voluit profundissimè humiliari descendendo ad imas partes terræ, & sic summa & ima compleuit. Hanc congruentiam proponit Apostolus Ephes. 4. d. *Quod autem ascendit, quid est nisi quia & descendit primum in inferiores partes terræ?* tum ut tantus eius esset descensus, quantus erat liberandorum casus: primus enim homo in statera liberi arbitrij fuit positus, iuxta illud Eccl. 15. *Deus ab initio constituit hominem., & reliquit eum in manu consilij sui,*



## ARTICULUS V.

*Ec.* in qua statera positus, potuit ad vitam ascendere vel ad mortem descendere, prout vellet. *Apposuit, inquit, aquam & ignem, ad quod volueris porrige manum tuam.* Sed peccato peracto, sic brachium alterum stateræ per onus culpæ depressum est, ut esset in imo inferni, alterum verò in summo cœli; *veritas enim de terra orta est, & iustitia de cœlo prospexit:* nec poterat brachium depressum ascendere, nisi aliud descenderet. Dominus ergo misericors & clemens ad infernum descendit ut inde hominem captivum eleuaret usque ad cœlum, tum etiam ideo descendit Dominus, ut sicut vivus, erat lumen mundi per præsentiam corporalem, sicut Ioan. 8. dicebat. *Quamdiu sum in mundo lux sum mundi,* sic mortuus esset lumen inferni, per diuinitatis maiestatem. Tum denique descendit ad inferos, ut hoc exequeretur per efficientiam, quod meruerat sua passione per sufficientiam. Meruit autem per suam passionem & satisfactionem apertionem ianux paradisi, atque ita in descensu suo ad inferos per satisfactionem soluta sunt vincula captiuorum, per apertionem ianux facta est illustratio ipsius carceris: tunc enim *populus qui habitabat in tenebris vidit lucem magnam, habitantibus in regione umbræ mortis, lux orta est eis.*

QUÆSIT. Quæ fuit necessitas Christo descendendi ad inferos cum homines liberauit & à culpa & à pœna per suam passionem, quam in hoc mundo sustinuit? R. Passio Christi fuit causa liberationis & à culpa & à pœna, sed causa vniuersalis: porro causa vniuersalis ad singulares affectus applicatur per aliquid speciale; & viuis quidem passio Christi applicatur per Sacramenta configurantia nos passioni eius, mortuis autem applicata fuit per descensum ad inferos, quo descensu liberauit eos de lacu. Zachar: 9.

## QUANTVM AD TERTIVM.

CHRISTIANE, dum confiteris Christum descendisse ad inferos crede quòd illo tritudo mortis totus fuit in sepulchro sed non



non totum: totus in inferno, sed non totum. Totus quoad personam, quæ tota fuit in sepulchro per corpus sibi unitum; tota quoque in inferno ratione animæ sibi unitæ, ita August. lib. 3. de symbolo ad Catechum. c. 7. *Totus, inquit, Filius apud Patrem, totus in cælo, totus in inferno, in terra, totus in utero Virginis, totus in cruce, totus in paradiso, quò latronem introduxit. Non per diversa loca & tempora dicimus ubiq; totum, ut modò ibi sit totus, & alio tempore alibi totus, sed ut semper ubiq; sit totus.* Non erat autem totum sicut in sepulchro ita in inferno, quia non tota natura assumpta; in sepulchro enim tantum secundum corpus, & in inferno tantum secundum animam: totum enim est homo, iam verò in illo triduo Christus non fuit homo, cum non fue-  
S. Thomæ 3. p. 1.  
q. 50. art. 4.  
 rint unita corpus & anima, nam talis unio facit hominem. Ad propositum ergo, tam diu anima mansit in inferno, quam diu eiusdem corpus in sepulchro fuit, ait Catech. Paroch. nempe ad horam ipsam resurrectionis. Et ratio congruentiæ est, quia sicut corpus toto illo tempore mansit in sepulchro ad comprobendam veritatem mortis, ita quoq; animam toto illo tempore à corpore separatam in inferno esse conueniebat, nam sicut corpus suum voluit in sepulchro poni, ut pœnas nostras in se susciperet: pari congruentia voluit animam suam in infernum descendere. **ROGABIS** Sicut corpus suum voluit in sepulchro poni ut pœnas nostras susciperet: sic pari congruentia voluit animam suam in infernum descendere, nonne ut pœnas quoq; nostras susciperet? nonne ut pateretur in inferno? **R.** Enormis Caluini blasphemia, asserentis animam Christi in inferno omnes damnatorum pœnas sustinuisse. Verum sicut corpus nullam aliam pœnam in sepulchro sustinuit, præterquam quòd ibi positum esset, neque enim incinerationem sustinuit cui abnoxia sunt nostra corpora, pari congruentia anima in inferno nullam pœnam sustinuit, præterquam quòd descendit in illas inferiores partes terræ, non tanquam ipse debitor esset pœnæ, sed ut eos qui erant



## ARTICULUS V.

erant pœnæ obnoxij liberaret, Descendit ergo ut victor ad profligandos dæmones, & ex eorum custodia iustos liberandos. Solus *inter mortuos liber*, Psal: 87.

QUÆSIER. Cum Christus ut homo fuerit crucifixus & mortuus, quomodo in symbolo de eodem dicitur. Descendit ad inferos, cum homo non descenderit? R. Idem descendere dicitur ad inferos & sepultus, qui crucifixus erat & mortuus: non ratione naturæ humanæ, quia non erat tunc homo, sed ratione personæ diuinæ, cui & corpus in sepulchro, & anima in inferno vnita fuit.

## CATECHESIS II.

### DE FRUCTU DESCENSUS CHRIS- TI AD INFEROS.

Sicut Corpus Christi cum fructu nostro in sepulchro positum fuit, pariter anima absq; nostra utilitate ad inferos non descendit. Corpus quidem sepultum dum resurrexit, nostræ resurrectionis primitias dedicauit: anima verò quâ nostra utilitate ad inferos descenderit, in ista Catechesi aperietur, in qua tria audiet Christianus.

I. Cur descendit ad inferos?

II. Quid Christi descensus antiquis contulit?

III. Quibus in inferno nihil contulit?

### QUANTVM AD PRIMVM.

CHRISTIANE, descendens Christus ad inferos, ibi detentis, fructum suæ passionis exhibuit, nobisque multum profecit. Primò quidem quia nos ab illo descensu liberauit, quod ponderans Gregor. dicit. Dum Conditor & Redemptor noster claustra inferni penetrauit, electorum exinde animas eduxit, nosq; illò ire non patitur, unde iam alios descendendo liberauit. Antea enim etiam sanctis-



sanctissimi quique post mortem in infernum descendebant. Redemptor ergo noster sicut morte sua nos à morte liberauit æterna, ita descensu suo ad inferos nos liberauit ne eò descendamus. DEINDE. per descensum perfectè subuenit amicis suis, quos in inferno habuit, qui illuc cum charitate & fide venturi discesserant, quorum principalis erat Abraham Pater credentium, qui desiderabat aduentum Christi Ioan: 8. *Abraham exultauit ut videret diem meum.* Quoniam igitur Christus visitauit suos in mundo per natiuitatem, & subuenit eis per mortem, ita visitauit suos qui erant in inferno, & subuenit eis per descensum. Quanto verò deuotionis affectu tum illæ animæ venientem Christum salutarent, canitur in Ecclesia. *Aduenisti desiderabilis quem expectabamus ut educeres vinculos de claustris.* PRÆTEREA, per descensum ostendit potestatem suam in inferno, ipsum visitando & illuminando, sicut & in terra ostendit potestatem viuendo, signa operando & moriendo, ita in inferno ostendit potestatem ut ibi adoraretur Philip. 2. *Ut in nomine IESU omne genu flectatur, cælestium, terrestrium, & infernorum.* Sed quispiam inficiabitur &

DICET. Sancti nulli erant in inferno ante Christi mortem, erant enim in paradiso, id est in cælo, nam Eccl. 44. de Enoch dicitur. *Placuit Deo & translatus est in paradysum.* de Elia quoq; 4. Reg: 2. *Ascendit Elias per turbinem in cælum.* Quomodo ergo Christus suo descensu in infernum aliquem fructum eis attulit? & Ante descensum Christi in infernum, nullus sanctorum aut in paradiso, aut in cælo fuit, id enim significabat illa eiectio Adæ ex paradiso post peccatum, idq; manifestè docet Apost: Hebr. 9. dicens nondum propalatum fuisse viam sanctorum. Et cap: 11. dùm enumerat sanctos ante mortem Christi mortuos, dicit. *Hæ omnes testimonio fidei probati non acceperunt repromissionem.* Verùm in descensu Christi ad inferos paradysum obtinuerunt, id est lumen gloriæ viderunt, ac in ascensione Christi in cælum deducti sunt, Psal.



67. & Ephes. 4. *Ascendens in altum captiuam duxit captiuitatem.* Enoch autem dicitur translatus in paradysum, id est in locum aliquem segregatum ab hominibus, in quo tranquillissimam agit vitam, tanquam in vmbra paradisi. Elias quoq; ascendit in coelum, non æthereum sed æreum, vnde & volucres coeli dicuntur, per àera volantes.

### QUANTVM AD SECVNDVM.

**C**hristiane, Sicut intellexisti, quòd antiqui sancti per hoc detinebantur in inferno, quòd eis ad vitam gloriæ aditus non patebat propter peccatum primi hominis, (nam huius peccati pœna mors corporalis & exclusio à vita gloriæ) ideo Christus descendens ad inferos virtute suæ passionis ab hoc reatu illos absoluit, quo erant à vita gloriæ exclusi. Ideo suo descensu & aduentu contulit eis, vt statim DEUM per essentiam viderent, in quo consistit perfecta hominis beatitudo. Contulit eis solutionem à dolore quem patiebantur ex dilatione gloriæ, desiderio enim magno angebantur, iuxta illud Psal: 40. *Quemadmodum cervus desiderat ad fontes aquarum, ita desiderat anima mea ad te Deus.* Contulit eis, quia inde eos liberauit & eduxit de lacu in quo non erat aqua, traduxit confidenter exspoliens principatus & potestates, id est exspoliens dæmones suâ potestate, dominio & tyrannide, traduxit ex illis locis subterraneis sanctos Patres, Adam, Abel, Abraham, Isaac, Iacob, Moysen, David. & alios qui desiderabant descensum eius.

**QVÆSIER.** Cum in inferno nemo detineatur nisi propter peccatum, & sancti illi adhuc viuentes per fidem venturi Messis, iam à peccato liberati & iustificati fuerunt, quomodo illi in inferno detinebantur, vt per descensum Christi inde liberarentur? **R.** Equidem illi Sancti antiqui adhuc viuentes liberati sunt à peccato tam actuali quàm originali per fidem venturi, liberati item erant à reatu pœnæ actualium peccatorum, non tamen à reatu pœnæ originalis peccati, per quod exclu-



excldebantur à vita gloriæ, nondum soluto pretio redemptionis humanæ; sicut nunc qui baptizantur liberantur à reatu actualium peccatorum, & à reatu originalis, quia illis aperitur ianua cœlestis, obligantur tamen reatu originalis quantum ad necessitatem moriendi corporaliter.

## QUANTVM AD TERTIVM.

**C**hristiane, vt *DEum timeas, mandata eius serues, hoc est enim omnis homo*: scito Christum in descensu ad inferos damnatis nihil consolationis attulisse, sed eos in pœnis perpetuis relictos de malitia eorum confutasse: quod Petrus commemorans dicit. *His, qui in carcere erant spiritibus veniens prædicauit, qui increduli fuerant aliquando.* Ratio, quia illi nullam fidem charitate formatam in Christum habentes, iam æternis pœnis gehennæ addicti sunt. Christi autem passio tantum illis proficua fuit, qui eidem passioni coniuncti fuerunt per fidem charitate formatam, per quam peccata tolluntur: proinde in peccatis manētes Passionis Christi participes non fuerunt. Nam quamdiu peccatum manet, tamdiu reatus pœnæ; in damnatis semper manet peccatum, quod non alia ratione potuit aboleri nisi per pœnitentiam, cuius locus non est in damnatione. Et propterea Osee: 13. Christus dicitur mortem quidem extinxisse, infernum autem momordisse, id est, quia *Christus mortem destruxit in sua resurrectione inchoatiue in fine mundi destruet consummatiue*, vt dicit Lyrans: de quo Isai: 25. *Præcipitabit mortem in sempiternum.* Infernum autem momordit, quia educendo inde electos, reprobos seu damnatos ibi reliquit, partem ergo inferni abstulit, & partem reliquit. **DEINDE.** Nec infantes cum solo originali decedentes, quidquam consolationis tunc receperunt: eadem de causa, quia peccatum illud non potuit aboleri nisi per fidem, quâ illi carentes peccatum perseueravit, peccato perseuerante liberationis incapaces. Porro animas in purgatorio existentes liberauit Christus descensu

Ecclesiæ 12.

1. Petri 3.



## ARTICULUS V.

suo, quæ iam sufficienter purgatæ erant, & quæ adhuc viuentes per fidem & deuotionem ad mortem Christi meruerunt, vt eo descendente liberarentur, qualis erat anima latronis. Quæ verò nondum plenè purgatæ erant, eas reliquit, vt quadrantem vltimum exsoluerent. Sed hîc aliquis argutus.

DICET. Aut Christus suo descensu infantes & damnatos potuit liberare aut non potuit? si potuit & non liberauit, inuidus, quod absit cogitare, quia ab optimo longè est inuidia. Si non potuit; non est operatus virtute diuinitatis. &c. Quod Christus virtute diuinitatis suæ in descensu nec damnatos, nec infantes liberauit, nec inuidiam nec impotentiam arguit, sed vt leges æternæ iustitiæ inuiolatæ custodirentur, quæ infringerentur liberatis ijs, qui iam in perpetuum obfirmati sunt in malo. Sed huius doctrinæ accipe Christiane morale.

## COROLLARIUM.

Cum audis Christum ad inferos descendisse, & inde electos suos liberasse: reprobros & damnatos de sua malitia confutatos in æternis cruciatibus reliquisse; discce quid sit tibi agendum, ne in illud æternæ desperationis barathrum decidas. Ante omnia autem debes sollicitus esse de tua salute, eamque cum metu & tremore operari. Et quia Christus pro nostra salute ad inferos descendit, tu crebrius eò descendas, pœnas inferni considerando & mente reuoluendo, quòd iustus peccatoribus exoptat dicens. *Descendant in infernum viuentes; illi enim viui descendunt in infernum* (inquit Ayguanus) *qui hîc viuentes, mentem inclinant ad ipsum meditandum.* Et qui illuc frequenter per cogitationem descendit in vita, non facîle descendet in morte, quia huiusmodi cogitatio retrahit à peccato, dùm in omnibus operibus suis cogitat nouissima. Exinde in omnibus tribulationibus spem firmam in DEO figere debes; *Bonus est enim Dominus sperantibus in eum: nec vnquam deserit sperantes in se.* Cum enim Christus electos amicos suos  
ex il-

Philipp: 2.

Psal: 54.

Eccl: 7.

Thren: 3.



ex illo profundo lacu liberauit, nec te despiciet, si per obseruantiam mandatorum fueris amicus eius. Hac spe vacillantes firmabat ille Mathathias Filios suos. *Cogitate, inquit, per generationem & generationem, quia omnes qui sperant in eum non infirmantur.* Et Psal. 90. *Quoniam in me sperauit liberabo eum, cum ipso sum in tribulatione, eripiam eum, & glorificabo eum.* Postremò fac, memor sis in pœnis purgatorij existentium. Christus descendit ad inferos vt subueniret suis, esto tu quoq; eius mentis vt descendas iuamine & subuenias tuis, qui seipsos iuvare non possunt, sed à te deposcunt auxilium. *Miseremini mei saltem* 1. Machab. 2.  
*vos amici mei.* Iob. 19.

## PARS SECVNDA ARTICVLI V.

### CATECHESIS III.

#### DE CHRISTI RESVRRECTIONE.

**P**OST funestam Passionem, mortem, sepulturam, & descensum ad inferos Domini & Saluatoris nostri Iesu Christi, iam lætissimam eius Resurrectionem ad credendum nobis magnâ constantiâ prædicant SS. Apostoli, præterit humiliatio, succedit glorificatio, prius Dominus noster humiliatus passione, nunc glorificatus Resurrectione; *non enim à mortuis resurrexisset, si mortuus non fuisset*, inquit August. Tract. 104. in Ioan. Et humilitatis merito non caro in sepulchro corrupta est, non anima eius diu in inferno relictâ, sed tertia statim die reuixit ad vitam immortalem, nullam miseriam, nullam mortem passurus amplius. Est autem ea articuli huius sententia (dicit Catech. Paroch.) *postquam Christus Dominus sextâ feriâ, horâ diei nonâ in cruce spiritum emisit, & eadem die vespere sepultus*  
E c 3 est,



## ARTICULUS V.

*est, corpus de cruce depositum, in propinqui horti monumentū illatum, tertio à morte die, qui fuit Dominicus summo mane illius anima corpori iterum coniuncta est, atq; ita è sepulchro egressus resurrexit. Vt autem Christianus in fide Resurrectionis Domini nostri, quam Apostoli summo conatu & labore prædicauerunt & propter eam prædicationem persecutiones passi sunt, distinctè instruat, in ista Catechesi tria proponentur.*

- I. Quàm certa fides Christi Resurrectionis.*
- II. Quòd resurrexit secundum scripturas.*
- III. Aliter quàm alij resurrexit.*

## QUANTVM AD PRIMVM.

**C**hristiane, ad hoc se fides tua debet extendere, vt credas Crucifixum & mortuum verè resurrexisse, hinc Augustinus admiratus huius articuli fidem d. *Non magnum est credere quia mortuus est Christus, hoc & pagani & Iudei, & omnes iniqui credunt, hoc omnes credunt quia mortuus est, fides Christianorum, resurrectio Christi est, hoc pro magno habemus quia credimus eum resurrexisse.* Intende Christiane vox ipsa resurrectionis erectionem eius quod ceciderat significat. Christum resurrexisse à mortuis post funestam eius passionem & mortem certissima firmissimaq; fide credimus & confitemur; non ad infinitam eius ubiq; præsentem Deitatem non etiam ad immortalem animam, resurrectionem referimus, sed ad corpus eius quod crucifixum, mortuum & sepultum erat, licet per communicationem idiomatum totus Christus resurrexisse dicatur. Certificamur & firmamur in fide Domini nostri veræ resurrectionis. Primò quidem constanti doctrina Ecclesiæ & Apostolorum, nam propter hanc constantem doctrinam multi passi sunt Apostoli, ipsam deniq; mortem, cum & Paulus se à Iudæis iudicari & pati persecutionem propter hanc vnam vocem fuerit protestatus. *De resurrectione, inquit, mortuorum ego iudico.*

Act: 23.

DEIN-



DEINDE certificamur Angelorum testimonio hanc ipsam resurrectionem annuntiantium, ut palam est apud Euangelistas, qui & locum sepulture Dominicæ iam vacuum corpore mulieribus demonstrabant. Et quod maximum est certificamur argumentis ab ipso Christo Domino inductis, tum quia scripturis suam resurrectionem probauit, Luc. 24. *Oportebat, inquit, impleri omnia quæ scripta sunt in lege, & Psalmis & Prophetis de me*, tum quia sensibilibus signis rem euidenter demonstrabat, ostendendo eis manus & pedes conclauatos, tum latus lanceâ transfixum, inde Act. 1. d. *Per dies quadraginta apparens eis & loquens de regno Dei*, in multis argumentis, in Græco ponitur. *ἐν πολλοῖς τεκμήροις* iam. verò *τεκμήριον* apud Aristot. lib. 1. Rhetor. *est signum euidentius ad probandum*, his autem probauit signis Christus Apostolis suam resurrectionem.

QUESIER. Quoniam Resurrectio Christi est causa credulitatis nostræ, & credulitas nostra causa salutis, si Christus euidentibus signis probauit resurrectionem suam, quomodo illa causa credulitatis non apparentium & salutis nostræ? R. De vera credulitate, merito eius & salute nihil detrahunt huiusmodi signa quibus firmamur in credulitate iam ante signa habita. Quod si verò quis nolit credere nisi per huiusmodi signa, minuitur de eius credulitate, merito & salute, quod coram regulo exaggerabat Dominus Ioan. 4. *Nisi, inquit, signa & prodigia videritis non creditis.*

### QUANTVM AD SECVNDVM.

CHRISTIANE, non ex improviso & insperatè Christus resurrexit à mortuis, verum secundum oracula scripturarum, quod prima Synodus Constantinopolitana verbis huius articuli addidit dicens. *Et resurrexit secundum scripturas*, recapitulat Apostolus 1 Cor. 15. *Tradidi, inquit, vobis quod & accepi, quoniam Christus mortuus est pro peccatis nostris secundum scripturas, & quia sepultus est, & quia resurrexit tertia die secundum scri-*



scripturas. Multifariam scripturæ testabantur Christum. à mortuis resurrecturum. Psal. 3. *Ego, inquit, dormivi & soporatus sum & exurrexi, quia Dominus suscepit me:* in quibus verbis prædicit Christus per Prophetam mortem, sepulturam, & resurrectionem suam. Mortem prædicit per dormitionem significatam, sicut enim in dormitione omnes sensus quiescunt à laboribus, ita in morte omnia cessant. Per soporem significatur sepultura Christi, sopor enim est suavis quies, & Christus suauiter sepultus, cuius sepulchrum gloriosum. De resurrectione manifestè loquitur. *Et exurrexi, quia Dominus suscepit me:* quem DEUS suscitavit. Illud quoq; Amos 6. vaticinium est de Christi resurrectione. *In die, inquit, illa suscitabo tabernaculum David quod cecidit, & hoc sensu locum istum, Apostoli Act: 15. in illo Ierosolymis concilio sunt interpretati. Cecidit tùm tabernaculum David cùm Christus crucifixus esset mortuus; tabernaculum, inquam, illud, de quo Iudæis dictum est, Soluite templum hoc: suscitatum tabernaculum in eius resurrectione. In tribus, inquit, diebus suscitabo illud; dicebat autem de templo corporis sui. Idem mysterium Resurrectionis Domini nostri in Iona præfiguratum præcessit, qui cum tribus diebus & tribus noctibus esset in ventre piscis, triduum mortis & Resurrectionis Domini designauit. Ipse Dominus sæpe discipulis suam tertia die Resurrectionem prædicebat: nec vnquam mortis mentionem fecit, quin resurrectionis faceret. Quare vehementer Apostolus 2. Tim: 2. Ephesi. Pastorem. hortatur meminisse huius mysterij. d. *Memor esto Dominum IESUM Christum resurrexisse à mortuis.* Petrus quoq; princeps Apostolorum illam Osee Prophetiam. *Viuisficabit nos post duos dies, & die tertia suscitabit nos, & viuemus in conspectu eius.* volens exponere, d. *Benedictus Deus & Pater Domini nostri IESV Christi qui secundùm magnam misericordiam suam, regenerauit nos in spem viuam, per resurrectionem IESV Christi ex mortuis.**

QUÆSIER. Cùm Christus non potuerit detineri ab inferno & mor-



& morte, dicente Petro Act: 2. *Impossibile erat teneri illum ab eo,* cur usq; ad tertium diem, suam distulit resurrectionem? R. Ad tertium diem non ultra, distulit Dominus suam resurrectionem, ut nos instrueret in fide diuinitatis & humanitatis. Non distulit ulterius, ne de ipsius vera diuinitate dubitarent homines; non præuenit tertium, ne opinarentur non verè mortuum, sed ita temperauit tempus & modum suæ resurrectionis, ut & verus Deus & verus homo, verè mortuus crederetur. Deinde tertia die resurrexit, permanens in sepulchro vna die integra & duabus noctibus, ut ostenderet vna morte sua corporali, quæ fuit ut lux diei propter iustitiam, duas mortes nostras, animæ scilicet & corporis quæ fuerunt tenebræ ut nox propter peccatum, esse destructas.

### QUANTVM AD TERTIVM.

CHRISTIANE, Christus resurrexit à mortuis, & nos resurgemus, eius enim resurrectio nostræ resurrectionis generale exemplar & causa fuit. Aliter tamen ille, atq; nos aliter resurgemus. Primo quidem quia ille tertia die post mortem, nos expectamus ad vltimum diem consummationis seculi: nisi ex priuilegio aliquibus concedatur, ut de B. V. Deipara credimus, de B. quoq; Ioanne Euangelista ait S. Thomas in expositione Symboli. Nam sicut Christus ianuis clausis ad discipulos post resurrectionem intrauit, & sicut salua Virginitate Matris, de eius utero in natiuitate prodijt, ita eum mortuum nec petra in qua iacuit, nec militum custodia retinere potuit. Deinde Christus omnium primus resurrexit; perfecta resurrectione non ampliùs moriturus, ceteri qui ante ipsum mortui surrexerunt, iterum mortui sunt, tam qui à Prophetis, quàm qui ab ipso Domino fuerunt suscitati. Ideo Christus appellatur ab Apostolo *primitiæ dormientium*: appellatur *primogenitus mortuorum* ob eandem causam. Non rectè proinde Iudæi ex illis verbis Deut: 34. *Mortuus est Moyses seruus Dei iubente Domino,* &

Ff

non

Rom: 6.

3. Reg: 17.

4. Reg: 4.

Matth. 9.

Luc: 7.

Ioan: 11.

1. Cor: 15.



Apoc. 1.

non cognouit homo sepulchrum eius usq; in presentem diem; inferunt Moysen esse in cœlo corpore & anima: cum manifesta scriptura dicat corpus eius in valle terræ Moab sepultum, ipsum tamen occultatum Iudæis, quod etiam epistola Iudæ Apostoli significat. Adhuc Christus propria virtute resurrexit; nullus autem hominum propria virtute resurgit, sed virtute diuina resuscitatur, ideo Christi resurrectio, propriè resurrectio dicitur, nostra non propriè resurrectio sed resuscitatio. Chri-

Ioan: 10.

stus sicut propria potestate posuit animam, ita propria potestate eandem resumpsit. Nemo, inquit, tollit à me animam meam; sed ego pono eam, & iterum sumo eam, & potestatem habeo ponendi eam, & potestatem habeo iterum sumendi eam. Eandem potestatem ostendebat cum Iudæis Ioan: 2, loquens. Soluite templum hoc, & in tribus diebus excitabo illud. Apostolus quoq; 2. Cor. 13. attestatur dicens. Et si crucifixus est ex infirmitate, sed uiuit ex virtute Dei, id est ex potentia diuinitatis, quæ quoniam nec à corpore in sepulchro, nec ab anima cum ad inferos descendisset seiuncta vnquam fuit, eius virtute & corpus resumpsit animam, quam deposuerat, & anima corpus quod dimiserat, & sic Christus propria virtute resurrexit, vnde eius resurrectio nostræ resurrectionis causa efficiens instrumentalis, D E U S in mysterijs redemptionis nostræ, humanitate Christi tanquam

1. Cor. 15.

efficienti instrumento ad omnia vsus est, vnde dicit Apostolus, per hominem mors, per hominem resurrectio mortuorum. PRÆTEREA, resurrectio Christi quæ fuit perfectissima, exemplar est nostræ resurrectionis corporis & animæ; corporis quidem, nam sicut corpus Christi resurgens ad gloriam, & immortalitatem immutatum est, ita corpora nostra nunc infirma, gloriâ & immortalitate ornata restituentur. Philipp. 3. Saluatorem expectamus Dominum nostrum IESVM Christum, qui reformabit corpus humilitatis nostræ, configuratum corpori claritatis suæ. Exemplar etiam resurrectionis animæ à peccatis. Nam quomodo Christus resurrexit à mortuis per gloriam Patris, ita & nos in nouitate vitæ ambulemus: id est

Rom. 5.



est in sanctitate & iustitia coram ipso omnibus diebus vite nostrae, ut non relabamur amplius in peccata. Luc. I.

QUÆSTIONES. Si Christus primus resurrexit perfecta resurrectione, quid de illis sentiendum, qui moriente Christo resurrexerunt, ut Matth. 27. d. *Monumenta aperta sunt, & multa corpora sanctorum qui dormierant surrexerunt.* Si moriente Christo surrexerunt, ante ipsius resurrectionem surrexerunt, si ante eius resurrectionem, aut perfecta aut imperfecta resurrectione. Non imperfecta, quia si iterum morerentur, magis illis esset tormentum, quam si non resurgeret. Si verò perfecta, quomodo Christus primitiæ dormientium? R. Illi qui resurrexerunt in testimonium resurrectionis Dñi, iterum mortui sunt, docet S. Thom. proinde non præcesserunt Dominum perfecta resurrectione, de quo Hieron: *Sicut, inquit, Lazarus resurrexit, sic & multa corpora sanctorum resurrexerunt, Lazarus autem resurrexit iterum moriturus, ita & illi.* Neq; existimandum in tormentum illis cessasse quòd iterum mortui erant, nam placida morte tales vitam finiunt. Quòd si ei sententiæ quis subscribere velit, ut dicat non fuisse amplius mortuos, ergo Christus non est primitiæ dormientium? respondebis est, quia ipsi non resurrexerunt nisi post Christi resurrectionem, quia & post Christi resurrectionem venerunt in sanctam civitatem & apparuerunt multis ut ibi dicitur, prior tamen sententia probabilior. 3. p. 953. a.  
3. 2m.

## CATECHESIS IV.

## DE QUALITATE CHRISTI RESURGENTIS.

**C**Redimus Christum resurrexisse à mortuis, in eoq; opus nostræ redemptionis consummasse, quod hactenus fide & spe gerimus, cuius resurgentis dum qualitates consideramus, tria in ista Catechesi ponderabimus.



- I. *Quod Christi Corpus post resurrectionem fuit verum Corpus.*
- II. *Quod gloriosum fuit.*
- III. *Quare cicatrices retinuit?*

### QVANTVM AD PRIMVM.

CHRISTIANE, Fides Catholica te credere docet, corpus Christi post resurrectionem verum fuisse corpus, eiusdem naturæ sicut fuit ante passionem. Id in primis ipse Dominus docuit, quem discipuli post resurrectionem in medio stantem, videntes, conturbatiq; ac conterriti spiritum se videre existimantes, ipse Dominus veritatem sui corporis manifestat dicens. *Videte manus meas & pedes quia ego ipse sum, palpate & videte quia Spiritus carnem & ossa non habet, sicut me videtis habere.* Quia igitur ad veritatem naturæ humani corporis pertinent ossa, carnes & alia huiusmodi, cum quibus omnibus se resurrexisse Dominus discipulis testatus est, non est illud dubium, quia corpus eius post resurrectionem, verum fuerit humanæ naturæ corpus. Deinde discipuli quoq; confessi sunt experimento Dominum verè resurrexisse & Simoni apparuisse, quis iam dubitet verum corpus eius fuisse? neq; potuisset esse vera resurrectio, nisi corpus resurgens, fuisset verum corpus, eius naturæ sicut prius. PRÆTEREA, Si inconueniens fuit Christum in natiuitate aliud corpus assumere quam corpus humanæ naturæ, non enim fuisset verus homo, certè multo magis inconueniens, non idem corpus cum quo natus erat resumere, ut qui corpus in resurrectione resumpsit ad vitam immortalem, quod in conceptione assumpsit ad vitam mortalem. INSUPER, veritas naturæ corporis est ex forma, qua in esse constituitur & perficitur: anima autem Christi in resurrectione iterum vnita est corpori, tanquam formalis eius perfectio, ve-

rita-



ritatem. igitur humanæ naturæ corporis in resurrectione evincit.

QUÆSIER. cum sit extra controversiam, post resurrectionem corpus Christi fuisse verum. corpus humanæ naturæ, quomodo igitur potuit clausis ianuis ingredi ad discipulos: non enim datur dimensionum penetratio, nec duo corpora simul in eodem loco esse possunt: tunc autem necesse fuit corpus Christi cum ianuis clausis quibus intrabat in eodem esse loco? *g.* Aliud de corpore aliâs naturali sentiendum, atq; aliud de corpore glorioso, & adhuc aliud de corpore Christi. Corpus quodcumq; naturale cum alio corpore simul in eodem loco naturaliter esse non potest, supernaturaliter autem nihil prohibet virtute diuina, ut *camelus etiam per foramen acus transeat*, corpus verò gloriosum ex indita sibi qualitate subtilitatis, ad instar spiritus alia corpora penetrat & peruadit, ait Damasc. Corpus tandem Christi, præter hoc, ex virtute diuinitatis vnitæ, sicut ex utero clauso Virginis adhuc mortale exijt, ita in gloria resurrectionis, & ex sepulchro non aperto, & ad discipulos clausis ianuis introiuit, ita enim August. *Moli corporis in quo diuinitas erat ostia clausa non obliterunt, ille quippe eis non apertis intrare potuit, quonâscente Virginitas Matris inuolata permansit.* In eadem sententia Gregor. Homil. 26. in Euangel. Corpus, inquit, Domini cum ad discipulos ianuis clausis introiuit, quod ad humanos oculos per natiuitatem suam clauso exijt utero Virginis. Et confirmat à loco minorum. *Quid mirum si clausis ianuis post resurrectionem suam in æternum iam victurus intrauit, qui moriturus veniens non aperto Virginis utero exijt.*

Matth: 19.

Marc: 10.

Luc. 15.

Lib: 4. c. 28.

Tract: 121.  
in Ioan.

## QUANTVM AD SECVNDVM.

CHRISTIANE, quia ad immortalem vitam Christus resurrexit, ita ut iam non moriatur, glorificata carne resurrexit, cuius prognosticum signum erat, claritas vultus in transfiguratione sicut sol facie eius resplendente. DEINDE. Si Sanctorum cor-

Rom: 6.

Matth: 17.



pore resurgent gloriosa, quod scripturæ promittunt. Sap. 3. Fulgebunt iusti & tanquam scintille in arundinetis discurrent. Daniel. 12. Qui docti fuerunt fulgebunt sicut splendor firmamenti, & qui multos erudiunt ad iustitiam tanquam stellæ in perpetuas eternitates. Matth. 12. Tunc iusti fulgebunt sicut sol in regno Patris eorum. Et quia causa potior est causato, & exemplar exemplato, corpus Christi quod est causa & exemplar gloriæ Sanctorum, multo magis gloriosum resurrexit, à quo claritatem habitura sunt corpora nostra. PRÆTEREA, Anima gloriosa deriuat gloriam in corpus. August. epist. 56. Tam potenti natura Deus fecit animam, ut ex eius plenissima beatitudine redundet in corpus plenitudo sanitatis, id est incorruptionis vigor. Proinde anima Christi gloriosa in resurrectione, suam gloriam in corpus derivabat. Quod verò hæc Christi anima ab instanti conceptionis gloriosa per fruitionem perfectam diuinitatis, non deriuabat ante passionem gloriam in corpus, dispensatiuè factum est, donec mysterium nostræ redemptionis sua passione impleret: tamen in resurrectione peracto opere nostræ redemptionis ab anima redundabat gloria in corpus.

QUÆSIT. Corpora gloriosa habitura sunt illas quatuor dotes, de quibus I. Cor. 15. scilicet habebunt impassibilitatem, claritatem, agilitatem & subtilitatem; Gloriosum corpus, est clarum & fulgidum: spirituale corpus, cibo & potu non eget: Christus cum resurrexit, manducauit cum discipulis; claritatis fulgor nusquam scribitur visus. Quomodo corpus eius gloriosum fuit post resurrectionem? R. Comestio Christi cum discipulis post resurrectionem, non fuit ex aliqua necessitate aut indigentia, sed ad declarationem veri corporis, neq; cibus ille in eius substantiam vertebatur, sed in præiacentem materiam, ait S. Thomas. Claritatem corporis sui post resurrectionem non legitur ostendisse discipulis, vel ne dubitarent ipsum esse, qui passus fuerat, vel quia fulgorem & claritatem illam, ad futuram vitam illis reservabat, quam tunc videre non

h. p. q. 51.

q. 3. 5m.



non poterant, vel quia non omnia scripta sunt. Canit etiam Ecclesia in hymno de Apostolis. *Luce fulgentem noua IESVM vident Apostoli, in carne Christi vulnera micare tanquam sidera mirantur.* Poterat ergo esse, vt viderent aliquatenus Apostoli fulgorem Corporis Christi quamvis scriptum non sit.

### QUANTVM AD TERTIVM.

**C**hristiane, Quæ passus est pro nobis Dominus & Saluator noster vulnera, eorum cicatrices in corpore resurgens retinuit, idq; ob iustas rationes, ait Haymo. *Quod cicatrices non aboleuit, non fuit impossibilitatis sed pietatis: maior est enim carnem suscitare, quàm in ipsa carne passionis vestigia sanare, sed qui potuit quod maior est, utiq; fecisset quod minus est, nisi varias ob causas vestigia passionis in ipsa carne reliquisset.* S. Leo ferm. 2. de Ascensi dicit. *Ad sananda infidelium cordium vulnera, clavorum & lanceæ erant seruata vestigia.* S. Thomas 3. p. q. 54. art. 4. certas congruentias assignat. Primò propter gloriam suam, vt videlicet in perpetuum suæ victoriæ circumferat triumphum, id est, quod fuerit gloriosus victor diaboli, mortis & mundi. Apoc. 6. *Exiuit vincens vt vinceret.* Similibus triumphis lætabuntur SS. Martyres, lib. 22. de Ciuit. c. 10. August. d. *Fortassis in illo regno, in corporibus Martyrum vulnorum cicatrices, quæ pro Christi nomine pertulerunt fulgebunt, non enim deformitas in eis sed dignitas erit.* Tum propter confirmandos discipulos in fide resurrectionis, si enim fuerunt tardi ad credendum, etiam videntes fixuras clavorum, quantò tardiores fuissent non videntes? Tum etiam cum sit aduocatus noster, exhibet Patri cicatrices nostram causam apud ipsum agens, de quo Rom. 8. *Christus IESVS qui mortuus est, immò qui & resurrexit, qui est ad dexteram Dei, qui etiam interpellat pro nobis.* Hebr. 7. *Semper viuens ad interpellandum pro nobis.* Et quanquam. *Pater diligit filium, & omnia dedit in manu eius; qui omnia dat cum Patre secundum diuinitatem, vt tamen efficacius ad misericordiam* pro-

Ioan: 3.

1. Ioan: 2.



prouocet Patrem, exhibet ei signa passionis suæ, secundum humanitatem. Semper ostendit quale genus mortis pro homine pertulerit, inquit S. Thomas. Tum ut ostendat redemptis, quam misericorditer ab ipso sint adiuti, dum illis proponit mortis iudicia. POSTREMO quia veniens in iudicio, in eadem forma apparebit omnibus, iustis & iniustis. Et iusti quidem videntes quanta pro illorum redemptione sustinuerit, in laude eius & gratiarum actione proficient, iniusti verò eò manifestius ingritudinis conuincuntur, & grauius punientur, quāto indignius larga Dēi beneficia contempserunt. Apoc.

1. *Eccē venit in nubibus, & videbit eum omnis oculus, & qui eum pupugerunt.* Hinc August: lib. 2. de Symbolo ad Catech. cap. 8. *Sciebat quare cicatrices in corpore suo seruaret. ita inimicis suis vulnera demonstraturus est sua, propter quod dictum est, per Prophetam. Videbunt in quem pupugerunt, & conuincens eos veritas dicet. Ecce hominem quem crucifixistis, ecce hominem & Deum in quem credere nolulistis, videtis vulnera quæ infixistis, agnoscitis latus quod pupugistis, quoniam & per vos, & propter vos apertum est, nec tamen intrare volulistis, qui non estis redempti pretio sanguinis mei, non estis mei, discedite à me in ignem æternum, qui præparatus est diabolo & angelis eius.*

QUÆSIT. Si Christus ideo cicatrices retinuit, ut tanquam Advocatus repræsentet Patri, nunquid ergo in cœlo pro nobis orat? Ratio dubitandi, quia ex vna parte & scripturæ & Patres dicunt orare Christum in cœlo, scripturæ, Ioan: 14. *Ego rogabo Patrem, & alium Paracletum dabit vobis, & alix quæ supra sunt allatæ.* Ex altera parte quod non oret amplius, inde probatur, quia facere potest omnia, secundū datam sibi omnē in cœlo & in terra potestatem. &c. Itaq; orat Christus in cœlo non propriè sumpta oratione, cum pro suo arbitrio & potestate accepta possit sine oratione facere, & disponere omnia ad vitam æternam pertinentia. Impropriè tamen orat, seu interpretatiuè repræsentando Patri suam passionem, per cicatrices manentes in corpore. Hinc Chrysost: Homil. 15. ad

Rom.



Rom. Qui desperatos, inquit, & condemnatos propria auctoritate ab illa condemnatione liberavit, & iustos & filios fecit, & ad honores supremos subiecit, & quæ nunquam sperata fuerunt ea ad opus deduxit: is quo tandem modo post omnia à se perfectæ, post naturam nostram in throno regio ostensam ac collocatam, ad ea quæ faciliora sunt intercessionis indigeat? Quod verò promisit se Christus rogaturum, ut daretur Spiritus, Sanctis fidelibus, id ante passionem expleuit. Ioan. 17. orans ad Patrem & dicens. Ego pro eis rogo, non pro mundo rogo, sed pro his quos dedisti mihi. Et ultra. Pater Sancte serua eos in nomine tuo, quos dedisti mihi.

## CATECHESIS V. DE ARGUMENTIS RESURRECTIONIS ONIS CHRISTI.

**S**edulus prædicator, & testis passionis & Resurrectionis Domini nostri Iesu Christi, Petrus Apostolus, cum primum accepisset Spiritum Sanctum, audenter turbis & principibus Iudæorum, de vera eius resurrectione loquebatur, Act. 2. post multa quæ locutus est ad turbas, dixit. Hunc **I E S U M** resuscitavit Deus, cuius omnes nos testes sumus. Et cap. 10. Hunc Deus suscitavit tertia die, & dedit eum manifestum fieri non omni populo, sed testibus præordinatis à Deo, nobis qui manducauimus & bibimus cum illo, postquam resurrexit à mortuis. Etenim sicut natiuitas per certa signa fuit manifestata, non omnibus tamen, non Herodi nec alijs iniquis, sed Pastoribus Simeoni, tribus Magis, & alijs expectantibus redemptionem Israël; ita & resurrectio certis indicijs & testimonijs fuit manifestata: de quibus breuiter in ista Catechesi tria contemplantur Christianus.

I. *Quibus modis manifestata est Resurrectio Christi?*

II. *Quare Christum Resurgentem discipuli non viderunt?*

III.

Gg



III. *Quare non semper cum discipulis conuersatus est?*

QVANTVM AD PRIMVM.

**C**hriftiane, cū scriptura Act: i. dicat, Dominum nostrum post suam resurrectionem, *Per diēs quadraginta apparuisse discipulis in multis argumentis*, scito ipsum sufficienter his argumentis deduxisse suam resurrectionem: ne autem existimes ipsum, rationes evidētes, aut demonstrationes adduxisse, quarum principia nisi nota fuissent discipulis, inutiliter producerentur, cū ex ignotis non possit aliquid notum fieri: si vero notæ eis essent, fidem tamen diuinam, non conciliarent aut astruerent, quæ fides transcendit humanam rationem. Testimonijs itaq; quæ nimis credibilia facta sunt, & signis evidentibus Domini, resurrectio sufficienter probata: duplici testimonio utroq; infallibili, Angelorum quidem, qui mulieribus resurrectionem Domini annuntiauerunt, ut palam est apud omnes Euangelistas, deinde testimonijs scripturæ, quæ ipse Dominus post resurrectionem adducebat. *Incipiens à Moyse & omnibus Prophetis interpretabatur illis in omnibus scripturis, quæ de ipso erant.* Argumenta verò seu signa evidentia Dominus adduxit, tum ex parte corporis, tum ex parte animæ, tum ex parte Deitatis. Ex parte corporis, alia signa sufficienter probabant verum corpus, solidum non phantasticum quia palpandum dedit. Alia ostendebant etiam corpus humanum, veram effigiem humanam oculis exhibendo. Alia astruebant idem numero corpus, post resurrectionem quod ante fuit non aliud, quia cicatrices & signa vulnerum exhibebant. Alia deniq; probabant gloriosum corpus resurrexisse, quia ianuis clausis ad discipulos intrabat, & subito ab oculis eorum evanescebat: nam in potestate gloriosi corporis est videri & non videri, pro ipsius voluntate. Ex parte animæ quæ iterato corpus resumpsit:



rat: Alia signa erant ex parte animæ vegetatiuæ, seu vitæ nutritiuæ, quia cum discipulis manducauit & bibit, nam manducare & bibere proprium est corporis viuentis & animati, Angeli enim licet videantur manducare cum hominibus, illa tamen manducatio non est vera comestio, cum corpus ab Angelo assumptum nec vivum nec animatum sit. Christi autem fuit vera comestio licet illa non eguerit. Alia signa ex parte animæ sensitiuæ, quia cum discipulis loquebatur, audiebat, videbat, ad interrogata respondebat. Alia signa ex parte animæ & vitæ intellectuæ quia de scripturis differebat. Ex parte Deitatis ostendebat signa probantia habere diuinam naturam; sicut enim ante passionem miraculo in capiendis piscibus Luc: 5. probauit se habere diuinam naturam, ita post resurrectionem Ioan: 21. Deinde quia videntibus illis ascendit in cœlum, probauit signo evidenti Act: 1. se Deum esse: & nemo ascendit in cœlum, nisi qui descendit de cœlo.

QUÆSIER. Cur Christus argumentis & signis vsus est ad probandam suam resurrectionem, cum illam sufficienter probarent testimonia tùm Angelorum, tùm scripturarum ab ipso adducta? R. Id duplici causa Christus fecit. Primò vt firmaret corda discipulorum, quæ non erant disposita, vt de facili reciperent fidem resurrectionis, propter quod & increpauit eos. *ô stulti & tardi corde ad credendum.* Et Marc: 16. *Exprobrauit incredulitatem eorum,* deinde signa adduxit, vt per illa tanquam oculis visa, firmitus redderetur testimonium eorum quod perhibebant. 1. Ioan: 1. *Quod vidimus & audiimus, & manus nostræ contrectauerunt, annuntiamus.*

### QUANTVM AD SECVNDVM.

CHRISTIANE, hora resurrectionis Domini latuit discipulos, & ne viderent quando resurgeret, diuinæ sapientiæ consilio factum est, quæ attingit à fine ad finem fortiter, & disponit omnia suauiter. Etenim ea quæ pertinent ad futuram gloriam, com-



mūnem hominum cognitionem excedunt, Isai: 64. *Oculus non vidit, Deus absq; te, quæ preparasti.* Christus autem non resurrexit ad vitam communem hominibus mortalem, sed ad immortalem & gloriosam, proinde excedebat communem hominum notitiam, nec conueniebat ab hominibus videri dū resurgeret; Angelis autem hora resurrectionis fuit manifesta, quia beati sunt, & illi hominibus id ipsum tanquam pro hominibus factum annuntiauerunt, mulieres admonentes de resurrectione, sicut pastores de natiuitate. *Id enim habet diuinus ordo, vt ea quæ supra homines sunt, hominibus per Angelos nuntientur,* ait Dionys: cap. 4. coelesti hierarch. Nam qui aliquando resurgebant ad vitam mortalem, facile ab hominibus videbatur eorum resurrectio: Christi autem resurrectio quia gloriosa, ab hominum oculis abscondita. Matri tamen suæ Virgini, illicō apparuisse ante omnes homines vt resurrexit piè credendum, vnde Sedulius canit. *Semper Virgo manens, huius se visibus astant, luce palam Dominus prius obtulit.* Potest etiam dici in pœnam dubitationis discipulorum factum, quod non viderint resurgentem, vnde nec postea præsentem videntes agnouerunt, sed ambigui dixerunt. *Nos sperabamus quod ipse redempturus esset Israël,* eam quoq; ob causam Thomæ diu non apparuit, quia diu dubitauit.

QUÆSTIO. Cur ascensionem ipsam viderunt discipuli & resurrectionem non viderunt, siquidem vtraq; pariter sublimis & ad certitudinem fidei habendam ordinabatur? R. Resurrectio magis excedebat communem hominum cognitionem quàm Ascensio, ideo hanc viderunt non illam. Et licet Ascensio quoq; quantum ad terminum Ad quem, & ipsa transcendebat communem hominum cognitionem, propterea non viderunt discipuli quando recipiebatur Dominus in ipsis cœlis, quia *nubes suscepit eum ab oculis eorum,* tamen quantum ad terminum, A quo, non transcendebat, ideo viderunt discipuli quando eleuabatur à terra. Resurrectio autem quantum ad



ad vtrumq; terminum excedebat communem hominum cognitionem, ideo ipsam non viderunt. Et primò quantum ad terminum Ad quem, transcendebat, quia ad vitam gloriosam resurgebat, similiter quantum ad terminum. A quo, id est quando anima redijt ab inferis, & corpus clauso sepulcho exijt.

### QUANTVM AD TERTIVM.

**C**hrisiane, duo sunt manifesta de Domini resurrectione. Vnum quòd crebro discipulis apparebat, Alterum quòd non semper nec continuò cum ipsis conversabatur. Apparebat inquam frequenter: non semper cum ipsis conversabatur: cognitus à discipulis *in fractione panis, ipse evanuit ab oculis eorum.* Quid mysterij in facto, considera, duo enim volebat Christus nota esse discipulis, vnum quòd vere resurrexit, alterum quòd ad vitam gloriosam resurrexit. apparebat itaque frequenter discipulis, vt crederent eum verè resurrexisse. deinde vt trepidos consolaretur, qui propter motum Iudæorum clausi manebant, & ideo lætificabantur videntes Dominum. Ne verò existimarent ad mortalem iterum vitam sicut prius erat, resurrexisse, ideo non semper nec continuè cum ipsis conversabatur. Tum etiam nolebat in terra continuo cum ipsis conversari, quia id in futurum eis disponebat, & promittebat Ioan. 16. *Iterum videbo vos, & gaudebit cor vestrum, ibi erit continuïtas sine fine.*

**Dices.** Sufficiebat discipulis illa notitia quam acceperant in Ascensione Domini, de ipsa eius resurrectione, quòd ad immortalem & gloriosam vitam resurrexerit: sciebat enim quòd iam in æternum in gloria Patris victurus, in cœlum ascendit: vt quid ergo necesse fuit non continuò cum ipsis conversari post resurrectionem, vt appareret ad immortalem vitam resurrexisse? & Non solum in ascensione, sed ante etiam, post ipsam resurrectionem oportebat discipulos in ea fide instrui,



quòd ad immortalem vitam resurrexit, in qua fide iterum in ipsa ascensione fortius fuerunt roborati. Sed iam huius quoq; partis secundæ, articuli quinti Symboli Apostolorum, sit morale.

### C O R O L L A R I U M.

**S**icut omnis Christi actio est nostra instructio, ita ex eius resurrectione instructio datur Christiano. ut ita resurgat à morte peccati, sicut Christus à morte corporis. Et primò quidem Christus qui mortuus erat resurrexit, tu satage spiritualiter à morte animæ resurgere per pœnitentiam ad vitam iustitiæ. *Beatus enim qui habet partem in resurrectione prima, quia in eo mors secunda non habet potestatem.* Deinde Christus cito resurrexit quia die tertia, ita tu quoq; *ne tardes conuerti ad Dominum, & ne differas de die in diem*; die tertia resurge, habes enim tres dies pœnitentiæ, primus contritionis, secundus confessionis, tertius satisfactionis. Ne ergo differas ad quartum diem qui est mortis; est enim huiusmodi procrastinatio periculosa: *ne gloriëris in crastinum ignorans quid superuentura pariet dies.* Et ille qui ad ægritudinis tempus differt pœnitentiam, magnis se implicat difficultatibus, nam gravatus infirmitate vix aliquid cogitare potest ad salutem necessarium: tum etiam perdit magnam partem bonorum quæ fiunt in Ecclesia, quorum propter obicem, peccati particeps fieri non potest: multa etiam mala incurrit ex diuturna in peccato perseverantia, inhabituatur enim in malo, debilis & tardus ad bonum efficitur: quin etiam *diabolus quantò diutius possidet, tantò difficilius dimittit* ait Beda. Præterea Christus resurrexit ad vitam immortalem & incorruptibilem, ita tu per pœnitentiam oportet resurgas ad vitam incorruptibilem, ne amplius corruptelam peccati incurras & moriaris, in quo sedulò monet Apostolus. *Existimate vos mortuos esse peccato, viuentes autem Deo in Christo IESV Domino nostro, non ergo regnet peccatum in vestro mortali corpore, ut obediatis concupiscen-*

*Apoc: 20.*

*Ecccl: 5:*

*Prov: 27.*

*Rom: 6.*



*piscentijs eius, sed neq; exhibeatis membra vestra arma iniquitatis in peccato, sed exhibete vos Deo tanquam ex mortuis viuentes. Postremo Christus resurrexit ad vitam gloriosam corpore iam glorificato, ita tu peractâ pœnitentiâ omnia illa deuities & fugias, quæ fuerunt causa & occasio peccati. Quomodo Christus resurrexit per gloriam Patris, ita & vos in nouitate vitæ ambulemus.*

# ARTICVLVS

## SYMBOLI VI.

Ascendit ad cœlos, sedet ad dexteram Dei  
Patris Omnipotentis.

**F**ides nostra Christiana, non solum se extendit ad veram Christi Deitatem, quam à Patre per æternam accepit generationem, non solum ad Incarnationem & ex Virgine Natiuitatem, non solum ad passionem, mortem & resurrectionem, verum etiam ad ascensionem in cœlum, & sessionem ad Patris dexteram; quod in hoc articulo sexto symboli, Apostoli Sancti nobis credendum & confitendum tradiderunt, scilicet quod ille qui crucifixus erat, mortuus & sepultus, post resurrectionem suam, in cœlum ascendit atq; *in dextera sedet maiestatis in excelsis*. Quoniam verò iste etiam articulus duas continet partes, vna est de ascensione, altera de sessione ad dexteram Patris, horum succinctè doctrina subiectis Catechesibus explicabitur. Sit iam articuli huius pars prima, in qua instituitur.

*Hebr. xi*

# CATECHESIS I.

## DE IPSA DOMINI IN COELOS

### ASCENSIONE.

**S**icut propter nos homines Christus descendit de cœlo in  
ter-



terram, ita propter nos de terra ascendit in cœlum: nam qui descendit, ipse est & qui ascendit super omnes cœlos. Cuius ascensio propter nos prædicta Psal: 7. *Exurge Domine Deus in præcepto quod mandasti, & Synagoga populorum circumdabit te, & propter hanc in altum regredere*, Psal: 46. *Ascendit Deus in iubilo*, Psal: 67. *Ascendisti in altum, cepisti captiuitatem*: quia ascendit in cœlum Trinitatis, cœlum Empyreum quod supereminet omnibus cœlis, propter dignitatis excellentiam, cœlum cœlorum nominatur. Hæc igitur Catechesis in tribus expeditur.

- I. *Quàm rationabiliter Christus in cœlum ascendit.*
- II. *Curr non statim post resurrectionem ascendit?*
- III. *Quæ utilitas ex eius ascensione?*

#### QUANTVM AD PRIMVM.

CHRISTIANE, rationabilissimum summeque conveniens fuit Saluatorem nostrum perfecto iam & absoluto redemptionis nostræ mysterio, ut homo est, in cœlum corpore & anima ascendere, ait Catechis. Paroch. Tùm quia sibi cœlum debebatur ex sua natura: est enim naturale, ut vnumquodq; reuertatur illuc, vnde originem trahit; principium autem originis Christi è cœlo à Patre luminum, Ioan: 16. *Exiui à Patre & veni in mundum*. Hinc Nicæni Patres. *Qui propter nos homines, & propter nostram salutem descendit de cœlis*. Tùm quia missus in mundum pugnaturus contra diabolum, quem superauit, mortem in æternum præcipitavit, meruit exaltari super omnia, ideo Apoc: 3. d. *Ego vici & sedi cum Patre meo in throno eius*. Tùm quia ipsi ex sua humilitate cœlum debebatur qui in tantum se humiliavit, ut cum esset Deus & Dominus gloriæ, fieri voluit homo & abijci, atq; formam serui Dominus accipere, & cum esset immortalis & impassibilis, ad mortem crucis se humiliavit; mortuus ad infernum descendit. Ideo meruit exaltari super cœlos, ad dexteram Patris, humilitas enim meritum

Isai: 25.



ritum est exultationis. DEINDE, locus debet proportionari locato, & quanto nobilius est locatum, tanto ei debet nobilior deputari. Corpus Christi post resurrectionem nobilissimum fuit: nam præter hoc, quod unitum fuit Verbo diuino, etiam immortale, impossibile & gloriosum fuit. INSUPER, ascensu Domini in cœlum confirmati sunt discipuli in fide diuinitatis ipsius, & qui antea erant tepidi, iam videntes eleuatum in cœlum omnem tepiditatem & dubitationem deposuerunt, Angelico etiam tunc affatu refocillati & testimonio roborati. *Hic IESVS qui assumptus est à vobis in cœlum, sic veniet, quemadmodum vidistis eum euntem in cœlum.* Sed curiosius fortè.

DIXERIS. Perinde bonum erat Christo manere cum hominibus in terra post resurrectionem atq; in cœlum ascendere, nihil enim illi de nouo ex ascensione accreuit boni. & Tamen si Christo ascensione in cœlum nihil accreuerit quantum ad ea, quæ sunt de essentia gloriæ siue animæ siue corporis, accreuit ei tamen quantum ad decentiam loci, quod etiam quodammodo ad eius gloriam pertinebat.

### QUANTVM AD SECVNDVM.

CHRISTIANE, certis de causis Christum commoratum per dies quadraginta post resurrectionem suam, cum discipulis priusquam in cœlum ascenderet, res ipsa loquitur. Quarum quidem causarum ea est prima, vt veritas resurrectionis comprobaretur, ita enim Gloss. Ord. super Act: 1. d. *Quia per quadraginta horas mortuus fuerat, quadraginta diebus se viuere confirmat:* potuisset enim occasio dari aliquibus dubitandi, si statim vt resurrexit à mortuis abiisset in cœlum, quia verò tanto tempore conversatus est cum discipulis, sæpius apparens eis in multis argumentis, loquens & conuescens, omnis dubitatio veræ eius resurrectionis tollitur. DEINDE hac ipsa mora incolatus, cum discipulis post resurrectionem informat patientiam nostram, quam sæpius ante passionem & exemplo & præce-



pto commendabat: nam futuræ beatitudinis mercedem in patientia nos expectare convenit, quod suadet Apostolus Iacob: 5. *Patientes estote fratres usq; ad aduentum Domini, ecce agricola expectat pretiosum fructum terræ patienter ferens, donec accipiat temporaneum & serotinum.* PRÆTEREA, fecit Dominus propter instructionem & consolationem discipulorum diutius cum ipsis commorando; plurimum enim eius præsentia lætabantur. POSTREMO ista commoratione mysticum numerum Dominus observavit, nam quadraginta diebus pluvia descendit in diluvio generali, quadringentis annis semen Abrahamæ peregrinum fuit in terra Ægypti, qui si dividantur faciunt quadraginta decades: quadraginta annis fuerunt in deserto: quadraginta dierum ieiunio lex divina data fuit: Ninivitarum quadraginta dies poenitentiam egerunt: ipse Dominus quadraginta dies & noctes ieiunavit.

Gen: 7.

Gen: 15.

Num: 14.

Deut. 9.

Ionæ. 3.

Marth. 4.

QUÆSIER. remorari à consecutione debiti sibi boni, est onerosum, Christi corpori glorioso post resurrectionem debitum erat bonum, ut illicò ascenderet in cœlum: an non erat ei onerosum quadraginta diebus in terra commorari? R. Non erat, tam enim bene se habuit cum esset in terra atq; cum ascendisset in cœlum, ubiq; gloriosus fuit, commoratus autem Dominus quadraginta diebus in terra, ob rationes iam dictas.

### QUANTVM AD TERTIVM.

CHRISTIANE, tibi magna utilitas & fructus salutis ex Domini ascensione accrescit, quia dictum est, quod propter nos ascendit: secundum quod Ioan: 16. dicebat. *Expedi vobis ut ego vadam.* Et ad multa quidem expediens erat nobis Christum abire in cœlum. Primò propter fidei argumentum, quæ est de rebus non visis, augetur autem fides nostra, dum credimus in Christum, tamen non videmus in Patris dextera sedentem, crescit & beatitudo credentium, iuxta illud. Ioan. 20.

Beati



Beati qui non viderunt & crediderunt: quem fructum gratulatur Apostolus. 1. Petr: 1. d. In Christum quem nunc non videtis, creditis, credentes autem exultabitis letitia inenarrabili & glorificata, reportantes finem fidei vestræ salutem animarum. DEINDE, ascensione Christi in cœlum, subleuatur spes nostra, partim quia ideo ascendit, vt interpellaret pro nobis: sicut enim in veteri testamento Pontifex intrabat in sanctuarium, vt assisteret coram Deo pro populo, ita Christus ascendit in cœlum, in ipsum Sanctum Sanctorum, iuxta illud, Hebr. 7. *Accedens per semetipsum ad Deum, semper viuens ad interpellandum pro nobis.* Quare spem nostram erigit & refocillat alius, 1. Ioan: 2. d. *Aduocatum habemus apud Patrem IESVM Christum iustum.* Partim quia ad parandum nobis locum ascendit, quod promisit Ioan: 14. *Vado parare vobis locum.* Quia enim Christus ascendit in cœlum, & nobis spem eo perveniendi dedit, capitis enim motum consequuntur membra, & ubicunq; fuerit corpus, illuc congregabuntur & aquilæ. Et quemadmodum resurrexit vt nos faceret resurgere, ita ascendit, vt nos duceret, qui viam nesciebamus, sed ipse ostendit Mich: 2, *Ascendit iter pandens ante eos.* PRÆTEREA ascensione sua nos trahit post se Christus, affectusq; nostros à terrenis transfert ad cœlestia. Coloss. 3. *Si consurrexistis cum Christo, quæ sursum sunt querite, vbi Christus est in dextera Dei sedens, quæ sursum sunt sapite, non quæ super terram, vt vbi est thesaurus noster, ibi sit cor nostrum.* Habemus autem thesaurum istum in vasis fictilibus, thesaurus fidelium est Christus in cœlo creditus, ibi sit cor nostrum: vbi ego sum, & vos sitis, vt eum amemus ex toto corde. Quem affectum amoris ipse excitat in cordibus nostris, dùm pollicetur dicens. *Si non abiero paraclitus non veniet ad vos, si autem abiero, mittam eum ad vos. q. d. Mittam Spiritum Sanctum, qui est amor in cœlestia rapiens.* Hinc August. Tract: 94. in Ioan. *Non potestis capere Spiritum, quamdiu secundum carnem persistitis amare Christum, Christo autem discedente corporaliter, non solum Spiritus Sanctus, sed & Pater & Fi-*

Matt: 24.

Matth: 5.

2. Cor: 4.

Ioan: 14.



*lius illis affuit spiritualiter. Et hoc tunc evenit, quando iam non existimamus Christum sicut hominem terrenum, sed sicut Deum coelestem, sicut & Apost. 2. Cor. 5. dicit. Et si cognovimus secundum carnem Christum, sed nunc iam non novimus. id est, si aliquid quando novimus Christum tantum mortalem hominem, ut Gloss: Ord. & Interlin. d. sed iam non novimus, id est, nunc non novimus nisi immortalem & impassibilem, ut Chrysost. & Theodor. dicunt.*

QUÆSIER. Si Filius DEI humanam naturam assumere & homo fieri propter nostram utilitatem & salutem voluit, an non maior & cumulator utilitas hominum fuisset, si docendo, consolando, dubia resoluendo, & præsentiam suam visibilibus exhibendo in terra cum hominibus mansisset, quæ maior utilitas ex ascensione? R. Subtracta præsentia corporali Christi per ascensionem, cum fidelibus semper manet præsentia divinitatis, quod promisit Matth: 28. *Ecce ego vobiscum sum omnibus diebus usque ad consummationem seculi.* Et Ioan: 14. *Non relinquam vos orphanos, vado & venio ad vos.* Et quoniam præsentia divinitatis efficacior est, ideo utilior est Christi ascensio, quàm nobis subtraxit præsentiam corporalem, ut præstaret Spiritualem & divinam.

QUÆSIER. adhuc. Cur Dominus in cœlum ascensurus, de civitate in Bethaniam eduxit discipulos, ut cap: 24. narrat Lucas? R. Ex civitate eduxit, ut ipsa educatione, discerent, se hic non habere manentem civitatem. In Bethaniam eduxit, ut discerent per opera obedientiæ se in cœlestia transituros: nam Bethania exponitur domus obedientiæ seu afflictionis, & per multas tribulationes atque afflictiones oportet nos introire in regnum DEI.

## CATECHESIS II. DE POTESTATE ASCENDENTIS.

**C**elebrat Propheta David gloriosam Domini ascensionem, ut observat etiam Catechismus Paroch. omnesq; hortatur ad læ-



ad lætitiā & gaudium illis verbis Psal: 46. *Omnes gentes plaudite manibus, iubilate Deo in voce exultationis, ascendit Deus in Iubilatione.* Nam sicut descendendo de cœlis nostræ consuluit utilitati, ita in cœlos ascendendo: hoc tamen interest, quia descendendo humilis apparuit, ascendendo potens extitit, de cuius ascendentis potentia in hac Catechesi tria expendentur.

I. *Quam sublimiter Dominus ascendit?*

II. *Secundum quam naturam ascendit?*

III. *Quā virtute & potentiā ascendit?*

### QVANTVM AD PRIMVM.

CHRISTIANE quanto corpus maiori refulget gloria, tanto sublimior ei debetur locus: eo quod plus participet de divina bonitate, & quia corpus Redemptoris nostri inter corpora gloriosa supremum gradum gloriæ obtinet. Verbo DEI hypostaticè vnitum, proinde sublimissimum locum in ascensione obtinuit. Ephesi 4. *Ascendit super omnes cœlos ut impleret omnia.* Docet etiam experientia, quod res naturaliter tantum ascendere potest quantum descendit: & quia Christus descendit de summo cœlo, ideo ad summum cœlum ascendit. Psal: 18. *A summo cœlo egressio eius, & occurfus eius usq; ad summum eius,* id est, usq; ad Patris æqualitatem, inquit Aygvanus, quod ipse Ioan: 16. d. *Exiui à Patre & veni in mundum, iterum relinquo mundum, & vado ad Patrem.* Quod verò confitemur Dominum ascendisse super omnes cœlos, tripliciter exponitur. Primo super omnes cœlos corporeos, vbi sol, luna, & stellæ & super cœlum empyreum. Deinde ascendit super omnes cœlos Spirituales, id est super naturas Spirituales, ut omnes Angelos & beatos, ita enim Apost: Ephesi: 1. *Constituens eum ad dexteram suam in cœlestibus, super omnem principatum & potestatem & virtutem & dominationem, & omne nomen quod nominatur, non solum in hoc seculo, sed etiam in futuro, & omnia subiecit sub pedibus eius.* Insuper



## ARTICULUS VI.

ascendit ad cœlum supersubstantiale, id est ad sedem Patris. Apoc: 3. *Ego vici & sedi cum Patre meo in throno eius.* Hoc mysterium prænuntiatur Daniel: 7. *Aspiciebam, inquit Prophetata, in visione noctis, & ecce cum nubibus cœli quasi Filius hominis veniebat, & usq; ad antiquum dierum pervenit: Deinde. Dedit ei potestatem & honorem & regnum, &c.* Porro Euang. Marc: 16 d. *Dominus quidem IESVS postquam locutus est eis assumptus est in cœlum, & sedet à dextris Dei.* Forsitan Christiane.

Lib. I. de cœlo  
tex. 69.

ROGABIS. Cum omne corpus oporteat esse in loco, si super omnes cœlos corporeos ascendit corpus Christi, etiam illud oportet ibi esse in loco: at super cœlos non est aliquis locus pro corporibus recipiendis, quomodo corpus Christi ascendit super omnes cœlos, cum ibi non sit locus? &. Corpora naturalia quæ accipiunt aliquid à loco, quia indigent contineri à loco, necessario sunt in loco, corpora autem gloriosa, maxime autem corpus Christi, quia nihil à loco accipit, sed à solo Deo mediante anima, non repugnat esse extra continentiam loci.

## QUANTVM AD SECVNDVM.

CHRISTIANE, credis Christum DEVM & hominem in cœlum ascendisse, sicut audis Prophetam dicentem, *Ascendit Deus in iubilatione & Dominus in voce tubæ.* Ne tamen existimes secundum diuinitatem ascendisse. Usquequo enim diuinitas ascendisset, qua nihil celsius, nihil sublimius? excelsior cœlo est. DEINDE, diuinitas loco moueri non potest, omnia enim loca implet. *Cœlum & terram ego impleo, dicit Dominus, Ierem: 23.* & qui secundum diuinitatem nunquam cœlum deseruit, illuc secundum diuinitatem ascendere non oportebat. Hinc Magister sent: lib. I. dist. 37. *Cum (inquit) diuina natura veraciter & essentialiter sit in omni loco, & omni tempore, non tamen mouetur per loca vel tempora, nec temporalis nec localis est.* Si igitur consideres conditionem Ascendentis, ascendere in cœlum competit Chri-

Iob. II.



Christo secundum humanam naturam, quæ continetur loco & motui subijci potest, Proinde Gloss: Interlin. super cap. 4. Ephes. *Constat quod secundum humanitatem Christus descendit & ascendit, si tamen metaphorice ascendere sumatur, potest etiam conuenire Christo secundum diuinitatem, quatenus cælum & omnia sibi subiecit, & iuxta hunc sensum potest exponi illud Psal: 46. Ascendit Deus in iubilo, & Deut: 33. Ascensor cæli auxiliator tuus.*

DIXERIS, Ita ascendit Christus in cælum, sicut descendit de cælo, ait enim Apostolus Ephes: 4. *Qui descendit ipse est, & qui ascendit super omnes cælos, Et Ioan: 3. Nemo ascendit in cælum, nisi qui descendit de cælo, iam verò de cælo descendit non secundum humanam naturam quæ ibi ante non fuerat, sed secundum diuinam naturam: pariter igitur secundum diuinitatem ascendit. & Sicut descendit ita ascendit, non descendit autem de cælo secundum diuinitatem, quasi mutatione locali, sed dicitur descendisse, quia apparuit in terris, & qui antè invisibilis erat in suis, visibilis factus est in nostris, ut dicit S. Leo, ita quoq; non ascendit secundum diuinitatem, quasi transeundo de terra in cælum, sed quia illa humanitas subsistens in Persona Verbi, migravit de terra in cælum.*

### QUANTVM AD TERTIVM.

CHRISTIANE, Sicut propria virtute Christus resurrexit à mortuis, ita propria virtute ascendit in cælum: Primò quidem propria diuina, deinde etiam propria animæ glorificatæ, quæ corpus pro arbitrio suo mouebat. Nam sicut corpus efficitur gloriosum participatione animæ beatæ, ita participatione Dei fit anima beatæ, dicit Augustinus. Et licet naturali vi id fieri non poterit, quæ procedit ex principijs naturæ, tamen virtus illa, qua beatæ animæ Christi prædita erat, corpus ut libuit mouere potuit: corpus etiam quod iam gloriam adeptum erat, mouentis animæ imperio facillè parebat. Atq; hac ratione Christum, ut Deus & ut homo est, in cælum sua virtute ascendisse credi-

Tract: 23. in  
Ioan.



credimus. Crede igitur indubitanter Christiane, Dominum, Salvatorem nostrum, propria virtute non aliena vi sublatum, ascendisse. Elias quidem olim alieno auxilio, nempe curru igneo & equis igneis: & Abacuc ab Angelo capillo capitis sui delatus fuit in Babilonem: Philippus diaconus postquam baptizavit Æthiopem, Spiritu Domini raptus, & delatus vsq; in Azotum. Verum & autoritas confirmat Christum propria virtute ascendisse Isai. 63. Angeli mirantur dicentes: *Iste formosus in stola sua gradiens in multitudine fortitudinis suæ: nempe qui fecerat omnia, super omnia virtute ferebatur*, ait S. Gregor. Quare si

Quæsier. Cur Christus in scripturis passim *assumptus* vel *subleuatus* dicitur, si propria virtute credi debet ascendisse. Si eleuatus & assumptus, quomodo propria virtute ascendit? R. Non solum assumptus & eleuatus, sed etiam ascendisse apud Prophetam legitur. *Ascendit*, inquit, *Deus in iubilo*. Et Ioan: 20. ipse dixit: *Ascendo ad Patrem meum*. Quod autem assumptus & eleuatus dicitur, non inde sequitur, non propria virtute ascendisse. Cum enim eleuata & assumpta fuerit humanitas, à propria diuinitate cui hypostaticè vnita fuit, propria virtute diuinitatis suæ ascendit, & cum corpus eleuatum fuerit, virtute animæ gloriose, de cuius redundantia glorificabatur corpus, propria virtute animæ suæ ascendit.

## PARS SECVNDA

# ARTICVLI VI.

## CATECHESIS III.

### DE SESSIONE AD DEXTERAM

P A T R I S.

IN hac secunda parte Articuli Sexti Symboli Apostolorum  
ad ex-



ad explicandam Christi gloriam, quam ut homo præ cæteris omnibus adeptus est: eum in Patris dextera esse confitemur. Nam infirmæ alicui menti, posset talis occurrere cogitatio & inquisitio, ubi nunc est Christus? & quid agit? breviter dicit Symbolum: nunc eum sedere in sede cœlesti, in honore diuino, id est, ipsum secundum humanam naturam nunc regnare & iudiciariam potestatem, super omnem creaturam exercere; idq; non procul à Patre, sed iuxta Patrem, hoc est in eodem throno regio cum Patre, qui thronus est cœlum. Nec in sinistra Patris, sed ad dexteram eius hoc est in summa felicitate & gloria Patris. Iam verò ut hæc planiora fiant, tria in ista Catechesi proponuntur & exponentur.

I. *Quid sit sedere ad dexteram Patris omnipotentis?*

II. *Quæ illa natura quæ sedet ad dexteram Patris?*

III. *An solus Christi est sedere ad dexteram Patris?*

### QUANTVM AD PRIMVM.

CHRISTIANE Catechismus Parochorum abunde docere te potest, quid sit ad dexteram Patris sedere: ait enim. *Sedere hoc loco, non situm ad figuram corporis significat, sed eam regie summæque potestatis ac gloriæ firmam & stabilem possessionem, quam à Patre accepit, declarat: de qua Ephesi i. Suscilians eum à mortuis, & constituens, ad dexteram suam in cœlestibus, supra omnem principatum & potestatem & virtutem.* Cum audis sedet ad dexteram Patris, caue suspiceris dexteram corporalem sicut in homine vides: Deus enim cum sit Spiritus, in eo dexteram corporalem cogitare nec debes nec potes. Deinde si in dextera huiusmodi Patris, Filius sedere intelligatur profectò Pater in sinistra Filij confisteret ait August: quod Filium sedere confitemur tropica locutione seruata & scripturis vsitata, ad summam Christi gloriam explicandam, in quantum æternaliter immutabilis

Ioan: 4.

Lib: I. de Sym.  
bo: ad Catech.  
c. 4.



manet in gloria Patris: hinc sedere ad dexteram Patris inquit August: *sedere habitare intelligitur, quomodo dicimus de quocunq; homine*. In illa patria sedit per tres annos, sic ergo credite habitare Christum in dextera Dei Patris ubi est. Beatus enim est, & à beatitudine quæ dextera Patris vocatur, ipsius beatitudinis nomen est, dextera Patris, ibi omnis dextera est, quia ibi nulla est miseria. Hinc Psal: 15. *Delectationes in dextera tua usq; in finem*, q. d. ait Auguastus. *Letitia & gaudium erit mihi sedere ad dexteram tuam, dum humanis obtutibus subtractus fuero, & hoc usq; in finem id est in eternum*. Alio modo, sedet Christus ad dexteram Patris, in quantum Patri conregnat, & ab eo habet iudiciariam potestatem, sicut qui affidet regi ad dexteram, affidet ei in regnando & iudicando. Vnde August: lib. 2. de Symb. c. 7. *Ipsam, inquit, dexteram intelligite, potestatem quam accepit ille homo susceptus à Deo, ut veniat iudicaturus, qui prius venerat iudicandus*.

QUÆSIER. Cum scripturæ Christum sedere ad dexteram pariterq; stare referant. Stephanus enim Act: 7. dum lapidaretur vidit stantem à dextris DEI: num igitur conuenienter fecerunt Apostoli, qui prætermissa statione, solum sessionem in Symbolo fidei posuerunt? R. Conuenientissimè factum, id enim quod sublimius & honorificentius est, de Filio Dei nostræ fidei tradere instituerunt Apostoli: multo verò sublimius & honorificentius est sedere quàm stare, qui honor est regnantis & iudicantis, stare autem est in labore adiuvantis, opitulantis & corporantis, qualiter Stephanus in illo suo certamine vidit stantem, id est se adiuuantem, & pro se pugnantem.

### QVANTVM AD SECVNDVM.

CHRISTIANE, tam secundum humanam, quàm secundum diuinam naturam, sedet Christus ad dexteram Patris, de diuina quidem nulla est quæstio, de qua Damasc. lib. 4. c. 2. d. *Dexteram Patris dicimus gloriam & honorem diuinitatis, in qua Filius Dei*



Dei extitit ante secula ut Deus, & Patri consubstantialis. De humana natura Chrysost. in serm. de Ascens. Cognoscamus, inquit, quis sit ille, qui audiuit, sede ad dexteram meam: quæ natura est, cui dixit Deus, esto meæ pariceps sedis, illa natura est, quæ audiuit, terra es, & in terram ibis. Id ipsum potest deduci ex illo Marci. 16. Dominus quidem IESVS assumptus est in cælum, & sedet à dextris Dei, & quia secundum quod homo assumptus est; Ergo secundum quod homo sedet. Verum tamen Christiane cum discretionem id oportet accipias, nam secundum quod Deus, sedet Christus ad dexteram Patris, id est in æqualitate Patris, ita quod sedere ad dexteram Patris nihil sit aliud, quàm simul cum Patre habere gloriam divinitatis, & beatitudinem, & iudiciariam potestatem, regulariter & immutabiliter, quod convenit Filio DEI, secundum quod Deus per æternam originem. Itaq; secundum quod Deus, sedet ad dexteram Patris, quia habet eandem naturam cum Patre, & est in æqualitate Patris. Iam verò secundum quod homo Christus, sedet in dextera Patris, id est in bonis paternis portionibus præ omnibus creaturis, id est in maiori beatitudine, iudex à Deo Patre constitutus, quia Filius hominis est. Quin etiam quatenus homo sedet ad dexteram Patris secundum æqualitatem honoris, in quantum propter unitatem suppositi eodem honore veneramur ipsum Filium DEI cum natura assumpta; quod in Decretis quintæ Synodi Can. 9. dicitur. *Si quis in duabus naturis adorari dicat Christum, sed non una adoratione, Deum verbum incarnatum cum propria ipsius carne adorat, sicut ab initio Ecclesiæ Dei traditum est, talis anathema sit.* Hic observa Christiane obiter, licet Christi humanitas secundum conditionem suæ naturæ non habeat gloriam vel honorem Deitatis, habet tamen ratione personæ cui unitur: ita enim Damasc. loco supra dicto. *In qua, inquit, gloria Deitatis Dei Filius existens ante secula, ut Deus Patri consubstantialis sedit conglorificata ei carne eius, adoratur enim una hypostasis una adoratione cum carne sua ab omni creatura.*



QUÆSIT. Si eodem modo convenit Christo esse in æqualitate Patris, & in potioribus bonis? R. Esse in æqualitate Patris secundum illud Philipp. 2. *Non rapinam arbitratus est esse se æqualem Deo*: non convenit Christo secundum quod homo est, ita enim Pater maior illo est, sed conveniet Personæ assumpti naturam humanam, quæ vna eademque subsistit in utraq; natura, diuina scilicet & humana. Esse autem in potioribus bonis Dei convenit ei secundum quod homo, quia in illis excedit omnem creaturam.

### QVANTVM AD TERTIVM.

CHRISTIANE, sedere ad dexteram Dei, ita proprium & singulare est Domino nostro Iesu Christo, vt nulli alteri creaturæ concedi possit. Ille nunc in dextera, qui diu fuit in sinistra, in laboribus à iuventute, in angustijs, in tribulationibus, in cruce, in morte. Nulla autem creatura alia assumpta est ad vnitatem Personæ diuinæ, vt ei propterea tantus honor tribueretur & communicaretur. Sublimata quidem est natura Angelica à Deo, in naturalibus & supernaturalibus, nullus tamen etiam supremus Seraph pervenit ad tantum honorem, vt sedeat à dextris Dei. Hebr. 1. *Ad quem aliquando Angelorum dixit Filius meus es tu, ego hodie genui te?* Et ultra. *Ad quem Angelorum aliquando dixit. Sede à dextris meis?* ad Filium autem *Thronus tuus Deus, in seculum seculi.* Hoc Christo etiam homini dictum propter vnitatem hypostasis Verbi. Sed

DIXERIS. Si solius Christi proprium est sedere ad dexteram quomodo intelligendum quod multis promittitur. Et Apostolus quidem Matth. 19. *Sedebitis super sedes duodecim iudicantes duodecim tribus Israël.* Ergo sicut Christus iudiciariam potestatem habet, quod pertinet ad confessum dexteræ paternæ, ita & illi quibus iudiciaria potestas promittitur ad dexteram sedebunt, Deinde Apoc. 3. *Qui vicerit faciam illum sedere in throno meo.* Et Matth. 20. expresse dicitur præparari aliquibus



bus à Patre, sedere ad dexteram aut ad sinistram. Quomodo igitur solius Christi proprium est? R. Quantumvis multi sint habituri iudiciariam potestatem per similitudinem, solus Christus per authoritatem, ideo solus Christus ad dexteram Patris sedet, illi verò sedebunt cum Christo in throno eius, & hoc modo à Patre præparatur sedere ad dexteram, non Patris sed Christi, cum ipse clarè dicat, *sedere ad dexteram meam non est meum dare vobis*. Si verò etiam ad dexteram DEI aliqui statuendi dicantur, vt Matth. 25. *Statuet oves à dextris*, staturi non sessuri dicuntur, quia erunt quidem in beatitudine, non tamen DEI beatitudinem habebunt cum dominatiua potestate, quod soli Christo conuenit.

## C O R O L L A R I V M.

**A** Ge deuote & fidelis Christiane, qui credis IESUM Christum Crucifixum à mortuis resurrexisse, in cœlos ascendisse, atq; consortium & confessum paternæ dexteræ obtinuisse, ipsam deuota mente & animi desiderio nunc per mandatorum observantiam, & bonorum operum perseverantiam commitare, vt cum dies egressus animæ tuæ de corpore advenierit, præsentialiter ad cœleste gaudium comitari merearis: postremo in die novissimo iudicij viuorum & mortuorum ad dexteram ipsius situatus, beatitudinis æternæ consors efficiaris.

## A R T I C V L V S

## S Y M B O L I V I I.

Inde venturus est iudicare viuos & mortuos.

**A** Gnouisti Christiane potestatem iudiciariam delatam esse, Domino nostro IESU Christo, *qui constitutus est Iudex viuorum & mortuorum*, in quantum est homo, nam vt DEUS simul

Act: 10.



iudicat cum Patre & Spiritu Sancto. Cogita proinde diligenter de iudicio, ne in eo abeas confusus; nec enim sine causâ tam impense hortantur scripturæ ad eius recordationem. Eccl. 7. *In omnibus operibus tuis memorare nouissima tua & in æternum non peccabis.* Id Apostoli in isto septimo Symboli articulo monitum esse voluerunt, dicentes. *Inde venturus est iudicare viuos & mortuos.* Duo autem insinuantur iudicia per scripturas, si quis aduertat, ait August. vnum occultum, alterum manifestum. Occultum nunc agitur, de quo August. 1. Retr. 4. *Tempus est vt iudicium incipiat à domo Domini: occultum namq; iudicium est pœna, qua nunc vnusquisq; hominum aut exercetur ad purgationem scelerum, aut admonetur ad conuersionem, aut si contempserit vocationem & disciplinam Domini excecatur ad damnationem.* Iudicium occultum quo anima egressa de corpore sistitur iudici, de quo Hebr. 9. *Statutum est hominibus semel mori, post hoc iudicium.* Porro manifestum iudicium, quo Dominus noster in consummatione seculi venturus est cum Angelis suis, in gloria, iudicare viuos & mortuos omnibus fatentibus eum esse, à quo & bonis præmia & malis supplicia decernentur. Et quidem de hoc iudicio tremendo, 2. Cor. 4. monet Apostolus. *Omnes nos oportet manifestari ante tribunal Christi, vt referat vnusquisq; propria corporis prout gessit, siue bonum siue malum: id est prout gessit vnusquisq; in corpore existens; nam cuncta quæ sunt adducet Deus in iudicium.* Eccl. 12. Sit iam

## C A T E C H E S I S I. DE IUDICIO PRIVATO SEU PAR- TICULARI.

**C**Atechismus Parochorum in explicatione huius septimi Symboli Apostolorum articuli, dùm ostendit duo tempora esse in quibus necesse est vnumquemq; in conspectum Domini venire, & singulorum quæ gesserit rationem reddere, ac iudicis DEI sententiam subire: à iudicio particulari seu pri-



priuato exorditur, de eoque pauca proponit, nempe dum vnusquisq; nostrum migrat e vita, statim ad tribunal Domini sistitur, ibiq; de omnibus iustissima quæstio habetur. Hinc ordini inhærendo, in hac prima Catechesi poterit Catechista Christiano tria proponere.

I. *Quàm certum iudicium priuatum?*

II. *Quàm terribile?*

III. *Quæ in eo circumstantia spectanda.*

### QUANTVM AD PRIMVM.

CHRISTIANE, tam certum est iudicium particulare, vt nullus Catholicorum eam rem in dubium vocare possit. Iudicari animas cum e corporibus exierint certum, & qui negauerit, æthnica insania deterior, cum & Socrates Philosophus apud Tullium huius iudicij effectum illis verbis enuntiârit.

Due sunt, inquit, viæ duplicesq; cursus animorum e corporibus exeun-  
tium, nam qui se humanis vitis contaminauerunt, & se totos libidini-  
bus tradiderunt, ijs deuium est quoddam iter, seclusum à concilio deo-  
rum: qui verò se castos seruauerunt, & in corporibus humanis imitati  
sunt vitam deorum, ijs ad eos à quibus profecti sunt, facilis patet redi-  
tus. Iam verò duplex iste cursus post egressum à corpore, nonne per iudicium determinatur? Verum res ista scriptura-  
rum oraculis firmitus roboratur. Hebr: 9. *Post mortem iudicium,*  
Eccl: 11. *In die bonorum, ne immemor sis malorum, & in die malo-  
rum, ne immemor sis bonorum, quoniam facile est coram Deo in die obi-  
tus retribuere unicuiq; secundum vias suas.* Et ultra, *In fine hominis  
denudatio operum eius:* hac verò denudatiō quid nisi coram tri-  
bunali iusti iudicis? Quare in hoc iudicio infans cum origi-  
nali decedens, iudicatur ad exilium perpetuum & pœnam da-  
mni, id est carentiæ diuinæ visionis: innocens verò ab omni  
macula depuratus, iudicatur illic ad æternam beatitudinem.  
Sceleribus autem & flagitijs multis deformatus, iudicatur in

lib: 1. Tusc.

bara-



barathrum æternæ damnationis. Qui verò in gratia quidem & charitate decedit, verumtamen aliquas venialium maculas habet, aut poenitentiam ante obitum implere non potuit, ad purgatorij ignis emundationem. iudicatur: de quo Gregor: Nissen. *Si aliquis Christo amico consentiens in hac vita, minus peccata purgare potuerit, post transitum hunc per purgatorij ignis conflationem expeditur.* DEINDE plurimæ historiæ testantur aliquos in morte in cœlum ascendisse, aliquos verò in inferno demersos. Nam & in Euangelio res manifesta, latroni paradisum, hora mortis deputatum, Lazarum post mortem in sinum Abrahamæ ab Angelis deportatum, divitem post mortem in inferno sepultum, & cum omnium causâ nonnisi per iudicium determinata fuerit, liquet post mortem esse iudicium.

QUÆSIER. Futurum est generale iudicium in consummatione seculi de quo plurimæ scripturæ, & in eo unusquisq; referet propriam mercedem secundum suum meritum. Ut quid ergo priuatum circa mortem, utiq; *Deus non iudicat bis in idipsum.* Nahum. i. &. Fuit error dicentium animas omnes non iudicatas reservari vsque ad ultimum diem consummationis seculi, & tunc primum iudicandas, sed hic error damnatur: iudicatur quælibet anima in egressu de corpore, ubi retributionem accipit, ut iam ex scripturis patet, omnis autem retributio requirit iudicium, ut dicit S. Thom. opusc. 3. c. 242. Quod autem Nahum dicit. *Deus non iudicat bis in idipsum,* hoc certum est secundum idem, at secundum diuersa non est inconueniens quòd bis iudicat, nunc secundum animam tantum, tunc autem etiam secundum corpus.

### QVANTVM AD SECVNDVM.

CHRISTIANE, quàm sit horrendum præsentari iusto Iudici in die & hora exitus animæ e corpore, testatur in primis Apost: Hebr. 10. *Iudicabit, inquit, Dominus populum suum, horrendum est incidere in manus Dei viuentis, viuens est Deus, quia im-*  
mer-



mortalis & aternus, in perpetuum viuit & viget, vt nunquam eius oculos, memoriam aut manus effugere possis, ait Theophilact. Testantur illi viri sanctissimi, quibus licet nihil fuerit damnationis, vehementer tamen horrebant apparere Iudici iustissimo. Iob ille patientissimus cap. 14. Quis, inquit, hoc mihi tribuat vt in inferno protegas me donec pertranseat furor tuus, & constituas mihi tempus in quo recorderis mei? protectio sententia Iudicis ipsa gehenna formidabilior, ideo iustus in inferno tunc protegi & abscondi desiderat. S. Paulus dum de iudicio temerario quosdam reprehenderet. d. *Mihi pro minimo est vt à vobis iudicer aut ab humano die, sed neq; me ipsum iudico, qui autem iudicat me Dominus est.* q. d. licet ego in me peccata non video, sed Dominus forte videt ea, ideo iudicium eius exhorresco. Hinc S. Anselm. Iusti, inquit, non humana iudicia, sed aterni Iudicis examen aspiciunt, atq; ideo derogantium verba cum Paulo despicunt. In illa magna calamitate Iob constitutus, equidem non desinebat iudicij subsequenteris recogitare horrorem, illo tamen cap. 9. impense ex sapientia Iudicis illud expendit. Verè, inquit, scio quòd ita sit, & quòd non iustificetur homo compositus Deo, si voluerit contendere cum illo, non poterit ei respondere vnum pro nullo, sapiens corde est, & fortis robore, quis restitit ei pacem habuit? Sapiens corde, ideo nouit omnia, & nemo poterit illum fallere. Fortis robore, ideo nemo poterit ei resistere, aut de manibus eius eripere. Deus, inquit, cuius ira nemo resistere potest, & sub quo curantur qui portant orbem. Quantus ergo sum ego vt respondeam ei, & loquar verbis meis cum eo? qui etsi habuero quidpiam iustum, non respondebo, sed Iudicem meum deprecabor. Hoc idem negotium mente reuoluens, Semper, inquit, quasi tumentes fluctus super me timui Deum, & pondus eius ferre non potui, quid memorem David, qui Psal. 142. humiliter orat. Non intres in iudicium cum seruo tuo Domine quia non iustificabitur, in conspectu tuo omnis viuens. S. Hilarion Eremita, tam exire de corpore trepidabat, & sisti tribunali iusti Iudicis, vt animam suam trepidantem excitando

1. Cor. 4.

Iob. 31.



diceret. *Egredere anima mea quid times? quid dubitas? septuaginta prope annos Christo seruisti & mori times.* Parabolæ quoq; Evangelicæ abunde ostendunt quàm sit rigidum iudicium, stricta & exacta ratio in die mortis reddenda, cum & ille Luc: 16. vehementer turbaretur cui dictum erat. *Redde rationem villicationis tuæ, iam enim non poteris villicare.* Sed hæc Christianus cogitabundus.

**QUÆSIER.** Cur hoc iudicium tam horrendum insinuas cum Iudex ipsi sit Clementissimus, qui propter salutem nostram homo & frater noster fieri dignatus est, & neminem velit damnare, sed omnes saluare, ad cuius thronum cum fiducia accedere monet Apostolus. *Adeamus, inquit, cum fiducia ad thronum gratiæ, ut misericordiam consequamur?* &c. Verum est, clementissimus est in bonos quos præmiat ultra merita, verumtamen in peccatores respicit ira illius, quare de propitiato peccato noli esse sine metu, nec alte præsumas sapere sed time. Cogitabat rigorem & horrorem huius iudicij ille cui Deus occulta sapientiæ suæ manifestauit, propterea petebat. *Confige timore tuo carnes meas, à iudicijs enim tuis timui.* Apostolus autem hortatur nunc cum fiducia ad thronum gratiæ accedere implorando eius auxilium in omni tentatione, tribulatione & persecutione. *Nunc enim placabilis sedet in throno gratiæ, postea terribilis sessurus est in throno iudicij,* ait Theophilactes.

Matt: 25.

2. Petr: 3.

1. Tim: 2.

Hebr: 4.

Ecd: 5.

Rom: 11.

Psal: 50.

Psal: 118.

### QUANTVM AD TERTIVM.

**C**hristiane, Circumstantiæ iudicij particularis sunt, locus, tempus & causæ. Locus iudicij particularis est ille, in quo quis moritur: non enim ad cælum ubi est sedes Iudicis, sistitur iudicandus, sed hic ubi moritur iudicium exercetur. Cum enim ubiq; sit Deus, ubicunq; quis moritur, ibi thronum iudicij Dei inuenit, Moritur aliquis in aquis, ibidem iudicatur, alter in igne, alter à bestijs deuoratur, in conflictu cum hoste cadit, ibi Iudicem habet. Et quia communiter moriuntur ho-

mines



mines in cubiculis, in lectis: tu Christiane, cum te disponis ad nocturnam quietem, meditare locum mortis tuæ, atq; iudicii spatium imaginare, & in quem locum post mortem, non corpus sed anima tua transferatur. Sunt namq; vani homines (quod hic obiter observa) superstitiose sibi locum sepulturæ eligentes, vbi cum maiori pompæ solemnitate celebrentur, sprete Parochiæ propriæ Ecclesiæ, ad aliquam Regularium fastidiosi capellam se transportandos disponunt, quasi verò in propriæ Parochiæ Ecclesiæ capax non sit locus. Tempus iudicii priuati duplex, aliud ordinarium, extra ordinarium aliud. Ordinarium tempus egressa iam anima de corpore, quod ostendit Apost: iam supra citatis verbis. *Post hoc iudicium*, hoc enim momento DEUS animam suo tribunali sistit, contra eam accusationes excipit, totam causam vitæ eius expendit, tunc animæ ob oculos omnes & singulæ actiones distinctissime statuentur, à primo vsu rationis vsque ad illud momentum exercitæ, tunc Iudex sententiam profert, & prolatam executioni mandari iuber. Extraordinarium tempus huius iudicii aliquando ante mortem, quod aliqui horrendis suis exemplis docuerunt, qui ante mortem suam æternæ damnationis sententiam se excepisse testati sunt, vt ille Presbyter impurus, de quo Petrus Cluniacensis lib: 1. miracul. cap. 25. qui in ægritudine sua multa horribilia perpeffus, ad extremum clamauit adhuc viuens. *Ad iudicium*, inquit, *æternum raptus sum & heu miser æterna morte damnatus sum.* Post mortem aliquando iudicium suspenditur, non statim iudicii sententia profertur. Nam Egesippus scribit à S. Petro Apostolo quendam ethnicum hominem infidelem à morte fuisse excitatum, idq; credibile à reliquis Apostolis ethnicos à morte fuisse excitatos. S. Maximus serm: 2. de S. Agnete dicit ab ipsa excitatum filium præfecti qui in peccato mortali obierat. Euodius lib: 1. de miraculis S. Stephani dicit parvulum quendam mortuum ante Baptismum ad reliquias S. Stephani excitatum. Isti nondum ad



infernum fuerunt iudicati, quia inde non reuocarentur, suspensum ergo eorum fuit iudicium. Causæ in iudicio priuato æqua lance ponderabuntur, quid aliquando feceris, dixeris & cogitaris. Adstabunt accusatores conscientix peccatorum, Rom: 2. *Testimonium reddente conscientia, & cogitationibus accusantibus*, iniuriæ multis illatæ & querelæ. Hinc S. Thom: 2. 2æ. q. 67. a. 3. 1m. d. *Deus in suo iudicio utitur conscientia peccatoris quasi accusatore*. Adstabunt tetri spiritus animam egredientem accusantes, & rapere parati. Accusabunt & Angeli tutelares quorum monita & auxilia spernebantur. Accusabit deniq; ipse Deus, in cuius conspectu non puduit sæpe facere, quod vel coram vilissimo homine puduisset. Quare Christiane nihil miserabilius quàm in peccato mortali decedere, huic irreuocabile iudicium æternæ damnationis, nam mors peccatorum pessima, Psal: 33. quare monebat S. Augustinus, *neminem etsi nullius criminis sibi conscius esset committere debere, ut sine penitentia decedat ex hac vita*, Sed

DICES. de loco particularis iudicii ambiguitas esse potest, nam peccatum diaboli longè grauius est peccato hominis, & peccatum diaboli in cœlo iudicatum est, vnde post iudicium deiectus est. Luc: 10. *Vidi Satanam tanquam fulgur cadentem de cœlo*, cur non etiam in cœlo iudicium hominis morientis perficitur? R. Quod homini mors, hoc diabolo fuit casus; & quia homo vbi moritur ibi iudicatur, ideo & diabolus vbi ceciderat, ibi iudicatus est, cecidit autem per peccatum in cœlo, ibidem iudicatus, ergo & homo vbi moritur, ibi iudicatur. DEINDE quia indignum est peccata in cœlo consistere, ideo etiam diabolus statim vt peccauit de cœlo cum peccato pulsus est, Isai: 14. *Ad inferos detracta est superbia tua*.

## CATECHESIS II.

### DE FORMA IUDICII.

Post iudicium priuatum & particulare, superesse iudicium publi-



publicum & generale in consummatione seculi; passim scripturæ loquuntur: nam spernentibus verba sua, minatur Dominus Ioan: 12. *Sermo quem locutus sum, ille iudicabit illum in nouissimo die*; quis igitur in controuersiam vocabit rem in confesso manifestam? in quo quidem generali & finali iudicio omnia occulta publica luce detegentur. *Veniet Dominus (inquit Apostolus) qui & illuminabit abscondita tenebrarum & manifestabit consilia cordium*. Forma verò huius iudicii in tribus concurrat, quæ in ista Catechesi exponentur.

I. *Quis sit index?*

II. *Qui iudicandi?*

III. *De quibus iudicabuntur?*

### QVANTVM AD PRIMVM.

CHRISTIANE, in illo finali iudicio Christus iudicabit DEUS homo; atq; hoc ipsi proprium & peculiare. Et primò quidem in quantum DEUS, quia in iudice requiritur sapientia & veritas: ratio enim iudicii est lex sapientiæ & veritatis, secundum quam iudicium celebratur, Hinc Eccl: 10. *Iudex sapiens iudicabit populum suum*: Filius autem DEI est sapientia genita, & veritas à Patre procedens, ipsumq; perfectè representans, ideo ipsi proprie iudiciaria potestas tribuitur. Competit ei eadem potestas in quantum homo: idque multifariè. Primò quidem *condecens est vt iudicandi iudicem videant*, vt Au-

S. 7 hñ: opusc.  
3. c. 241.

gust: dicit serm: 64. de verbis Domini, iudicabuntur autem boni & mali, quod si in forma DEI iudicaret, non possent illam videre mali, nam forma DEI ita est delectabilis, vt nullus possit eam videre & non gaudere: gauderent proinde mali visa forma DEI in iudicio, quam videre est præmium quod per iudicium redditur. DEINDE, capiti conuenit iudicare de membris, Christus autem secundum humanam naturam est caput Ecclesiæ, vnde ad ipsum pertinet secundum humanam



naturam, potestatem iudicariam habere, vt August: Tract: 19. in Ioan. explicat illud Ioan. 5. *Potestatem dedit ei iudicium facere quia Filius hominis est*; non quidem propter conditionem naturæ, quia sic omnes homines potestatem iudicariam haberent, sed hoc pertinet ad gratiam capitis, quam Christus in humana natura accepit. PRÆTEREA Christus secundum quod homo meruit hoc officium, qui secundum quod homo iniuste fuit iudicatus, congruum ergo est, vt ipse quoq; secundum quod homo vniuersum mundum iudicet, hic Iob. 36. *Causa tua vt impij iudicata est, causam iudiciumque recipies*. Igitur qui in tantum humiliatus fuit, vt sub homine iudice iniuste iudicaretur, quam humiliationem sub Pontio Pilato passum Symbolum memorat, humiliationi eius præmium exaltationis debebatur, vt ipse Iudex in humana natura constitueretur. Proinde etiam in illo iudicio in forma gloriosa ad præmium pertinente, apparebit, cum venerit in nube cum potestate magna & maiestate, cuius gloriosæ maiestatis visio electis erit in gaudium, qui Regem in decore suo videbunt; reprobis in confusionem, qui videbunt & confundentur, cum ignis eos vt hostes deuorabit. INSUPER, vt sit suauis iudicium, & desperatio ab hominibus propulsetur secundum humanam naturam iudicabit: suauis quidem iudicium ex eo quando homines per hominem iudicabuntur. Act. 17. *Iudicaturus est orbem in equitate, in viro, in quo statuit fidem præbens omnibus, suscitans eum à mortuis*. Sicut enim Deus per causas medias tanquam propinquiores effectibus operatur, ita quoq; per hominem homines iudicabit. Abigitur ergo per hoc desperatio: si enim solus Deus iudicaret homines territi desperarent, quare Filium hominis videbunt venientem. Sed hic etiam

QÆSIT. Proprium & speciale iudicare quomodo dicitur Christo cum sit multis commune, ipse enim Matth. 19. Apostolis promisit. *Vos, inquit, qui secuti estis me, sedebitis super sedes iudicantes*. Sap. 3. *Iudicabunt iusti nationes*. Isai: 3. *Dominus*

ad iu-



*ad iudicium veniet cum senibus populi sui.* Immo etiam mali iudicabunt peiores, *Viri Ninivite*, dicit Dominus. *Surgent in iudicio cum generatione ista & condemnabunt eam?* & Iudicabunt alij, *Matthæ 12.* soli tamen Christo proprium & speciale est iudicium autoritatis, Sancti autem iudicabunt interpretatiue approbantes sententiam Iudicis viri perfecti vt Apostoli & alij iudicabunt similitudinariè in quantum in ipsis continentur decreta diuinæ iustitiæ ex quibus homines iudicabuntur: & quia alios ducunt in cognitionem diuinæ iustitiæ, vt sciant quid iuste pro meritis eis debeat, hac ipsa reuelatione iustitiæ, iudicabunt. Mali quoq; iudicabunt sed comparatiue, in quantum ex comparatione eorum apparebunt alij iudicandi. Quin etiam creaturæ insensibiles suo modo condemnabunt impios. Sap: 5. *Pugnabit cum eo orbis terrarum contra insensatos.* Et quod horribilius est, ipse satanas quantumvis cum angelis suis condemnatus, quodammodo iudicaturus est impios, & ipso opere clamaturus. Ego, inquit, *ô Iudex iuste pro his quos mecum vides, nec crucem pertuli, nec sanguinem fudi, nec regnum coeleste illis promisi, & tamen usq; ad lassitudinem multam, in via iniquitatis mihi seruiuerunt, me audierunt, consilijs meis acquieuerunt.* *Cypria. serm. 1. de elemos.* Nonne ergo iustum est vt *Syn. Basilus.* iam in eandem sortem mecum descendant. Sed quoniam Ioan: 5. d. *Pater non iudicat quenquam, sed omne iudicium dedit Filio.*

**DUBITABIS.** An penes Patrem aliqua potestas iudicandi resideat? & Iudicat Pater, immo tota Ss. Trinitas invisibiliter, solus Filius visibiliter. Tamen quoad iudicium inuisibile, iudicat Pater cui convenit potestas & autoritas iudicaria, in quantum est principium Filij, qui est sapientia & veritas secundum quam formatur iudicium. Iudicat Spiritus Sanctus, propter Zelum & amorem iustitiæ. Sed Filio ipsa ratio iudicij convenit, in quantum est sapientia & veritas à Patre procedens, atq; ipsum perfectè repræsentans, vt sicut Pater per Filium omnia facit qui est ars eius, ita per Filium omnia iudicat, qui est eius sapientia & veritas.

QVAN.



## QUANTVM AD SECVNDVM.

S. Tho: opusc.  
3. c. 243.

**C**hristiane, Omnes homines iudicabuntur, qui sunt, fuerunt & futuri sunt; boni & mali: adulti & parvuli: baptizati & non baptizati; ita enim Apostolus 2. Cor. 5. *Omnes nos manifestari oportet ante tribunal Christi, ut referat unusquisque propria corporis, prout gessit siue bonum siue malum.* Iudicabuntur inquam boni & mali, sed differenter. Duplices enim sunt boni, & duplices mali: iudicium quoque duplex, discussionis & retributionis. Quantum igitur ad bonos iudicabuntur omnes iudicio retributionis, quia unusquisque eorum recipiet præmium ex divina sententia suo merito respondens. Matth: 16. *Filius hominis venturus est in gloria Patris sui cum Angelis suis, & tunc reddet unicuique secundum opera eius.* Sed iudicio discussionis non omnes iudicabuntur, ut valde boni, qui nihil mali habuerunt, & bona corporalia totaliter contempserunt, soli Deo vacantes & his quæ sunt Dei. Nam discussio meritorum non est necessaria nisi bona malis permisceantur, ubi verò bonum est absque mixtione mali, discussio locum non habet, ut in Ss. Apostolis, Martyribus, Confessoribus, Virginibus, & alijs perfectis, qui servitijs divinis totaliter insistebant, nullam notabilem admixtionem mali habentes, quiq; ædificaverunt super fundamentum fidei *aurum, argentum & lapides pretiosos.* Illi verò qui ædificant super fidei fundamentum *ligna, fœnum, stipulam*, id est qui negotijs terrenis implicantur, ita tamen ut nihil Christo præponant, non enim apponunt cor ad terrena, sed student peccata eleemosynis expiare: quia habent commixtionem bonorum operum cum aliquibus malis, iudicabuntur iudicio discussionis. Quantum ad malos omnes similiter iudicabuntur iudicio retributionis, quia omnes accipient sententiam Iudicis retribuētis pœnas pro malis meritis. *Discedite, inquit, maledicti in ignem æternum.* Sed cum hi quoque duplices sint, alij qui habuerunt fidem sine charitate & bonis operibus,



bus, alij nec fidem habuerunt. Qui igitur fidem non habuerunt, vt Pagani, Iudæi, & hæretici, isti non iudicabuntur iudicio discussionis, sed solum retributionis, carentes enim fundamento fidei, non potuerunt ædificare cum perfecta rectitudine intentionis bona opera, vnde cum non sit in eis aliqua permixtio bonorum cum malis, quæ faciat ambigam damnationem, ideo damnabuntur absq; meritorum discussionis: nam qui non credit, iam iudicatus est, quia non credit. Qui verò habuerunt ad minus laudabilem actum fidei, quamvis informem, qui sine charitate non sit meritorius, tamen quantum de se, est ordinatus ad meritum, iudicabuntur iudicio discussionis: vt evidenter appareat quid præponderet, bonum aut malum. Vt enim rex terrenus hostem absq; omni audientia damnat, civem verò peccantem cum audientia, ita Rex cœlestis faciet, infideles tanquam hostes sine discussionis damnabit, fideles peccatores tanquam ciues aliquando & domesticos fidei, cum discussionis, Sed Christianus.

QUÆSIT. Cum discussio fiat propter ignorantiam, & ordinetur ad informationem, Iudex autem iste sapientissimus, cuius oculis omnia sunt nuda & aperta, nec est vlla creatura invisibilis in conspectu eius, ad quid in iudicio erit necessaria discussio? R. Non propter ignorantiam, aut informationem Iudicis sicut contingit in humanis iudicijs, verum vt vnicuiq; innotescat de seipso & de alijs, quomodo digni sunt pœnâ vel gloriâ, vt sic iusti de iustitia DEI in omnibus gaudeant, & mali contra semetipsos excandescant.

QUÆSIT. Iterum, quomodo intelligendum quod in Symbolo recitamus. *Venturus est iudicare viuos & mortuos*, qui viui & qui mortui? R. Hoc problema proponit Magist. sent. lib.

4 dist. 43. & soluit d. *Dicitur Christus iudicaturus viuos & mortuos*, hoc dupliciter intelligi potest, aut enim viui accipiuntur, qui in aduentu eius viui inuenientur, licet in raptu moriantur, & mortui qui ante decesserant, vel viui & mortui qui accipiuntur iusti & iniusti.

August. lib. 1.  
de Symbolo ad  
Catech. c. 4.







pusillos, stantes ante thronum, & libri aperti sunt, & alius liber apertus est qui est vitæ, & iudicati sunt mortui ex his quæ scripta sunt in libris. Per libros in plurali apertos intelliguntur singulorum conscientiarum, in quibus patebunt omnibus omnia. Liber vero vitæ, qui in singulari apertus dicitur, est vis quædam divina, qua fiet, ut cuique opera sua bona & mala subito in memoriam reducantur.

## CATECHESIS III. DE CIRCUMSTANTIIS IUDICII EXTR E M I.

Circumstantiæ iudicii extremi sunt in triplici differentia, quædam enim antecedunt, ut signa, quædam comitantur ut eiusdem iudicii qualitates; quædam denique subsequuntur consummationem iudicii. Quare in ista Catechesi tria expedientur.

I. *Quæ signa præcedent iudicium?*

II. *Quale erit illud iudicium?*

III. *Quomodo mundus innovabitur?*

### QUANTVM AD PRIMVM.

CHRISTIANE, Signa præcedentia iudicium in scripturis expressa, tria memorat Catechismus Parochorum, Primum est prædicatio Euangelij in vniuerso mundo. Nam cum Apostoli requirerent à Domino dicentes. *Dic nobis quando hæc erunt,* *Matth: 24.* & quod est signum aduentus tui & consummationis seculi: tunc ille inter alia respondit eis. *Prædicabitur hoc Euangelium regni in vniuerso orbe in testimonium omnibus gentibus, & tunc veniet consummatio,* id est, præcedet annuntiatio regni DEI in omnes gentes, ne qua gens aut populus in iudicio obtundat excusationem, quod non crediderit, & malum egerit, sibi non fuisse annunti-



atum. Aliud signum discessio, de qua 2. Thessal: 2. *Ne terreamini, inquit, quasi instet dies Domini, ne quis vos seducat ullo modo, quoniam nisi venerit discessit primum.* Quæ sit futura ista discessio, Sancti Patres desolationem imperij Romani intelligunt. Chrysost: in hunc locum. *Quando, inquit, de medio sublatum fuerit Romanum imperium: ut declinat esse Romanus imperator, & & in decem reges imperium. dividatur prout Daniel: 7. & Apoc: 17 per decem cornua bestię decem reges ostenduntur.* Possumus per discessionem istam, horrendas multorum apostasias intelligere futuras, quia à fide & obedientia Romanę Ecclesię recedent, num Luc: 18. Dominus prædicit. *Filius hominis veniens putas fidem inveniet in terra?* Tertium signum aduentus Antichristi, quem Iudæi in fine mundi pro Messia recipient prout Dominus Ioan: 5. prædixit. *Ego, inquit, veni in nomine Patris mei, & non recipitis me, si alius venerit in nomine suo hunc recipietis.* Et Matth. 24. discipulis dicebat. *Cum videritis abominationem desolationis, quæ dicta est à Daniele Propheta stantem in loco sancto, tunc qui in iudea sunt, fugiant ad montes, quod de Antichristo intelligendum docet S. Hieron.* Et Apoll: in illo loco ad Tessal. *Cum, inquit, reuelatus fuerit homo peccati, filius perditionis; tunc veniet iudicium.* Atq; hic homo peccati quantam persecutionem contra Ecclesiam Dei sit excitaturus docet ipse Dominus dicens. *Erit tunc tribulatio magna, qualis non fuit ab initio mundi usq; modo neq; fiet.* Alia signa proximè præcedentia aduentum Domini ad iudicium, passim tū in Euangelio, tū in Prophetis exprimuntur, ut quod signa sint futura in sole & luna & stellis, & quod obscorentur luminaria cœli, ad terrorem hominibus incutiendum. Idēl: 2. *Sol conuertetur in tenebras & luna in sanguinem, antequam veniat dies Domini magnus & horribilis.* S. Hieronimus se in Annalibus Hebræorum legisse testatur: singulis diebus quindecim, immediatē ante aduentum Domini in iudicium, signa miranda futura, verū ut Hebræorum sunt. Hebræis relinquuntur.

Luc: 21.

DIXE.



DIXERIS. Quid necesse est aduentus Domini in iudicium præcedere aliqua signa, cum nec aduentum eius primum veniret ad saluandum præcesserint? R. Primum aduentum Christi venientis ad saluandum non præcesserunt signa, quia humilis & occultus apparere voluit, ne impediretur opus redemptionis humanæ, si fuisset aliquibus signis evidentibus manifestatus. Ad iudicium verò quia venturus est gloriosus, & manifeste in gloria Patris, apparebit in nubibus & videbit eum omnis oculus, id eo signa præcurrent aduentum eius.

Matthæ 16.  
Apoc. 1.

### QUANTVM AD SECVNDVM.

CHRISTIANE, Rigidum & iustum iudicium erit, cuius species Matthæ 25. proponitur. Cum, inquit, venerit Filius hominis in maiestate sua, & omnes Angeli eius cum eo, &c. iustis iusta fiet retributio. Venite, inquit, benedicti Patris mei, possidete paratum vobis regnum ab origine mundi. Non frustrabitur etiam contra reprobos iustitia, quibus dicetur. Discedite à me maledicti in ignem æternum. Duplicem pœnam, vnâ sententiâ Domini referent iniqui, pœnam damni, in verbo discedite à me, priuabuntur enim in omnem æternitatem visione Dei, iuxta illud Isai. 26. In via sanctorum iniqua gessit, & non videbit gloriam Domini. Pœnam sensus referent quia in ignem destinantur. Qui præparatus est diabolo & Angelis eius. Atq; contra istam sententiam non valebunt fraudes, technæ, dilationes aut excusationes, quæ hominum solent iudicijs imponi. Tunc enim illuminabit Dominus abscondita tenebrarum & manifestabit consilia cordium. ubi Gloss: d. Abscondita tenebrarum, id est peccatorum; & manifestabit consilia cordium, id est bonas cogitationes. Tunc venient iniqui in cogitatione peccatorum suorum timidi, & traduent illos ex aduerso iniquitates eorum. Locus iudicij iniquorum erit vallis Iosaphat, de quo Idél. 3. Deducam omnes gentes in vallem Iosaphat & disceptabo cum eis ibi. Et infra. Consurgant, & ascendant gentes in vallem Iosaphat,

I. Cor. 4.

Sap. 4.



*saphat, quia ibi sedebo et iudicem omnes gentes in circuitu. Iusti vero occurrent Domino in aëra. i. Theff. 4. Rapiemur in nubibus obviam Christo in aëra; id est in nubibus splendidis quasi in thronis assistent. Peccatores autem in imo relinquentur, in terra quam dilexerunt. In valle dicta Iosaphat propter certas congruentias, tum quia locus iudicii debet esse communis, qualis est Ierusalem & terra ei adiacens, cum sit quasi locus medius terræ habitabilis, tum quia locus ille, & terra est famosissima propter opera nostræ redemptionis; tum quia negotium magnum, opus scilicet misericordiæ & iustitiæ, ibi tractandum est. Mons enim oliveri circa quem descendit Christus, & ex quo ascendit, qui supereminet valli Iosaphat designat pinguedinem misericordiæ. Iosaphat autem quod à iudicio dictum est, designat districtiorem iustitiæ. Aduerte & istud Christiane, quod aduertum suum ad iudicium voluit Dominus esse certum, sed horam & tempus incertum, dixit enim. De die illa & hora nemo scit, neq. Angeli cælorum nisi solus Pater. Et hoc ideo ut semper vigilemus prout monet. Vigilate quia nescitis qua hora Filius hominis venturus sit, ne cum venerit repente, inueniat vos dormientes.*

*Matth. 24.*

*Marc. 13.*

DICES. Cum hominibus & Angelis, tempus & hora sit occulta, mirum quomodo etiam Filius hominis qui Iudex est, ignoret tempus iudicii, ut loco proximè allegato dicitur. De die, inquit, illo & hora nemo scit, neq. Angeli in cælo, neq. Filius nisi Pater. R. Arius qui dicebat Filium minorem esse Patre in diuinitate, dicebat etiam non omnia scire quæ scit Pater. Sed errat hæreticus, si enim per Filium omnia facta sunt, & sine ipso factum est nihil, certè ipsa tempora per ipsum facta sunt; si autem & tempora per ipsum facta sunt, certè novit omnia tempora, quomodo enim ignorabit quod fecit? Dicitur autem filius nescire diem iudicii, quia non facit quenquam scire, ita enim Act. 1. Apostolis de hoc interrogantibus respondit. Non est vestrum nosse tempora vel mementa: Pater autem dicitur

*Joan. 1.*

*Hebr. 1.*



tur nosse, quia eiusmodi cognitionem habens à se, tradidit Filio, & Filius ab eo habet per æternam generationem. Cognoscit ergo & Filius, non solum quantum ad divinam naturam, sed etiam quantum ad humanam, secundum quam Iudex futurus est, ad iudicem autem pertinet etiam tempus nosse iudicij. Hinc Chrysost. Homil. 30. in Matth. *Si Christo homini datum est, ut sciat qualiter oporteat iudicare quod est maius, multo magis datum est ei scire quod est minus, scilicet tempus iudicij.*

### QUANTVM AD TERTIVM.

**C**hristiane, Consummationem iudicij consequetur merces plena iustorum, & pœna iniquorum, Ita Matth. 25. *Ibunt hi in supplicium æternum, iusti autem in vitam æternam.* Et quia Dominus in igne veniet iudicaturus viuos & mortuos, & seculum per ignem, nam *ignis ante ipsum præcedet.* Psal. 96. Ignis ille victimæ conflagrationis, quo mundus purgabitur & renovabitur. Vt enim olim perijt mundus diluvio, perditis impijs vniuersis, solo iusto Nòe cum sua familia, seruato: ita & nunc post diluvium verbo DEI restauratus, *Igni reser-* uatur in diem iudicij & perditionis impiorum hominum. Ignis, inquit, *Propheta in conspectu eius exardescet.* Quare innouatio mundi quæ per ignem fiet, remouebit à mundo infectionem ex culpa relictam, & impuritatem commixtionis: & disponet ad gloriæ perfectionem. Et primò quidem remouebit infectionem ex culpa, habet enim maximam efficacitatem ad purgandum, qui non inficitur, sicut alia elementa nobis viciniora, cum eius Sphæra sit à nobis remotissima. DEINDE renouabit impuritatem commixtionis, qui non recipit commixtionem extranei, sicut alia, cum sit maximæ actiuitatis. Tandem disponet ad gloriæ perfectionem, quia cum sit nobilissimum elementum, habet naturales proprietates, similiores proprietatibus gloriæ, quod maximè apparet in luce. Quapropter iam in fine audita sententia suæ damnationis reprobi, cum miran-

2. Petri: 3.

Psal: 49.



Isai: 66.

mirando luctu & lamentatione in barathrum æternæ obliuionis descendant operi humo, vt olim Core, Dathan & Abyron seditiosi, hiatu terræ absorpti sunt. Num: 16. *Dirupta est, inquit, terra sub pedibus eorum, & aperiens os suum devorauit eos cum tabernaculis suis & vniuersa substantia eorum, descenderuntq; viui in infernum operi humo, & perierunt de medio multitudinis: ita reprobi inuoluet illo igne, quo mundus adueniente Domino innovabitur, in ipso descendant in infernum, vbi vermis illorum non morietur, & ignis non extinguetur, & erunt vsq; ad satietatem visionis carni.* Videbunt enim beati diuinæ iustitiæ exercitium in damnatis, & in se misericordiæ beneficium, quo pœnas illas euaserunt. Cremabuntur ergo continuo corpora damnatorum non tamen confumentur, adumbrat id similitudine Magist: sent. lib. 4. dist. 44. *Sicut, inquit, animus cuius presentia corpus viuit, & dolorem pati potest, & mori non potest, hoc erit etiam in corporibus tunc damnatorum, quod nunc esse scimus in animis omnium.*

Job: 37.

DIXERIS. Mirum est. quod Apost: 2. Petr: 3. dicit, *Cæli ardentes soluentur, & elementa ignis calore tabescent.* Quomodo cæli solidissimi & quasi ære fusi, igni vltimæ conflagrationis sint purgandi. R. Ignis ille non purgabit cælos, quia corpora cælestia peregrinæ impressionis non sunt receptiua; deinde in tam sublime non ascendet, sed tantum spatium àëris occupabit, quantum aqua occupauerat in diluvio, ait Gloss: Ord. in 2. Thess: 1. aqua autem in diluvio non ascendit ad cælos, sed solum quindecim cubitis super altitudinem montium, vt Gen. 7. d. Quod verò Apost: dicit. *Cæli ardentes soluentur,* cælos vocat non æthereos sed àéreos, de quibus præmiserat, quod cæli & terra prius per aquam perierant, qui nunc verbo repositi seruati sunt igni, in diem iudicij. Sed iam Christiane huius articuli accipe morale.

COROL.



## COROLLARIUM.

**C**ogita Christiane angustas fore peccatoribus in iudicio vi-  
*as, tunc enim incipient dicere montibus, cadite super nos, & abscon-*  
*dite nos à facie sedentis super thronum. & ab ira Agni, quoniam dies*  
*magnus iræ ipsorum, & quis poterit stare? Quare ne asperneris*  
*consilium, quod tibi ad evadendum futura mala datur: oportet te*  
*benefacere in vita tua & vitare mala. Audi suadentem*  
*Apostolum. Vis non timere potestatem? bonum fac & habebis lau-*  
*dem ex illa. Pœnitentia satage emundare delicta, quæ enor-*  
*missima indubitanter credimus aboleri, etiam in ultimo Spi-*  
*ritu si admissorum pœniteat. Non prætermittas misericor-*  
*dix opera, quæ misericordiam apud Iudicem concilient.*  
*Quoniam eleemosyna ab omni peccato & à morte liberat, & non pati-*  
*tur animam ire in tenebras. Etenim in illo iudicio, fiducia magna*  
*erit coram summo Deo eleemosyna omnibus facientibus eam. Super omnia*  
*charitatem habe erga DEUM & proximum, quod est vinculum per-*  
*fectionis, & illa est, quæ uniuerfa operit delicta.*

Luc. 23.

Apoc. 6.

Rom. 13.

De dogmatib.

Eccl. c. 48.

Tob. 4.

Coloss. 3.

Prov. 10.

PARS TERTIA  
 SYMBOLI APOSTOLORVM.

IN QVA PONITVR.

## ARTICVLVS VIII.

Credo in Spiritum Sanctum.

**Q**uia omnes tres Personæ diuinæ, sunt vnius eiusdemq; na-  
 turæ ac indivisæ substantiæ idem vnus DEUS, ideo in re-  
 gula fidei, vt est Symbolum Apostolorum. iubemur credere  
 sicut in Patrem, ita in Filium, ita quoq; in Spiritum Sanctum.  
 Fides enim Catholica hæc est, vt vnum DEUM in Trinitate, &

M m

Tri-



*Athanas.* Trinitatem in unitate veneremur. Neq; confundentes Personas (quod fecit Sabellius) neque substantiam separantes, (quod Arius & Macedonius) nam etsi alia sit Persona Patris, alia Filij, alia Spiritus Sancti, sed tamen Patris & Filij & Spiritus Sancti vna est diuinitas, æqualis gloria, coæterna Maiestas. Et sicut baptizamur in nomine Patris & Filij pariter quoq; Spiritus Sancti, Act: 19. Ignorantes Ephesios, si Spiritus Sanctus est, instruit Paulus affirmans baptismum in remissionem peccatorum, non valere nec prodesse, si non detur in nomine Spiritus Sancti. Quid sit Christiano de Spiritu Sancto tenendum & credendum, quantum simplicitas eius in erudita deposcit, inhærendo huic octauo Symboli Apostolorum articulo, per subiectas Catecheses quantum Dominus concesserit, Dominus autem Spiritus est, explicabitur.

## C A T E C H E S I S D E N O M I N I B V S S P I R I T V S S A N C T I.

*2. Cor: 4.* *Isai: 11.* *1. Cor: 12.* *Psal: 50.* *Psal: 142.* *Matth: 10.* *Gal: 4.*  
Varia nomina Spiritus Sancti ponuntur, nam ab operationibus suis vocatur Spiritus fidei, Spiritus sapientiæ, intellectus & similia, quia hæc in hominibus operatur. Ab ipsa sua diuinitate vocatur Spiritus rectus; Spiritus principalis; Spiritus bonus. Ab origine vocatur Spiritus Patris, Spiritus Filij. Quare de nominibus Spiritus Sancti in ista Catechesi, tria expendentur.

I. Quod nomen Spiritus Sanctus, est proprium  
tertiae in Deitate Personæ.

II. Quare Spiritus Sanctus dicitur amor?

III. Quare dicitur donum?

QVAN-



## QUANTVM AD PRIMVM.

**C**hristiane, Quamuis Pater & Filius rectissimè dicantur  
 vnus Spiritus Sanctus, quia vnus incorporeus & Sanctus  
 Deus sunt, quemadmodum lib. 15. de Trinit: ponderat S. Au-  
 gust: Vsu tamen scripturæ & Ecclesiæ nomen Spiritus San-  
 cti, propriè accommodatum est, tertiæ in Deitate Personæ.  
 Ambrosi. in Symb. Apost. cap. 1. *Licet, inquit, Pater sit Spiritus,  
 & Filius sit Spiritus: & Pater sit Sanctus, & Filius sit Sanctus, sola  
 tamen tertia Persona Spiritus Sanctus nuncupatur.* Dum autem De-  
 us dicitur Spiritus, significatur planè incorporeus, simplex &  
 incompressus, nullo loco circumscriptus, vlllo tempore com-  
 prehensus: tale enim est, quod perfectè Spirituale est. Dum  
 verò dicitur Sanctus, designatur ipse purus, & alienus ab om-  
 ni malo immensq; bonus; plena enim Sanctitas solius Dei  
 est, quam decantabant illi duo Seraphim Isai. 6. Quamuis er-  
 go Spiritus Sanctus, si sumatur in virtute duarum dictionum,  
 Spiritus scilicet & Sanctus, commune sit tribus Personis, sum-  
 ptum hoc quod dico Spiritus Sanctus in vi vnius dictionis se-  
 cundum vsum Ecclesiæ, propriè attribuitur tertiæ Personæ.  
 Ratio istius potest hæc assignari, quia tertia Persona, proce-  
 dens vt amor per voluntatem, procedit per modum cuius-  
 dam impetus & spirationis, nam & amor vehementiam Spiri-  
 tus habet. Atq; hoc appropriatum tertiæ Personæ in scriptu-  
 ris invenimus Matth. 28. *Baptizantes eos in nomine Patris, & Filij,  
 & Spiritus Sancti.* Idem ex doctrina Apostolorum constat. 2.  
 Cor: 13. *Gratia Domini nostri IESV Christi & charitas Dei, & com-  
 municatio Spiritus Sancti.* 1. Ioan: 5. *Tres sunt qui testimonium dant  
 in cælo, Pater, Verbum & Spiritus Sanctus.* Hinc August. lib. 7. de  
 Trinit: c. 4. *Cum queritur quid tres? dicimus tres Personæ, &  
 quia in ordine trium Personarum, vltimo loco positum est  
 Spiritus Sanctus, hinc facile convincitur tertiæ Personæ ac-  
 commodari tanquam proprium nomen Spiritus Sanctus.*



QUÆSIT. Cur tertiæ Personæ non est tributum nomen ita proprium sicut primæ Pater, & secundæ Filius? R. Hoc nomen Spiritus Sanctus, ex ipsa sua significatione tribus Personis commune, tribuitur propriè Personæ ex Patre & Filio procedenti, eo quod homines pro re quæ procedit ab alio & non gignitur, peculiare nomen non habent: sicut pro re quæ gignit habent peculiare nomen Pater, & pro re quæ gignitur nomen Filius. Ita rem istam faciliter explicat Catechismus Parochorum. . *Secunda, inquit, Persona ideo proprium nomen habet & Filius dicitur, quia eius æternus à Patre ortus propriè generatio vocatur.* Ergo sicut ille ortus, propriè generationis nomine significatur, ita Personam quæ emanat propriè Filium appellamus, & à qua emanat Patrem. . Productioni verò tertiæ Personæ, non est proprium nomen, impositum, sed spiratio & processio appellatur, quare & ipsa Persona quæ producitur proprio nomine caret, sed Spiritus Sanctus dicitur. Quod nomen illi maxime convenit ex eo, quia Spiritualem vitam in nos infundit, ac sine Sanctissimi numinis illius afflatu, nihil æterna vita dignum efficere possumus, ita ut nemo possit dicere Dominus IESVS, nisi in Spiritu Sancto: quod Ecclesia quoq; illis diebus confitetur. d. *Sine tuo numine, nihil est in homine nihil est innoxium.* Sed contra hunc articulum.

DICES. Quid necesse est multiplicare in vna notitia eademq; , distinctos articulos, ut etiam hic de Spiritu Sancto distinctus ponatur, utiq; vna est notitia Patris & Filij & Spiritus Sancti. nam *Qui videt me videt & Patrem meum.* Ioan. 14. Sufficiebat ergo vnus articulus trium Personarum. R. Vna est notitia Patris & Filij & Spiritus Sancti, quantum ad vnitatem essentia, quantum verò ad distinctionem Personarum, circa quas contingit esse errorem, debent distincti esse articuli; nam Arius errauit circa Personam Filij, dicens non esse coequallem nec consubstantialem Patri, immò minorem Patre, ideo



ideo de Persona Filij necesse fuit distinctum poni articulum, quem abunde explicat Symbolum Nicænum dicens. *Et in unum Dominum nostrum IESUM Christum Filium Dei unigenitum,* &c. Macedonius erravit circa Personam Spiritus Sancti, vocans ipsum ministrum Patris & Filij, ideo & de Spiritu Sancto articulus poni debuit. Sabellius porro erravit circa totum mysterium Ss. Trinitatis, negans esse tres Personas distinctas in vna Deitate. Proinde tres articuli necessario sunt distincti, vnus de Persona Patris, alius de Persona Filij, atq; alius de Persona Spiritus Sancti.

### QUANTVM AD SECVNDVM.

**C**hristiane, equidem multum laborant Theologi, explicando in divinis amorem, tum essentialiter, tum notionaliter seu personaliter sumptum: & an ex natura rei sint idem aut distinguantur necessario. Tibi sufficiat Spiritum Sanctum Amorem appellari; tum ex usu Ecclesiæ, tum accurata scripturarum dicendi ratione, Ecclesia in hymno Pentec: de Spiritu Sancto canit. *Fons virtus, ignis charitas, & spiritualis unctio.* Gregor: in Homil: Pentec: Ipse, inquit, *Spiritus Sanctus est amor.* August: lib. 15. de Trin: c. 17. amorem procedentem qui est DEUS, dicit esse Spiritum Sanctum. Ideo autem nomen Amoris appropriatur tertix Personæ (cum tamen ex se aliquid commune tribus Personis significet) quia denotat operationem voluntatis, per quam Spiritus Sanctus procedit. Nam sicut Filius Dei quia per intellectionem procedit, dicitur in scriptura sapientia, ita Spiritus Sanctus quia procedit per voluntatem vocatur Amor. Idem in scriptura reperitur. 1. Ioan: 4. *Charissimi, inquit, diligamus invicem, quia dilectio ex Deo est, & omnis qui diligit ex Deo natus est, & cognoscit Deum, qui non diligit non novit Deum, quoniam Deus charitas est.* Et quoniam Apostolus hoc loco dilectionem dicit esse DEUM, & dilectionem esse ex ipso DEO. Si amor est DEUS, & amor est ex DEO,



est igitur amor procedens, nempe ex Deo, & quis nisi Spiritus Sanctus? Verum ut aliquid Christiane ad tuum profectum derivetur, cum Spiritus Sanctus amor dicitur, etiam in nobis causans amorem, tibi commendatur donum charitatis, quod eodem nomine atq; Deus ipse vocatur. eoq; maxime Deo assimilaris. Urget namq; Apostolus, dicens. *Charissimi diligamus invicem, quia dilectio ex Deo est.* Rom. 5. *Charitas Dei diffusa est in cordibus nostris per Spiritum Sanctum, qui datus est nobis, qui multifaria dona tribuit misericorditer fidelibus, & diuidit singulis prout vult.*

1. Cor. 12.

DIXERIS. Charitas Patri appropriatur, ita enim Ecclesia in Festo Ss. Trin. *Charitas Pater est, Gratia Filius, Communicatio Spiritus Sanctus.* immò & Apost. 2. Cor. 13. *Gratia Domini nostri IESU Christi, & charitas Dei, & communicatio Spiritus Sancti.* Non ergo Spiritus Sanctus amor dici debet, sed Pater. & Charitas duplicem habet comparisonem ad alias virtutes; comparatur enim ut mater, iuxta Ambrosium: comparatur ut vinculum iuxta illud Colossi 3. *Charitas est vinculum perfectionis.* Ergo ratione primi, appropriatur Patri, sed ratione secundi Spiritui Sancto.

### QUANTVM AD TERTIVM.

CHRISTIANE, Communiter dicunt Theologi (ne verò excedat limites nostræ Catechizationis) donum in quantum personaliter sumitur in diuinis, quod natura sua donum est, proprium esse nomen Spiritus Sancti: in quo sensu Ecclesia canit. *Qui paraclitus diceris, Altissimi donum Dei.* Ideo August. lib. 15. de Trin. c. 19, inter plurimas rationes id ipsum comprobantes, etiam istam adfert, ut dicat. *In scriptura Spiritus Sanctus aqua viua nominatur.* iuxta illud. Ioan. 4. *Qui credit in me, sicut dicit scriptura, flumina de ventre eius fluent aquæ viuæ. Quæ sit hæc aqua viua, exponit Euangelista. Hoc, inquit, dixit de Spiritu Sancto, quem accepturi erant credentes: esse autem aquam*

Joan. 2.



aquam viuam, est donum DEI, Apoc: 21. *Ego sitienti dabo de fonte aquae viuae gratis.* Quid igitur desideratur, nisi quod nomen doni proprie Spiritui Sancto competat. DEINDE, donum est datio irreducibilis, quæ includit in se rationem gratuiti affectus, proinde includit amorem: ergo amor est primum donum, in quo alia omnia dona donantur, & Spiritus Sanctus qui est amor, cum procedat ut primum donum: profectò donum esse proprium est Spiritui Sancto. Ideo quoq; tam crebrò promittitur dandus in Euangelio, & alibi in scripturis. Ex quo discite Christiane quàm suppliciter donum hoc debeas expetere: bona enim innumera operatur Spiritus Sanctus, datus in anima hominis. Et cum propheta Psal. 103. d. *Emitte Spiritum tuum & creabuntur & renovabis faciem terræ.* Aygvanus exponens dicit. *Notandum quòd per Spiritum Sanctum merito in virtutibus creari dicimur & renovari.* Purgat enim peccata, siquidem gratia cum sit contraria peccato, simul cum illo esse non potest, ideo adueniente gratia Spiritus Sancti omnis culpa tollitur. Itai. 4. *Si laverit Dominus sordes filiarum Sion, & sanguinem Ierusalem laverit de medio eius, in Spiritu iudicij & Spiritu ardoris.* Dicitur Spiritus iudicij, quia discernit bonos à malis. Spiritus ardoris, quia animam ad DEI amorem accendit & desiderium æternorum. Infundit gratiam viuificantem, anima enim sine gratia Spiritus Sancti mortua est, Spiritus autem est qui viuificat. Ossa illa arida Ezech: 37. non habebant vitam, sed per Spiritum flantem viuificata sunt. Quare & Apostolus mortalia corpora nostra, per inhabitantem Spiritum Sanctum viuificanda pollicetur. Ducit ad gloriam cœlestem. Psal: 142. *Spiritus tuus bonus deducet me in terram rectam.* quo qui aguntur sunt filij & heredes. Sed hic aliquis.

DIXERIT. Si donum esse, est proprium Spiritus Sancti debuit ei ab æterno conveniri: nam proprium est, quod semper conuenit. ut ex Logicis patet: donum esse Spiritui Sancto nequaquam ab æterno conuenit, nulli enim creaturæ ab æterno datus

4. Top: c. 4.

Ioan: 6.

Rom: 8.



datus est, cum nulla creatura ab æterno extiterit. & Donum esse ab æterno conuenit Spiritui Sancto, quod autem ab æterno nulli donatus fuerit, nihil obstat, quo minus verè donum dicatur: expresse id docet August: lib. 5. de Trin: cap. 15. d. *Aliter intelligitur cum dicitur donum, aliter cum dicitur donatum: nam donum potest esse antequam detur, donatum verò nisi datum fuerit, nullo modo dici potest.* Donum ergo est, non tantum id quod actu donatur, sed etiam quod donari potest, vel ad id deputatum est.

## C A T E C H E S I S II. DE SUBSTANTIA SPIRITVS S A N C T I.

**S**ubstantiam Spiritus Sancti dum venerando consideramus, Deum Deum verum, Patri & Filio consubstantialem coæternum & coæqualem confitemur, eiusdem naturæ indiuisæ atque eiusdem gloriæ. *Qui cum Patre & Filio simul adoratur & conglorificatur, qui locutus est per Prophetas. Qui Spiritus, inquit Ambros. non est de natura rerum corporalium, neq; de substantia inuisibilium creaturarum; est autem Creator omnium visibilium & inuisibilium, unâ cum Patre & Filio.* Ergo dum substantiam Spiritus Sancti, in ista Catechesi contemplari appetimus, tria expediemus.

- I. *Quòd Spiritus Sanctus est verus Deus, unus cum Patre & Filio?*
- II. *Quòd Spiritus Sanctus, non factus, non creatus, non genitus, sed procedens?*
- III. *Quòd Spiritus Sanctus sicut à Patre ita & à Filio procedit?*

QVAN-



## QUANTVM AD PRIMVM.

**C**hristiane, Firmissimè tene, & nullatenus dubites Spiritum Sanctum esse verum DEUM, Patri Filioq; consubstantiali-  
lem, atq; vnum cum Patre & Filio in natura DEUM. Hoc fi-  
des evincit Catholica, dum in doctrina ab Apostolis tradita  
pronuntiamus. *Credo in Spiritum Sanctum*, si enim creatura &  
non Creator esset Spiritus Sanctus, in regula fidei non pone-  
retur ante Ecclesiam, sed ipse etiam ad Ecclesiam pertineret  
in illa eius parte, quæ in coelis est. Quare sicut Christus Ioan:  
14. se esse DEUM ostendit, d. *Creditis in Deum & in me credite.*  
q. d. ait August. *Consequens est, ut si in Deum creditis, & in me cre-* *Tract. 67. in*  
*dere debeatis; quod non esset consequens si Christus Deus non esset.* *Ioan.* Ita  
nunc, quia pariter ex doctrina fidei in Symbolo tenemur cre-  
dere in Spiritum Sanctum, sicut credimus in Patrem & Fili-  
um, Spiritus Sanctus ostenditur esse verus DEUS, in nullam  
enim creaturam obligamur credere nisi in solum DEUM.  
DEINDE. Sicut Filius est verus DEUS Patri consubstantialis,  
& vnus DEUS cum Patre, quia est æqualis Patri, & omnes eius  
perfectiones accipit præterquam esse Patrem. ita & Spiritus  
Sanctus est verus DEUS, Patri & Filio consubstantialis, & v-  
nus DEUS cum Patre & Filio, quia æqualis Patri & Filio, atq;  
omnes perfectiones Patris & Filij accipit, præterquam esse  
Patrem & Filium. In hac enim Trinitate nihil prius aut po-  
sterius, nihil maius aut minus, sed totæ tres Personæ coæter-  
næ sibi sunt & coæquales. Et vt in confessione veræ sempi-  
ternæq; Deitatis, & in Personis proprietates, & in essentia vni-  
tas, & in maiestate adoretur æqualitas. Hanc fidem Catholi-  
cam de vera Spiritus Sancti Deitate confirmant scripturarum  
oracula, Act. 5. Ananias ille, quia mentitus est Spiritui San-  
cto, arguit Petrus mentitum fuisse DEO. Et 1. Cor. 12. cum di-  
xisset Apostolus diuisiones gratiarum esse à DEO, mox expli-  
cat esse à Spiritu Sancto.



## ARTICULUS VIII.

PRÆTEREA, Matth: 25. Vnum nomen, vna operatio, vnus idemq; effectus in baptismo Spiritus Sancti cum Patre & Filio, convincit vnā naturam Deitatis, atq; vnum eundemq; DEUM. INSUPER, Cui tribuuntur ea quæ sunt veri DEI, DEUS verus est, Spiritui Sancto tribuuntur ea quæ sunt veri DEI, nam templum habere est veri DEI. Psal: 10. *Dominus in templo Sancto suo.* Spiritus Sanctus habet templum. 1. Cor: 6. *Corpora vestra templum sunt Spiritus Sancti.* Act: 17. *Deus est qui dat vitam & inspirationem & omnia.* Spiritus Sanctus dat vitam. Ioan: 5. *Spiritus est qui viuificat.* Luc. 1. *Deus locutus est per Prophetas.* *Locutus est per os Sanctorum, quia à seculo sunt Prophetarum eius.* idem Spiritus Sanctus. 2. Petr. 1. *Spiritu Sancto inspirato locuti sunt Sancti DEI homines.* Ierem: 23. *Cælum & terram ego impleo dicit Dominus.* sed Sap: 1. *Spiritus Domini repleuit orbem terrarum.* Et alia plurima, quæ manifeste testantur veram Spiritus Sancti Deitatem. Et quod non sit aliquod DEI attributum absolutum, sed relatione subsistens Persona contra Præxianos & Sabellianos, quia habet intellectum, ad scrutandum omnia etiam profunda DEI. 1. Cor: 2. habet voluntatem, ad dividendum singulis prout vult. 1. Cor: 12. Sed aliquis ex Macedonij secta.

INSTITERIT. Orare & postulare non conuenit DEO vero, qui enim orat & postulat, superiorem orat. DEO eutem quis superior? Spiritus Sanctus orat & postulat. Rom: 8. *Ipse Spiritus postulat pro nobis gemitibus inenarrabilibus,* quomodo ergo verus DEUS? &. Orare & postulare propriè & formaliter DEO conuenire non potest, orare autè & postulare causaliter quid prohibet? cum scriptum sit tu es patientia mea. Orat igitur Spiritus Sanctus non propriè & formaliter, orat autè & postulat causaliter, quia sua efficacia causat & efficit nos orantes & postulantes, docens nos quid orare & postulare debeamus, cum id ex nobis ipsis ignoremus.

Psalm: 70.

QVAN-



## QUANTVM AD SECVNDVM.

**C**hristiane, Cum confiteris Spiritum Sanctum esse DEUM  
verum, Patri & Filio consubstantialem, & vnum DEUM  
cum Patre & Filio, confiteri debes non factum, nec creatum:  
quod verò nec genitus sit sed procedens, audi Athanasium in  
suo Symbolo. *Spiritus, inquit, Sanctus à Patre & Filio, non factus,  
nec creatus, nec genitus, sed procedens.* Et facere quidem siue eti-  
am fieri quia importat exteriorem materiam, ut patet in arte-  
factis. Spiritus Sanctus non factus, cum essentialiter DEUS  
vnus cum Patre & Filio nihil extraneæ admixtionis habet.  
Create etiam seu creari, aliquid ex nihilo produci sonat. Spi-  
ritus Sanctus non ex nihilo, quia de essentia Patris & Filij.  
Non etiam Spiritus Sanctus est genitus, quia generatio indi-  
uinis, est productio similis, ex vi & modo suæ productionis;  
Spiritus autem Sanctus, licet producat per similes ratione essen-  
tiæ sibi communicatæ, non tamen ex vi & modo suæ produ-  
ctionis, quin non producit per intellectum, sed per volun-  
tatem inde etiam dicitur amor, quod autem producit per  
voluntatem, non est simile producenti ex vi processionis suæ,  
seu productionis. Etenim ut sit aliquid simile producenti ex  
vi & modo productionis suæ, debet illi simile secundum il-  
lam formam, secundum quam producat producat, quod au-  
tem producit per voluntatem, non est simile producenti se-  
cundum illam formam, quæ producat producat; produ-  
ctum enim per voluntatem nihil est aliud quàm actualis incli-  
natio in rem amatam, id est amor, forma autem secundum  
quam voluntas fertur in obiectum est ipsa bonitas obiecti per  
intellectum apprehensa & ipsi voluntati proposita, porro bo-  
nitas ista obiecti non est similis actuali inclinationi in obie-  
ctum amatum. Quod verò producit per intellectum, est si-  
mile intellectui secundum illam formam, qua intellectus in-  
telligit. Nam quod producit per intellectum est verbum

I. p. 9. 47.  
A. A.



## ARTICULUS VIII.

mentis, seu vitalis & actualis imago rei intellectus, forma autem quâ intelligens est talis est habitualis species seu imago rei intellectæ, istæ autem duæ imagines sunt sibi similes. Sed

INFICIABERIS. Si Spiritus Sanctus qui est amor non procederet in similitudine naturæ, extraneus esset à diuina natura, quod est Macedonianum. &. Procedit Spiritus Sanctus in similitudine naturæ, & ideo non est extraneus à diuina natura, sed quia non procedit similis producenti ex vi & modo suæ productionis vt dictum est, ideo non est genitus aut natus, procedens ergo seu spiratus dicitur.

## QUANTVM AD TERTIVM.

CHRISTIANE, Credere Spiritum Sanctum, non tantum à Patre, sed à Filio pariter ab æterno procedere, tanquam ab vno principio, vno spiratore, vnica spiratione, duorum spirantium, est de necessitate salutis. Id Concilia Nicæni & Constantinopolitanum. *Et in Spiritum Sanctum Dominum & viuificantem, qui ex Patre Filioq; procedit.* Achanasi in Symbolo. *Spiritus Sanctus à Patre & Filio, non factus nec creatus, nec genitus, sed procedens.* Et in Epistola ad Serapionem. *Etiamsi quos videris cum Elia volantes per aëra, & cum Petro & Moyse sicco pede calcantes maria, nisi Spiritum Sanctum profiteantur Deum, essentialiter ex Filio Deo existentem, sicut & Filium naturaliter Deum genitum æternaliter ex Deo Patre existentem, vt nos profiteamur, eos non recipias.* Et iterum. *Blasphemantibus & negantibus Spiritum Sanctum Deum esse de natura Dei Filij, non communices.* Et Cyrillus in lib. thesaurorum. *Necessarium, inquit, saluti nostræ est, confiteri Spiritum Sanctum de essentia Filij existere, tanquam ex ipso secundum naturam, existentem.* Firmat in hoc fidem nostram autoritas divinarum scripturarum. Ioan: 15. *Filius DEI pollicetur. Mittam vobis à Patre Spiritum veritatis, Cap: 16. Mittam ad vos Paraclitum.* Et ultra. *Ille me clarificabit, quia de meo accipiet. Si Spiritus Sanctus accipit de eo quod est Filij, & mittitur à Filio, profectò procedit*



cedit ab eo. DEINDE. *Omnia quaecunq; habet Pater, mea sunt; eodem loco dicit, habet autem Pater potentiam spirandi, certe & Filius, qui habet quaecunq; Patris sunt. Præterea multæ authoritates Spiritum Sanctum vocant Spiritum Iesu Christi, Rom: 8. Si quis Spiritum Christi non habet, hic non est eius. Gal: 4. Quoniam estis Filij, misit Deus Spiritum Filij sui in corda vestra.* Si Spiritus Sanctus est Spiritus Filij, quomodo non procedit à Filio? Pulchrè Cyrill. Alexandr. in Concilio Ephesino. *Spiritus, inquit, Sanctus est appellatus Spiritus veritatis & veritas Christus est, unde & ab isto similiter, sicut & à Patre procedit.* POSTREMÒ. Quia Catholicè profiteamur Filium Patri æqualem, necesse est profiteamur Spiritum Sanctum æquè à Filio vt à Patre procedere, sin secus non esset Deus, quod est Arianum, siquidem in divinis omnia sunt communia tribus Personis exceptis relationibus secundum originem, quia sola relatio multiplicat Trinitatem, vt est apud Bôetium in lib. de Trin. proinde cuicunq; non sunt cetera communia præter relationem & personalem proprietatem, in divinis locum non habet: si Filius non spirat cum Patre, non sunt ei communia cætera in divinis præter relationem originis & proprietatem Personalem: spirare enim non est proprietas Personalis Filij nec relatio secundum originem, per quam Persona Filij constituatur aut differat à Patre. Quare si Filius non spiret cum Patre, non est Deus, ex quo Schismatici in Arianismum incidunt.

DIXERIS. Non alia de causâ Ioan: 15. promittit Christus missurum se Spiritum Sanctum qui à Patre procedit, nisi vt ostendat non à se, sed à Patre dumtaxat procedere: si enim eum à Patre mittit Filius, & à Patre procedentem, profectò declarat à solo Patre procedere. &. Ex verbis istis. *Mittam vobis à Patre Spiritum veritatis, qui à Patre procedit*, nullo modo colligitur à solo Patre procedere, sed quòd Filius id etiam quod suum est deferat Patri, tanquam Ætio, quod à Patre per æternam generationem accepit, quia Pater solus est Ætios, à seipso omnia habens, qui gignit & emitit.

CA-



# CATECHESIS III. DE MISSIONE SPIRITVS S AN CTI.

Cum toties in Euangelio legatur promissio missionis Spiritus Sancti, cuius aduentu roborarentur Apostoli; nam præter tot loca in Euangelio S. Ioannis. Luc. 24. Iam ascensurus in cælum Dominus discipulis locutus est. *Mitto promissum Patris mei in vos, vos autem sedete in ciuitate quoad vsq; induamini virtute ex alto.* Atq; in huius memoriam factæ promissionis, quæ tunc in executione fuit, nunc nos Christiani Pentecosten celebramus, quibus promissus Spiritus Sanctus in linguis igneis fidelibus Christi in Spiritu vehemèti missus erat. Proinde vt Christianus sciat recolere missionem Spiritus Sancti, dum sibi quoque mittitur, tria in ista Catechesi ad hoc pertinentia dicuntur.

I. *Quid sit missio inuisibilis?*

II. *Quomodo fiat missio visibilis?*

III. *Quæ mysteria in missione Spiritus Sancti?*

## QUANTVM AD PRIMVM.

Lib. I. dist. 37. Christiane, Cum dicitur mitti Spiritus Sanctus, ne cogites velim de motu locali, Deus enim non mouetur de loco ad locum; cum enim diuina natura veraciter & essentialiter sit in omni loco & omni tempore, non mouetur per loca vel tempora, nec localis est, nec temporalis inquit Magist. sent. Mittitur ergo inuisibiliter Spiritus Sanctus, cum nouo modo incipit esse, absq; sui mutatione in creaturâ rationali. Et hoc nota, quod duobus modis mittitur Spiritus Sanctus inuisibiliter ad hominem. Primus modus est perfectus, quando mittitur per gratiam sanctificantem, vt in homine habiter tanquam in tem-



in templo, iuxta illud, 1. Cor. 3. *Nescitis quia templum Dei estis, & Spiritus Sanctus habitat in vobis?* Hunc modum ostendit Christus Ioan: 14. d. *Ad eum veniemus & mansionem apud eum faciemus.* Et Ezech: 37. ossibus aridis promissus. *Ecce ego, inquit, intro-mittam in vos Spiritum & viuetis.* Hinc Beda. *cum gratia Spiritus Sancti datur hominibus, mittitur Spiritus Sanctus.* Nam quoties confertur donum gratiæ gratum facientis, seu sanctificantis vel iustificantis, etiam ipsa Persona Spiritus Sancti mittitur, & datur cum ipso dono, dicit enim Apostolus. *Charitas Dei diffusa est in cordibus nostris per Spiritum Sanctum, qui datus est nobis.* Duo enim dicit ista missio, & quod infunditur gratia, & quod Spiritus Sanctus datur. Secundus modus quo mittitur Spiritus Sanctus invisibiliter, est imperfectus, qui dici potest dispositivus, secundum quem datur gratia excitans & disponens, per quam gratiam Spiritus Sanctus præparat sibi templum in quo habitat, si homo non excludat per ingratitudinem. Et hoc crebrius ut gratia excitans conferatur homini. Ephes: 5. *Surge qui dormis, & exurge à mortuis, & illuminabit te Christus.* Apoc. 3. *Ego sto ad ostium & pulso, si quis audierit vocem meam, & aperuerit mihi, intrabo ad illum.* Mittitur ergo Spiritus Sanctus, cum vel linguarum varietatem operatur, ut in Apostolis, qui post acceptum Spiritum Sanctum. *Ceperunt loqui varijs linguis, prout Spiritus Sanctus dabat eloqui illis:* vel fortitudinem, quâ roborati Petrus cum Ioanne principibus Iudæorum, responderunt. *Si iustum est, in conspectu Dei, vos potius audire quam Deum, iudicate.* Et iterum. *Obedire oportet Deo magis quam hominibus.* Sed hic aliquis.

Rom: 5:

INSTABIT. Persona Spiritus Sancti est ex se donabilis, cum sit natura sua donum, & donum est nomen eius proprium, potest ergo mitti & dari, absq; omni dono creato. Ergo sine gratia. &. Non potest quia ratio missionis requirit, ut nouo modo sit in creatura: si novum modum essendi in creatura requirit missio, requirit & mutationem, quia novitas non potest



test esse sine mutatione, Persona autem Spiritus Sancti mutari non potest. Ergo nec nouitas aliqua ex parte illius esse potest. Ergo aliquid extrinsecum, qualia sunt dona, requiritur ad rationem novitatis, mutationis & missionis. Quare ad omnes qui renouantur per gratiam gratum facientem, fit invisibilis missio Spiritus Sancti.

### QUANTVM AD SECVNDVM.

Christiane, Est modus connaturalis homini per cognitionem visibilium, devenire ad cognitionem invisibilium. Hoc & Apostolus Rom: 1. ostendit, d. *Inuisibilia Dei per ea quæ facta sunt, intellecta à creatura mundi conspiciuntur.* Itaq; benignitas DEI, accommodans se captui humano, inuisibilem missionem Spiritus Sancti, secundum visibiles creaturas manifestavit. Quare sicut Filius Dei missus est à Patre in mundum in carne visibilis. *Inuisibilis*, inquit S. Leo, *in suis, visibilis factus est in nostris.* ita quoq; Spiritus Sanctus visibiliter missus est. Et

*Matth: 3.* legitur quater visibiliter missus seu signo visibili. Primò missus est specie columbæ super Christum baptizatum. In specie inquam columbæ in baptismo, columba enim cum sit animal fecundum, significabat in Christo fecundam auctoritatem donandi gratiam, per spiritualem regenerationem quæ fit in baptismo, vnde & vox Patris intonuit. *Hic est Filius meus dilectus*: vt ad similitudinem vnigeniti adoptivi regenerarentur. Secundò missus in specie nubis lucidæ in Transfiguratione in monte Thabor: tum ad ostendendam exuberantiam doctrinæ, vnde dictum est. *Ipsam audite*: tum ad demonstrandam eius maiestatem: nam in multis locis scripturæ, nubes figurat maiestatem DEI, quia & ad iudicium in nube ventet cum potentia magna & maiestate. Tertiò missus & datus in specie flatus Ioan: 20. quando Dominus in Apostolos sufflauit, ad ostendendam potestatem remittendi peccata, ministerium dispensandi Sacramenta. Quartò missus in specie lingua-



guarum, ignitarum, verbis ut essent proflui, & charitate fervidi, ut canit Ecclesia. Sed hic quoque;

DICES. Si Spiritus Sanctus missus est visibiliter, debet dici minor Patre, sicut & Filius, ex eo dicitur minor Patre, quia visibiliter missus est, in humana carne. & Filius DEI dicitur minor Patre, non simpliciter quia in visibili humanitate missus, sed quia humanitatem assumpsit ad unitatem divinæ Personæ, atque ita quæ de humanitate dicuntur proprie, etiam de Filio DEI quadamtenus dicuntur. Spiritus autem Sanctus licet visibiliter missus fuerit in creaturis visibilibus, nullam tamen creaturam assumpsit ad unitatem suæ Personæ, propterea non potest dici, minor Patre ratione illius creaturæ in qua apparebat, sicut Filius dicitur minor ratione humanæ naturæ, ad unitatem Personæ assumptæ.

### QUANTVM AD TERTIVM.

CHRISTIANE, Si mysteria placet rimari in missione Spiritus Sancti, cum audis bis datum à Domino Apostolis post resurrectionem, quid in hoc mysterij seu spiritualis eruditionis, ita contemplare. Datus est bis Spiritus Sanctus ad designandum duplex dilectionis præceptum: primo enim in terra adhuc Domino consistente, ad inculcandam proximi dilectionem, quem nobiscum in terra conversantem habemus. Datus est iam in dextera Patris Domino sedente, ad instillandum DEI amorem. Vel etiam datus est in terra ad relaxanda peccata aliorum: datus est in die Pentecostes ad robur & operationem miraculorum. *Verbo enim Domini cæli firmati sunt, & Spiritu oris eius omnis virtus eorum*, cæli autem sunt Apostoli, qui enarrant gloriam DEI, roborati ergo sunt & miracula operati eodem Spiritu Sancto quem acceperunt. Quod si ante passionem Domini fuerunt Apostoli baptizati, etiam tunc in baptismo eis collatus fuit Spiritus Sanctus, quod innuitur. Ion: 13. *Qui lotus est, non indiget nisi ut pedes lauet.* Datur etiam nunc

Ioan: 20.

Act: 2.

Psal: 32.

Psal: 18.



Spiritus Sanctus multis: peccatoribus quidem ad purganda peccata. *Matth: 3. Ipse baptizabit vos Spiritu Sancto & igni: sicut enim ignis purgat aurum, ita Spiritus Sanctus purgat scoriā peccati: accipiunt pœnitentes ad proficiendum. Psal: 142. Spiritus tuus bonus deducet me in terram rectam.* Aygvanus in hunc locum. *d. Spiritus hic bonus nos mirabiliter docens ad patriam ducit, dum sua inspiratione cor nostrum multipliciter tangit: accipiunt perfecti ad certificandum. 2. Cor: 5. Deus est qui dedit pignus Spiritus.* *Ephes: 1. Signati estis Spiritu promissionis Sancto, qui est pignus hereditatis nostræ: accipiunt ignorantes ad instruendum, Ioan: 16. Cum venerit ille Spiritus veritatis, docebit vos omnem veritatem: accipiunt tribulati ad consolandum: ideo paraclitus seu consolator est appellatus.* DEINDE, Considera Christiane, quod die quinquagesima à resurrectione Domini datus est Spiritus Sanctus, ut ostendatur author esse remissionis peccatorum, nam annus Iubileus serviebat remissioni. *Leuit: 25. Sanctificabis annum quinquagesimum, & vocabis remissionem cunctis habitatoribus terræ tuæ, ipse est enim Iubileus.* Hinc Ecclesia de missione Spiritus Sancti in hymno canit. *Patrata sunt hæc mysticæ Pasche peractō tempore, sacro dierum circulo, quo lege fit remissio. Datus die Dominico, ut esset dies renovationis, qui fuit dies creationis; datus hora tertia. Act: 2. ad recuperandam gratiam, quam primus homo dicitur perdidisse hora tertia, in qua creatus fuit.*

QUÆSIER. An patribus veteris testamenti Spiritus Sanctus missus fuerit? R. Invisibili missione omnibus mittitur qui sunt gratiæ participes, quare & illis Sanctis Patriarchis & Prophetis ceterisq; iustis. Visibiliter autem nunquam fuit missus. Ratio quia prius debuit perfici missio visibilis Filij quàm Spiritus Sancti, eum Spiritus Sanctus manifestet Filium, sicut Filius Patrem.

DICES. Factæ sunt visibiles apparitiones divinarum Personarum Patribus veteris testamenti: ut Abraham Gen: 18. &

alijs



alijs profecto missio visibilis divinæ Personæ. Ergo Spiritus Sancti. & Illæ apparitiones visibiles, missiones dici non possunt, quia non fuerunt factæ ad designandam inhabitationem divinæ Personæ per gratiam sed ad aliquid aliud manifestandum, ut dicit August: lib: 2. de Trin: cap. 17.

Dices adhuc. Sed neq; invisibiliter missus fuit in veteri testamento, immò usq; ad Christi glorificationem, dicitur enim Ioan: 7. *Nondum Spiritus fuit datus, quia IESVS nondum fuit glorificatus.* & Non negat Euangel: missum fuisse Spiritum Sanctum, sed dicit quod non fuerit missus in tanta plenitudine, sicut post glorificationem Iesu, vel non fuit datus cum illo signo, visibili sicut in Pentecoste.

## COROLLARIUM.

CONSIDERA Christiane, quod tùm in scripturis, tùm etiam à Sanctis Patribus varia enuntiantur de Spiritu Sancto. A Patribus quidem Nicænis Dominus dicitur. *Et in Spiritum Sanctum Dominum*, & hoc ad differentiam aliorum Spirituum id est Angelorum, qui non domini sed ministri DEI dicuntur. Spiritus autem Sanctus non minister sed Dominus est. 2. Cor: 3. *Dominus autem Spiritus est.* Dicitur etiam VIUIFICANS. Et viuificantem, nam vita animæ in eo est, quod coniungitur DEO, cum ipse DEUS sit vita animæ, sicut anima est vita corporis, quin verò anima cum DEO coniuncta magis viuit, quam corpus coniunctione animæ alitur & sustinetur, ait Catech. Paroch. Quia verò Spiritus Sanctus per amorem qui ipse amor est, coniungit animam DEO, ideo viuificat. Ioan. 6. *Spiritus est qui viuificat*, rectissime viuificans appellatur. Dicitur PROCEDENS. ex Patre & Filio, per quod ostenditur eiusdem esse substantiæ cum Patre & Filio, quia sicut Filius est Verbum Patris, ex substantia Patris emanans, ita Spiritus Sanctus est amor Patris & Filij, ex vtriusq; vna ac individua substantia procedens: & sicut Verbum eiusdem est cum Patre

Hebr: I.



## ARTICULUS IX.

substantiæ, ita amor cum Patre & Filio. Dicitur ADORANDUS & CONGLORIFICANDUS, simul cum Patre & Filio, ut cognoscas & credas verum esse DEUM, Ioan: 4. *Veri adoratores adorabunt Patrem in Spiritu & veritate*, quia & baptizmus sicut in vno nomine Patris & Filij, ita etiam Spiritus Sancti confertur & perficitur. Dicitur LOCUTUS per Prophetas, quo etiam demonstratur verus DEUS: nam sicut Pater locutus est per Prophetas, Ierem. 7. *Misi ad vos omnes seruos meos Prophetas.* Et cap. 1. *Ecce dedi verba mea in ore tuo.* Et 2. Paralip: 36. *Mittebat Dominus Deus Patrum suorum ad eos per manus nuntiorum suorum.* Locutus est Filius, Matth: 23. *Ecce mitto ad vos Prophetas.* Locutus est quoq; Spiritus Sanctus. 2. Petr: 1. *Spiritu Sancto inspirati locuti sunt Sancti Dei homines.* Quare Spiritus Sanctus est æqualis Patri & Filio, idem vnus verus DEUS.

# ARTICVLVS

## SYMBOLI IX.

Sanctam Ecclesiam Catholicam: Sanctorum communionem.

SPIRITUS Sanctus, quia est fons & largitor Sanctitatis, idemq; Sanctificator Ecclesiæ: qui enim apparuit super Christum baptizatum in specie columbæ, iudicio est, quod per ipsam Sanctificatur corpus, qui supra caput apparuit. Tit: 3. *Saluos nos fecit per lauacrum regenerationis & renouationis Spiritus Sancti quem effudit in nos abunde.* Ideo Ss. Apostoli, duces, & magistri nostri, post articulum de Spiritu Sancto hunc novum immediatè de Ecclesia subiecerunt, qui ex superiore intimè pendet. Et quia sine communione Ecclesiæ nemo saluari potest, quod passim Ss. Patres docent. August: de vnitæte Ecclesiæ. cap. 19. *Nemo, inquit, ad ipsam salutem & vitam æternam peruenit,*



nit, nisi qui habet caput Christum, habere autem caput Christum nemo poterit, nisi qui in eius corpore fuerit quod est Ecclesia. Et Gregori. lib. 14. Moral: cap. 2. Sancta, inquit, Ecclesia Vniuersalis pradicat, saluari ueraciter nisi intra se non posse, asserens quod omnes qui extra ipsam sunt, minimè saluantur. Quare Ss. Apostoli in isto articulo ostendunt viam, quã ad cognitionem veræ Christi Ecclesiæ perueniatur, ne contingat ab ipsa errare, cum ipsam Sanctam & Catholicam pronuntiant. Superaddunt autem duo Concilia Oecumenica, in illo quod in Missa cantatur Symbolo cum dicunt. Et unam Sanctam, Catholicam, & Apostolicam Ecclesiam. Sed quia abundè ut arbitror de hoc argumento, vel in illo tractatu sub titulo Ciuitatis supra montem, in quadro positz scripsi, ideo hic pauca & faciliora pro capto simplicium attingam. Pro quo sit

## CATECHESIS I.

IN QVATRIA SVCCINCTE  
EXPEDIENTVR.

- I. Quid sit Ecclesia?
- II. Quibus in scriptura adumbratur Symbolis?
- III. Quomodo cognoscenda?

## QVANTVM AD PRIMVM.

CHRISTIANE, priusquam definias quid sit Ecclesia, obserua nomine Ecclesiæ multa significari: aliquando significat locum in quo convenit populus religionis causa: aliquando significat Senatum Ecclesiasticum, qui cogitur nomine totius Ecclesiæ, quem Ignatius ad Antiochenos vocat collegium Presbyterorum: aliquando pro præsulibus accipitur. ut Dic Ecclesiæ. In hoc autem articulo significat vniuersam multitudinem credentium bonorum & malorum sub vno pastore. Est enim

Deuter: 23.

Epist: 9.

Matth. 18.



*Ecclesia populus fidelis per uniuersum orbem dispersus.* ait S. August. Hoc planè indicat Ecclesiam Sanctam & Catholicam: Sanctam quia ex populo fidei vocata, sine fide enim nulla Sanctitas, Catholicam, quia in omnibus mundi partibus & gentibus. Cyprianus verò lib. 4. epist. 9. vocat Ecclesiam *plebem Sacerdoti adunatam & pastori gregem adherentem*. Si velis completam notionem Ecclesiæ habere, poteris dicere, esse cœtum visibilem illorum, qui baptizati veram sinceramq; Christi fidem profitentur, subiecti Petri successori & Christi in terris Vicario Romano Pontifici. Ex qua notione cognoscis qui à vera Ecclesia sunt alieni. Primò Pagani & Iudæi, qui non sunt baptizati, baptismus enim est ianua ad Ecclesiam sine quo nemo in Ecclesia esse potest, ne Catechumeni quidem nisi proximâ potentiâ: hinc fidelibus in Ecclesia existentibus Apostolus dicit. *Hæc fuistis, sed ablati estis*, scilicet in baptismo. Alieni à vera Christi Ecclesia sunt hæretici quia veram & sinceram fidem, quantumvis sint baptizati non profitentur, sed post varios & diuersos errores, veræ & sinceræ fidei contrarios abeunt. Alieni Schismatici quia detrectant subesse Christi Vicario Romano Pontifici. Hinc S. Thom. 2. 2æ. q. 39. art. 1. c. f. *Schismatici*, inquit, *dicuntur, qui subesse renuunt Summo Pontifici, & qui membris Ecclesiæ ei subiectis communicare recusant*. Et quamvis Ecclesia sit Respub: cum sit cœtus populi monarchicus, id est sub vno principe, differt tamen ab alijs Rebuspub. illæ enim humana ratione & prudentiâ nituntur, hæc autem DEI sapientiâ & consilio constituta est. Huc Deus vocat, interius quidem Spiritus Sancti afflatu, qui corda hominum illustrat: exterius autem per pastorum & prædicatorum ministerium.

QUÆSIT. I. Quomodo melius dicitur Credo Sanctam, vel in Sanctam Ecclesiam? Leo Papa dicit quòd non debet dici. *In Sanctam, sed Sanctam*. Ambrosi: autem dicit quòd debet dici *in Sanctam*. Porro Hieron. & Epiphan. dicunt, idem esse.

Cre-

August. Tract.  
II. in Ioan:

Catech: Pa-  
roch.

Contra Luc-  
ferian: in fi-  
ne Ancohrat.



*Credo in Ecclesiam, Credo in vitam eternam: & Credo Ecclesiam, Credo vitam eternam.* Iam vero S. Thomas dicit, licet utrumq; possit dici, melius tamen secundum communioem vsu sine IN, dicitur. Si enim dicitur sine IN. tunc sensus est. Credo in Spiritum Sanctum, facientem Ecclesiam Sanctam; Si autem dicatur Cum IN. tunc est sensus. Credo in Sanctam, id est credendo amo Sanctam Ecclesiam, eiq; vt eius membrum adherere: quomodo actum credendi IN explicat Magistr. sent. lib. 3. dist. 23. dicens *quodd credere in Deum, est credendo amare, eidemq; adherere.* 2. 2e. q. 1. a3  
9. 5m.

QUÆSIER. 2. An vna sit Ecclesia populi antiqui cum Christiano populo? R. Vna quoad substantiam, quia vtrobiq; vnus DEUS, & vna fides, differt solum secundum perfectum & imperfectum. Hinc Apostolus statum antiqui populi comparat parvulo, statum populi Christiani perfecto & adulto viro.

1. Cor. 13.  
Gal. 4.

DICIS. Antiquus populus Synagoga dicebatur, nunc verò Ecclesia: antiquus populus seruæ comparatus, hic verò liberæ, alia verò est serua seu ancilla, alia etiam libera. R. Ob iam dictam rationem denominatio diuersa eiusdem substantiæ rei. August. lib. 4. contra Faustum. cap. 2. d. *Populus sub lege positus Synagoga, id est congregatio dicitur, hoc ei nomen impositum est, quia pecudum more, quibus magis congregari convenit, terrena & caduca bona spectaret: Christianus vero populus non Synagoga sed Ecclesia dicitur, quodd terrenis & mortalibus rebus contempnis, cœlestes & æternas sectatur.* Quo fine DEUS vocauit populum suum ad Ecclesiam, dicente Apostolo. *ut ambularetis digne Deo qui vocauit vos in suum regnum & gloriam.* Quanquam etiam Ecclesia est congregatio hominum ad hoc conuocata à Spiritu Sancto, vt ei merita Christi communicentur. dicit: Ion: à Louanio in exposit Symb. cap. 51.

Gal. 4.

1. Thess. 2.

QUÆSIER. adhuc. Triumphans & militans sitne vna Ecclesia? R. Vna in duas distincta partes. Pars triumphans est coetus ille clarissimus & felicissimus beatorum Spirituum, & eorum

3. p. 9. 8.  
4. 4. 6.



Catech: Pa-  
roch.

eorum qui de mundo, de carne, de iniquissimo dæmone triumpharunt, & ab huius vitæ molestiis liberi ac tuti æternæ beatitudine fruuntur. Militans verò pars est, cœtus omnium fidelium, qui adhuc in terris sub regimine vnius pastoris visibilis viuunt: militans vocatur, quòd illi cum immanissimis hostibus mundo, carne, satana perpetuum sit bellum.

### QVANTVM AD SECVNDVM.

Matth: 5.

Apoc: 21.

1. Tim: 3.

Dom: 9.

**C**HRISTIANE, Plurimis in scriptura Symbolis Ecclesia adumbratur. Et quia duo sunt genera hominum in Ecclesia, boni & mali, iusti & peccatores, prædestinati & reprobi, id ipsa Symbola quibus adumbratur protestantur. Adumbratur autem per ciuitatem supra montem in quadropositam. Et sicut in ciuitate sunt ciues boni, sed & discoli, ita in Ecclesia sunt Sancti, pij & modesti, sunt etiam homicidæ, fures, adulteri & alij. Adumbratur Ecclesia per domum, 1. Tim: 3. Domus DEI, columna & firmamentum veritatis; sicut autem in domo vnus est paterfamilias, ad quem spectat gubernatio domus, ita in Ecclesia est vnus supremus vices Christi gerens, qui vniuersam regit Ecclesiam, *Vnus dominus, vnus rex*, vt Homerus dicit: Et sicut in domo sunt vasa aurea, argentea, ligneæ, luteæ, alia in honorem alia in contumeliam, ita in Ecclesia sunt prædestinati sunt præsciti. Adumbratur per ouile sub vno pastore, Ioan: 10. in quo sunt oues, sunt & hædi, proinde Matth: 25. Oues dextram hædi sinistram tenebunt, qui in eodem ouili, eandem fidem professi sunt, eorundem Sacramentorum participes fuerunt, sed bona operari neglexerunt. Adumbratur per arcam Nòe, extra quam positos omnes tulit diluvium; ita extra Ecclesiam nulla salus; & sicut in arca fuerunt munda & immunda animalia, ita in Ecclesia iusti & iniqui. Adumbratur per fagenam in mare missam, in qua boni & mali pisces: in Ecclesia boni & mali Catholici. Adumbratur per aream, in qua triticum & paleæ. Matth: 3. Verum hæc



hæc omnia de vera visibili in terris peregrinante Christi Ecclesia, relicta illa ficta, quæ ad te non pertinet, inuisibili, Mathematica, atq; adeo idea Platonica hæreticis commentitia imaginatione. Sed tu forsân

DICES. In vera Dei Ecclesia non possunt esse mali, tûm quia dicitur Sancta, in Symbolo, tûm quia Gregor. Homil. 38. in Euangel. dicit: *Regnum cælorum, est Ecclesia iustorum*, si iustorum quid malis ad illam? R. 1. Non derogat Sanctitati Ecclesiæ quod mali sint in medio iustorum, nam à principaliori & nobiliori parte Sanctitatem sortitur Ecclesia, quanquam & mali ad illam pertinentes quadamtenus Sancti dici possunt, tûm propter fidem, tûm propter professionem Sanctitatis ad quam tendere debent. R. 2. Ecclesia dicitur congregatio iustorum, tûm ob rationes dictas; tûm quia fides est initium iustitiæ iuxta illud, *iustus ex fide uiuit*. Abac: 2. & Rom: 1. in Ecclesia autem sunt omnes fideles.

### QUANTVM AD TERTIVM.

CHRISTIANE, Sicut vnaquæq; res cognoscitur per signa propria, ita visibilis Ecclesia cognosci debet per signa, quæ ipsi sunt extrinseca, cum ipsa tamen convertibilia nulli alteri communicabilia. Sunt autem quatuor talia signa à Concilijs Oecumenicis posita. Vna scilicet, Sancta, Catholica & Apostolica, quæ omnia in tractatu de inuenienda & cognoscenda vera DEI Ecclesia prolixius exposui, hic breviter attingam. Vna est Ecclesia, tûm quia sub vnius regimine, Christi in terris Vicario Romano Pontifice vnum DEUM colit, vnam fidem profitetur. Vnum corpus, vnus Spiritus. Hinc Gregor. in Moralibus. *Sancta, inquit, Ecclesia consistit unitate fidelium, sicut corpus unitate membrorum, ex quibus vnum corpus visibile constituitur*, de quo Apost. *Omnes nos in vno Spiritu in vnum corpus baptizati sumus, siue Iudæi siue Gentiles, siue serui, siue liberi, tûm quia omnes iisdem Sacramentis, vno corpore Christi vescun-*

I. Cor: 10:



1. Cor. 10.

tur. *Vnus panis, unum corpus multi sumus, omnes qui de vno pane participamus*, tū quia semper vnum regimen externum, vna forma & modus gubernationis Monarchicus. Quare vna semper Ecclesia vnitae permanentiæ, quæ vnitae nulli vnquam sectæ hæreticorum communicabilis; illæ enim semper in alias sectas degenerant. Sancta est Ecclesia, tū quia nemo ingreditur Ecclesiam nisi per baptismum sanctificetur, Christus enim dilexit Ecclesiam, & seipsum tradidit pro ea, ut eam sanctificaret, mundans lauacro aquæ in verbo vitæ, tū quia Sanctum caput habet Christum, qui est Sanctus Sanctorum Daniel. 9. tū quia sanctificatur à Spiritu Sancto viuificante: in ea sanctæ leges, ceremoniæ & Sacramenta Sancta, Fides & doctrina sancta, quæ sanctitas exulat à doctrinis & sectis hæreticorum. Catholica est Ecclesia, id est vniuersalis, tū quia diffusa per orbem terrarum à solis ortu vsq; ad occasum vnius fidei splendore clarescit: neq; enim definita est vno regno aut vna natione sicut hæreticorum sectæ, Donatistarum tantum in Affrica. Lutherana & Calviniana in Saxonia & Borealis plagæ parte. Ecclesia verò à mari vsq; ad mare, & à flumine vsq; ad terminos orbis terrarum: tū quia antiqua, omnium temporum, omnes enim fideles, qui ab Adam in hunc vsq; diem fuerunt, quivè futuri sunt quamdiu mundus extabit, veram fidem profitentes, ad eandem Ecclesiam pertinent, quæ fundata est *super fundamento Apostolorum & Prophetarum, ipso summo angulari lapide Christo IESU*: tū quia omnes gentes diuersarum linguarum & idiomatum in doctrina vnius fidei consentiunt, quod factum fuit ipsa die Pentecostes, quando *Parthi, Medi, Ælamitæ* & alij vnā fidei doctrinam susceperunt. *Ex omni tribu & lingua, & populo, & natione*. Atq; ab hac consensione vniuersitatis & antiquitatis Ecclesiæ Catholicæ, segregare se, semper hæreticum esse docet Vincentius Lyrinensis in suo Peregrino aduersus hæreses. Apostolica est, quia Spiritus Sanctus qui præsidet Ecclesiæ, eam non

Psal. 71.

Ephes. 2.

Act. 2.

Apoc. 5.

1. Tim. 3.

Cap. 34.



non per aliud genus ministrorum quàm per Apostolicum gubernat, ait Catech. Paroch: in Apostolis primum fundata: quod myſterium ostendit Ioannes Apoc: 21. d. *Muri ciuitatis* (quæ de cœlo in terram peregrinatur) *habens fundamenta duodecim, & in ipsis duodecim nomina, duodecim Apostolorum agni.* Conuenticula hæreticorum non possunt ab Apostolis suam deducere successionem, & maxime à principali successione abſiſtunt, vt ait Ireneus, id est à sede Petri de qua Cyprianus. *Qui, inquit, Cathedram Petri super quam ædificata est Ecclesia deserit, in Ecclesia se esse non confidat,* Apostolica autem dicitur Ecclesia, tùm quia per Apostolos in vniuerso orbe propagata, quibus id præceptum erat. Matt: 28. & Marci 16. tùm quia tenet doctrinam Apostolorum, siue scripto siue traditionibus contentam, de qua Catech: Paroch. *Ecclesie veritatem agnoscimus, siquidem doctrina eius veritas est, non recens, neq; nunc primum orta, sed ab Apostolis iam olim tradita,* tùm quia retinet successionem Episcoporum ab Apostolis, quod maximè perspicuum est in Romana Ecclesia, vbi Cathedra Petri inuolabiliter vsque ad hæc tempora conseruatur. *Ad hanc enim Ecclesiam, (inquit Ireneus) propter potentiorē principalitatem, necesse est omnem conuenire Ecclesiam.* Et quia ista quatuor signa enumerata, vna, Sancta, Catholica & Apostolica, soli Romanæ semper Pontificiæ in vniuerso orbe propagatæ, conueniunt, illa est in terris vera Christi Ecclesia, fortè.

DICES. Vera Christi Ecclesia est vnum ouile, Ioan. 10. quod Romanæ modernæ non competit, non enim continet oues, sed hædos, lupos, reprobos, peccatores, qui oues esse non possunt, quia soli prædestinati, vt docet August. Tract: 45. in Ioan. oues sunt. & Oues aliquando soli prædestinati dicuntur, vt Ioan. 10. *Oues meæ vocem meam audiunt,* aliquando omnes fideles in genere, qui vnius fidei communionē conſociantur, siue sint boni siue mali, siue prædestinati siue præſciti, & sic vnum ouile constituunt, sicut vbi simul hædi sunt cum



ouibus. Hæc breuiter de prima parte articuli: si cui libuerit, plura de hoc argumento apud grauissimos auctores, Hosium, Thomam Bozium, Bellarminum & alios: vel etiam in illo tractatu sub titulo Ciuitatis supra montem in quadropositæ legere. Modo sit

## PARS SECUNDA ARTICVLI Sanctorum Communionem.

CHRISTIANE, Dùm profitemur Sanctorum communionem, charitatis mutæ, pacis, & in omnibus vnitatis omnes Christiani admonemur. Docet enim secunda hæc pars articuli. Ecclesiam ideo dici communionem seu Societatem Sanctorum, quòd omnes Sancti in ea colligati sibi sunt tanquam membra vnius corporis, per vnum Spiritum vinculo pacis & charitatis. Sed communicio ista in primis attendenda est cum capite, sicut enim in corpore naturali membra omnia capiti communicant, quod vigorem influit in ea, ita nos communicamus cum Christo, cuius diuinitatis participes per gratiam afficimur, meritorum & satisfactionum. Cùm beatis communicamus eos honorantes, atq; suffragia implorantes, ipsiq; nobiscum communicant sua merita, & orationes pro nobis offerentes, quod in tractatu de potestate Clauium Ecclesiæ, in Conclusionem de Indulgentijs nonnihil attigi. Communicamus ipsi inter nos in Ecclesia militante in meritis & in omnibus bonis spiritualibus, vt sicut in corpore naturali operatio vnius membri cedit in bonum alterius, atque totius corporis, ita in corpore spirituali, in quo sumus *singuli alter alterius membra*, bonum superabundans vnius, communicatur alteri indigenti, vt hoc modo abundantia vnius inopiam alterius supple-

Rom: 12.

2. Cor: 8.

ple-



pleat, nam Qui modestus est, mansuetus, & misericors & iustus, non intra se tantummodo hæc recte facta concludit, verum in aliorum quoq; utilitatem præclaros hos faciet effluere fontes: donec admittamur in beatam illam Societatem Sanctorum, cum gaudio gratias agentes Deo Patri, qui dignos nos fecit in partem sortis Sanctorum in lumine. Verum ut hæc planius proponantur, per singula explanentur. Qui enim communicamus in Ecclesia, communicamus in vna fide & doctrina fidei. *Vnus Dominus, vna fides*: omnes enim idem credimus & confitemur, vna apud omnes divinitatis confessio, vnus de vero Deo sensus, idq; hortatur Apostolus. *Obsecro vos ut idipsum omnes dicatis, & non sint in vobis schismata, sitis autem perfecti in eodem sensu, & in eadem sententia*; Sic vna de Filio Dei fides, ut non, ab alijs quidem verus Deus, ab alijs minor Deus prædicetur; vnum commune Symbolum, vna eius expositio, ut non alia sit confessio Waldensium, alia Saxonica, alia Calvinistica. Communicamus in vna spe, omnes enim idem speramus scilicet æternam beatitudinem, quam nobis ultimus huius Symboli articulus proponit. *Credo vitam æternam*. Communicamus in vna charitate, quâ fratres inuicem nominamur vnum in coelo habentes Patrem, & vnum in terra visibilem totius multitudinis in vno corpore & vna anima, Rectorem. Communicamus in Sacramentis, eadem enim sunt omnium fidelium in Ecclesia Sacramenta, vnum baptismum, quo renati & Christiani effecti sumus: eodem corpore Christi omnes vescimur, *1 Cor: 10. Omnes de vno pane participamus*. Communicamus in prosperis & aduersis, ut gaudeamus cum gaudentibus fleamus cum flentibus: & si quid patitur vnum membrum, compatiuntur omnia membra. Deniq; pro necessitate omnia communia esse debent fidelium in vna Ecclesia, sicut primitus erant eis omnia communia. Communicamus in orationibus & alijs Christianæ iustitiæ officijs, ut dicat iustus in Ecclesia. *Particeps ego sum omnium timentium te*.

*Chrysost: Homil: 15. in Matth.*

*Coloss. 1.*

*Ephes. 4.*

*Act: 4.*

*Rom: 12.*

*1. Cor: 12.*

*Act: 4.*

*Psal: 118.*



## ARTICULUS IX.

quippe qui communia merita & bona spiritualia participat aliorum iustorum, secundum gradum suæ iustitiæ & charitatis. Nam in maiori gratia existens, magis aliorum merita participat, quia charitas qua totum corpus Ecclesiæ ligatur, omnia facit esse communia diuidens singulis prout sunt capaces, sicut candela accensa multis, eos magis illuminat qui magis sunt dispositi, propius accedunt, & clariores habent oculos.

DICES. Scelesti qui exciderunt à gratia DEI, aut sunt membra Ecclesiæ, aut non sunt. Si non sunt, Ecclesia ex solis bonis & iustis constat ad quam mali non pertinent. Si sunt membra Ecclesiæ etiam scelesti, manca est Sanctorum communio, quæ non ad omnia membra Ecclesiæ deriuatur, quia scelesti fructus spirituales Ecclesiæ non participant. & Etiam scelesti quamdiu ab Ecclesia per sententiam excommunicationis non fuerint separati sunt membra Ecclesiæ, ut dixi in tractatu de Ecclesia, & hi quidem fructuum spiritualium ut meritorum & similium participes esse non possunt, propter obicem peccati, & cum mortua sint membra, non viuificantur: nihilominus tamen à iustis & pijs adiuuantur, ad amissam gratiam & vitam recuperandam, & sic suo modo in Sanctorum communione conservantur.

## COROLLARIUM.

## ARTICULI.

CHRISTIANE, Perpende sensum verborum articuli huius, & hoc modo considera. Si intra Ecclesiam es & perseueras, es & manens in communione Sanctorum, cum non sis aliud Ecclesia quàm ipsa communio Sanctorum: quod si deserueris Ecclesiæ unitatem, temetipsum eijcis ex communione Sanctorum, quod cernis in apostatis, hæreticis, Schismaticis, qui propterea nec cum Christo, nec cum Sanctis, alijsq; pijs & iustis ac religiosis hominibus, qui Christo vera fide & charitate adhærent partem habere possunt. Quare si rogatus fueris,



ris, quid sit Credo Sanctam Ecclesiam Catholicam? respon-  
debis, sensum hunc esse. Credo & sentio vnam esse San-  
ctam DEI Ecclesiam, cui nihil sit commune cum paganorum,  
hæreticorum & Schismaticorum conventiculis, eamq; esse  
cœtum hominum credentium, non in vno dumtaxat loco  
aut gente, sed ubiq; toto terrarum orbe diffusum, quem  
cœtum Spiritus Sanctus per suam gratiam connectit & con-  
iungit, vna eademque fide, iisdem Sacramentis, vt membra  
corporis Christi mystici; sub vno in terris visibili guberna-  
tore: quem cœtum digito demonstro Romanam, semper  
Pontificiam Ecclesiam. In hoc cœtu dum permaneo, credo  
omnia bona & merita Christi, omniumq; Sanctorum & cre-  
dentium posse mihi communicari commodo & bono esse. Si  
quis verò foras exierit, sectasq; & factiones ab hac Ecclesia  
alienas complexus fuerit, ipse omni gratia diuina spoliatur,  
omnem prorsus spem (nisi gradum revocauerit) salutis amit-  
tit. Quapropter Christiane age Deo gratias qui te *dignum fe-  
cit in partem sortis Sanctorum in lumine*, inq; hanc communio-  
nem accersuit sola misericordia. Per Christum Dominum  
& Saluatorem corporis Ecclesiæ.

1. Ioan: 2.

Coloss: 1.

Tit: 3.

Ephes: 5.

# ARTICVLVS SYMBOLI X.

## Remissionem peccatorum.

**Q**uia per Christum Redemptorem, Mediatorem & Salua-  
torem omnibus bonis sumus cumulati, tam in præsentem  
quàm in futuro: & in futuro quidem expectamus carnis re-  
surrectionem & vitam æternam, in præsentem peccatorum re-  
missionem, in quo nos instructos cupientes Sanctissimi Apo-  
stoli, post articulum de Ecclesia, hunc subiecerunt de pec-  
catorum remissione, vt ostenderent quem fructum in hoc se-  
culo



culo à Christo accipiat Ecclesia, in cuius nomine prædicari debet poenitentia & remissio peccatorum in omnes gentes, Ecclesiæ adunatas. Docet itaque articulus iste, in Ecclesia Catholica, penes ministros, esse potestatem peccata remittendi: proinde credendum est, quod ministri Ecclesiæ ad quos derivata est huiusmodi potestas ab Apostolis, & ad Apostolos à Christo, habeant potestatem ligandi & soluendi, & quod in Ecclesia sit plena potestas remittendi peccata, quâ si ritè & secundum, leges à Christo præscriptas Sacerdotes utuntur, verè peccata quoad ipsam culpam, virtute clavium à Christo datarum solvunt, condonant & remittunt, de quibus dixi, in tractatu Anno 1650. impresso. Huius ergo decimi articuli doctrina per Catecheses expendetur.

Matth: 16.

Ioh: 20.

## C A T E C H E S I S I. D E V A R I I S P E C C A T O R U M G E N E R I B U S.

Enchirid:  
c. 65.

**D**um credimus doctrinâ huius articuli instructi, in Ecclesia esse remissionem peccatorum (extra quam non esse testatur August:) priusquam dicatur, quomodo peccata in Ecclesia remittantur: de generibus varijs peccatorum agendum, quibus cognitis, quod diuersa medicina, diuersis peccatorum ægritudinibus adhiberi debeat, innotescet. In hac ergo Catechesi tria proponuntur.

- I. *Esse quoddam genus peccati, quod originale dicitur?*
- II. *Præter originale esse peccata actualia?*
- III. *Unde peccatorum gravitas pensanda?*

### Q U A N T V M A D P R I M V M.

**C**hristiane, Scito quod Pelagiani hæretici negabant peccatum originale, ut refert. Bernard: Lutzemb: lib. 3. l. p. nec



nec transire à primo parente in posteros, vt August. d. lib. 1. Retractat: c. 9. Et lib: 3. contra Iulian: c. 1. Et in lib. de bono perseuer: c. 11. & 12. Iam verò & esse peccatum originale, & à primo parente in prolem transire, docet Apostolus Rom. 5. *Per vnum, inquit, hominem peccatum intrauit in mundum, & per peccatum mors: & ita in omnes homines mors pertransiuit, in quo omnes peccaverunt.* In Adam omnes peccauerunt, tanquam in principio & radice totius naturæ humanæ, quoniam in lumbis eius erant quando peccavit, & omnes, ille vnus homo fuerunt, ait August. Hoc ita accipe Christiane, sicut iustitia originalis in qua creati erant primi parentes, fuit donum gratiæ, toti humanæ naturæ diuinitus in primo parente collatum, simul cum ipsa natura in posteros traducta fuisset si ille in sua innocentia permanisset, ita primum eiusdem primi parentis peccatum, quo tota natura infecta est, simul cum natura in posteros per originem deriuatur, vnde vocatur peccatum naturæ, iuxta illud Ephes. 2. *Eramus omnes naturâ filij iræ*, in quantum cum natura transit in posteros. Deus enim constituerat primum hominem vt caput & principium totius humani generis, & omnium posterorum voluntates in illius voluntate collocauerat ita vt peccante illo, omnes posteri censerentur in illo peccare. Nam quia omnes posteri in lumbis Adæ virtualiter & radicaliter continebantur, interpretatiuè quodammodo consenserunt peccato eius, ita ac si ibi præsentessent. Quare voluntarium peccatum primi hominis est causa originalis peccati, vt August. docet lib: 2. de nupt: & concupisc. cap. 26.

QUÆSIER. Quid sit hoc ipsum peccatum, quod originale dicitur? R. Ex communi sententia Doctorum, est ex peccato primi parentis, statim ab ipsius nativitate initio contracta peruerfitas: siue est privatio iustitiæ originalis, in parte superiori, id est in intellectu fidei, in voluntate spei & charitatis, in essentia animæ gratiæ originalis. Nam sicut per fidem,



## ARTICULUS X.

spem & charitatem atq; gratiam homo est iustus, & habitualiter conversus ad DEUM: ita per privationem fidei, spei, charitatis & gratiæ est iniustus, est & habitualiter a DEO auersus, quod patet in baptizato infante, cui sicut infunditur habitus fidei, spei, charitatis & gratiæ, fit habitualiter iustus & conversus ad DEUM, ita antea fuit habitualiter iniustus, & auersus à DEO, quia privatus erat habitu fidei, spei, charitatis & gratiæ.

Deuter: 54.  
4. Reg: 14.  
Ezech: 28.

DICES. Quomodo peccante Adam posterius effecti sunt rei illius peccati, cum scripturæ dicant. *Filius non portabit iniquitatem Patris*; non ergo nobis, sed soli Adæ peccatum illius nocere debuit. & Hoc fuit Pelagianorum inventum. Et quidem filius non portat iniquitatem patris, si non sit particeps, posterius autem Adæ sunt participes peccati eius, siquidem voluntas eorum in voluntate Adæ, tanquam in capite & principio totius posteritatis fuit constituta, ut iam dictum est.

DICES adhuc. Peccatum originale nihil est aliud quàm habitualis & vitiosa concupiscentia excitans in nobis desideria mala contra legis divinæ & rectæ rationis dictamen. & Lutherana & Calviniana est ista sententia, sed aliter sese veritas rei habet: nam in peccato originali concupiscentia, est quid materiale, porro privatio iustitiæ & gratiæ est quid formale peccati rationem continens. Quare peccatum originale per baptismum tollitur, iuxta illud. Rom:8. *Nihil damnationis est ijs qui sunt in Christo IESU*. Et 1. Ioan:1. *Sanguis Christi emundat nos ab omni peccato*, prava autem concupiscentia adhuc manet, tanquam effectus ex originali peccato relictus, dicit enim Apostolus. *Video aliam legem in membris meis, repugnantem legi mentis meæ*. Rom:7.

## QUANTVM AD SECVNDVM.

CHRISTIANE, Est peccatum actuale seu propriæ voluntatis, quod proprio actu & voluntate perpetratur, de quo genere pec-



re peccati Apostolus Rom: 9. loquitur, cum dicit Esau & Iacob cum essent in utero matris nihil mali egisse, id est, non habuisse peccatum actuale, qui tamen erant immundi per peccatum originale. *Est autem peccatum actuale, dictum, factum, vel concupitum contra legem æternam*, ut August. dicit. lib: 22. contra Faustum. cap. 27. vel ut S. Thom: 1. 2æ. q. 71. art: 6. *est actus moraliter malus*. Et Ambrosi in lib. de Paradiso cap. 8. *Peccatum est transgressio legis*. Et quia lex est duplex, affirmatiua quâ bonum præcipitur, negatiua quâ malum prohibetur, ita peccata sunt duplicia commissionis & omissionis. Peccata commissionis opponuntur legi negatiuæ, ut est homicidium, adulterium, furtum & similia. Peccata omissionis opponuntur legi affirmatiuæ, ut sunt omissiones bonorum operum, ut omittere morientem fame iuvare eleemosynâ, & aliud quodcunq; bonum opus omittere, ad quod faciendum lege aliqua obligaris, hinc Apostolus. *Scienti bonum facere & non facienti, peccatum est illi*. DEINDE. Peccata quædam dicuntur carnalia, quædam spiritualia, de quibus 2. Cor: 2. *Mundemus nos ab omni inquinamento carnis & Spiritus*. Carnalia sunt, quorum obiectum est aliqua carnalis delectatio pertinens ad sensum gustus vel tactus, ut est gula & luxuria. Spiritualia sunt, quæ non perficiuntur delectatione carnali, ut sunt illa quæq; inter peccata capitalia. PRÆTEREA. Quamvis generali quadam ratione omnia peccata sunt contra DEUM, quia sunt contra legem DEI, peculiari tamen modo, quædam sunt contra DEUM, quædam contra proximum, quædam contra ipsum peccantem. Contra DEUM sunt infidelitas, blasphemia &c. Matth: 12. *Qui dixerit verbum contra Spiritum Sanctum non dimittetur ei*. Contra proximum, ut homicidium, furtum & alia. Matth: 18. *Qui scandalizauerit unum de pusillis*. Contra seipsum peccantem, ut gula & luxuria. 1. Cor: 6. *Qui fornicatur in corpus suum peccat*. INSUPER, Quædam peccata sunt cordis, quædam oris, quædam operis. Peccata cordis sunt, quæ corde

Iacob: 4.



## ARTICULUS X.

perficiuntur, ut pravæ cogitationes, hæresis, desperatio, odium DEI & proximi, invidia. Oris sunt, quæ ore complentur, ut mendacium, periurium, falsum testimonium, &c. Operis sunt, quæ opere perpetrantur, ut furtum, homicidium, adulterium. ADHUC, Quædam peccata sunt ex ignorantia, quædam ex infirmitate seu passione, quædam ex malitia. Peccatum ex ignorantia est illud, quod procedit ex ignorantia crassa diminuente voluntarium, tanquam ex causa per accidens. Sed hic observa duplicem esse ignorantiam, vincibilem & invincibilem. Invincibilis est, quæ studio & diligentia superari non potest, V. G. adhibuit aliquis diligentiam quam debuit & potuit adhibere ad cognoscendum & sciendum aliquid, non tamen ad scientiam eius pervenit, talis est qui non potest addiscere orationem Dominicam & alia pietatis Christianæ, hæc ignorantia tollit voluntarium & excusat à peccato. Vincibilis est duplex, Crassa & affectata, Crassa, quæ diminuit voluntarium, dum quis ex ignavia non curat scire quæ oportet scire, ut rusticus qui ex desidia stertit domi dum in Ecclesia Catechizatur, ideo ea quæ docentur ignorat, qui si diligentiam & studium adhiberet ad scientiam perveniret, talis ignorantia est peccatum, ut docet S. Thom: 1. 2æ. q. 76. art. 2. c. iuxta illud. 1. Cor. 14. *Qui ignorat ignorabitur.* Et Baruch. 3. *Quia non habuerunt sapientiam, perierunt propter suam insipientiam.* Affectata ignorantia est. Cum quis sua sponte & ex industria nescit aliquid, vel etiam ut excusationem peccati habeat: talem ignorantiam omnibus modis evita Christiane, quia non solum est peccatum, sed etiam augeat gravitatem peccati, de qua Job: 34. *Quasi de industria recesserunt à Deo, & omnes vias eius intelligere noluerunt.* Et supra cap. 21. *Dixerunt Deo recede à nobis, scientiam viarum tuarum nolumus.* Et ille Psal. 36. *Noluit intelligere ut bene ageret.* Peccatum ex infirmitate seu passione est, quod oritur ex motione appetitus sensitivi trahentis voluntatem ad consensum, quod magis voluntarium, minus liberum



berum est. Iacob: 1. *Vnusquisq; tentatur à concupiscentia sua abstractus & illeceus.* Peccatum ex malitia est, quod absq; ignorantia & passione, ex plena libertate & voluntate committitur; tunc enim ex malitia peccat, quando ipse ex se fertur ad malum, ex quo etiam gravitas diabolici peccati pensantur. Hinc Gregor: lib: 25. Moral: c. 16. *Gravius quidem peccatum ex infirmitate quàm ex ignorantia, sed multo gravius studio quàm infirmitate.* DENIQUE. Quædam peccata sunt mortalia, quædam venialia. Mortalia dicta sunt, quia mortem animæ adferunt. Ezech: 18. *Anima quæ peccauerit, ipsa morietur: faciunt reum æternæ damnationis.* Gal: 5. *Qui talia agunt regnum Dei non consequentur.* Venialia sunt, quæ nec mortem animæ adferunt, quia non priuant gratia & charitate, nec æterna pœna per se sunt digna, de talibus Prou: 24. *Septies cadit iustus, Iacob: 3. In multis offendimus omnes. 1. Ioan: 1. Si dixerimus quia peccatum non habemus, ipsi nos seducimus.* Et cap: 5. *Qui scit fratrem suum peccare peccatum non ad mortem, petat & dabitur vita ei peccanti non ad mortem.* Natura peccati mortalis consistit in averfione à DEO in contemptu amicitie eius, dum peccans plus diligit creaturam quàm Creatorem. Et hæc sunt in scripturis manifesta, de averfione. Psal. 77. *Averterunt se & non servauerunt pactum: de contemptu amicitie DEI. Isai: 1. Filios enutriui & exaltavi ipsi autem spreverunt me: de dilectione creaturæ super Creatorem Ioan: 12. Dilexerunt gloriam hominum magis quàm gloriam Dei.* Natura peccati venialis consistit in quadam inordinata conversione ad prosequendum bonum creatum, absq; tamen averfione à DEO & absq; contemptu amicitie eius. In hoc enim differt peccatum mortale à veniali, quòd mortale duplicem includat malitiam, vnam averfionis à DEO, alteram conversionis inordinatæ ad prosequendum bonum creatum: adulter enim, fornicator, auertit se à DEO, contemnitq; illum, & ita se convertit ad turpem delectationem, vt eam præferat delectationi divinæ. Veniale autem peccatum in sola quo-



x. 28. q. 89.

a. 1.

Ecclesi. 19.

dammodo inordinata conversione ad bonum creatum completur. Quare licet venialia peccata ut dictum est, non privent gratiā & charitate, odisse tamen illa & vitare oportet, cum quia impediunt actus charitatis & aliarum virtutum, cum quia disponunt ad mortalia peccata: nam *qui spernit modica, paulatim decidet*, quæ quamvis omnia simul vitare non possumus, singula tamen vitari possunt. Sunt deniq; alia peccata generalia, alia specialia, alia capitalia, de quibus infra.

DICES 1. Omnia peccata sunt venialia, quia veniam obtinere possunt etiam gravissima quæq; per poenitentiam, hæc est enim doctrina Catholica contra Novatianos, qui peccata post baptismum commissa irremissibilia dicebant. & Duplitem veniale dici potest, secundum euentum & propriè secundum naturam. Itaq; secundum euentum, omnia sunt venialia, etiam mortalia, quia per veram poenitentiam veniam consequuntur. At secundum naturam non omnia sunt venialia, sed illa solum, quæ nec mortem afferunt, nec reum faciunt æterna poena.

DICES. 2. Omnia sunt mortalia, quia omnia excludunt à regno cœlorum, etiam minima quæq; iuxta illud Matt. 5. *Qui soluerit unum de mandatis istis minimis, minimus vocabitur in regno cœlorum*. Si minima mandata, etiam minima contra illa peccata: & si ille qui transgreditur minimus in regno cœlorum. Ergo nullus. & Negauerunt olim Iovinianus & Pelagius esse aliquod peccatum veniale, omnia dicentes esse mortalia: quem errorem nunc à malis patribus acceptum, profitentur perversi filij Lutherani & Calvinistæ, sed ex loco Evangelij allegato, minimè elicitur quod illi volunt, nam ibi loquitur Christus contra Phariseos, qui solvebant minima præcepta falsâ interpretatione, scilicet de non irascendo, de diligendis etiam inimicis. Nam Pharisei agnoscebant magnum esse peccatum, occidere, non tamen irasci, dicebant amicos esse diligendos, non tamen inimicos. Quare contra hanc corrupte-



ptelam Christus loco dicto loquitur, ostendens Phariseos minimos fore in regno cœlorum, solventes præcepta de non irascendo &c. quæ secundum ipsos minima erant.

DICES. Peccatum contra legem est mortale, omnia autem peccata sunt contra legem, cum nullum sit secundum legem, quare omnia sunt mortalia. R. Omnia peccata sunt contra legem, sed non omnia contra finem legis id est contra charitatem. Quæ ergo ita sunt contra legem ut sint etiam contra finem legis, illa sunt mortalia, quæ verò sunt quidem contra legem, non tamen contra finem legis, venialia sunt, non mortalia.

### QUANTVM AD TERTIVM.

CHRISTIANE, Errabant Stoici Philosophi, docentes omnia peccata paria esse & æqualia: errabant inquam, sunt enim alia alijs graviora, alia alijs maiora. Etenim peccatum consideratur in recessu à bono rectæ rationis & quia non æqualiter in omnibus peccatis fit recessus à bono rectæ rationis proinde non sunt omnia paria, sed quantò magis peccans recedit à bono rectæ rationis, tantò magis & gravius peccat. Hanc diversitatem peccatorum demonstravit ipse Dominus iudicio Pilati præsentatus Ioan: 19. *Qui, inquit, me tibi tradidit, maius peccatum habet*, non dixit tu nullum, sed, ille maius, ergo vnum maius alio. Idem constat ex diuersitate pœnarum peccatis debitarum, nam maiora & graviora peccata, maiori & graviori pœna puniuntur. Matth: 5. *Qui irascitur, reus iudicio decernitur, & qui dicit raca reus concilio, qui verò dicit fatue, iam aliquid gravius contra ipsum profertur. Reus gehennæ ignis.* Tamen quæ sint leviora, & quæ graviora, non humano sed divino sunt pensanda iudicio; sunt enim quæ levissima putarentur, nisi in scripturis demonstrarentur opinione graviora, ut docet August. Enchiridij. c. 79. *Quis, inquit, dicentem fratri fatue reum gehennæ ignis putaret, nisi veritas diceret?* Et quam-



I. Cor. 13.

I. 2. e. q. 73.

n. 4. 3m.

vis non omnium peccatorum gravitatem certò cognoscimus, eam tamen ex multis investigamus. Tùm ex obiectis ex quibus peccata speciem accipiunt, hinc dicimus homicidium gravius furto: tum ex oppositione ad virtutes, maiori enim virtuti (ceteris paribus) maius peccatum ex parte obiecti opponitur, vt inter virtutes theologicas maxima est charitas, proinde etiam peccatum, quod ex parte obiecti opponitur charitati, maius est alijs quæ opponuntur alijs virtutibus, vt odium Dei in se quod directè opponitur charitati, maius est alijs peccatis, tam ex causa peccati scilicet voluntate, quæ est causa per se & propria peccati, vnde *quanto maior voluntas peccandi, tanto grauius peccatum*, vt August: lib. i. contra Iulian: c. 8. dicit, tum ex circumstantijs ex quibus etiam causatur; circumstantiæ autem sunt duplices, aliæ quæ mutant speciem peccati, aliæ quæ intra eandem speciem aggrauant peccatum. Mutant speciem, vt patet in peccato luxuriæ, nam si acceditur ad alienam, est adulterium, si ad propinquam est incestus. Non mutant speciem, tamen ex quantitate materiæ aggrauant peccatum, vt furtum decem florenorum grauius quàm vnus floreni, tum ex nocumento maiori, tum ex conditione personæ in quam peccatur, grauius enim est occidere personam publicam, quàm privatam, spiritualem quàm secularem, sanguine iunctam quàm extraneam, tum denique ex magnitudine personæ peccantis, Isid: lib: 2. de summo bono cap. 18. *Tantò, inquit, maius agnoscitur peccatum esse, quantò maior qui peccat, habetur.*

DICES, Nullum peccatum gravitate excedit aliud: sicut enim hoc non licet facere, ita & illud, sicut fornicari ita & adulterari vno & eodem modo vetatur. R. Non licet peccata facere propter turpitudinem & deordinationem quæ in illis est, & quia alia maiorem deordinationem habent alijs, inde etiam magis sunt illicita & graviora si fiant, propter maiorem deordinationem. *Si enim simpliciter ad simpliciter, & magis, ad magis, etiam maximè ad maxime.* 2. Top.

CATE-



## CATECHESIS II.

## DE EFFECTV PECCATI.

**P**eccatum quanquam nihil est vt ait August: Tract: 1. in Ioan: ad illa verba. *Et sine ipso factum est nihil*; hoc tamen nihil, adeo perniciosum facientibus illud, vt non immeritò Sapiens Eccl: 17. exclamet. *Quid nequius quàm quod excogitauit caro & sanguis?* Et quamuis sit nihil, quia non est de substantia rerum existentium seu naturalium, operatur tamen damnum peccatori: nam est *corruptio boni*, vt Magister sent: lib: 2. dist: 35. dicit, *dùm vt leo venationi, ita peccatum insidiatur operantibus* Eccl: 27. *iniquitatem*. Quare tres effectus peccati in hac Catechesi breuiter quærendo explicabuntur.

I. *Quid sit offensa Dei?*

II. *Quid macula ex peccato relicta?*

III. *Quid postremò reatus pena?*

## QUANTVM AD PRIMVM.

**C**hristiane, offensa D E I est malum super omnia mala, est enim D E U S qui peccato offenditur bonum super omnia bona, quem quia pro eius bonitate infinita super omnia diligere obligamur, etiam offendere, super omnia vitare debemus, ita vt præstet millies mori, quàm illum vel leuissimè offendere. Ideo tam sedulò monent scripturæ peccata vitare. Eccl: cap: 21. *Quasi à facie colubri fuge peccatum*. Offendit autem peccator D E U M per voluntariam auersionem & turpem ab ipso defectionem, vt ei displiceat, & se indignum amicitia eius constituat. Et quia peccatum in quantum in se continet auersionem à Deo infinitum est, ideo & offensa infinita: illud enim bonum quod offenditur infinitæ est dignitatis & excellentiæ: tantò autem offensa est grauior, quantò maior est ille

R r

in quem

3. p. q. 1. a.  
2. 2m.



in quem delinquitur. Habet etiam offensa annexam iniuriam, is enim qui offendit iniuriam facit offenso, ita peccator dum offendit DEUM per voluntariam ab eo averfionem iniuriam facit DEO, quantum de se est, quia violat ius divinum, quo tenebatur plus diligere DEUM, propter infinitam eius bonitatem quàm quodcunq; aliud bonum creatum, indeque peccator obligatur ad recompensam offensæ & iniuriæ.

DICES. Quomodo ex actione finita aliquid infinitum fieri potest, ut ex peccato in quo finita actio peccantis, offensus pensetur infinita? &. Non ratione actionis quæ in peccato finita est, offensus infinita pensatur, sed ratione offensi DEI, cuius dignitas & excellentia cum sit infinita, offensa quæ in ipsum committitur iudicatur infinita.

### QUANTVM AD SECVNDVM.

CHRISTIANE, Declina prudenter maculam, effectum peccati, quæ transacto peccato actu manet in homine, à qua verè dicitur maculatus, immundus, sordidus, inquinatus, quod patet ex plurimis scripturæ locis, Iosue 22. *Vsq; in presentem diem macula huius sceleris in vobis permanet:* id est macula fornicationis populi cum Madianitidibus in Beelphegor. Eccl: 31. *Beatus dives qui inuentus est sine macula.* Ierem: 2. *Maculata es iniquitate tua:* & alibi passim. Etenim sicut corpus aliquod dum amittit suum nitorem ex contactu alterius corporis, quia scilicet corpus illud nitidum tetigit vel lutum vel quid simile, contrahit maculam, ita anima (quæ habet suum nitorem vel ex refulgentia luminis naturalis rationis, per quam dirigitur in suis actibus, vel ex refulgentia diuini luminis sapientiæ & gratiæ, per quam dirigitur seu perficitur ad benè & decenter agendum) dum inhæret aliquibus per inordinatum amorem quasi per attactum, peccat contra lumen rationis & diuinæ legis, & amittit nitorem suum, vnde maculata remanet sua actione. Constat ergo hæc macula priuatione gratiæ, tum

etiam



etiam in respectu ad actum peccati præteritum nec retractatum, nec dimissum. Anima enim privata gratiâ deformis est & maculosa, & si ulterius peccat amissâ iam gratiâ, ulterius etiam contrahit maculas, immò singula peccata singulas inducunt maculas. Caue itaque Christiane maculari peccato, quo aspectu diuino indignus existeres vt Cain, ad quem non respexit DEUS.

DICES. Cùm DEUS non causa maculæ, est autem causa priuationis gratiæ, qui sicut solus producit gratiam, ita solus priuat gratiâ, subtrahendo concursum conseruativum gratiæ. Quomodo igitur in priuatione gratiæ macula consistit? R. Consistit macula peccati in voluntaria amissione gratiæ, quam homo peccans amittit, non verò in subtractione concursus seu influxus conseruatiui.

### QVANTVM AD TERTIVM.

CHRISTIANE, Sicut omni operi bono respondet præmium, iuxta decreta iustitiæ, ita omne peccatum consequitur reatus poenæ, qui nihil est aliud quàm morale debitum seu obligatio ex peccato nata ad poenam subeundam, Rom: 2: *Tribulatio & angustia in omnem animam hominis operantis malum.* Lege enim iustitiæ poena debet infligi ad vindicandam culpam. Est autem de ratione poenæ quòd sit contraria voluntati, quòd sit afflictiva, & quòd pro alia culpa inferatur, vt dicit S. Thomas, immò culpa est causa meritoria poenæ, Sermon: 139. de temp. S. August: d. *Malorum nostrorum omnium causa peccatum est.* Et lib: 1. Retract: cap. 9. *Omnis poena à Deo, peccati poena est, & supplicium nominatur.* Et quia triplici ordini voluntas humana subijcitur, contra triplicem ordinem delinquens, triplicis poenæ reatus ipsi pensatur. Primò quidem subditur humana voluntas ordini propriæ rationis, quod in ethnicis ostendit Apostolus Rom: 2. *Gentes quæ legem non habent, naturaliter ea quæ legis sunt, faciunt, eiusmodi legem non habentes, ipsi sibi*



## ARTICULUS X.

*sunt lex, id est lex naturalis rationis, de quo etiam. Psal: 4. Signatum est super nos lumen vultus tui Domine. Secundò subditur ordini exteriori hominis gubernantis, vel spiritualiter vel temporaliter, pollicitè vel œconomine. Tertio subditur vniuersali ordini regiminis diuini. Quilibet autem horum ordinum per peccatum peruertitur, dum qui peccat agit contra ordinem propriæ rationis, contra legem humanam & diuinam. Quare triplicem quoq; reatum pœnæ incurrit, vnum à semetipso, quia peccat contra ordinem propriæ rationis, & hic reatus pœnæ est remorsus conscientiæ, atq; indamnatis est vermis qui non moritur. Alterum reatum pœnæ incurrit ab homine cuius legem transgressus est. Rom: 13. Si male feceris time. Non enim sine causa gladium portat, Dei enim minister est, vindex in iram ei, qui malum agit. Tertium reatum pœnæ incurrit à DEO, vel temporalis pœnæ per veniale peccatum, vel æternæ per mortale. Marci 3. Reus erit æterni delicti, Matth. 5. Ibunt peccatores in supplicium æternum.*

DICES. Cùm per ipsam culpam homo efficiatur dignus pœnâ, reatus pœnæ non videtur esse aliqua obligatio distincta à culpa, sed ipsa merè culpa. & Homo per culpam dignus est pœnâ, non formaliter sed radicaliter, radix enim reatus pœnæ ipsa culpa est.

QUÆSIT. Bonum non potest esse effectus mali; malum enim vt malum, operatur malum; nam qualis causa talis effectus, pœna autem est bonum & iustum; Quomodo igitur pœna inter effectus peccati numeratur? & Ipsa pœna non est directè effectus peccati, sed tantum dispositiuè reatus autem pœnæ, directè est peccati effectus.





# CATECHESIS III.

## DE POTESTATE REMISSIVA PECCATORVM.

**H**Atenus de peccatis & eorum effectibus, quorum remittendorum plenam potestatem esse in Ecclesia docet articulus Symboli Apostolorum. *Credo remissionem peccatorum, & Patres Nicæni. Confiteor unum baptisma in remissionem peccatorum.* Nunc à quo ista potestas, & quibus modis peccata in Ecclesia remittantur: est enim peccatum originale, sunt actualia: & alia quidem mortalia alia venialia, & quibus modis tam hæc quàm illa remittantur, Christianus in ista Catechesi imbuetur: in qua tria dicentur.

- I. *Vnde potestas ista?*
- II. *Quomodo remittatur Originale?*
- III. *Quomodo actualia?*

### QUANTVM AD PRIMVM.

**C**hristiane, Confiteris in sola Ecclesia Catholica non alibi extra illam esse peccatorum remissionem, quod Ss. Apostoli præsentis articulo edito confiteri docent: potestas verò omnis quia à DEO est, etiam ista remittendi peccata in Ecclesia, in immensa & infinita DEI solius bonitate sita, neq; ad alium authorem quàm ad summam DEI bonitatem & potestatem tam mirificum opus referendum, ait Catech: Paroch. Nam Isai: 43. d. *Ego sum ipse qui deleo iniquitates tuas.* Quemadmodum enim pecunia debita à nemine remitti potest nisi à creditore, ita peccata quibus soli DEO sumus obstricti, ut dicat David, *Tibi soli peccaui*, ille solus autoritativè remittit, quod quotidie oramus. Dimitte nobis delicta nostra. Quare ante aduentum Christi munus hoc nulli creaturæ fuit com-

Rom: 13.

Psalm: 50.



municatum, ideo Pharisei ignorantes Filium DEI potestate  
*Matth: 9.* peccata remittentem Paralitico, murmurabant. *Quis potest*  
*peccata dimittere nisi solus Deus?* Primus omnium Christus ut  
 homo, idem existens DEUS, hoc munus à Patre traditum ac-  
 cepit, respondens. *Ut sciatis quia Filius hominis habet potesta-*  
*tem in terra dimittendi peccata.* Hanc deinde potestatem  
 ministerialem Christus, quam ipse ut DEUS vnâ cum Pa-  
 tre authoritatiuè, ut homo excellenter habuit, concessit Sa-  
 cerdotibus in sua Ecclesia, cum Apostolis Episcopis & Pre-  
 sbyteris, Matth. quidem 16. Petro promisit, *Tibi dabo claves re-*  
*gni cœlorum, quodcunq; ligaueris super terram, erit ligatum in cœlis,*  
*& quodcunq; solueris super terram, erit solutum in cœlis.* Et cap. 18.  
 omnibus Apostolis. *Quæcunq; allegaueritis super terram, &c.*  
 Post resurrectionem Ioan: 20. iam actu confert istam potesta-  
 tem. *Quorum, inquit, remisistis peccata, remittuntur eis, & quo-*  
*rum retinueritis, retenta sunt.* Vbi Christus Sacerdotes instituit  
 iudices peccatorum cum potestate ministeriali. Hinc Concil.  
 Trid. sess: 14. cap. 6. de sacram: pœnit. *Quamuis absolutio Sa-*  
*cerdotis, alieni beneficij sit dispensatio, tamen non est solum nudum mi-*  
*nisterium, vel annuntiandi Euangelium, vel declarandi remissa esse*  
*peccata, sed ad instar actus iudicialis, quo ab ipso velut à iudice senten-*  
*tia pronuntiatur.* Quapropter Christiane, si animo resoluas il-  
 lud Apostoli, 1. Petr: 2. *Non corruptilibus auro & argento redem-*  
*pti estis, sed pretioso sanguine,* cognosces nihil nobis salutaris  
 contingere potuisse hac potestate remittendi peccata, in quo  
 inexplicabilem DEUS providentiam, & summam erga nos  
 charitatem ostendit, dùm per Filium suum Dominum nostrum  
 IESUM Christum ignoscit & condonat peccata: nam hæc eti-  
 am pretiosa & maxima nobis sunt donata promissa. Concio-  
 natur Petrus Act: 10. *Huic, inquit, omnes Prophetae testimonium*  
*perhibent, remissionem peccatorum accipere per nomen eius qui credunt*  
*in eum.* Quare articulus iste quo credimus & confitemur re-  
 missionem peccatorum esse in Ecclesia, valde consolatorius  
 est,

2. Petr: 1.



### CATECHESIS III.

319

est, sed pœnitentibus non fictis aut obstinatis, & qui non tardant conuerti ad Dominum, scientes quòd sicut misericors est Dominus ita etiam iustus, qui sicut prœstabilis est super malitia pœnitentium, ita duriciam impœnitentium arguet in ira & furore.

*Ecclesi. 5.*

DICES. Si articulus fidei est. Credo remissionem peccatorum, firma fide teneri debet. Ergo quisquis non credit certò & firmiter remissa sibi esse peccata propter Christum, peccat contra istum articulum, & est infidelis. R. Hæc est specialis fides hæreticorum certò sibi & infallibiliter persuadentium remissionem peccatorum, seq; verè iustificatos esse, sed sua ista speciali fide falluntur. Est de fide in Ecclesia esse remissionem peccatorum, id est esse potestatem remittendi peccata, iuxta articulum præsentem, porrò huic aut huic verè & certò esse remissa peccata, nec de fide est, nec potest elici ex isto articulo. Illud enim cadit sub fidem per se, quod reuelatum est, tibi verò quis reuelauit certò remissa esse peccata. *Sunt iusti atq; sapientes, & opera eorum in manu Dei: & tamen nescit homo utrum amore an odio dignus sit, sed omnia in futurum seruantur incerta.* Id ita docet Concil: Trid: sess: 6. cap. 9. *Quamuis, inquit, necessarium sit credere, neq; remitti, neq; remissa esse vnquam peccata, nisi gratis diuinâ misericordiâ propter Christum, nemini tamen fiduciam & certitudinem remissionis peccatorum suorum iactanti & in ea sola quiescenti peccata dimitti, vel dimissa esse dicendum est. Et vltra. Sed neq; illud asserendum est, oportere eos qui verè iustificati sunt, absq; vlla omnino dubitatione apud semetipsos statuere se esse iustificatos, neminemq; à peccatis absolui ac iustificari nisi eum, qui certò credat se absolutum & iustificatum esse, atq; hac sola fide absolutionem & iustificationem perfici. Idq; Can: 14. sub anathemate decernit. Si quis, inquit, dixerit hominem à peccatis absolui ac iustificari ex eo, quòd se absolui ac iustificari certò credat, aut neminem verò esse iustificatum, nisi qui credit se esse iustificatum, & hac sola fide absolutionem & iustificationem perfici, anathema sit. Certè Aposto-*

*Ecclesi. 6.*

lus



1. Cor: 4. *lus nullius infidelis dispensationis sibi conscius erat, non audebat tamen certò se iudicare esse fidelem dispensatorem & iustificatum. Legerat enim à Propheta dictum. Delicta quis intelligit, (ait Hieron:) & ab occultis meis munda me Domine. Iob. quoq; cap. 9. Verebar, inquit, omnia opera mea, sciens quòd non parceres delinquenti. Et Ierem: 17. Cor hominis soli Deo scrutabile esse, testatur. Quare non frustra monet Ecclesiasticus. De propitiato peccato noli esse sine metu: sed cum metu & tremore vestram salutem operamini. Philipp. 2.*

Ecc: 5.

### QUANTVM AD SECVNDVM.

A8: 4.

Mathe: 28.

**C**hristiane, peccatum originale in quo concipimur & nascimur, ante Christi passionem per fidem venturi, morituri & resurrecturi debebatur, in adultis quidem per propriam fidem, in parvulis per parentum; cuius signum circumcisionem acceperat Abraham Pater credentium, Gen: 17. *Signaculum iustitiæ fidei.* Rom: 4. ut circumcisio significaret, fides significaretur, & iustificatio esset ex fide significata, non ex circumcisione significante, quia Abraham fide iustificatus erat antequam circumcideretur, & circumcisio significabat iustitiam per fidem comparatam. Nec poterat esse vnquam aliud medium remissionis peccatorum & iustitiæ præter fidem Christi: non est enim aliud nomen sub cælo datum hominibus, in quo oporteat nos saluos fieri. Quare August: in lib: de corrept: & gratia. *Illa, inquit, fides sana est, quâ credimus nullum hominem siue maioris, siue minoris ætatis, liberari contagio mortis & obligatione peccati, nisi per vnum mediatorem Dei & hominum IESVM Christum: ita enim ab æterno dispositum fuit, ut homines per Christum æternam salutem consequerentur.* In noua lege post aduentum Christi ad delendum originale peccatum, habemus remedium à Christo institutum baptismi Sacramentum, de quo ministrando præceptum Apostoli acceperunt. *Docete omnes gentes baptizantes eos; ea necessitate Ioan: 3. Nisi quis renatus fuerit ex aqua & Spi-*

ritu



ritu Sancto, non potest introire in regnum Dei. Et quidem dùm infantes baptizantur, per baptismum consequuntur remissionem peccati originalis; dùm adulti baptizantur, cum originali referunt remissionem omnium actualium, quæ originali addiderunt, consequuntur etiam omnis poenæ peccatis debitæ absolutionem & relaxationem, Zachar: 13. *In illa die erit fons patens domui David, & habitantibus Ierusalem in ablutionem peccatoris & menstruatae.* Quid fons iste patens nisi Sacramentum baptismi in Ecclesia significat? in ablutionem peccatoris & menstruatae, per menstruata peccatum originale, per peccatorem actualia designantur, vt Lyran: hunc locum explicat, quia vtrumq; istud peccatum in baptismo deletur. Sed Caluinus in antidoto Concilij Trid: ad Sess: 5. manere peccatum originale in baptizatis asserit, nec verè tolli aut dimitti, sed regi tantum per baptismum & non imputari. Concilium verò sanctum, ea Sess. can: 5. decernit, verè tolli, & per gratiam Domini nostri Iesu Christi quæ in baptismo confertur, remitti: quod etiam in scripturis manifestum est, vt in loco Zachariæ allegato. Sicut enim sordes & maculae corporis per externam lotionem emundantur ita vt non maneant amplius in corpore, ita quando sordes & maculae animæ dicuntur tolli & ablui, verè non manent in anima: atque ita fit in baptismo & iustificatione, lauantur autem spiritali lauacro, Psal: 50. *Lauabis me, & super niuem dealbabor.* Ezech: 36. *Effundam super vos aquam mundam, & mundabimini ab omnibus iniquamentis vestris.* 1. Cor: 6. *Abluti estis & sanctificati estis;* Act: 2: turbis Iudæorum Petrus dixit. *Baptizetur unusquisq; vestrum in nomine IESU Christi, in remissionem peccatorum.* Abluimur ergo in baptismo, aqua quidem naturali exterius, sed sanguine Christi interiùs. 1. Ioan: 1. *Sanguis Christi emundat nos ab omni peccato.* Apoc: 1. *Lauit nos à peccatis nostris in sanguine suo.* Hebr: 9. *Si sanguis hircorū, & cinis vitulae aspersus inquinatos sanctificat ad emundationem carnis, quanto magis sanguis Christi.* &c. Hinc est illud Au-



## ARTICULUS X.

gustini. *Aqua baptismi corpus tangit & animam abluit.* Quare Calvinus sanguini Christi iniuriam facit, dum negat efficacem in baptismo ad abluenda & remittenda peccata.

QUÆSTIÆ. Si verè per baptismum peccatum originale cum alijs collitur, abluitur & remittitur, quid necesse est, ut etiam recentè baptizati dicant. *Dimitte nobis debita nostra?* R. Eo id faciunt. 1. quia cum sint in gremio Ecclesiæ, ex persona eorum qui habent peccata dicunt; sicut ipsa Virgo DEIPARA immunis ab omni peccato hanc orationem recitabat. Immò ipse Christus in cruce illud Psal: 21. *Longè à salute mea verba delictorum meorum,* ex Persona Ecclesiæ cuius caput erat, dixit. 2. fieri potest, quòd citò post baptismum vel leue aliquod veniale committant, & de illo dicant. *Dimitte nobis.*

## QUANTVM AD TERTIVM.

CHRISTIANE, Peccata actualia sunt duplicia, mortalia & venialia: quæ duo genera peccatorum ostendit Apostolus. 1. Ioan: 5. dicens. *Qui scit fratrem suum peccare peccatum non ad mortem, petat & dimittetur ei peccanti non ad mortem.* Et ultra, *est peccatum ad mortem, non pro illo dico ut roget quis.* Hoc posito. Est in Ecclesia remissio peccatorum tam mortalium quàm venialium: sed venialia peccata aliquot modis remittuntur, tam in hoc seculo quàm in futuro. Et in futuro quidem remitti peccata ostendit illud Euangelij. *Qui dixerit verbum in Spiritum Sanctum, non remittetur ei, neq; in hoc seculo, neq; in futuro.* Et certè non diceretur hoc verbum irremissibile in futuro nisi quia aliqua peccata & in hoc & in futuro seculo remittuntur. Ac in primis venialia remittuntur in hoc seculo. Primò per poenitentiae Sacramentum, nam quamvis non sint materia necessaria huius Sacramenti, sunt tamen sufficiens. Sunt alij modi quibus venialia peccata absterguntur, tum deuota pectoris coniunctione; aquæ benedictæ aspersione: cibi potusq; benedicti sumptione: charitatiuæ eleemosynarum largitione: Tob: 4.

Eleemo.

Matth: 12.



*Eleemosyna ab omni peccato & à morte liberat.* Iam verò peccata mortalia post baptismum commissa, non remittuntur nisi per ministros Ecclesiæ potestate clauium, ita quòd quisquis post baptismum mortaliter peccauerit, peccati veniam consequi non possit, nisi per Sacramentum pœnitentiæ in re vel voto: Sacerdotes enim sunt iudices in foro Sacramenti à Deo instituti, qui ministeriali potestate peccata remittunt, vt iudices vel retinent: ligant & solvunt virtute dicta clauium sibi datarum, prout declarat Concil: Trid: Sess: 14. cap. 6. de Sacram: Pœnit. Sed de hoc latius in materia de Sacramentis. Si Deus concesserit.

DICES. Si peccata post baptismum commissa per pœnitentiam solvuntur. Cur Apost: Hebr: 6. d. *Impossibile est eos qui semel sunt illuminati (scilicet per baptismum) & prolapsi sunt, rursus renouari ad pœnitentiam.* Et cap: 10. *Voluntariè peccantibus nobis post acceptam notitiam veritatis (quæ in baptismo cum fide accipitur) non relinquitur pro peccatis hostia.* Si enim peccantes post baptismum, nec ad pœnitentiam possunt reuocari, nec illis relinquitur pro peccatis hostia, quomodo peccata post baptismum commissa relinquuntur. & Montanistarum & No- uatianorum fuit hæresis negantium esse in Ecclesia potestatem ad remittenda peccata post baptismum commissa, soli autem Deo talium peccatorum remissionem relinquendam dicebant, in quo etiam semetipsos decipiebant. Apostolus autem in locis prædictis, non negat potestatem talem esse in Ecclesia, immò ipsam asserbat appellans ministerium reconciliationis: in locis verò istis difficultatem veræ pœnitentiæ in sæpe reciduiantibus, & maxime qui apostatæ à fide & baptismo efficiuntur. DEINDE. Cum dicit impossibile reciduiantes renouari ad pœnitentiam, intelligit pœnitentiam non quæ est Sacramentum post baptismum, sed quæ in adultis præcedit baptismum, quia sicut ipse baptismus non iteratur, ita nec illa pœnitentia.



## ARTICULUS X.

QUÆSIT. Cùm iustificatio non in sola peccatorum remissione consistat, in quo erravit Calvinus lib. 3. Instit. c. 11. sed consistit etiam in interiori animi renouatione ac bonis operibus, cur Apostoli in isto articulo solius remissionis peccatorum, prætermisiss ceteris ad iustificationem pertinentibus meminerunt? &. Ideo consilio factum est, quia nostra iustitia quamuis vera sit propter veri boni consecutionem, & finem ad quem refertur, vt persistam in sententia S. Augustini, tamen tanta est in hac vita, vt potius peccatorum remissione consistat, quàm perfectione virtutum, per remissionem peccatorum stat Ecclesia quæ in terris militat, per hanc non perit quod perierat & inventum est. Hac ergo tanquam præcipua parte iustitiæ huius vitæ expressâ subintellexunt Apostoli alteram, quæ per Spiritum iustificantem nobis confertur.

## COROLLARIUM.

## MORALE.

**L**ætare Christiane remissione peccatorum in isto articulo proposita, cuius fructum præcipuè in futuro seculo prodesse arbitrare: cùm iam ab omni malo liberati, omni sospitate iucundabimur. Fit enim remissio peccatorum non propter commoda præsentis vitæ, sed propter futurum iudicium. Nunc equidem graue iugum super filios Adam à die exitus de ventre matris ipsorum usq; in diem sepulturæ; sed & parvuli post lavacrum regenerationis diversorum malorum afflictione cruciantur, & nos cogimur multa gravia tolerare etiam remissis peccatis: & peccatis promerita pœna productior est quàm culpa: ne vel parva putaretur culpa si cum illa finiretur & pœna, in quo & demonstratur debita miseria, monemurq; ad emendationem labilis vitæ, & excitamur ad exercitium necessariæ pœnitentiæ atq; patientiæ, etiam omni culpa remissa. Quare cùm noscitis primum in Ecclesia lavacrum ad peccata ab-



ta abluenda baptismum, secundum lavacrum poenitentiae Sacramentum, est quod Christo humiles agas gratias, de cuius latere cum sanguine & aqua, ista profluxerunt Sacramenta, quibus redimimur à poenis, atq; abluimur à culpis, ait Magist: Sent. Et si grata sunt remedia ægri corporis à medico præparata, longè gratiora esse debent remedia ægrotantis animæ à sapientia Deo instituta. Ne igitur negligas tam salutare remedium: propter te enim & propter tuam salutem hæc potestas remittendi peccata à Domino ministris in Ecclesia data, quomodo effugies si tantam contemptu neglexeris gratiam & salutem? Et caue ne vel ad peccandum facilior existas, quòd præ manibus remedium peccati habeas, vel tardior sis ad resipiscendum, nam in spem facilis remedij peccantes, iniuriosi & contumeliosi sunt in hanc diuinam potestatem, ac indigni, crebra recidivatione, quibus misericordiam Deus impartitur. Porro tardi & negligentes ad resipiscendum, timeant ne morte præoccupati, tarditate & procrastinatione amittant peccatorum remissionem, ideo non gloriandum in crastinum monet sapiens, suadet non differendum de die in diem, ne subito veniat ira, & in tempore vindictæ disperdaris.

Lib: 2. dist: 18.

Hebr: 2.

Prov: 27:

Eccl: 5:

# ARTICVLVS SYMBOLI XI.

## Carnis resurrectionem.

Idem de vera carnis resurrectione, tradiderunt nobis in Symbolo Ss. Apostoli: quorum doctrinam credimus & confitemur contra Carpocratem & Cerdonianos futuram nostrorum corporum resurrectionem. Patres Nicæni expectandam proponunt, Athanasius adueniente Domino ad iudicium, *Ad cuius, inquit, aduentum omnes homines resurgere habent cum corporibus suis.* Equidem Deus hominem creauit inextinguibilem,

Bernard: Lm-  
tzeimb. lib. 2.  
l. c.



sed quia peccauit, sua præuaricatione mortem incurrit. Moritur itaq; corpus, non ex institutione naturæ, sed in pœnam peccati. In corpore omnis moritur, anima enim immortalis Spiritus, sed iterum hoc corpus quod in cineres resoluitur resurrectorum diuina virtute die vltima consummationis seculi, Sancti Apostoli nos docuerunt; qui signanter dixerunt Carnis resurrectionem, ne quis fortè existimat animam simul cum corpore interire, quam Philosophi quoq; immortalem demonstrarunt: sed nos certius ex fide & plurimis scripturæ locis cognoscimus. Et illud quidem non parui momenti ad hanc rem comprobendam, quod Christus contra Sadducæos Matth: 22. attulit. *De resurrectione, inquit, mortuorum non legistis, quod dictum est à Domino dicente nobis. Ego sum Deus Abraham, & Deus Isaac, & Deus Iacob, non est Deus mortuorum sed viuentium.* Iam isti Patriarchæ mortui fuerunt. & quia DEUS erat illorum DEUS, certè animæ illorum immortales vivebant. Quia verò caro nostra moritur, caro quoq; resurget, est enim resurrectio ad illum statum vnde ceciderat revocatio, ait Damasc. Et Ambrosi: in lib: de fide resurrectionis. *Assumitur caro quæ mori possit, ut dum moritur quod solet, quod mortuum erat hoc resurgeret; anima quia non moritur, non dicitur resurgere sed caro.* Quoniam verò depravatores scripturarum, dum illæ loquuntur de resurrectione, non esse intelligendum de corporea sed de spiritali, quâ de morte peccati ad vitam spiritûs & innocentix resurgit, interpretati sunt, ideo palàm Apostoli Carnis resurrectionem posuerunt, quam futuram & asserta, & exempla in scripturis declarant. Asserta in scripturis tam noui quàm veteris testamenti sunt plurima, obuium est illud Iob: 18. qui sperat se visurum in carne suam DEUM suum, Daniel: 12. *Multi, inquit, qui dormiunt in puluere terræ euigilabunt, alij in vitam æternam, alij in opprobrium.* Apostolus etiam, 1. Cor: 15. prolixa disputatione firmiter resurrectionem mortuorum asserit, quam Act: 17. Athenis coram iudicibus Areopagiticis comprobauit. Exempla in scripturis resurre-



surrectionis mortuorum non pauca numerantur, nam 3. Reg. 17. Elias mortuum filium Sareptianæ suscitauit. 4. Reg: 4. Elisæus filium Sunamitidis ad vitam reuocauit. Et cap: 13. in sepulchro ipsius mortuus reuixit. In Euangelio tres leguntur à Christo mortui suscitati. Apostoli quoq; plures suscitauerunt, & vsq; in præsentem diem in Ecclesia Catholica precibus Sanctorum mortui suscitantur, quæ omnia efficaciter persuadent futuram corporum resurrectionem. Verùm vt ea, quæ ad explicationem huius articuli pertinent faciliori via proponantur, per Catecheses more solito distribuentur. Sic iam.

## C A T E C H E S I S I. D E I P S A R E S V R R E C T I O N E.

**E**Quidem Pharisei contra Sadducæos diuisi asserabant futuram corporum resurrectionem. Sed ignorantes causam futuræ resurrectionis corporum nostrorum, suppressere contendebant Christi resurrectionem, quæ est causa nostræ resurrectionis: & in hoc negotio vel maximè Apostolos persequabantur, vt etiam Paulus Act: 23. & 24. bis contra Iudæos ipsum accusantes protestatus sit. *De resurrectione, inquit, mortuorum ego iudicor à vobis.* De hac itaq; ipsa carnis resurrectione quid sit Christiane tenendum in hac Catechesi tribus propositionibus explicare conabor.

- I. *Quàm congruè fiet ista resurrectio?*
- II. *Quomodo ad vocem tubæ?*
- III. *Quæ mira in resurrectione apparebunt?*

### Q V A N T V M A D P R I M V M.

**C**hristiane, Futuram corporum resurrectionem, maxima congruentia conuincit, tam quoad bonos, quàm quoad malos.



malos. *Vt referat unusquisq; propria corporis prout gessit siue bonum siue malum.* Author libri de cognitione veræ vitæ cap. 41. ita argumentatur. Incommutabilis veritas Deus promisit suis dilectoribus plenum gaudium, suis contemptoribus plenum supplicium, quod utrumq; erit impossibile nisi sit in anima & corpore. necesse est ergo ut corpora resurgant, animas recipiant, quatenus secundum promissa veritatis, hi plenum gaudium in anima & corpore habeant, illi eodem modo plenum supplicium recipiant. Corpus enim vnâ cum anima operatur bonum aut malum, ad iusticiam Dei & misericordiam pertinet, ut in utroq; mercedem recipiat, necesse est igitur, ut iterum corpora & animæ coniungantur, quatenus corpora simul cum anima præmio vel poenâ afficiantur. Nam bonorum afflictiones quas in corpore perferunt sine præmio transirent, nisi corpus præmiandum resurgeret. Hoc arguit Apostolus, 1. Cor. 15. *Si, inquit, in hac vita tantum sperantes sumus in Christo, miserabiliores sumus omnibus hominibus, q. d. si corpora nostra non expectant bona futuri seculi tanquam præmia pro laboribus, sed præsentibus tantum contenta esse debent, nos qui ieiunijs & alijs mortificationibus in præsentem extenuamus corpora nostra, qui etiam persecutiones patimur, ærumnas & calamitates, miserabiliores sumus alijs omnibus, qui in delicijs enutrient corpora sua. Quapropter iustum est ut illa caro quæ fuit animæ socia & instrumentum ad laborem, quo pertigit ad vitam, ipsa etiam particeps sit præmij & salutis. Corpora quæ nunc sunt membra Christi, quæ nunc participantur immortalitati eius carne, quæ nunc inhabitantur à Spiritu Sancto, decet etiam tunc viuificari & Christi corpori similia fieri. Cum igitur homo non possit esse plenè beatus, nisi verè vniatur anima corpori, quæ beatitudo est vltimò finis hominis, naturaliter ab homine desideratus, summè congrua & necessaria est resurrectio. DEINDE, cum animæ propensionem naturalem habeant ad corpora, tanquam inuicem partes humanæ naturæ, præter naturam est, eas perpetuò separari à corporibus, nam in isto*

2. Cor. 5.  
Inter opera  
Augusti: com.  
6.

Iren: lib. 5.

x. p. 9. 76.  
a. l. 6m.



in isto statu separationis anima ex appetitu corporis retardatur, ne tota intentione pergat in illud summum bonum. *Consentaneum est ergo etiam naturæ, ut iterum animæ corporibus iungantur, ut qui bona fecerunt procedant in resurrectionem vitæ, qui verò mala egerunt in resurrectionem iudicii.*

*August: lib.  
12. in Gen.  
c. 35.*

**QUÆSIER.** Si ideo congruum est resurgere corpora, ut simul plenè præmientur cum animabus, quare non etiam plenè puniuntur & expiant peccata cum animabus, nam in purgatorio anima sine corpore patitur, pro his quæ gessit in corpore & cum corpore? **R.** Cum anima punitur in purgatorio pro his quæ gessit in corpore, corpus non est à pœna liberum, nam anima quidem in purgatorio punitur, corpus verò in morte & ipsa incineratione, quæ sunt etiam pœnæ quædam.

**DIXERIS.** Si anima separata perfectiùs participat beatitudinem quàm coniuncta corpori, non videtur esse congruum, ut corpori in resurrectione iungatur: perfectiùs autem anima separata participat beatitudinem, quia magis accedit ad similitudinem DEI, nam Spiritus est DEUS. Ioan: 4. **R.** Anima coniuncta corpori glorioso, magis est DEO similis quàm separata, habet enim perfectiùs esse coniuncta, cuius perfectio consistit in suo esse naturali, esse autem naturale animæ requirit coniunctionem cum corpore: & quamvis ut dicitur Spiritus est DEUS, sed etiam anima coniuncta corpori glorioso non non desinit esse Spiritus. Itaque coniunctio corporis ad animam, addit animæ aliquam perfectionem, quia omnis pars est imperfecta, & completur perfectè in suo toto. Vnde super illud Apoc: 6. *Vidi subtus altare animas interfectorum propter verbum Dei.* Gloss: Ord. d. *Modò animæ Sanctorum sunt existentes subtus altare, id est in minori dignitate quàm sint futura.*

## QUANTVM AD SECVNDVM.

**C**hristiane, audis Ecclesiam dùm pro defunctis supplicat dicentem. *Tuba mirum spargens sonum, per sepulchra regionum,*

T c

coget



## ARTICULUS XI.

*coget omnes ante thronum.* Apostolus etiam intimat, 1. Thess: 4. *Ipse Dominus in iussu, & in voce Archangeli, & in tuba Dei descendit de cælo, & mortui qui in Christo sunt resurgent primi.* Tria ponit Apostolus. d. *In iussu, in voce Archangeli, & in tuba Dei*, quæ tria sunt idem: disquirat tamen Magist: sent. lib. 4. dist: 43. ibidem S. Thom: q. 2. art. 2. quid tuba ista significet. Ergo tuba ista novissima est clamor ille, ait S. August. de quo in Euang: *Media nocte clamor factus est.* Et quia Christus resurgens est causa univoca nostræ resurrectionis, profectò in resurrectione communi corporum, aliquo signo dato corporali Christus resurrectionem operabitur: quod signum ait Magist: *vox Archangeli & tuba Dei* ab Apostolo dicitur. Et in Euangelio clamor & vox Filij DEI, Ioan: 5. *Qui in monumentis sunt, audient vocem Filij Dei.* Hoc signum & vocem audient mortui & resurgent. Dabit enim *voci suæ vocem virtutis.* Sed tamen signum istud præclarum variè exponunt, quidam dicunt ad literam esse vocem Christi imperantis resurrectionem, sicut imperavit ventis & mari: & facta est tranquillitas magna. Quidam dicunt, signum istud non esse aliud quàm ipsam repræsentationem evidentem Filij DEI in mundo, de qua Matth: 24. *Sicut fulgur exit ab oriente, & paret usq; in occidentem, ita erit adventus Filij hominis.* Tuba olim vltus fuit in congregatione ad Concilium, ad prælium, & ad festum. In resurrectione illa generali, congregabuntur resurgentes ad Concilium, quod in iudicio celebrabitur. Iôél: 3. *Consurgant & ascendant gentes in vallem Iosaphat, quia ibi sedebo, ut iudicem omnes gentes in circuitu.* Rom: 14. *Omnes stabimus ante tribunal Christi.* Congregabuntur ad prælium, quia Iudex armabit creaturam ad ultionem, & pugnabit cum eo orbis terrarum contra insensatos, Sap: 5. Congregabuntur iusti ad festum æternæ solemnitatis in gaudio & requie opulenta. Hebr: 4. *Itaq; relinquitur Sabbatismus populo Dei.*

QUÆSIER. An omnes eodem tempore resurgent, quia 1. Thess: 4. d. *Mortui qui in Christo sunt resurgent primi?* R. Eodem



dem tempore omnes resurgent simul, immò *in momento, in iſtu oculi*. Qui autem in Christo sunt, id est iusti, resurgent primi, id est priusquam rapiantur in nubibus obviam Christo in àera. Vel etiam primi dignitate iusti resurgent quia ad vitam, peccatores quasi secundi, quia ad iudicium. I. Cor. 15.

DICES. Certum est diuina virtute futuram resurrectionem, vt quid dicitur fieri ad vocem tubæ si enim virtus ipsa diuina sufficiens est ad producendum effectum resurrectionis, supervacanea videtur vox tubæ? R. Vox tubæ eadem est cum voce Filij DEI cuius vim sentient mortui & obediunt resurgendo. Quare cum vox Filij DEI sit ipsa virtus diuina, cum ad vocem tubæ suscitandi dicuntur mortui, virtute diuina suscitabuntur.

### Q V A N T V M A D T E R T I V M.

CHRISTIANE, ipsa resurrectio in se miranda, cum supernaturali virtute diuina miraculosè sit futura: nam quia *naturæ viribus non detur regressus à priuatione ad habitum*. vt dicit Philosophus, mors autem est privatio vitæ, nulla virtus naturalis poterit pertingere ad viuificationem corporum, vitâ priuatorum, nisi sola supernaturalis diuina miraculosè. I. Reg: 2. *Domini mortificat & viuificat, deducit ad inferos & reducit*. Deut: 32. *Ego occidam, & ego viuere faciam*. Fient tamen plurima miranda in resurrectione. Primò quidem, quia hic ipse idem homo qui nunc est, & qui mortuus erat resurget, hæc caro, hæc ossa, hæc cutis, idq; Iob cap: 10. confessus. Scio, inquit, quia Redemptor meus viuit, & in nouissimo die de terra surrecturus sum, & rursum circumdabor pelle mea, & in carne mea videbo Deum meum, quem visurus sum ego ipse & non alius, & oculi mei conspiciuntur sunt. DEINDE mirandum quòd caro resoluta in cineres non peribit aliquid ad veritatem naturæ humanæ pertinens, quantumvis devoretur à bestiis, in puncto tamen temporis illi humanæ animæ cedit, quæ illud prius vt homo fieret, viueret, & cre-



In 4. dist. 45.  
q. 4. art. 2. in  
argum. Sed  
contra.

sceret animavit, ait S. Thom. Angeli videlicet custodes (quorum ministerio in hoc utetur DEUS) colligent cineres & dispersiones humani corporis & præparabunt ad reparationem. Nec illud admiratione caret, quod omnes in eadem ætate resurgent, id est circa annos triginta, siue aliqui in infantia siue in decrepita ætate decesserint. In hac enim ætate Adam fuit creatus, in hac ætate Christus ipse resurrexit, cuius resurrectione causabit omnium resurrectionem, de hoc Apost. Ephes. 4. *Occurremus, inquit, omnes in virum perfectum, in mensuram atavis plenitudinis Christi.* Sicut enim DEUS humanam naturam absq; defectu constituit, ita absq; defectu in resurrectione reparabit, deficit autem humana natura & in pueris & in senibus: in pueris quidem, quia nondum statum ultimæ perfectionis est consecuta, in senibus verò quia ab ultima perfectione recessit. Miranda & in hoc divina virtus & sapientia, quod quamvis non omnes æqualis staturæ resurgent, omnes tamen & singuli in statura sibi debita, quam habuit in iuventute si senex obiit, vel quam habiturus erat, si puer obiit. Monstròsi similiter defectus reparabuntur, aliqui nascuntur manci tales resurgent quales nascituri erant, nisi natura peccasset. Cum enim resurrectio sit opus DEI, & DEI sunt perfecta opera, omnes defectus naturales in ipsa reparabuntur, DEUS institutor naturæ, ipsius errata corrigit. *Mors stupebit & natura cum resurget creatura.*

Deut. 32.

Sap. 4.

DICES. Si ætas pertinet ad perfectionem hominis resurgentis, profectò in senili ætate potius quàm iuvenili resurgere convenit, illa enim ætas quæ venerabilis est perfectior est. Senectus venerabilis, non propter conditionem corporis, sed propter vigorem sapientiæ, iuvenilis autem ætas propter vigorem naturæ perfectior, nam in ea ætate perfectissimum statum habet natura humana & in hac perfectione resurget.

DICES adhuc. Si omnes in iuvenili ætate resurgent, quare Isai. 3. d. *Dominus cum senibus venturus, si senes sunt venturi,* quo-



quomodo in iuvenili ætate resurgent, & si in iuvenili ætate resurgent, quare senes appellantur? R. In iuvenili ætate resurgent senes tamen dicuntur ob iudicii maturitatem, qui iudicabunt acceptâ à Christo iudiciariâ potestate, illi in quibus decreta diuinæ iustitiæ continentur, ex quibus homines iudicabuntur.

## CATECHESIS II.

## DE TEMPORE RESURRECTIONIS.

**O**Mnia tempus habent, & suis spatijs transeunt uniuersa sub cœlo: tempus nascendi, & tempus moriendi: veniet tempus resurgendi & consummationis sæculi. Nunquid qui dormit non adiciat ut resurgat? sed de tempore resurrectionis aliqua ambiguitas, quæ in tribus propositionibus expendetur.

Eccl. 3.

I. Cur generalis resurrectio in finem mundi dilata?

II. Cur tempus resurrectionis occultum?

III. Cur nocturno tempore fiet?

## QUANTVM AD PRIMVM.

**C**hristiane, Nos ad immortalitatem resurrecturos iam in fide certum est: certum etiam communem resurrectionem corporum nostrorum futuram demum in consummatione mundi, quod plurimæ scripturæ testantur, Ioan: 6. Pollicetur Christus manducantem carnem suam in nouissimo die resuscitandum. Cap. 11. id de fratre suo Lazaro Martha professus. Iob: 14. Homo, inquit, cum dormierit non resurget donec atteratur cælum, id est, donec cesset motus cœlestis qui in consummatione sæculi fiet, iuxta illud, 2. Petr: 2. *Dies Domini sicut fur ita veniet, in quo cœli magno impetu transient.* Congruum autem est diuinæ ordinationi, ut in fine mundi hæc resurrectio fiat,



## ARTICULUS XI.

quando motus cœli cessabit. Porro ea est diuina ordinatio, ut materia corporum crassiorum & inferiorum subiaceat motui corporum subtiliorum & potentiorum ut sunt cœli. Quare ne quid contra ordinem istum fiat, ad immortalitatem & incorruptionem non peruenient corpora nostra, nisi cessante motu cœlesti. Et quia in resurrectione recipient omnes mercedem plenam laborum suorum, congruum est ut ad finem, ad vesperam videlicet merces ista reddatur: ita enim Matth: 20. *Cum serò factum esset dicit Dominus vineæ procuratori suo, voca operarios & redde illis mercedem.* PRÆTEREA. Congruum est non prius fieri resurrectionem donec impleatur numerus electorum, ita enim Apoc: 6. iustis petentibus accelerari iudicium & resurrectionem, responsum, *ut requiescerent donec impleantur conserui eorum.* DIXERIS. Si iustorum ut iniquorum resurrectio differtur vsq; ad nouissimum diem, id fieri non potest sine afflictione iustorum, expectantium magno desiderio suorum corporum resurrectionem, ut illæ animæ sub altari, dicitur etiam Prou: 13. *Spes quæ differtur affligit animam,* si animæ iustorum afflictæ sunt ex ista dilatione desideratæ resurrectionis corporum quomodo sunt beatæ? R. Animæ iustorum ante resurrectionem sunt beatæ, tametsi appetitum habent ad corpus, iste enim earum appetitus sine afflictione; nam licet in illis appetitus iste non totaliter quiescat ex parte appetentis, quia illud bonum non possidet secundum omnem modum, quo possidere vellet, tamen ex parte appetibilis totum desiderium quiescit, quia habet id, quod suo appetitui sufficit, id est DEUM. Quod autem dicitur spes dilata affligere, per se spes delectat per accidens affligit.

QUÆSIER. *Positâ causâ, ponitur effectus,* ut est commune in scholis axioma: Christi resurrectio quæ est causa nostræ, iam facta, cur non sequitur statim nostra, sed ad nouissimum diem expectandum? R. Illud axioma non habet locum in causis quæ agunt ex ordinatione diuina, nam quamvis Christus resur-

sur-



surrexit, nostamen non resurgemus nisi eo tempore quo Deus ordinauit, ita S. Thom: in 4. dist: 43. q. 2. art: 1.

## QUANTVM AD SECVNDVM.

**C**hristiane, Ordine inaccessi consilij DEI nobis ignotum est tempus futuræ resurrectionis corporum nostrorum. Interrogatus enim Dominus à discipulis de tempore futuro Matth. 24. respondit. *De die illa & hora nemo scit, neq; Angeli cælorum nisi solus Pater.* Et Marc: 13. *De die illa nemo scit neq; Angeli in cælo, neq; Filius nisi Pater.* Tantum secretum etiam Angelis absconditum, & quod magis mirandum si ipsi Filio, certè nobis non expedit nosse. Act: 1. *Non est vestrum nosse tempora vel momenta, quæ posuit Pater in sua potestate.* Equidem Filius scit omnia quæ scit Pater, cum enim sit consubstantialis Patri, eiusdem quoq; sapientiæ & scientiæ, sicut enim per Verbum DEI, id est per Filium facta sunt omnia, etiam tempora & secula. Hebr: 1. Scit ipsa tempora & omnia. Sed etiam vt Iudex scit futurum tempus & horam, in qua iudicabit: dicit autem se nescire, quia non expedit vt reuelet. Hinc Chrysost: Homil: 30. in Matth. *Si Christo homini datum est, vt sciat qualiter oporteat iudicare quod est maius, multò magis datum est ei scire, quod minus est, scilicet tempus iudicij.* Conuenit hominibus occultari tempus iudicij & resurrectionis, vt semper parati sint in exercitio virtutum & fugâ vitiorum, quia *diei ignoratio intentam sollicitudinem suspensæ expectationis exagitat*, ait Hilarius. Et ideo passim mouemur ad præparationem & vigilantiam. Matth: 25. proposita parabola de decem Virginibus, quæ ad vocem media nocte factam surrexerunt. d. *Vigilate quia nescitis diem neq; horam.* Et Luc: 12. *Et vos estote parati, quia quâ horâ non putatis Filius hominis veniet.* Apoc: 16. *Beatus qui vigilat, & custodit vestimenta sua, ne nudus ambulet.*

**DIXERIS.** Signa consummationis seculi, vnâq; resurrectionis corporum & iudicij prædicta sunt in Euangelio, quibus  
visis



## ARTICULUS XI.

visis certò scient homines instare consummationem seculi. R. Cùm crebrò similia signa videamus, ideo per prædicta certitudinaliter non poterit sciri consummatio seculi, sed opinatiue & coniecturaliter tantum. Deinde illi cognoscent qui proxima conspicient signa, quod tamen signa remota certitudinaliter & euidenter non efficiunt.

## QUANTVM AD TERTIVM.

**C**hristiane, nocturno tempore respectu Palæstinæ futuram esse resurrectionem textus Euangelij Matth: 25. Eloquitur, dormientibus enim decem Virginitibus. *Media nocte clamor factus est, ecce Sponsus venit, exite obuiam ei;* & additur. *Tunc surrexerant omnes Virgines illæ,* quod tam literaliter quàm mysticè accipi potest. Literaliter quidem, quia cùm Christi resurrectio sit causa resurrectionis nostræ, resurrectioni Christi debet conformari resurrectio nostra, sicut effectus causæ, & exemplari exemplatum: Christum surrexisse nocturno tempore palam est, venientes enim ad monumentum illæ mulieres quæ illum inquirebant, minimè iam inuenerunt, quippe qui iam surrexerat, vt per Prophetam Psal: 107. prædixerat. *Exurgam diluculo,* quod Ayguanus ponderans. d. *Diluculum dicitur prima pars diei & ultima noctis, quando iam lux incipit aliquantulum apparere.* Quia igitur Christus nocturno tempore surrexit, conuenit nostra corpora nocturno tempore resurgere, ne dignior & clarior videatur esse effectus suâ causâ. **DEINDE.** Tunc resurrectio corporum fiet, quando sol & luna venientia ad illa puncta in quibus creata creduntur, consistent, id est in diluculo, quo adhuc nox est, sole existente in ortu, luna in occasu, scilicet in plenilunio, quod insinuare videtur ille tropus Prou: 7. de aduentu sponsi. *In die,* inquit, *plena luna reuersurus est.* **PRÆTEREA,** tunc resurgent corpora quando Sponsus venturus est, Sponsus autem tempore nocturno veniet, vt iam dictum est; *hoc tempore,* ait Cassiodorus *quo primogenita Ægypti percussa sunt.* Exod:



Exod: 11. *Factum est, inquit, in noctis medio, percussit Dominus omne primogenitum in Agypto.* Si mysticè seu moraliter loquamur, nocturno tempore futura resurrectio, obscurum enim erit & occultum quando veniet Iudex, ideo aduentus Domini Luc: 12. Comparetur furi qui nocturno venit tempore, veniens enim inueniet occulta cordium & conscientiarum, quæ luce suæ cognitionis illuminabit. Hinc Magist: sent. *Adueniente, inquit, summo Iudice, non solum àeris tenebræ illuminabuntur, sed etiam abscondita tenebrarum cordium manifestabuntur.*

1. Cor: 4.

DIXER. In aduentu Domini futura erit resurrectio nostra, aduentus autem Domini passim dies appellatur, Matth: 24. Marci: 13. 1. Thess: 5. 2. Petr: 3. Quomodo igitur in nocte nostra resurrectio futura? R. 1. Aduentus Domini dies nominatur Synecdochicè sumendo partem pro toto, scilicet pro tempore. 2. Aduentus Domini dies appellatur non pro qualitate temporis sed rerum, ait Magist: sent. quia sicut in die sol illuminat omnia, ita tunc cogitationes & consilia singulorum patebunt, libri conscientiarum singulorum tam ipsis quam alijs aperientur, ita ut nihil sit occultum quod non reueletur. Gloss: interlin: dicit. *Gesta & cogitata, bona & mala tunc aperta erunt omnibus & nota.*

In cap. 4.  
Cor. 1.

## CATECHESIS III. DE QUALITATE CORPORVM RESURGENTIVM.

RESurgent corpora omnium, tam damnatorum quam beatorum, Daniel: 12. *Euigilabunt alij in vitam æternam, alij in opprobrium.* Et Ioan: 5. *Procedent alij in resurrectionem vitæ, alij in resurrectionem iudicij.* Sed quia non carebunt suis proprietatibus & qualitatibus, quibus inter se discernentur, id est boni & mali, propter eruditionem simplicium breuiter de illis in præsentī Catechesi aliquid dicendum, in qua tria quaerentur.

V u

I. Quo-



- I. *Quomodo corpora beatorum impassibilia erunt?*
- II. *Quas proprietates eorum corpora habebunt?*
- III. *Qualia resurgent corpora damnatorum?*

### QVANTVM AD PRIMVM.

*Eccl: 4.* **C**hristiane, pro beata resurrectione usq; ad mortem agonizare, sicut illi Sancti adolescentes Machabæi quorum secundus Antiocho in cruciatibus respondit. *Tu quidem scelestissime in presenti vita nos perdis, sed Rex mundi, defunctos nos pro suis legibus in æternæ vitæ resurrectione suscitabit.* Ita age Christiane ut ad dexteram statuendus resurgas, horrendum enim erit stare ad sinistram cum reprobis, quibus dicetur. *Discedite maledicti in ignem æternum.* Iustorum corpora resurgent immortalia, quam immortalitatem ipsis promeruit insignis illa Christi victoria quam de morte reportauit, ut scripturæ dicunt. *Isai: 15. Præcipitabit mortem in sempiternum.* *Oseæ 13: Ero mors tua ô mors.* quod exponens Apostolus. *1. Cor: 15. d. Nouissima inimica destruetur mors.* *Apoc: 21. Mors ultra non erit.* Peccatum quidem Adæ promeruit mortem. *Quia per unum hominem peccatum intrauit in mundum, & per peccatum mors.* Verumtamen, Deo gratias, qui dedit nobis victoriam, per IESVM Christum Dominum nostrum: meritò enim mortis ipsius longo interuallo peccatum Adæ superatum est, & imperium mortis euersum est: *absorpta mors in victoria,* ut meritò rideant redempti mortem, *ubi est mors victoria tua? ubi est mors stimulus tuus?* Nec solum immortalia erunt corpora beatorum rediuiua, sed etiam impassibilia; seminatur in corruptione, resurget in incorruptione. Hanc dotem impassibilitatis habebunt, quæ efficiet ne quid doloris aut molestiæ patiantur. Estq; hæc impassibilitas adeo propria corporis gloriosi, ut omni, soli, & semper conueniat: nam corporibus damnatorum non conueniet, frigus & æstus patientur. Huius verò impassibilitatis ratio inde sumitur, quòd corpus humanum,



manum, & quidquid in eo est, erit perfectè subiectum animæ rationali, sicut anima erit perfectè subiecta Deo, & ideo in corpore glorioso non poterit esse aliqua mutatio contra dispositionem illam, quâ perficietur ab anima. Quare inter beatos habebunt alijs alij corpora magis impossibilia, non secundum se considerata, prout impassibilitas negat & priuat passibilitatem, sed secundum dominium animæ super corpus; vnus enim corp9 magis subiicitur dominio animæ quàm alterius, secundum quod anima vnus magis fruitur Deo secundum merita. Et quia inter non paucos de plebe Christiana audiui quæstionem Sadducæorum, quam illi de resurrectione mortuorum & de vxore septem virorum Fratrum Domino proposuerant, operæ pretium obiter fuerit istiusmodi errores qui passim in rudi plebe inuentiuntur, redarguere, & inculcare non in vita animali futuram resurrectionem. Nam sicut nutritiva facultas quæ ordinatur ad restaurationem perditæ, ita & generatiua quæ ordinatur ad multiplicationem, ampliùs uon erit. Neq; enim mori poterunt æquales Angelis, neq; nubent, neq; nubentur, nec indigebunt vllis alimentis corporalibus, quibus esuriendi & sitiendi qualiscunq; molestia deuitetur, sicut egebat Adam ante peccatum.

Matth: 22.

DIXER. Si impassibilia erunt corpora beatorum, quomodo poterunt post resurrectionem vel audire vel videre, vel quocunq; alio sensu aliquid percipere, siquidem sine passione actus sensibiles fieri non possunt, cum sentire sit quoddam pati. R. Corpora beatorum impassibilia sensibus non destituentur, quorum organa in beatis, non immutabuntur immutatione naturali, quâ organum disponitur eadem dispositione naturali, quâ disponitur res quæ agit in ipsum, vt cum res calida tacta manu, ipsam manum calidam facit. Organa tamen sensuum in beatis immutabuntur immutatione Spirituali, quia in ipsis recipietur qualitas sensibilis secundum esse spirituale, id est, species intentionalis siue intentio qualitatis, &

2. de anima  
Tex: 51. &  
118.



## ARTICULUS XI.

non ipsa qualitas, sicut pupilla oculi recipit speciem albedinis, non tamen ipsa efficitur alba. Et ideo omnes sensus beatorum erunt in actu visus quia videbunt gloriosam Christi humanitatem, &c. Auditus quia audient laudes Dei, odoratus, quia corpora beatorum mirum odorem spirabunt. Tactus, ex proximis corporibus. Gustus, quia immutabitur lingua & palatum ex humiditate adiuncta.

## QUANTVM AD SECVNDVM.

CHRISTIANE, Sicut Sponsus ornat Sponsam suam, ita Christus Ecclesiam beatorum Sponsam suam ornamentis speciosam efficiet, ut illud Psal: 44. impleatur. *Astitit regina à dextris tuis in vestitu deaurato circumdata varietate*. A dextris astitit id est in bonis æternis. Ezech: 16. *Ornavi te ornamento &c.* Huius Sponsæ Ecclesiæ beatorum post resurrectionem ornamenta descripsit Apostolus, 1. Cor: 15. Erunt enim corpora beatorum subtilia, ideo dicit, *Seminatur corpus animale, resurget spirituale*, q. d. moritur corpus, & in tumulum inferitur crassum, durum, resurget subtile, ut etiam operatione diuinæ virtutis ad gloriæ perfectionem, instar Spiritus omnia alia corpora penetret & peruat, Spirituale corpus appellat, quia omnino Spiritui subditum & conformatum eique ad nutum serviens. Neq; tamen spiritualitas seu subtilitas impalpabile corpus efficiet, poterit enim palpari cum voluerit aut non palpari, ita ut pro voluntate resistat adstanti corpori palpanti, cui contradixit Eutychius Patriarcha Constantinopolis, dicens: *corpora resurgentium non fore palpabilia sed aëri similia*: & aër quidem tangi potest, quia habet qualitates, quibus natus est immutari sensus tactus, ut sunt calidum, frigidum, non est tamen palpabilis, quia non resistit transeunti per illum, est enim facillimæ diuisionis. Corpora autem gloriosa quamvis subtilia poterunt palpari, quia resistere palpanti, quod in Corpore Domini post resurrectionem res manifesta, dedit enim car-

nem

Damasc. lib:  
A. c. 28.



nem suam palpandam. Corpora Sanctorum erunt agilia. *Seminatur in infirmitate resurget in virtute*, id est celer & agile: ita agilia corpora beatorum, ut ibi sint protinus ubi esse voluerint sine vlla defatigatione, *Isai: 40. Assument pennas ut aquilæ current & non laborabunt, ambulabunt & non deficient.* August: *Vbicunque voluerit Spiritus, protinus corpus erit.* Corpora beatorum habebunt claritatem. *Seminatur in ignobilitate resurget in gloria.* Primasius dicit. *Resurget in gloria splendoris sicut sol: quæ claritas in pluribus locis scripturæ ostenditur. Sap: 3. Fulgebunt iusti, & tanquam scintillæ in arundineto discurrent.* Daniel: 12. *Qui docti fuerint, fulgebunt, &c.* Matth: 13. *Fulgebunt iusti sicut sol in regno Patris eorum* Philipp: 3. *Reformabit corpus humilitatis nostræ configuratum corpori claritatis suæ.* Et hic fulgor à gloria animæ in corpora redundabit, ita August. *Tam potenti naturâ Deus fecit animam, ut ex eius plenissima beatitudine redundet in corpus.* Quare quod erit animæ maioris claritatis secundum meritum, ita etiam differentia claritatis erit in corpore, nam sicut alia est claritas solis, alia lunæ, alia stellarum, & stella à stella differt in claritate, ita erit resurrectio, mortuorum. Et quia corpora gloriosa præsto erunt & ad nutum parebunt animæ, ideo claritatem suam, non necessitate sed potestate cum voluerint, etiam non gloriosis exhibebunt: quam quidem beatorum gloriam cum in iudicio videbunt reprobi, vehementer cruciabuntur. Sap: 5. *Turbabuntur timore horribili.*

Lib: 22. de  
Ciuit.

Epist: 56. ad  
Diojc.

QUÆSIER. Corpora beatorum in ascensu cœli quomodo transibunt? Si vel corpora cœlestia in eorum ascensu diuidentur? vel ratione suæ subtilitatis & Spiritualitatis in eodem loco erunt cum corporibus cœlestibus? R. Neq; corpora cœlestia in illo tunc transitu diuidentur, neq; etiam corpora beatorum ex sua spiritualitate seu subtilitate habebunt, ut ut simul sint in eodem loco cum corporibus cœlestibus: nam materiâ & formâ, constabunt beatorum ita tunc sicut & modò, de ratione autem corporis materiâ & formâ constantis est,



quòd sit loci repletivum, si replet locum suum, iam non admittit aliud corpus. Transibunt igitur corpora beatorum tunc cœlos, non diuisis cœlis, non etiam ex vi subtilitatis, sed diuina virtute, quæ illis in omnibus ad nutum subueniet, ut simul sint in eodem loco, sicut & corpus ipsius Domini nostri nascentis ex clauso utero Virginis exijt, ex clauso sepulchro: & ianuis clausis ad discipulos venit. Deinde in cœlum ascendit, & inde veniet ad iudicium redibitq; non ex dote subtilitatis habens simul esse in eodem loco cum alijs corporibus, sed virtute diuinitatis vnità.

### QVANTVM AD TERTIVM.

**C**Hristiane, resurgent & reprobi in illa tunc generali resurrectione, Ioan: 5. *Omnes qui in monumentis sunt, audient vocem Filij Dei, & qui audierint uiuent.* 1. Cor: 15. *Omnes resurgemus, sed non omnes immutabimur.* Resurgent corpora reproborum immortalia, ita quòd nunquam postea moriantur, Apoc: 6. *Querent mortem & non inuenient, desiderabunt mori, & mors fugiet ab eis.* Erunt corpora eorum incorruptibilia. 1. Cor. 15. *Oportet corruptibile hoc induere incorruptionem.* Verumtamen maximæ subdentur passibilitati corpora eorum, æternas luent pœnas frigoris intensi & æstus, missi in ignem æternum, qui nunquam extinguetur, & ibi erit fletus & stridor dentium; sic disponente Omnipotentis iustitia, ardebunt in æternum & non comburentur, dolor eorum & cruciatus semper renouabitur. Et sicut beatorum corpora agilia erunt, ita damnatorum tarda, ponderosa, quæ à dæmonibus vi trahentur: beatorum corpora subtilia, reproborum trassa, crassissima autem effæminatè deliciosorum: beatorum fulgida, reproborum nigra, tenebrosa, Isai 13. *Facies combustæ vultus eorum.*

**QVÆSTIÆ.** Corpora damnatorum qua virtute incorruptibilia erunt, si per naturam id fieri non potest, omne enim quod constat ex contrarijs inter se pugnantibus corruptibile est



est, corpora damnatorum etiam tunc ex contrarijs constabunt sicut & nunc. & Erunt incorruptibilia per naturam, non quod sit in illis aliquod incorruptionis principium, sed quia non erit principium mouens ad corruptionem sicut nec ad generationem, nam hoc principium est motus cœli qui tunc quia cessabit, etiam generatio & corruptio cessabit.

C O R O L L A R I V M.

Contemplantur Christiane nos omnes morituros & resurrecturos, alios quidem ad vitam æternam, alios ad iudicium; effice fide & bonis operibus, ut in illa resurrectione inter oves ad dexteram constitutus vocem Iudicis audias *Venite benedicti*: caue omne peccatum, cuius operatores ad sinistram posit contra se audient. *Discedite maledicti*. Cogita quanta solemnitate beati in illa resurrectione cum Christo æternum regnaturi in sublimi ferentur, reprobi verò quanto luctu, quibus cum nãnijs, à dæmonibus violenter in barathrum tracti æternum supplicium patientur. ô miseri Christiani peccatores! *Meliùs erat eis non cognoscere viam iustitiæ, quàm post agnitionem retrorsum conuerti ab eo, quod illis traditum est sancto mandato.* *Hæc time, ait Basiliius, & hoc timore correptus animam à peccatorum concupiscentia tanquam freno quodam reprime.*

1. Thess. 4.

2. Petri 2.

In Psal. 35.

ARTICVLVS  
S Y M B O L I XII.

Vitam æternam.

Vita æterna quæ promittitur electis, est finis creaturæ rationalis, ut in cœlesti beatitudine viuat æternum cum Deo, eique coniungatur præmio & fini laborum suorum, quod Abraham Gen. 15. in promissis acceperat Deo dicente sibi. *Noli timere Abram, ego protector tuus, & merces tua magna nimis.*

Ideo



Catech: Pa-  
roch.

1. Ioan: 3.

Lib: 22. de Ci-  
uit: c. 30.

Ideo Ss. Apostoli duces nostri Symbolum, quo fidei nostræ summa continetur, æternæ vitæ articulo claudi & terminari voluerunt, ne quis fortè intelligat talem resurrectionem, de qua præcedens articulus, quali hîc quidam resurrexerunt, iterumq; sunt mortui. Promittitur electis vita æterna post resurrectionem & secundum animam & secundum corpus. Vita animæ in hoc consistit Deum videre sicuti est, plenè satiari ab immensa bonitate eius, summa securitate nunquam felicitatem illam amittendam; corpori quoq; omni robore & sanitate immortaliter firmato aderunt convenientia bona.

*Quanta erit illa felicitas, ubi nullum erit malum, nullum latebit bonum.* ait S. August: Vacabimus Dei laudibus, videbimus, amabimus & laudabimus. Isai: 51. *Gaudium & letitia inuenietur in ea, gratiarum actio & vox laudis.* Non falso nec paruo affectu. Psal: 83. ille dixit. *Quàm dilecta tabernacula tua Domine virtutum, concupiscit & deficit anima mea in atria Domini, cor meum & caro mea exultauerunt in Deum vivum.* Et ultra, *Melior est dies una in atrijs Domini super millia.* Nam nec oculus vidit, nec auris audiuit, nec in cor hominis ascendit, quæ Deus preparauit ijs qui diligunt illum. Omnes quidem perfruentur iisdem bonis sed differenter, amplius atq; amplius alij: nam in domo Patris mei, inquit, mansiones sunt multæ, quid hæc nisi varios gradus beatitudinis in vita æterna designant? Quare doctrinam circa vltimum istum Symboli Apostolici articulum in Catecheses distribuemus. Pro quo sit

## C A T E C H E S I S I. D E I P S A R A T I O N E V I T Æ Æ T E R N Æ.

**F**inis vltimus seu beatitudo consummata, vita æterna nominatur, non ideo solum quia nunquam moriemur, nam & damnati nunquam morientur. Quærent mortem & non inuenient; non tamen habituri sunt vitam æternam (titulo vita)



vita) quos mors depascet æterna, sed ideo quia ab omni miseria securi in bonis æternis, in illo convivio iucundabuntur. Tria proinde in ista Catechesi contemplabimur.

I. *In quo ratio vite æternæ consistit.*

II. *Quod vita æterna sedat omne desiderium.*

III. *Quod in vita æterna omnis securitas.*

## QUANTVM AD PRIMVM.

CHRISTIANE, vita æterna seu beatitudo cœlestis quæ & regnum cœlorum appellatur principaliter & quoad essentiam consistit in clara DEI visione eiusq; fruitione, vbi beati ipsam essentiam divinam cum tribus personis clarè intuentur: nec putes oculis corporeis, id enim impossibile cum DEUS sit incorporeus, Spiritus enim est, nullo sensu tam interiori quàm exteriori videri potest. Oculo itaq; animæ id est intellectu videbitur, non per similitudinem aliquam ex parte essentiae divinæ, sed immediatè, adiuto intellectu lumine gloriæ: non successivè sed vno intuitu: *non enim erunt volubiles cogitationes nostræ, ab alijs in alia euntes & redeuntes*, ait August: ultimo de Trin: c. 16. Clara est in scripturis doctrina ista. 1. Cor: 13. *Videmus nunc per speculum & in ænigmate, tunc autem facie ad faciem.* 1. Ioan: 3. *Cum apparuerit similes ei erimus, quia videbimus eum sicuti est: similes ei erimus*, ait Apostolus, quia sicut DEUS beatus in se, ita nos in illo, & sicut DEUS suam essentiam videt, ita nos quoq; eandem eius essentiam videbimus, vbi essentia divina vnit se intuitivè intellectui creato. Hinc Magist: sent. inter rationes, cur DEUS animam univit corpori secundam rationem assignat. d. *Id factum in signum futuræ beatitudinis, unio enim Spiritus cū carne, ostendit esse possibilem quandam unionem scilicet Deum uniri cum anima humana.* Humana, inquit, conditione ostendit novum exemplar beatæ unionis, quæ est inter Deum & Spiritum, in qua diligitur ex toto corde, & videtur facie ad faciem.

1ib. 2. dist. 1.



*Matth: 5.* Hæc ille. DEINDE, beatitudo vltima, quæ est finis vltimus & vita æterna consistit in altissima operatione, quæ cum sit visio divinæ essentia, illa promittitur mundis corde, ad hanc totis viribus contende Christiane, de qua lib: 10. de Trin: c. 8. August: d. *Promittitur nobis contemplatio actionum omnium finis, atque æterna perfectio gaudiorum.*

QUÆSIER: Si possibile est intellectum hominis in tantum elevari ut videat divinam essentiam: siquidem oculus corporeus non potest elevari ad videndam Angelici Spiritus substantiam, cum tamen non in tantum distet oculus corporis à substantia Angeli quantum intellectus hominis ab essentia DEI, distat enim in infinitum? R. Oculus corporis non potest elevari ad videndam substantiam Angeli, quia nulla est proportio inter potentiam & obiectum, quia substantia Angeli non continetur sub obiecto adæquato oculi corporei, quod est visibile corporeum. Iam verò inter intellectum hominis & essentiam divinam est proportio ordinis & habitudinis, quia intellectus quivis creatus dicit essentialē habitudinem & ordinem ad intelligibile, sub quo etiam Deus continetur. Quare Christiane sequere bonitatem, ut possis consequi divinæ essentia visionem.

QUÆSIER: adhuc. Quomodo intellectus creatus in vita æterna potest elevari ad videndam divinam essentiam cum Euangelium Matth: 11. dicit. *Nemo novit Filium nisi Pater, neque Patrem quis novit nisi Filius, & cui voluerit Filius revelare: si nemo novit, quomodo per essentiam Deum quis videbit?* R. 1. Nemo novit naturali lumine Trinitatis mysterium, nisi revelatum fuerit. *Soli enim sibi Trinitas perfectè nota est.* (ut dicitur in libro soliloq: cap. 31.) quam cognoscere non est possibile etiam oculis Angelorum. R. 2. Nemo novit, quia nemo videntium divinam essentiam, ipsam comprehendit. Incomprehensibilis est enim cogitatu. Nam videntes diuinam essentiam, vident dispositi & adiuti lumine gloriæ, cum verò infinitum

*Inter opera  
August: Tom.  
9.*

*Ierem. 32.*

tum  
re  
g  
& v  
tum  
esse  
cess  
cau  
cum

C  
ren  
33.  
omne  
om  
Dau  
Ang  
mini  
verò  
vlti  
perj  
ne  
riur  
dan  
qu  
inde  
Dom  
quie  
um  
inte  
peru



tum illud non sit, infinitam essentiam comprehensibilem facere non potest, ut cognoscat intellectus creatus, quantum cognoscibilis est. Non negat ergo locus ille Euangelij cognosci & videri DEUM in essentia, sed negat tantum cognosci, quantum cognoscibilis est, cum etiam nemo videntium DEUM per essentiam, videat omnia quæ videt DEUS: non est enim necessarium quod sciens causam, sciat omnes eius effectus, nisi causam comprehendat. Prior tamen responsio sufficit ad locum Euangelij.

### QUANTVM AD SECVNDVM.

**C**hristiane, vita æterna talis est, quod quicumque illam sunt consecuti plenè facientur, nec amplius quidquam desiderant, habent enim ipsum DEUM qui est omne bonum. Exod. 33. Dum petit Moyses videre gloriam DEI audit. *Ego ostendam omne bonum tibi*: in visione ergo diuinæ essentiae omne bonum, omne desiderabile, omnis proinde satietas, ut proinde Psal: 15. Dauid dixerit. *Satiabor cum apparuerit gloria tua*. Hinc Doctor Angelicus. *Oportet, inquit, quod ultimus finis ita impleat totum hominis appetitum, quod nihil extra ipsum appetendum relinquatur*: hic verò finis ultimus est, vita æterna. DEINDE vita æterna est illa ultima beatitudo, quæ *status est bonorum omnium congregatione perfectus* (ut dicit Philosophia apud Bôetium) excludens omnem defectum, omne desiderium, nam non impletum desiderium testatur defectum, quod cum creaturæ rationalis sit quodammodo infinitum, nec satiari potest nisi infinito bono quod desiderat, solus autem DEUS est bonum infinitum, proinde tunc demum satiatur cum ipsum obtinuerit. *Creasti nos Domine ad te*, inquit August: *& inquietum est cor nostrum, donec requiescat in te*. Tunc autem requiescit cor nostrum & desiderium, quando duæ illæ potentiae, quibus à brutis discernimur, intellectus scilicet & voluntas ad perfectionis suæ apicem peruenerint. Et quidem perfectio intellectus consistit in sapi-

I. 2æ. q. 1.  
a. 5. c.

Lib: 3. de Cō-  
sol. prosa 2.

Lib: 1. Cōfess.  
c. 1.



entia & plena cognitione veritatis, nimirum cum cognosce-  
mus & videbimus divinam veritatem sicuti est, eo modo quo  
se ipse Deus cognoscit, id est per suam essentiam, licet non  
comprehendamus sicut ipse se comprehendit. Quæ quidem  
diuina essentia coniungens se intellectui, est sufficiens princi-  
pium intelligendi, est fons totius bonitatis, ut nihil restare pos-  
sit ad desiderandum, nam hæc est vita æterna ut cognosca-  
mus. Voluntas quoque nostra tunc perficietur, cum in fruitio-  
ne summi boni delectabitur, id quod Psal: 30. d. *Quàm magna  
multitudo dulcedinis tuæ Domine, quam abscondisti timentibus te.*

Ioan: 17.

1. Pe r. 1.

QUÆSIER. Quomodo desiderium beatorum in æterna vi-  
ta satiatur, cum ipsi desiderent plura cognoscere quàm cogno-  
scunt? & Angeli cum desiderent prospicere quomodo seda-  
tur eorum desiderium? & Vita æterna quietat desiderium be-  
atorum cupientium omnia cognoscere ex hoc quia DEUM co-  
gnoscent: sicut quietatur desiderium omnia bona habere cu-  
piens in hoc quod DEUS habetur. Sicut enim DEUS in hoc,  
quod habet perfectam bonitatem sufficit affectui, & in eo ha-  
bita omnia bona habentur, ita eius cognitio seu visio sufficit  
intellectui. Angeli etiam desiderant prospicere videntes, non  
quod desiderium eorum non satiatur: immò hoc ipso argui-  
tur satiatur desiderium, quia summa cum iucunditate absque  
omni fastidio prospiciunt, ita ut nunquam fatigentur videndo,  
sed viso delectentur.

### QUANTVM AD TERTIVM.

CHRISTIANE, Vita æterna, & à lapsu in peccatum, & ab amif-  
sione felicitatis omnes securos facit. Et quidem à lapsu in  
peccatum sunt securi, non enim possunt peccare videntes in-  
trinitivè & essentialiter DEUM, cum sint affixi tota intentione  
ad diligendum, quæ dilectio consequens visionem cum pec-  
cato nullo modo esse potest. Quare in fruuentibus beato ævo  
est immota reëctitudo, id quod est consonum scripturis. Psal:

83. Qui



83. *Qui habitant in domo tua Domine in secula seculorum laudabunt te.* Apoc: 3. *Qui vicerit faciam illam columnam in templo Dei mei, & non egreditur amplius.* Quocirca in summa securitate non peccandi constituuntur. Si enim postquam vitam æternam consecuti sunt, adhuc manent in periculo peccandi, quid magni illi præstitum esset, qui raptus est, ne malitia mutaret intellectum eius? DEINDE qui vitam æternam sunt consecuti in summa persistunt securitate non amittendi, vita enim æterna est status excludens omne malum, excludit igitur omnem metum amittendi boni quod possidetur, nam talis metus multum afflictivus. Iam vita æterna omne bonum habet oppositum omni malo, vivere DEO, vivere de DEO, visio ipsa & contemplatio DEI sapientiæ replet animam omnibus bonis. Et cum illa vita æterna non habeat amaritudinem, nec tædium, propria voluntate eam deferere, nec eam perdere DEO subtrahente, cum enim subtractio beatitudinis sit pœna, non potest talis subtractio à DEO iusto Iudice venire nisi pro aliqua culpa, sed ut iam dictum est, in culpam cadere non possunt qui DEUM vident. Nec etiam aliquod agens potest æternæ vitæ beatitudinem subtrahere, quia mens DEO coniuncta super omnia alia elevatur. Quare æternum in delicijs visionis DEI paradisi cœlestis vivent, delectabuntur, iucundabuntur. Pulchrè Drexelius æternæ vitæ præmium enarrat. *Viuit, inquit, ibi memoria recordatione omnium præteritorum, viuit intellectus cognitione & visione Dei, viuit voluntas omniq; bono fruitur, viuunt sensus omnes suisq; fruuntur delicijs.*

DIXERIS, Si in vita æterna, est mensura hominis quæ est Angeli. Apoc: 21. *Angeli autem beati & peccare possunt, ut dicit Origen: Homil: 23. in Luc. Et Iob: 4. In Angelis suis reperit prauitatem: & aliquando per amissionem beatitudinis miseri fient, ut idem Origen: in lib. Periarchon. d. Profectò etiam homines consecuti iam vitam æternam, & peccare possunt, ut vitam æternam amittere. & Nec Angeli beati peccare possunt, aut*



miseri fieri, neq; homines vitam æternam amittere. Quòd verò scriptura dicit in Angelis reperiri prauitatem, multifariam intelligi potest. Primò de Angelis viatoribus, vt Gregor. lib. 5. Moral: c. 27. explicat. Reperta est enim prauitas in Luciferò. Secundò Angeli beati ex natura sua peccare possunt, ex vi beatitudinis seu visionis Dei non possunt, ita aliqui. Tertiò, nomine prauitatis non intelligitur peccatum, sed vel ignorantia vel aliquis defectus, quem superiores Angeli purgant in inferioribus, vt est apud Dionys: in cœlesti hierarch. vnde nec miseri fieri possunt beati tam Angeli quàm homines, cum nec culpa in ipsis reperiatur. Quartò nomine Angelorum intelliguntur iudices, in loco Dei tanquam nuntij eius residentes, in quibus inuenitur prauitas cum non rectè iudicant: nam & Sacerdotes nomine Angelorum censentur, Malach: 2.

## CATECHESIS II.

### DE ADEPTIONE VITÆ ÆTERNÆ.

MAGnum & inæstimabile opus adeptio finis vltimi & vitæ æternæ, adeo vt vana & nulla iudicentur cetera omnia in comparatione illius: estq; Domini sententia. *Quid prodest homini si vniuersum mundum lucretur, animæ verò suæ detrimentum patiatur, præstatq; nunquam nasci, quàm à vita æterna aliquando excidere.* Quare de adeptione eius in ista Catechesi tria expedientur.

- I. *Qui intraturi sunt in vitam æternam?*
- II. *Quid necessarium ad obtinendam!*
- III. *Si iam aliqui intrauerunt?*

### QUANTVM AD PRIMVM.

**C**HRISTIANE, Scito non omnes etiam fideles ad vitam æternam intraturos, sed eos duntaxat, qui scripti sunt in libro vitæ.



*te Agni. immò multò plures in supplicia æterna descensuros, cum veritas in Euangelio dicat. Multi sunt vocati pauci verò electi: quod dum ponderat Author libri soliloq. cap. 29. d. mirabundus. Vidimus multos Domine & audiuius à patribus nostris, quod utiq; sine magno tremore non recolo, sine magno timore non confiteor, ascendisse primitus quodammodo vsq; ad cælos, & inter sidera nidum suum collocasse, postmodum autem cecidisse vsq; ad abyssos, & animas eorum in malis obstupuisse. Ergo in vitam æternam intraturi sunt, quicunq; scripti sunt in libro vitæ, id est illi, qui ordinati sunt ad habendam vitam æternam ex prædestinatione diuina, ait S. Thomas, sunt enim simpliciter scripti in libro vitæ, quia sunt ibi scripti vt habituri vitam æternam in seipsa, & isti nunquam delentur de libro vitæ, iuxta illud 2. Tim: 2. Firmum fundamentum Dei stat, habens hoc signaculum, nouit Dominus qui sunt eius. Firmum hoc DEI fundamentum est DEI consilium, decretum & prædestinatio, quâ statuit vocare fideles ad fidem primò, deinde ad gratiam & perseuerantiam, tandem ad gloriam. Sed huius firmitatis fundamenti duo signa sunt, præscientia DEI & liberi arbitrij nostri cooperatio: præscientia DEI quæ falli & mutari non potest, liberi arbitrij cooperatio, de qua subiungit, vt discendat ab iniquitate omnis. Quare felix & beatus qui in libro vitæ ex diuina prædestinatione scriptus est, iam iste certò intrabit in vitam æternam: nam prædestinatio vt ait S. August. in lib. de bono perseuerantiæ, est præscientia & præparatio beneficiorum, quibus certissimè liberantur, quicunq; liberantur. Itaq; certissimè & infallibiliter prædestinatio suum effectum fortitur, de quo cap: 28. soliloq. Qui scripti sunt in libro vitæ nequaquam perire possunt, quibus omnia cooperantur in bonum. Et istos Ioan: 10. oues suas vocat Christus, quæ nunquam perire possunt. Oves, inquit, meæ vocem meam audiunt, & ego cognosco eas, & sequuntur me, & ego vitam æternam do eis, & non peribunt in æternum, & non rapiet eas quisquam de manu mea, Pater meus quod dedit mihi, maius est omnibus, & nemo potest rapere de manu Patris mei, Ego & Pater vnum sumus.*

DICES.

I. p. 7. 24.  
4. 3. 6.

Cap: 14.



## ARTICULUS XII.

DICES. Incertum est omnes ad vitam æternam peruenturos, qui scripti sunt in libro vitæ, reprobi enim non peruenient, & reprobi scribuntur in libro vitæ de quo delentur Psal: 68. *Deleantur de libro viventium*, nisi autem scripti fuissent, non opus esset eos inde deleri. & Dupliciter dici potest aliquis scribi in libro vitæ simpliciter, id est ex prædestinatione & gratia: secundum quid, id est, non ex prædestinatione sed solum ex gratia. Itaque qui scriptus est in libro vitæ secundum quid, non ex prædestinatione sed solum ex gratia, iste deletur, nec obtinet vitam æternam, quia ibi scriptus est, ut habiturus vitam æternam non in seipsa, sed in sua causa. Qui verò scriptus est in libro vitæ simpliciter & ex prædestinatione non deletur, sed obtinebit vitam æternam, quia scriptus est, ut habiturus eam in seipsa.

## QUANTVM AD SECVNDVM.

CHRISTIANE, magnum est vita æterna, ad quam scriptus es in libro vitæ & prædestinatus: sed caue incidere in errores hæreticorum, dicentium prædestinationem & decretum DEI ad vitam æternam aut damnationem tollere libertatem arbitrij, sed ineuitabili necessitate alios damnari quantumvis bona faciant, alios saluari etiam nihil boni facientes, nec aliquid prodesse bona opera, nec obesse mala. Tu verò Christiane qui non desperas te prædestinatum & electum ad vitam æternam, magis satage, ut per bona opera certam tuam vocationem & electionem facias. Ipse Dominus prædestinatis ad vitam æternam perveniendi medium ostendit obseruantiam mandatorum, Matth: 19. *Si vis ad vitam ingredi, serua mandata.* Et alibi frequenter. *Qui fecerit voluntatem Patris mei qui in cælis est, hic intrabit in vitam æternam.* Et, *Procedent qui bona fecerunt in resurrectionem vitæ.* Et Apoc: 3. *Qui vicerit, sic vestietur vestimentis albis, & non delebo nomen eius de libro vitæ, & confitebor nomen eius coram Patre meo, & coram Angelis eius.* Penitus opera bo-

na



na prædestinatis sunt necessaria. Ioan: 13. *Si hæc scitis, beat. eritis si feceritis ea.* Vitam æternam consequimur meritam bonis operibus, errorem autem Calvinisticum damnat vel Philosophus, lib. 2. de cœlo. Tex: 64. d. *Eorum quæ nata sunt habere bonum perfectum, aliquid habet ipsum sine motu, aliquid vno motu, aliquid pluribus.* Bonum perfectum est vita æterna, itaque DEUS in se beatus semper vitam beatam habet sine motu, quia ei conuenit quod habeat naturaliter, Angeli verò proximiores diuinæ naturæ, superiores homine, consecuti sunt vitam æternam ex ordine diuinæ sapientiæ vno motu bonæ operationis, vno actu meritorio charitatis, longius meritum protrahentes & perseverantes in merito gratiam conseruauerunt, nobis verò necessarius est conatus, vt multis motibus meritorijs bonorum operum vitæ æternæ participes efficiamur. Huc te Christiane ducunt monita scripturarum. *Quodcumq; potest manus tua instanter operare.* Et *Dum tempus habemus operemur bonum.* Et *Qui seminat in spiritu de spiritu metet vitam æternam.* Et, *Itaq; fratres mei stabiles estote & immobiles, abundantes in omni opere Domini, scientes quod labor vester non est inanis in Domino.* Hinc August: vel quisquis est Author Manualis cap: 16. *Si quæras, inquit, quomodo possis ad vitam æternam pervenire? audi, res ista posita est in potestate facientis, quoniam regnum cœlorum vim patitur. Et ultra. Non regnet peccatum in mortali corpore tuo, sed Spiritus in acquisitione vitæ.*

Eccl. 9.

Gal. 5.

Tom. 9.

Rom. 8.

QUÆSIER. Quomodo poterit quis vitam æternam per sua quævis merita & bona opera obtinere, cum non sint proportionata vitæ æternæ? dicit enim Apostolus. *Non sunt condignæ passionibus huius vitæ ad æternam gloriam:* DEUS quoq; qui est agens virtutis infinitæ, etiam sine istis dispositionibus meritorum potest vitam æternam illicò sicut infantibus baptizatis facit, conferre. & Verum est opera meritoria ex se ipsa spectata non habent proportionem ad vitam æternam, quatenus verò fiunt in gratia, ex inspiratione & auxilio Spiritus Sancti,

Yy

sunt



sunt meritoria & proportionata, & quia illa Deus in meritum acceptat. Deinde licet sit agens virtutis infinitæ, nec præexigat merita nostra ex parte suæ virtutis, præexigit tamen ut servetur ordo in rebus, quia sicut absq; demerito nemo damnatur, ita absq; merito nemo vitam æternam consequitur, quam infantes baptizati consequuntur merito passionis Christi.

### QUANTVM AD TERTIVM.

Christiane, Fratricelli hæretici, de quibus Bernard. Lutzemb. lib. 2. l. T. visionem animarum Sanctarum dicebant differri vsq; ad nouissimum diem. Fides autem Catholica docet, ante Christi quidem passionem & mortem, nullas animas ad vitam æternam intrasse: nunc tamen quæ nihil habent purgandum, statim post mortem vitæ æternæ consortes fieri. Ante passionem, inquam, Christi nullæ animæ ad vitam æternam intrauerunt, quia nemo poterat æternæ vitæ potiri gaudijs ante persolutionem pretij (quo de statu servitutis, in statum Filiorum Dei asserti sumus) hoc autem pretium non fuit persolutum nisi in passione Christi, qui ideo Hebr: 9. *Noui testamenti mediator appellatur, ut morte intercedente, in redemptionem earum prævaricationum, quæ erant sub priori testamento, remissionem accipiant, qui vocati sunt æternæ hereditatis.* Ille enim morte sua aperuit ianuam regni cœlestis quæ clausa fuit peccato Adæ: post cuius peccatum, Collocavit Deus Cherubim & flammeum gladium atq; versatilem ad custodiendam viam ligni vitæ. Proinde dùm Catalogum Sanctorum veteris testamenti textit Apostolus Hebr: 11. infert de illis. *Hi omnes testimonio fidei probati, non acceperunt promissionem, Deo pro nobis aliquid melius providente ut non sine nobis consummarentur.* Vnde licet dicatur anima Lazari in sinu Abrahamæ consolari, qui ante Christi Passionem mortuus fuit, non de bonis tamen vitæ æternæ iam obtentis, sed de obtinendis consolabatur, atq; de superatis miserijs vitæ præ-



præsentis, & de securitate futuræ vitæ æternæ. Nunc iam post Christi mortem animæ Sanctorum in vita æterna ad satietatem DEO perfruuntur, quarum primitias in sua Ascensione duxit in cœlum. Ita Ss. Apostoli & Martyres vita functi, continuo bonis vitæ æternæ perfruuntur, 2. Cor: 5. *Scimus*, ait Apostolus, *quoniam si terrestris domus nostra huius habitationis dissoluatur, quoddam ædificationem ex Deo habemus, domum non manu factam, æternam in cœlis.* Et infra. *Dum sumus in corpore peregrinamur à Domino, audemus autem & bonam voluntatem habemus, magis peregrinari à corpore & præsentem esse ad Dominum.* q. d. malumus abesse à corpore, ut liceat nobis adesse DEO eiusq; præsentiam perfrui, ideoq; ad Philipp. 1. desiderium habuit dissolui & esse cum Christo, qui promissis non fefellit latronem. *Hodie*, inquit, *mecum eris in paradiso.* Sed fortè.

QUÆSIER. Sicut se habent mali ad pœnas inferni, ita Sancti ad præmia cœli. Si autem mali nondum sunt in pœnis inferni, quia in novissimo die illuc verbis illis. *Discedite maledicti in ignem æternum*, sententiabuntur: quomodo Sancti ante novissimum diem præmia vitæ æternæ possident? R. Damnati iam sunt in pœnis inferni secundum animam, sententiabuntur autem in novissimo, cum manifestatione totius mundi etiam cum corporibus: ita animæ Sanctorum iam perfruuntur ævo beato, assumentur autem novissimo die cum corporibus.

## CATECHESIS III.

### DE BONIS BEATORUM IN VITA ÆTERNÆ.

PRæmium essentiale beatorum in vita æterna est videre divinam essentiam, ita sicuti est in tribus personis. Nam ex hoc solo est aliquis beatus, quod DEUM intelligit, quæ intellectio visio appellatur. lib. 5. Confess. c. 4. S. August. d. *Beatus est qui te novit, etiamsi alia ignoret.* Sed quia animæ Sanctorum

1. p. q. 26.

a. 3.



dotantur specialibus donis, illa in hac Catechesi considerata sunt, quæ in tribus propositionibus explicare conabimur.

*I. Quibus dotibus beati exornantur?*

*II. Quibus aureola debentur:*

*III. Quid fructus significant?*

### QVANTVM AD PRIMVM.

**C**hristiane, vt Sponsa in translatione ad domum Sponsi, assignatione dotium exornatur in solatium matrimonij: ita animæ Sanctorum ceu Sponsæ in introitu ad beatitudinem, donis certis seu dotibus cumulantur: quibus Deo tanquam principio vitæ suæ sine habitu medio coniunguntur, & per has traducuntur in amplexus Sponsi indissolubiles. Hinc illa anima Isai: 61. *Gaudens, inquit, gaudebo in Domino, quia induit me vestimentis salutis, quasi Sponsam ornatam monilibus suis.* Et Ezech: 16. *Ornata es auro & argento, & vestita es bysso & polymito & multis coloribus.* Est enim dos, aliquid animæ inhærens, per quod ordinatur ad operationem, in qua consistit beatitudo. Sunt enim dotes propriè immediata principia illius operationis, in qua perfecta beatitudo consistit, per quam anima Christo coniungitur: operatio autem in qua consistit vltima beatitudo, id est cognitio seu visio, quia debet esse perfectissima altissimæ potentia, id est intellectus, & circa obiectum altissimum, nempe Deum, ideo debet esse delectabilis, tam ex parte obiecti scilicet visibilis, quàm ex parte ipsius operationis, id est cognitionis seu visionis. Vt verò sit delectabilis ex parte ipsius operationis, oportet quòd sit facta connaturalis videnti per aliquem habitum. Porro vt sit delectabilis ex parte obiecti, debet obiectum esse conueniens & coniunctum cognoscenti seu videnti. Ergo ad delectabilitatem visionis, ex parte sui requiritur habitus, qui visionem eliciat, & sic est dos, quæ dicitur **VISIO.** Ex parte obiecti visibilis duo & sui requi-

*Dos quid?*

run-



runtur, scilicet convenientia quæ est per affectum dilectionis: illud enim convenientissimum æstimamus quod summè diligimus. Et sic est dos quæ ab aliquibus dicitur DILECTIO. ab aliquibus FRUITIO. Requiritur etiam ex parte obiecti seu visibilis coniunctio, & sic est dos, quæ dicitur comprehensio, quæ est DEUM in præsentia habere & in seipso tenere; seu ut alij dicunt Fruitio, atq; hoc modo, tres huiusmodi dotes numerantur. Visio. Comprehensio, Fruitio, respondentq; tribus virtutibus Theologicis. Visio seu cognitio Fidei, cui & succedit iuxta illud. 1. Cor: 13. *Videmus nunc per speculum & in enigmate, tunc autem facie ad faciem.* Videbimus enim DEUM in se sicuti est, & DEUM in nobis, quia erit omnia in omnibus. 1. Cor: 15. Videbimus nos in DEO, & DEUM in creaturis, & creaturas in DEO. Cognoscere autem DEUM in sua essentia est visio meridiana; cognoscere creaturas in Verbo seu in DEO, est visio matutina: cognoscere verò creaturas in se, id est in proprio genere, est visio vespertina. Comprehensio respondet Spei, quod enim hic speramus, ibi firma comprehensione tenebimus, Cant: 3. *Tenui eum nec dimittam.* Fruitio respondet charitati, quæ includit in se, & dilectionem & comprehensionem. Vel etiam istæ tres dotes possunt respondere tribus appropriatis trium Personarum, Comprehensio respicit potentiam Patris. Visio seu cognitio sapientiam Filij, Fruitio seu dilectio bonitatem Spiritus Sancti.

QUÆSIER. Quomodo dotes à beatitudine differunt, cum beatitudo in illis consistat, visio enim est tota beatitudo? &. Differunt, quia dotes magis ordinantur ad beatitudinem, quàm sint beatitudo, & quidem visio sumpta pro actu ipso operationis, id est visionis, est beatitudo, sumpta verò pro habitu quo talis operatio elicitur, id est pro ipsa claritate gloriæ, quâ anima divinitus illustratur ad videndum DEUM, dos appellatur. Ergo beatitudo est operatio, quâ anima DEO coniungitur, dos verò est qualitas, quæ ad eiusmodi operationem ordinatur.



QUÆSIER. adhuc. Cum Ecclesia sit Sponsa Christi cui do-  
tes dantur, & vna est Ecclesia ex hominibus & Angelis, cur  
ergo Angelis non dantur dotes? R. Vna est Ecclesia ex homi-  
nibus & Angelis, quatenus Ecclesia est vnum corpus mysti-  
cum, & vna multitudo ad vnum finem, qui est gloria diuinæ  
fruitionis, ordinata, non tamen Angeli pertinent ad eandem  
Ecclesiam, quatenus Ecclesia est Sponsa Christi, quem sibi  
per mysterium Incarnationis & passionis desponsauit, vt pro-  
inde dicatur in figura. Exod. 4. *Sponsus sanguinum*, cum  
verò Christus non desponsauit sibi Angelos per passionem &  
sanguinis effusionem, quia non aliter post passionem illis con-  
iunctus fuit quàm ante; nec illi sponsæ rationem habere pos-  
sunt, sed sodales potius Sponsi (vt Origenes dicit) Angelis  
ratio dotis non conuenit, licet ea, quæ ad dotes animæ perti-  
nent, tam Angelis quàm hominibus conueniunt.

### QUANTVM AD SECVNDVM.

CHRISTIANE, præmium essentiale, quo Sancti in vita æterna  
beantur, aurea corona appellatur, Eccl: 45. *Corona aurea  
super caput eius*, aureola autem est præmium accidentale, quod  
essentiali superadditur, iuxta illud Exod. 25. *Facies & alteram  
coronam aureolam*. Et hæc ita definiri potest, vt sit gaudium be-  
ati de operibus excellentis victoriæ ad imitationem Christi.  
Corona enim non datur nisi legitimè certantibus. Sunt tres  
status hominum qui excellenter pugnantes vincunt ad imita-  
tionem Christi, scilicet Martyres, Doctores, & Virgines, istis  
aureolæ distribuuntur, quæ vt suis imitatoribus in prælio  
hunc Christus tribuit honorem. Apoc. 3. *Qui vicerit faciam  
eum sedere in throno meo, sicut ego vici, & sedeo in throno Patris mei*.  
Vicerunt mundum Martyres, de quibus Ecclesia. *Ceduntur  
gladijs morè bidentium, non murmur resonat nec querimonia, &c.* sic  
ipse Christus, sicut ouis ad occisionem ductus est. Perfecta &  
excellens victoria Martyrum, cum quia id quod grauissimum  
est

*Aureola  
quid?*

2. Tim: 2.

Isai: 53.



est inter passiones exterius illatas, mortem scilicet tolerauerunt & quid morte acerbius? lib. 3. Ethic. c. 6. Philof. dicit. *Omnium terribilium nihil morte terribilius, nihil acerbius, cum sit rerum omnium extremum; mortem illi vicerunt, non cefferunt supplicijs, sed ipsis potius supplicia cefferunt,* ait S. Cypria: tum quia id quod grauissimum est, pro amore Christi pertulerunt, Psal. 43. dicentes. *Propter te mortificamur tota die, aestimati sumus sicut oves occisionis.* Quare pretiosa in conspectu Domini mors Sanctorum eius, Psal. 115. merito mors illa praestantissima aureolâ decorata. Doctores etiam quia vicerunt diabolum, ipsum à se & ab alijs sanctâ doctrinâ còercendo Christum docentem imitati aureolâ decorantur, Daniel. 12. *Qui docti fuerint, fulgebunt: &c.* In cap. 1. Ephes. Gloss. Ord. d. *Quoddam incrementum gloriae habebunt Doctores, ultra illud quod còmuniter omnes habebunt.* Item super Cant. 8. eadem Gloss. *Ostendit, inquit, quid singularis praeij Doctoribus eius disponat.* Verum hoc praeium non nisi illis datur, qui actu docent & praedicant, non solum ex officio vt Praelati, Episcopi, & qui curam exercent animarum, de quibus Concil. Trid: Sess. 5. cap. 2. sed quicumq; licito modo praedicant. Et qui Praelati non praedicant per se, tamen per alios praedicant, eis aureola praedicationis non debetur, non enim habitui sed actui aureola deputatur. Nec Virgines aureolâ destituentur, vicerunt enim certamen forte quod datum est illis, carnem propriam cum eius concupiscentijs Virginem Christum imitatae subegerunt, de quibus Gal. 5. *Qui sunt Christi crucifixerunt carnem suam cum vitijs & concupiscentijs.* id est crucifixerunt & compresferunt, inquit August: *timore illo casto, qui permanet in seculum seculi, quo cauemus offendere illum, quem toto corde, anima & mente diligimus.* Quare Isai: 56. *Hæc dicit Dominus Eunuchis. dabo eis in domo mea, & in muris meis locum, & nomen melius à filiis & filiabus.* Gloss. Ord: super cap. 25. Exod. d. *Ad coronam pertinet canticum novum, quod Virgines coram agno concinunt, scilicet quæ sequuntur agnum quocunq; ierit.* Sed hæc aureola illis propriè Virginibus debet.

Sap: 10.

Psal. 118.



## ARTICULUS XII.

debetur, quæ firmum propositum seruandæ Virginitatis habuerunt, non quæ ad nuptias indifferenter se habebant.

QUÆSIER. Si aureola est præmium pro operibus excellentis victoriæ, profectò vbi non est victoria non est etiam aureola, & vbi non est pugna, nec victoria est, In B.V.M. cum non fuerit pugna carnis, fomitis enim corruptione non fuit infestata. Ergo non fuit in ipsa victoria: Si igitur aureolam habet? R. Verum est non fuit infestata à fomite carnis, nec pugnam sensit à carne: immunis tamen non fuit à pugna ex parte inimici, qui ipsum etiam Christum foris adortus erat, sic ista Virgo cum illo hoste pugnam habuit & vicit. Et quia propositum perpetuæ semper Virginitatis seruauit, aureolam excellentissimam super omnes habet.

QUÆSIER: iterum. Sponsæ introducendæ in domum Sponsi, quia pater suus tribuit dotem; animæ autem sanctæ quando ad gloriam transfertur quis tribuit? R. Tota Ss. Trinitas, quæ est Pater animæ sanctæ, ideo illa tribuit & confert dotem, quod potest singulis personis oppropriari. Personæ Patris vt danti quia ipse æthios, in ipso authoritas. Personæ Filij in quantum propter ipsum & per ipsum datur. Personæ Spiritus Sancti, in quantum in ipso & secundum ipsum datur, amor enim est ratio omnis dationis.

## QUANTVM AD TERTIVM.

*Psal. 125.* **C**hristiane, cum Propheta dicit. *Euntes ibant & flebant mittentes semina sua*: Cogita fructus qui referuntur ex semine verbi DEI; exultabunt enim portantes manipulos suos. Ex doctrina S. Thomæ, in 4. dist. 49. q. 23. art. 1. & 2. *Fructus in* *fruct. quid?* *hunc modum notificari potest, vt sit præmium seu gaudium, quod habetur de dispositione operantis à carnali vita ad spiritualem transeuntis. Quare præmium istud debetur ei virtuti, quæ hominem à subiectione carnis in libertatem Spiritus vindicat, & hæc virtus est continentia. Nam incontinentia ita animam carni subijcit, vt in* *illo*



illo actu carnali, nec Spiritus Prophetiae tangat corda prophetarum, ait S. Hieron. *nec intellectus possit suum munus exercere*. Ait enim Philosophus. *Impedit voluptas consilium, eoq; magis quo maior sit* Lib. 3. Ethic. c. 11. *ut Veneris, qui enim in ea sit, nihil cogitare mente, nihil ratione, nihil cogitatione consequi potest. Quare cum tripartita sit continentia, Virginalis, vidualis, & coniugalis, tribus quoque partibus istis fructus assignantur. Virginibus in centum, Viduis in sexaginta, in triginta coniugatis: quam differentiam fructuum in seminatione ostendit Dominus Matt:13. Qui, inquit, in terram bonam seminatus est, hic est qui audit verbum & intelligit & fructum affert: & facit aliud quidem centesimum, aliud autem sexagesimum, aliud vero trigesimum. In qua parabola Gloss: Ord: dicit assignari fructus Virginitati, viduitati, & continentiae coniugali. Ratio horum ex natura numerorum assignatur. Primò tricenarius numerus consurgit ex ductu ternarij in denarium, assignatur hic numerus coniugatis in quibus est observatio Decalogi cum fide Trinitatis. Deinde senarius numerus ex cuius ductu in denarium exurgit sexagenarius, assignatur viduitati, quæ nullis delectationis carnis utens, exercet se in operib; misericordiae per sexaginta significatis. Hinc domus ædificata à Salomone habebat sexaginta cubitos in longitudine: hæc est longaminitas viduarum. TANDEM denarius, ex cuius ductu in seipsum exurgit centenarius, assignatur Virginitati, qui quidem denarius, quia est limes numerorum, similiter Virginitas tenet limitem spiritualitatis, quia nihil ad eam de spiritualitate addi potest, summa est castitas, summa Spiritualitas. Centenarius numerus est quadratus, ex quo hîc perfectionem spiritualitatis significat. Quadratum autem est perfectum, ex omni parte æquale, habens omnia latera æqualia, unde Corpus tetragonum seu quadratum, quomocunq; proyiciatur, ait Philosophus semper firmum stat. Virginitati ergo centenarius adoptatur, in qua quantum ad omne tempus æqualiter incorruptio invenitur & vita cœlestis.*

3. Reg: 6.



QUÆSIT. Quomodo ea quæ Virginibus, viduis & coniugatis adoptantur, fructus appellantur, cum fructus nomen speciale præmium, ista autem sunt communia omnibus Sanctis, omnes enim saluandi sub aliquo horum trium continentur? R. Non semper præmium est fructus, sed latius patet, quod est gaudium de omni eo opere, sine quo non est salus: unde præmium non solum essentiale, sed etiam aliquod accidentale commune est omnibus saluandis, non tamen fructus, nam illis qui in fine poenitent de incontinentia, non convenit fructus, præmium tamen habent.

## CATECHESIS IV.

## DE POENIS DAMNATORUM.

Sicut præmium beatis, ita poena decreta damnatis. Et sicut beati in cœlesti Patria in anima & corpore præmiantur, ita damnati in inferno in anima & corpore puniuntur. Et quamquam nec Ss. Apostoli in Symbolo fidei; nec Patres Nicæni de poenis damnatorum quidquam meminerunt, quia tamen S. Athanasius suum Symbolum, concludit dicens. *Qui bona egerunt ibunt in vitam eternam, qui verò mala, in ignem eternum*: quod & in Euangelio dictum est. Quare in ista Catechesi de poenis damnatorum fido populo ad terrorem & cautelam aliquid est annuntiandum, in qua tria proponuntur.

I. *Quid patientur damnati in corpore?*

II. *Quid verò in anima?*

III. *An poena eorum finietur?*

## QUANTVM AD PRIMVM.

CHRISTIANE, quamvis in scripturis poenæ damnatorum proponantur, nondum tamen ita plenè ut in se sunt exponuntur. Dicitur Eccl: 39. *Ignis grando, fames & mors, omnia hæc ad*

vin-



*vindictam creata sunt.* Sicut enim per multa peccauerunt re-  
probi, ita quoque per multa puniuntur: hoc iustitiæ ordo re-  
quirit. Deut: 25. *Pro mensura peccati, erit & plagarum modus;* &  
qui in multis peccando finem suum constituerunt, ita multi-  
pliciter ex multis affligentur. Sap: 11. *Per quæ quis peccauit, per*  
*hæc & torquetur.* Quare sicut beatis omnis creatura erit mate-  
ria gaudij, ita damnatis ex omni creatura tormentum accre-  
scet. Psal. 10. *Ignis, grando, sulphur, & spiritus procellarum pars ca-*  
*licis eorum.* Ignem sæpissimè scripturæ commemorant, Matth:  
25. *Discedite maledicti in ignem æternum;* quamvis non solum  
ignem patientur, sed etiam frigus intensum, non ad refrigeri-  
um, sed ad maius tormentum, Iob: 24. de damnato. d. *Ad ni-*  
*mium calorem transeat ab aquis nivium;* quod dum ponderat S.  
Gregor. d. *Duplex ostenditur esse gehenna, nimij frigoris, & intole-*  
*rabilis feruoris.* Cum autem varijs pœnis affligantur damnati in  
corpore, ignis tamen frequentissime inter tormenta eorum  
nominatur, eò quòd sit maximè afflictivus, unde per illum &  
nomine illius omnis pœna vehementer affligens designatur.  
Deinde tenebræ exteriores annumerantur pœnis malorum, ita enim Matth: 22. *Ligatis manibus & pedibus mittite eum in tene-*  
*bras exteriores.* Manus ligantur quæ sunt organa operationum,  
quia non poterunt damnati bonis operibus mereri aut pœnis  
se absoluerè: pedes ligantur, quia de loco tormentorum non  
poterunt exire; in tenebras exteriores mittentur, quia licet in  
igne sint, ignis tamen ille tenebras non depellit: nam ignis ille  
feculentus, turbidus, & fumosus. Causam materialem illarum  
tenebrarum, in 4. dist. 50. q. 7. art. 4. ex quorundam sententia  
S. Thom. dicit *comestationem corporum damnatorum, quæ præ mul-*  
*titudine replebunt locum inferni, ita quòd ibi nihil de aère manebit, at-*  
*que ita nihil erit ibi de diaphano, quod possit esse subiectum lucis.* Scito  
tamen Christiane futurum ibi aliquid luminis, vt videant da-  
mnati ea, quæ ad tormentum ipsorum pertinent, & ex illa vi-  
sione magis affligantur. Isai. 26. *Videant & confundantur Zelan-*

Isai. 24. v.

22.

Congregabitur in cōgre-  
gatione unius  
fascis, in lacu,  
& claudetur  
ibi in carcere.

Tei



tes populi, & ignis hostes tuos devoret. Affligentur & fletu perpetuo, nam ibi erit fletus & stridor dentium. Non quòd fundant lachrymas, id enim impossibile, cum non sit amplius generatio humorum qui ex lachrymis resoluantur, cessante motu cœlesti cessabit generatio & corruptio, fletus ergo ille erit, in quadam commotione & turbatione capitis, in eiulatu, clamore & execratione pœnarum atq; diuinæ iustitiæ, in summa tristitia & defectu oculorum. Affligentur fœtore intolerabili, cum ex corporibus fœtidis damnatorum, cum ex loci ipsius fœditate. Isai: 34. *De cadaveribus eorum ascendet fœtor.* Affligentur fame & siti, nam & ille diues epulo guttam aquæ petijt, qui micas panis Lazaro negavit. Affligentur timore horribili ex aspectu teterrimorum dæmonum.

Iſc. 16.

Lib: 3. de lib.  
arb. c. 17.

QUÆSIER. Quare corpus punietur cum non peccauit, peccatum enim ita est voluntarium, *ut si non sit voluntarium, non sit etiam peccatum*, ut dicit August. voluntas autem non est potentia corporis sed animæ? R. Non solum principalis in malo opere meretur pœnam, sed etiam complex, exequendo consilium, præceptum, &c. Corpus igitur quamvis non sit principale agens in malo opere, est tamen complex, in executione obtemperando voluntati, & propterea iustè corpora damnatorum pœnas inferni patientur.

### QUANTVM AD SECVNDVM.

CHRISTIANE, damnati in anima gravissimam pœnam, eamque principalem, æternam, scilicet carentiam diuinæ visionis patientur, quæ visio est ultimus creaturæ rationalis finis. Isai. 26. de damnato. d. *In terra Sanctorum iniqua gessit, & non videbit gloriam Domini;* quæ pœna damni debita malitiæ auersionis in peccato mortali. Qui enim auertit se à bono & contemnit bonum, meritò priuatur bono contempto, quia peccatores contempserunt peccando mortaliter infinitum bonum, meritò in infinitum carebunt eodem bono. Patiuntur damna-



damnatī malam & obstinatam voluntatem, sicut & dæmones quam ad bonum nunquam flectent, semper ad malum. Et quamvis naturali voluntate, quæ eis inest ab Authore naturæ velint aliquod bonum, deliberatiua tamen voluntate, quæ eis inest à seipsis, nunquam ad bonum inclinantur sed ad malum, & hoc ideo, quia plenè & perfectè sunt auersi à fine ultimo rectæ voluntatis, ait S. Thomas, proinde deliberata ista voluntate vellent omnes bonos esse damnatos, Hinc Gloss. Ord. in Isai: c. 14. d. *Solacium est malorum multos socios habere poenarum.* Ipsum fontem bonitatis DEUM Benedictum oderunt & blasphemant, Apoc. 16. *Æstuauerunt æstu magno, & blasphema- verunt nomen Dei habentis potestatem super has plagas.* Patientur & poenam sensus ab igne infernali & alijs afflictivis, quæ poena debita est malitiæ inordinatæ conuersionis ad prosequendum bonum creatum: & quia peccatores amorem creaturæ præ- tulerunt amorī Creatoris, meritò à creatura patiuntur. Octo poenarum genera iuxta leges designauit Tullius. nempe *Damnum, Vincula, Verbera, Talionem, Ignominiam, Exilium, Mortem, Seruitutem.* Et hæc damnatis assignantur. Patiuntur namq; DAMNUM, quia amiserunt DEUM & omnia bona tam gratiæ quàm gloriæ, non solum in re, sed etiam in spe. *Gravis est pœna desperatio, quæ est homicida animæ* vt ait August. occidit enim Cainum & Iudam & hanc patiuntur damnati: VINCULA pati- untur, ligantur enim manus & pedes, in compedibus & ma- nicis ferreis. VERBERA, Prou: 19. *Parata sunt derisoribus iudi- cia, & mallei percutientes stultorum corporibus.* Patientur TALIO- NEM, Apoc: 18. *Quantum glorificauit se & in delicijs fuit, tantum date ei tormentum & luctum.* IGNOMINIAM patientur & confusi- onem sempiternam. Quare Basil. in Psal. 33. *Velim, inquit, cogites supplicium omnium grauissimum, opprobrium illud & confusionem sempiternam.* EXILIUM patientur, quia proijcientur in tene- bras exteriores, vt qui in vita dilexerunt tenebras magis quàm lucem; tenebras, inquam, interiores peccatorum, tunc eiici-

In 4. diff: 5.  
q. 5. a. 1.

Matth. 8.

Psal. 149.

Ioan: 3.



*Psal: 48.  
Apoc: 20  
Thren: 1.*

entur in tenebras exteriores. MORTEM patientur. *quæ depascet eos & semper ibi viuit*, ait Gregor. *mors illa secunda*. SERVITUTEM patientur semper manentes sub tributo, & nunquam exsoluentes.

*Ex 3. de anima. Tex. 19.*

QUÆSIER. Quomodo anima spiritualis substantia patitur ab igne corporeo, aut quomodo ignis potest agere in animam, utiq; agens nobilius est passio? R. Ignis corporeus non habet ex natura sua ut possit agere in spiritum, habet tamen ex sua natura quod spiritus incorporeus possit ei coniungi ut locatum loco. Porro ut anima patitur ab eo, hoc fit, quia ut est instrumentum diuinæ iustitiæ vindicantis peccata, habet ut virtute diuina spiritum quodammodo retineat alligatum, & hac ratione ignis ille veraciter spiritui est nocivus, ut detinens illum: atq; sic spiritus videns ignem ut nocivum sibi, scilicet detinentem se, ab igne patitur & cruciatur.

### QUANTVM AD TERTIVM.

CHRISTIANE, de duratione poenæ damnatorum, multipliciter varij sunt opinati. Et Origenes quidem poenam omnium damnatorum, etiam dæmonum aliquando terminandam existimavit. Sed opinio ista manifeste scripturæ contradicit, dictum est enim Apoc: 20. *Diabolus qui seducebat gentes, missus est in stagnum ignis & sulphuris, ubi & bestia & pseudopropheta cruciabuntur die ac nocte in secula seculorum*. Sicut enim boni Angeli effecti sunt beati per conuersionem ad DEUM, ita mali effecti sunt miseri per auersionem à DEO: porro boni Angeli æternaliter & absq; fine sunt beati, certè mali æternaliter sine vilo fine sunt miseri; pænasq; sine fine patiuntur. Alij autem senserunt poenas quidem dæmonum fore æternas, homines tamen omnes etiam infideles aliquando à poenis liberandos. Verum & hoc irrationabiliter dicitur, & contrariatur illi decreto Matthæi 25. *Ibunt reprobi in supplicium æternum, iusti autem in vitam æternam*. Nam hoc est hominibus mors, quod est angelis casus, ait Damasc:



masce: & quia angeli post casum irreparabiles semper obstinati in malitia, & ideo puniendi, ita homines post mortem irreparabiles & obstinati, qui sine charitate decesserunt, puniendi proinde sine termino. Iob: 7. *Qui descenderit ad inferos non ascendet.* Eccl: 11. *Si ceciderit lignum ad Austrum aut ad Aquilonem, in quocunq; loco ceciderit, ibi erit,* scilicet, in quo affectu quis decesserit boni vel mali, in eo permanebit. Postremò nonnulli concedebant dæmones & infideles in æternum cruciandos, fideles tamen Christianos qui Sacramenta fidei perceperunt quandoq; liberandos. Verum & hoc contradicit doctrinæ Apostolicæ. 1. Cor: 6. de malis Christianis, d. *Iniqui regnum Dei non possidebunt.* Et 2. Petr: 2. *Melius erat eis viam veritatis non agnoscere.* Et quia sola fides neminem saluat, quæ sine operibus mortua est, vnde etiam morientes in fide Catholica, quicunq; in peccato mortali decedunt, nunquam saluabuntur, sed in æternum punientur. Deniq; alij dixerunt dæmones, infideles, & malè viuentes vsq; in finem Catholicos, in æternum damnandos, facientes tamen opera misericordiæ aliquando liberandos, quia dictum est. *Beati misericordes, quoniam ipsi misericordiam consequentur.* Sed istud quoq; pugnat cum veritate, multi enim fornicarij, adulteri, & alij scelesti faciunt opera misericordiæ, tamen 1. Cor: 6. *Nolite errare, neq; fornicarij, neq; adulteri, neq; molles, neq; fures, neq; ebriosi regnum Dei possidebunt.* Et Hebr: 13. *Fornicatores & adulteros indicabit Deus,* id est æternæ mortis supplicio condemnabit. Et eleemosyna quidem multum iuvat, nisi tamen ex charitate perfecta fuerit, in meritum non reputatur. 1. Cor: 13. *Si distribuero in cibos pauperum omnes facultates meas, charitatem autem non habuero nihil mihi prodest:* sunt autem plurimi qui sine charitate tribuunt, ut illi qui rubâ caneant dantes. Quare Christiane id firmissimè persuasum habeas, nullius damnati pœnas in æternum terminandas, sed qui peccauerit contra Deum æternum, bonum æternum contemnens vitam æternam, *dignus factus est malo æterno,*  
qui

Iacob: 2:

Matth: 6:



*Lib: 21. de Ciuit. c. 12.* qui in se peremit bonum, quod posset esse æternum ait August: Et qui peccauit in suo æterno, dignus est puniri in æterno Dei, inquit Gregor. voluit enim sine fine viuere, vt sine fine potuisset in suis iniquitatibus permanere.

*Lib: 4. Dialog. c. 44.*

*Psal: 88.* QUÆSIT. Cùm DEUS creaturam rationalem ad beatitudinem condiderit, cur non perducit? dicit enim Anselm: lib 2. Cur DEUS homo. a. 4. non est iustum, vt DEUS creaturam quam fecit ad beatitudinem, omnino perire sinat. R. Perducit, & non finit totum genus creaturæ rationalis perire, alias vanè constituisset omnes filios hominum. Saluat ergo de hoc genere multos, ostendens diuitias gloriæ suæ in vasa misericordiæ quæ præparauit in gloriam, damnat autem æternaliter vasa iræ apta in interitum.

*Rom: 9.*

QUÆRIT. Magist: sent: lib: 2. dist: 23. Cur DEUS creauit quos malos futuros præsciuit? R. Sciebat, inquit, bonis profuturos, & iuste pro mala voluntate puniendos: acceperunt enim à DEO bonam naturam, sed à se habuerunt malam voluntatem, & à DEO acceperunt iustam pœnam.

QUÆRIT. iterum lib. 4. dist: 50. an iusti videntes pœnas damnatorum misericordiâ moueantur? R. Nullo modo, adeò enim iusti DEI iustitiæ addicti sunt, vt nulla ad reprobos compassione moueantur: nec parentes super damnatos filios, nec filij super damnatos parentes, quin etiam diuinam iustitiam in eo laudabunt. Videntes electi, inquit Gregor, cruciatus malorum, non dolore afficientur, sed lætitiâ saturabuntur, agentes gratias de sua liberatione, visa impiorum ineffabili calamitate. Letabitur iustus cùm viderit vindictam. Hinc diuiti in tormentis existenti Abraham respondit, Inter nos & vos chaos magnum firmatum, vt hi qui volunt hinc transire ad vos non possint, neq; inde huc transmeare.

*Psal: 75.*

*Luc: 16.*



CATE-



C A T E C H E S I S  
F I N A L I S.

## D E P U R G A T O R I O.

**Q**ui purgantur post mortem, medij sunt inter beatos & damnatos: participant enim cum beatis consolationem de certitudine spei æternæ gloriæ, quam beati firmiter & absq; omni formidine amittendi, possident. Cum damnatis participant pœnas & cruciatus acerbos, quos ad tempus disponente divina iustitia patiuntur. Quare proposito statu beatorum in vita æterna, iuxta ambitum præsentis huius ultimi symboli Apostolorum articuli: ostensa quoq; æternâ damnatorum pœnâ, operæ pretium est. Christianum de purgatorio post mortem instruere, quod in hac finali Catechesi conabitur Catechista, in qua tria explicabit.

*I. Sitne post mortem purgatorium?*

*II. In quo loco?*

*III. A quo puniuntur & quàm graviter?*

## Q U A N T V M A D P R I M V M.

**C**hristiane, hæretici qui nihil credunt, etiam purgatorio animarum post mortem, fidem detrahunt: negantes post mortem aliquem statum esse medium animarum inter beatos & damnatos: huius sententiæ Rhutheni. Waldenses, Wiclefitæ, Husitæ, nunc Lutherani & Calvinistæ. Porro Ecclesia Catholica semper credidit esse aliquas Sanctorum animas, quæ egressæ de corporibus, non statim regnant cum Christo, sed ad tempus in pœnis ultimum exolvunt quadrantem. Ita Concil. Trid: Sess. 6. Can: 30. de iustificat. *Si quis, inquit, post acceptam iustificationis gratiam, cuilibet peccatori pœnitenti, ita culpam remitti, & reatum æternæ pœnæ deleri, dixerit, ut nullus remane-*



## ARTICULUS XII.

at reatus pænæ temporalis exoluendæ vel in hoc seculo, vel in futuro in purgatorio, antequam ad regna cælorum aditus patere possit, Anathema sit. Et in principio Sess: 25. purgatorium esse decernit post mortem. Deducitur hæc doctrina ex scripturis tam novi quam veteris testamenti. In veteri testamento Gen: 37. Iacob Patriarcha multo tempore luxit Ioseph filium suum existimans mortuum; & luctus ille suffragatorius erat pro mortuo. Item 2. Reg: 1. David super Saul & Ionathã, & populo Israël qui corruerunt in prælio, ieiunavit. Item 1. Reg. 31. Ieiunaverunt viri Iabes Galaad septem diebus. Beda id ponderans d. *Reclẽ & ad literam pro mortuis, ut ad requiem pervenire valeant, septem diebus ieiunatur, quia post sex seculi huius ætates, in quibus in carne laboramus, septima est in illo seculo ætas requietionis animarum carne exuturarum, in qua beatæ, tempus illud glorificum, quando resurgere merentur expectant.* Tob: 4. pro mortuis eleemosyna fieri mandatur. *Panem tuum, inquit, & vinum tuum super sepulturam iusti constitue: panem nominat & vinum, quia hæc in novo testamento transmutata & in corpus & Sanguinem Christi, pro vivis & defunctis offeruntur.* Item Eccl: 7. *Mortuo ne deneges gratiam.* Sicut hæretici denegant & prohibent orare. 2. Machab. 12. Pro mortuis sacrificium oblatum, ubi etiam dicitur. *Sancta & salubris cogitatio est pro defunctis exorare, ut à peccatis solvantur.* Sciebant enim illi antiqui patres, mortuos qui piè defuncti erant non separari à populo DEI, quare sicut sacrificabant pro totius populi etiam absentium peccatis, ita intelligebant & pro defunctis posse etiam sacrificari. Novi quoq; testamenti scripturæ purgatorium esse convincunt, ubi animæ à peccatis purgantur, & remissionem consequuntur. Ita enim Matth. 12. ipse Dominus docet quædam peccata remitti in futuro seculo, d. *Qui dixerit verbum in Spiritum Sanctum non remittetur ei neq; in hoc seculo neq; in futuro: quod Greg: lib. 4. Dialog: c. 39. ponderans d. Hæc sententiã datum intelligi, quasdam culpas in hoc seculo quasdam in futuro posse relaxari, quod enim de vno negatur, consequens*



*sequens intellectui patet, quia de quibusdam conceditur. Si enim peccatum in Spiritum Sanctum est irremissibile in futuro. Ergo aliquod peccatum est ibi remissibile: nam per locum à contrario sensu sumitur efficax argumentum. Et hoc verbum in pluribus locis, lib. 21. de Ciuit. c. 24. & lib. 6. contra Iulian: cap. 25. & alibi ponderat August. neque enim de quibusdam veraciter diceretur, quòd non eis remittatur neq; in hoc seculo neq; in futuro, nisi essent, quibus etsi non in isto, tamen remitterentur in futuro. Et Matth: 5. In carcerem mitteris, amen dico tibi; non exies inde donec reddas novissimum quadrantem. Quid carcer iste post mortem nisi purgatorium? quid nouissimus quadrans nisi minuta peccata? Neq; id intelligere poteris de incarceratis in inferno, quia illi non possunt reddere. De igne purgatorij 1. Cor: 3. disertè Apostolus loquitur. Si, inquit, cuius opus arserit, detrimentum patietur, ipse tamen saluus erit, sic tamen quasi per ignem. Apoc: 5. Creatura existens sub terra laudat Deum. Omnem, inquit, creaturam, quæ in cælo est, & super terram, & sub terra, & quæ sunt in mari & quæ in eo, omnes audiui dicentes, sedenti in throno & agno, benedictio, & honor, & gloria. Philipp: 2. In nomine genu flectatur, cælestium, terrestrium & infernorum. Non hæc damnati sub terra & in inferno faciunt. Ergo in purgatorio, quod vniuersa Ecclesia semper agnoscit. August: epist: 117. Si quid tota per orbem frequentat Ecclesia, hoc quia ita faciendum sit, disputare insolentissimæ insanie est. Esse verò hoc dogma Catholicum, deduxi in tractatu de invenienda vera Dei Ecclesia, Conclusionem 5. art: 4. argumen. ultimo: Iuvari animas in purgatorio ieiunijs, eleemosynis, orationibus, alijsq; Ecclesiæ suffragijs maximè verò suffragio Missæ palam est, Chrysost: Homil: 3. ad Philipp. Non frustra, inquit, ab Apostolis sancitum est, ut in celebratione venerandorum mysteriorum, memoria fiat eorum, qui hinc discesserunt. Et Concil: Trid: Sess: 22. c. 2. offerendum sacrificium Missæ pro defunctis, ita ostendit, Quare, inquit, non solum pro fidelium viuorum peccatis, pœnis & sa-*



## ARTICULUS XII.

tisfactionibus & alijs necessitatibus, sed & pro defunctis in Christo, nondum ad plenum purgatis, ritè iuxta Apostolorum traditionem offertur. Et Can: 3. Si quis dixerit Missæ sacrificium tantum esse laudis, &c. neque pro uiuis, neq; pro defunctis pro peccatis, pœnis & satisfactionibus, & alijs necessitatibus offerri debere, Anathema sit. Quid, quòd Paulus 2. Tim. 1. de Onesiphoro defuncto dicit. *Det ei Dominus inuenire misericordiam à Domino in illa die*, nonne pro illo orat, sicut nos Christiani cum pro defunctis dicimus. *Det eis Dominus requiem & misericordiam?*

QUÆSIER. Si purgatorium est post mortem, cur primitiua Ecclesia illud non nouit? R. Novit purgatorium primitiua Ecclesia, ut patet etiam ex Dionysio in fine Ecclesiasticæ Hierarchiæ, de eo tantum tunc, sicut & de indulgentijs rarior fiebat mentio, eò quòd tunc adeo ardebat charitas, ut paratissimi fuissent singuli pro Christo mortem oppetere: & rara fu- fuerunt crimina, & ea quæ contigerunt, magna fuerunt Canonum seueritate vindicata; rogorosam quoq; pro minimis agebant homines pœnitentiam. Nunc quia rigorem pœnitentiæ & Canonum non sustineremus, crebrius purgatorium annuntiatur, ut illum ignem qui durior est omni pœna in hoc seculo timeamus & peccata vitemus. *Horrendum est enim incidere in manus Dei uiuentis.* Hebr. 10.

Apoc: 21.

QUÆSIER, iterum. Si decedentes in peccato mortali statim ad supplicium æternum deferuntur, cur non etiam decedentes in charitate statim ad præmium perueniunt æternum, sed prius in purgatorio detinentur? R. Quia decedentem in peccato mortali nullum bonum (quamvis sit aliquod adiunctum) impedire potest, quominus ad vltimum malorum continuo feratur: decedentem verò in charitate potest impedire veniale, vel etiam nondum completa pœnitentia, quo minus statim ad summum bonorum transeat, ad quod nihil coinquinatum transibit.

QUAN-



## QUANTVM AD SECVNDVM.

CHRISTIANE, iam certum est in fide Catholica, esse post mortem purgatorium, ubi animæ aliquas adhuc maculas habentes purgantur. Sed in quo loco sit, nunc quæritur. Ad quod respondetur, quod duplex est locus purgatorij, ordinarius & extraordinarius. Locus ordinarius purgatorij in centro terræ, confinis gehennæ, in quo idem ignis qui & in gehenna. Id Sanctorum dictis & reuelationibus consonum. Hinc S. Gregor. lib: 4. Dialog: d. *Quod sub eodem igne electus purgatur, & damnatus cruciatur.* Idem ex consuetudine orantis Ecclesiæ pro defunctis probatur, dicit enim. *Libera animas fidelium defunctorum de pœnis inferni, & de profundo lacu, & de ore leonis.* Item à porta inferi: ubi per os leonis intelliguntur pœnæ purgatorij, à quibus orat Ecclesia liberari animas. Porta inferi dicitur purgatorium, propter vicinitatem cum inferno damnatorum. Nec inconueniens est dicere locum purgatorij coniunctum esse inferno damnatorum, nam & limbus patrum coniunctus inferno fuit, in quem Christus descendens, in infernum dicitur descendisse, & utiq; limbus patrum, in in quo nulla pœna sensibilis fuit, dignior erat purgatorio in quo pœna talis. Locus extraordinarius assignatur alicubi in terra, in quo animæ apparent & suffragia expetunt. Concedit Deus aliquibus animabus ex misericordia, vel ex quacunq; causa locum extraordinarium purgatorij. Tum propter celeriores liberationem, ita ut possint, alijs suam indigentiam reuelare, ubi vnus alio citius liberatur, & citius eum iuvant suffragia quàm alium, partim quia leviora habet peccata, quod indicat Apostolus 1. Cor: 3. qui differentias venialium per lignum, fœnum, & stipulam significavit: sicut enim lignum diutius manet in igne quàm fœnum aut stipula, ita quædam venialia diutius purgantur quàm alia. Fit etiam celerior liberatio propter maiorem charitatem, qui enim in ma-



iori charitate decessit tanquam magis dispositus, facilius iuuatur. Magist. etiam sent. lib. 4. dist. 21. dicit. *In illo igne purgatorio alij tardius alij citius purgantur, secundum quod ista pereuntia magis vel minus amauerunt.* Hugo de S. Victore probabile putat puniri aliquos in ijs locis in quibus peccauerunt, quod de Paschasio in balneis purgato narrat S. Gregor. lib. 4. Dialog. c. 40. Tum etiam locus purgatorij extraordinarius per diuinam dispensationem ad viuorum instructionem conceditur, vt instruamur de poenis futuri seculi, quam graues & acerbæ sint.

QUÆSIER. 1. Quomodo locus ordinarius purgatorij inferno coniungitur, cum in inferno variæ sint poenæ. Ignis, sulphur, Spiritus procellarum, tum & frigus intensum & similia: in purgatorio tantum ignis nominatur? R. Alius finis est poenarum infernalium, atq; alius purgatorij. Poenæ infernales ad affligendum damnatos ordinantur, ideo exprimentur his omnibus quæ hic affligere dicuntur: poena purgatorij ad purgandum ordinatur, ideo tantum nomine ignis exprimitur, quia ignis debet purgare & maculas consumere, cum hoc tamen stat, quod sint etiam præter ignem aliæ poenæ in purgatorio.

Act. 9. QUÆSIER. 2. Anima Thabitæ quam suscitauit S. Petrus Apostolus, vbi fuit post mortem? R. Quia non in inferno, inde enim nulla redemptio. lob. 7. *Sicut consumitur nubes & pertransit, sic qui descenderit ad inferos non ascendet.* Non etiam fuit in cælo, quia ibi firma possessio summi boni quæ amitti non potest, & ab illo summo bono reduci ad miseras huius vitæ fieret ipsi onerosum & valde iniuriosum. Quare fuit in purgatorio.

3. Reg. 17. QUÆSIER. 3. Animæ illorum infantum quos suscitauerunt  
4. Reg. 4. Prophetæ, post mortem vbi fuerunt? R. Non in inferno: non  
Hebr. 8. etiam in cælo, quia eo tempore nondum fuit propalata via  
Sanctorum: fuerunt ergo vel in limbo patrum vel in purgatorio.

QUÆ-



QUÆSIT. 4. Anima infantis, qui statim post baptismum (vel etiam ante baptismum) moritur, & ad preces alicuius suscitatur, ubi post mortem fuit? Non in inferno, nec in cœlo ob rationes dictas. Non etiam in limbo patrum, quia iam ille locus euacuatus est: *Non iam descendimus, quo Christus descenderat*, ait Gregor. Non in limbo puerorum, qui cum sit perpetuum exilium, ex eo regressus non conceditur. Ergo fuit in loco quodam purgatorij mitissimo, in quo nulla poena sensûs, solum dilationis ad tempus gloriæ, cui conforme scribit Beda lib. 5. histor. cap. 13. De anima infantis non baptizati maior difficultas, potest dici illa adhuc non esse iudicata, sed manere in præstolatione iudicij.

### QUANTVM AD TERTIVM.

CHRISTIANE, quando quæritur, à quo animæ in purgatorio puniuntur, intelligitur, an à dæmonibus puniantur? ad quod communis Doctorum sententia respondet non puniri à dæmonibus, quia illæ animæ sunt in amicitia DEI, in charitate existentes, & fuerunt in hoc mundo dæmonum victrices, & sine mortali decesserunt. *Iniustum ergo est*, ait S. Thomas, *qui de aliquo triumphavit, ut ei subijciatur post triumphum*. Deinde dæmones purgationem animarum, per quam liberantur, oderunt, quare non cooperantur, afflictione ad purgandum. Equidem assilunt insultantes, ut satientur pœnis animarum, & comitantur eas, dum per Angelos custodes ad purgatorium ducuntur. Sanè, cum in Canone Missæ dicuntur dormire somnum pacis, cum dæmonibus non possent dormire somnum pacis, si per eos punirentur. Quæritur si vel per bonos Angelos ibi puniantur? negatiuè respondetur, concives enim suos & charitate sibi iunctos non possent tam vehementer affligere. Diuina ergo iustitia ordinante puniuntur, ait S. Thomas, *Sicut, inquit, post diem iudicij, diuina iustitia succendit ignem quo damnati in perpetuum punientur, ita etiam nunc, sola iustitia diui-*



## ARTICULUS XII.

*diuina electi post hanc vitam purgantur. Addit etiam Albertus Magnus, quod per seipsas animæ purgantur, sicut aurum purgatur à sua impuritate & rutilat in igne, iuxta illud. 1. Cor. 3. Vniuscuiusq; opus quale sit, ignis probabit. Dicit insuper Albertus, quod animæ suo pondere venialium feruntur in profundum, vel minùs profundè pro diuersitate venialium, sicut videmus grauià diuerso pondere deorsum tendere. Quantum ad atrocitatem pœnarum purgatorij, cum illis nullas pœnas huius vitæ comparandas, docent Ss. Patres, August. in Psal. 37. Ille, inquit, ignis grauior est, quàm quidquid pœnarum hic sentire quis potest. Neq; tamen quælibet pœna purgatorij est maior maximâ pœnâ huius vitæ: fieri enim potest, vt aliquis moriens nihil debiti secum in purgatorium ferat nisi vnum verbum otiosum, non est autem credibile propter vnũ solum verbum otiosum, pati debere aliquem supplicia grauiora omnibus pœnis huius vitæ. Deinde pœna purgatorij quantò magis ad finem purgationis accedit, tantò fit remissior, donec totalitèr desinat. Narrat S. Bernardus S. Malachiz ter apparuisse sororem suam dũ pro illa oraret. Primò in veste nigra extra Ecclesiam, deinde in veste subfusca intra limen Ecclesiæ, tandem veste alba ad ipsum altare, ex quo patet animam illam paulatim remittentibus pœnis ad finem purgationis peruenisse.*

Iob. 7.

DICES. In hac vita etiam sancti per dæmones affliguntur, sicut constat de Iob iusto: non est ergo inconueniens etiam in purgatorio animas per dæmones affligi. R. Aliud est in hac vita aliud post mortem: in hac vita etiam sancti per dæmones infestantur, quia hic locus est pugnæ, vbi à dæmonibus tanquam ab hostibus cum quibus decertant, affliguntur, nam *militia est vita hominis super terram*. Iam verò post victoriam quam retulerunt animæ in morte de isto hoste, non conuenit à devicto hoste aliquid pati.

QUÆSIER. Quid sibi volunt illa verba in Canone Missæ, vbi animæ dicuntur in purgatorio dormire somnum pacis?

R. Pro-



8. Propter securitatem & certam spem futuræ beatitudinis dicuntur dormire somnum pacis: unde quamvis gravissimè affligantur, voluntarie tamen ea conditione pœnas sustinent, quia sciunt non posse aliter se ad beatitudinē pervenire, & hac spe maximè in tormentis consolantur. Quæ licet magna sint, non tamen propter eorum magnitudinem obliviscuntur eorum, quæ hîc sciverunt, aut testimonij propriæ consciētiae, cum talis oblivio nec damnato epuloni contigerit. Sive etiam ideo dicuntur somnum pacis dormire, quia à dæmonis crudelitate manent liberæ.

## C O R O L L A R I V M.

## F I N A L E.

**A**Ge nunc fidelis Christiane, fidem in Symbolo propositam, & hîc non tam quidem exactè & solidè vt debuit, ramen vt potuit expositam, pro fundamento iustitiæ & æternæ salutis ante omnia iacias. Cogita quantum bonum & quàm desiderandum, omniq; bonorum operum conatu quærendum, ad vitam æternam, quo Sanctissimi Apostoli Symbolum fidei concluderunt, intrare. Quàm verò altera ex parte horrendum ac miserandum supplicijs deputari æternis. Quare super fundamento fidei, oportet cum observantia mandatorum virtutes & opera pietatis ædifices. Finito autem Symbolo fidei adiungimus. AMEN quod idem est ac si dicatur, Verè & fideliter, id est verè ita est vt verba significant. Hæc est enim fides Catholica, quam nisi quisq; fideliter firmiterq; crediderit, salvus esse non poterit. Atq; hæc eadem verba, veram fidem custodiant, & in nobis semper augeant: eamq; infidelibus AUTHOR ipse & consummator fidei Dominus noster IESUS CHRISTUS largiatur.





# APPENDIX

## Ad Articulum Symboli Decimum

### DE PECCATIS CAPITALIBVS

*In gratiam Catechiste.*

1. 2<sup>a</sup>. q. 84.  
a. 4. c.

Gregor. lib.  
31. Moral.  
c. 31.

SEPTem vulgo numerantur peccata capitalia quæ & mortalia dicuntur, nempe Superbia, Avaritia, Luxuria, Invidia, Ira, Gula, Acedia. Dicitur autem peccatum capitale, quia est causa per se finalis multorum peccatorum, ex quo alia oriuntur & ad illud reducuntur. Quia verò sunt obvia & familiaria hominibus, in qua sæpenumero labuntur, non incongruè Venerandus Catechista, per occasionem decimi Symboli Apostolorum articuli, de remissione peccatorum, Christianum ad fugam eorum, turpitudinem & nocumenta singulorum exponendo, adhortabitur, quorum breuem compilationem ad calcem tractatus seponendam iudicavi. Et quoniam in ordine peccatorum capitalium primum locum possidet tanquam regina omnium superbia, sequitur.

## CATECHESIS I.

### DE SUPERBIÆ VITIO.

Ecclesi. 10.

In Psal. 68.

Isai. 14.

Tob. 4.

**I**Nitium omnis peccati est superbia inquit sapiens, qui tenuerit illam, adimplebitur maledictis, & subvertet eum in finem. Præcessit omnia peccata tempore, quia in cælo superbiuit Lucifer: in paradiso primi parentes nostri cupientes esse vt dii, quod tam Lucifero quàm illis malè evenit. Adam enim & Eva inquit August. rapere voluerunt diuinitatem, & perdiderunt felicitatem. Luciferi quoq; superbia ad infernum detracta est. Quare monet Tobias filium suum, Superbiam nunquam in tuo sensu, aut in tuo



tuo verbo dominari permittas, in ipsa enim initium sumpsit omnis perditio. In hac igitur Catechesi, tria Christianus à Catechista addiscet.

I. *Quid sit superbia, & quæ eius species?*

II. *Quarum prolium sit procreatrix?*

III. *Quid humilitas ei opposita virtus?*

### QUANTVM AD PRIMVM.

CHRISTIANE, Superbia est inordinatus appetitus propriæ excellentiæ: ex suo genere est peccatum mortale. Greg. lib. 34. Moral. cap. 17. *Evidentissimum, inquit, signum reproborum est superbia: quanquam non omnis motus superbiæ mortale iudicari debet, sunt multi veniales ex imperfectione actûs, quando præveniunt iudicium rationis, nec eis ratio consentit. Porro ex suo genere esse superbiam mortale, illud convincit, quia averti à DEO de genere suo est mortale, superbus autem avertit se à DEO, nec ei vult subijci, quippe extollens se contra id, quod sibi à DEO præfixum est; ideo Apostolus instruit fideles. Nos, inquit, non in immensum gloriabimur, sed secundum mensuram, quâ mensus est nobis Deus.* Quin etiam ex parte eiusdem aversionis est gravissimum peccatorum, August. super Psal. 19. *Non est, inquit, maius peccatum quàm apostatare, quod est initium superbiæ hominis.* Nam in alijs peccatis aversio à DEO fit vel propter ignorantiam, vel propter infirmitatem, vel propter desiderium alicuius boni, superbus autem avertitur à DEO per hoc ipsum, quod nllit subijci DEO & regulæ eius. Quatenus verò generale est vitium, quatuor eius species lib. 23. Moral. cap. 7. S. Gregor. enumerat. Prima quando aliquis iactat se habere aliquid super alios, quod tamen non habet: atq; hoc vitio turpiter laborabat rex Tyri Ezech. 29. dicens se DEUM esse. Secunda dùm quis bonum habitum à se habere iactanter existimat: hoc fecit Nabuchodonosor, fortitudinem & indu-

2. Cor. 10.



striam non à Deo sed à semetipso habere, Daniel: 4. iactitans. Tertia dùm bonum quod habet, recognoscit quidem à Deo se habere, pro meritis tamen suis vt debitum sibi datum. Hinc Gregor. *Pleriq; mali eò magis contra Deum superbiunt, quò ab eius largitate & contra meritum ditantur, & qui provocari bonis ad meliora debuerunt, donis peiores fiunt.* Quarta deniq; dùm spretis alijs ex eo quod habent, singulares videri volunt. Hoc in Lucifero perspicuum Isai: 14. dicente. *Super astra Dei exaltabo solium meum.*

Diverforū  
generum di-  
versæ speci-  
es in Ante-  
præd.

DICES. Quæ ad infidelitatem pertinent, non sunt species superbix; aliud enim est vitium infidelitatis, aliud superbix, sicut & virtus humilitatis distincta est à virtute fidei: existimare autem bonum se habere non à Deo sed à se, aut pro suis meritis ad infidelitatem spectat, non ergo sunt species superbix. 2. Si quis dicet aliquod bonum in vniuersali non esse à Deo, vel gratiam pro meritis dari ad infidelitatem pertinet: sed dùm quis ex inordinato appetitu propriæ excellentiæ in particulari gloriatur de suis bonis, non ad infidelitatem sed ad superbiam pertinet.

## QUANTVM AD SECVNDVM.

CHRISTIANE, non est mirum, quòd mundum totum in maligno positum Apostolus dicit, ex vno enim peccato alia nascuntur, ex ipsa superbia vtest capitale peccatum, sex filias suscipit diabolus, scilicet *Inobedientiam, Iactantiam, Hypocrisim, Contentionem, Pertinatiam, Discordiam.* Singulorum notionem attende Christiane. Prima proles superbix inobedientia: nam vt Adam in paradiso peccavit, appetendo diuinæ scientiæ sublimitatem, illicò inobediens factus est Deo, quo sibi & nobis multum nocuit. Rom. 5. *Per inobedientiam vnius hominis, peccatores constituti sunt multi.* Cùm enim superbus nulli vult subesse, nulli quoq; obedire: nec rationi propriæ, nam recta ratio dicat, quòd inferiores debeant subesse & obedire superiori-  
bus,



būs, sicut membra inferiora capiti, huic tamen dictamini non obedit, Iob. 11. *Vir vanus in superbiam erigitur & tanquam pullum onagri se liberum natum putat.* Superbus Pharaō eō inobedientiæ progressus est, ut DEUM etiam & mandata eius contempserit. *Quis est Dominus ut vocem eius audiam?* Exod. 5. Quare inobedientia sicut ipsa superbia est peccatum mortale, quia aduersatur charitati, quæ est vita spiritualis, si contemnatur præceptum DEI vel superiorum, quibus obedire Deus præcepit. *Et qui potestati resistit, Dei ordinationi resistit. Neq; etiam aliunde hereses obortæ sunt,* (ait Cornelius scribens Cypriano) *aut nata sunt Schismata, quàm inde quòd Sacerdoti Dei non obtemperatur.* Parit superbia iactantiam, quâ se superbus extollit supra id quod in se est, vel in opinione hominum: est enim iactantia vitium veritati contrarium, quo superbus laudes suas immodicè prædicando, rationis & veritatis limites transgreditur. Veritatis quidem, dùm loquitur quod in se non est: rationis dùm loquitur supra opinionem hominum, quod refugiebat Paulus 2. Cor. 12. *Si, inquit, gloriari voluero, non ero insipiens, veritatem enim dicam, parco autē, ne quis me existimet supra id quod videt in me.* Et quoties iactantia est contra gloriam DEI, aut cum proximi contēptu, est peccatum mortale. Contra gloriam DEI iactavit se rex Tyrus; cum proximi contēptu Phariseus Luc. cap. 18. prorūmpens in contumeliā aliorum. *Non sum, inquit, sicut ceteri, raptores, iniusti, adulteri,* his minatur Deus: *Auferam de medio tui magniloquos, superbie tue, & non adjiciet exaltari amplius.* Abundat superbia prole hypocrisis & simulationis, quæ est genus quoddam mendacii, quo aliud exterius indicatur, aliud interius occultatur. Tales erant scribæ & Pharisei, qui a foris parebant hominibus iusti, intus pleni erant hypocrisi, & omni iniquitate, à quorum fermento hypocrisis cauendum Dominus hortatur. Est mortale, quando charitati aduersatur, quod in duobus casibus contingit. Primò dùm quis non curat, ut in re ipsa sit sanctus, modò talis videatur ab hominibus, cum deinde, dùm simulat

Rom. 13:

Lib. 1. epist. 3:

Sop.

Matth. 23.

Luc. 12.



Sanctitatem, ut falsam disseminet doctrinam, sicut operarij subdoli, transfigurantes se in Apostolos Christi. Vel ut indignus dignitatem Ecclesiasticam adipiscatur, vel aliqua temporalia, in quibus finem constituat. *Vae vobis* (pharisæis dictum) *qui comeditis domos viduarum, orationes longas orantes, propter hoc amplius accipitis iudicium: & hoc quidem charitati proximi adversatur, illud charitati DEI.* ENITITUR superbia contentio- nem, nam inter superbos semper iurgia, est enim contentio iuxta Ambrosium *impugnatio veritatis scienter cum confidentia clamoris: sciens igitur esse quod oppugnat, nec desistit, reus est peccati contentionis, hinc monet Apostolus. Noli contendere verbis, ad nihil enim utile est, nisi ad subversionem audientium.* *Verbis contendere, est non curare quomodo error veritate vincatur, sed quo modo tua dictio dictioni praeferatur alterius, inquit August.* id est in disputando non veritatem quærere, sed velle ostendere suam scientiam, & hoc nullum fructum affert, sed odium, invidiam, blasphemias. Tribus autem modis fieri potest contentio in verbis. Primò quando impugnatur falsitas debito modo, & hoc est laudabile, qualiter Catholici commovent contentiones aduersus hæreticos, ab ipsis laceffiti. ut Gloss. in cap. 14. Reg. I. dicit. deinde quando falsitas impugnatur, sed inordinate & cum acrimonia locutionis, tunc potest esse peccatum veniale. Tandem quando veritas impugnatur indebito modo & praua intentione, estque mortale, I. Cor. II. *Si quis contentiosus videtur esse, nos talem consuetudinem non habemus, nec Ecclesia DEI; inter opera carnis damnabilia, contentiones numerat Apostolus. Gal: 5. Manifesta sunt, inquit, opera carnis, quæ sunt fornicatio, immunditia, contentiones, &c. qui talia agunt regnum Dei non consequentur.* PROCREAT superbia pertinaciam, quæ est imprudens tenacitas mali propositi, tres habens species. Prima post correctionem non resipiscere. Ierem: 2. *Frustra percussi filios vestros, disciplinam non receperunt. Et cap. 5. Percussisti eos & non doluerunt, attrivisti eos, & renuerunt*



accipere disciplinam, indurauerunt facies suas supra petram, & noluerunt reverti. Secunda ex admonitione peius agere. Sacerdos monet populum vt desistat à malo, illi verò perperam procaciter & malitiose progrediuntur in malo. Ioan. 8. Iudæos Christus arguebat de peccato, illi ex admonitione tantum progressi sunt in malo, vt monentem occidere vellent. Tertia in afflictione promittere resipiscientiam, afflictione cessante, ad peiora redire. Psal. 77. de Iudæis. d. Cum occideret eos querebant eum, cor autem eorum, non erat rectum cum eo. Sic fecit Pharaon Exod. 8. Agnitionem veritatis impedit pertinacia. quā manente veritatem Catholicam non agnoscunt hæretici. Fecundatur postremò superbia discordiâ, quæ in eo differt à contentione, quòd contentio sit in verborum garrulitate, discordia in ipsa voluntate; est enim disgregatio voluntatum in diversa, ex ambitionis & superbiæ prauitate suam trahens originem. Ex genere suo est mortale, dùm quis sciens & volens, dissidet à proximo contra bonum diuinum vel proximi, sic enim contrariatur charitati: id in hæreticis perspicuum est, qui ab Ecclesia Catholica discordes sunt contra bonum diuinum, contra fidem & veram religionem seu cultum diuinum. Istos cauere monebat Apostolus Rom. 16. *Rogo vos, inquit, vt obseruetis eos, qui dissensiones & offendicula faciunt, contra doctrinam quam vos didicistis, & declinate ab eis.* Quare & ille peccat mortaliter qui discordat à proximo in re quæ ad bonum eius pertinet. cum intentione, vt proximus inde subeat aliquod detrimentum, sicut & ille qui inter homines seminat discordias.

DICES. Quomodo superbia vnum est de vitijs capitalibus? siquidem est super capitalia vitia, & in omnia peccata vniuersalem habet influentiam, vnde & regina ac mater vitiorum rectè nuncupatur. &. Considerata superbia quatenus vniuersaliter influit in omnia vitia, non annumeratur capitalibus vitijs, sed illa excedit: prout autem est quoddam peccatum ex quo



quo multa genera peccatorum oriuntur, id est prout gignit alia peccata, hoc modo inter capitalia numeratur.

### QUANTVM AD TERTIVM.

**C**hristiane, dum vitia extirpamus, virtutes inserere debemus, hæc enim duo iussus facere Propheta, Ierem, 1. *Ecce dedi verba mea in ore tuo (ait Dominus) ecce constitutus te super gentes & super regna, ut evellas, & destruas, & disperdas, & dissipes, & ædifices, & plantes: post eradicationem vitiorum, virtutes plantare etiam Philosophia apud Bôët: lib: 3. de consol. metro. 1. docet. dum ita canit. Qui serere ingenuum volet agrum.*

*Liberet arua prius fruticibus*

*Falco rubos felicemq; resecet.*

*Vt nova fruge gravis Ceres eat.*

Virtus & vitium sunt sibi opposita, & ex collatione vnus alterum facilius cognoscitur, iuxta illud lib. 2. de cælo. *Contraria iuxta se posita magis elucescunt.* Si perspexisti vitium superbix, considera decorem humilitatis, ita enim superbix humilitatem opponit sapiens. Prou: 29. d. *Superbum sequitur humilitas, & humilem Spiritu suscipiet gloria.* Idem Domini sententia continet. *Qui se exaltat humiliabitur, & qui se humiliat exaltabitur.* Et quia superbia est vitium hominis inordinatè appetentis propriam excellentiam, per oppositum cognoscimus humilitatem esse virtutem, quâ animus firmatur, ne inordinatè extollatur. Vt tamen agnoscas quæ sit laudabilis humilitas, quæ minus, considera aliquem humiliari à principio extrinseco, quia ab alio deiicitur, sed hoc modo humilitas, non tam virtus, quàm poena potius est, nec laudabilis, nec vituperabilis, nisi fortè patienter aut impatienter toleretur. Alius deinde humilis apparet, sed in signis duntaxat externis secundum fictionem, & est hypocrita, veste ovina lupum abscondens, de quo Eccl. 19. *Est qui nequiter se humiliat.* Alius præterea humilis est, non agnoscens honorem suum, & bona sibi à Deo data pervipendens, semper reputans se non habere fructum.

spiri-

Matth. 23.

Luc: 14.

2. 2æ. q. 1.

61. art. 1.



spiritualem; proindeq; non vult ex pusillanimitate aliqua bona aggredi: vtille, cui recusanti ad Eucharistiæ Sacramentum ex quodam torpore accedere. Cyrill. lib. 4. in Ioan. cap. 17. exprobrat dicenti: Ego probo meipsum, & indignum invenio. *Quando igitur quicumq; tu es, qui ista dicis, dignus eris? quando teipsum Christo offeres? nam si peccando indignus es, & peccare non desinis, expers omnino eris huius vivificæ sanctificationis: talis humilitas non est virtus, sed acedia aut ingratitude.* Alius deniq; humilis est, qui agnoscens suum defectum, ponit se in humili secundum suum modum, talis humilitas opposita superbix laudabilis. Homilia 8. in Luc. Origenes dicit. *Proprie in scripturis una de virtutibus humilitas prædicatur.* Eccl: 7. iustus prædicatur, qui se nimium submittit à multa humilitate. Et hæc virtus post virtutes Theologicas, & intellectuales, quæ respiciunt ipsam rationem, & post iusticiam præsertim legalem, potior est ceteris: cuius duodecim gradus ostendit S. Benedictus in Regula cap. 7. Gloss. autem super cap. Matth. 3. tres commemorat, sufficientem, abundantem, perfectam. Sufficiens est subijcere se maiori, nec præferre se æquali. Abundans est, subijcere se æquali, nec se præferre minori. Perfecta autem subijcere se minori. sic Christus fecit. Luc. 22. *Ego in medio vestrum sum, sicut qui ministrat.* Hinc monet Ecclesiasticus. *Quanto magnus es, humilia te in omnibus, & coram Deo inuenies gratiam.*

2. 2a. q. 36.  
a. 1.

7. 161. a. 1.  
c. f.

Cap. 3.

QUÆSIER. Cum non liceat id quod DEI est creaturæ tribuere, ne furtum aut rapina committatur. Deo autem debetur subiectio, quomodo homo homini per humilitatem subijci obligatur? R. Non fit vlla iniuria diuino honori, dum se homo subijcit per humilitatem, nam propter hoc facit, & in eo honorat DEUM, id mandat Apostolus 1. Petr. 2. *Subiecti, inquit, estote humanæ creaturæ propter Deum.* Explicat S. Thom: art. 3. d. *Debet omnis homo defectum aliquem in se agnoscens, se alteri per humilitatem subijcere, non tamen cuivis homini promiscuè, sed illi dumtaxat, in quo talem defectum non esse putat.*

Ccc

CATE.



## C A T E C H E S I S II. D E A V A R I T I Æ V I T I O.

**T**urpe satis crimen avaritia, quæ est immoderatus amor habendi, lib: 2. offic. ait Tullius. *Nullum est vitium tetrus quàm avaritia, præsertim in principibus, & Rempub. gubernantibus, habere enim quæstui Rempub. non modo turpe est, sed sceleratum etiam ac nefarium.* Furta, latrocinia, meretricatus, & alia scelera per avaritiam perpetrantur. Rectè ab Apostolo idolorum servitùs appellatur: homo enim avarus exhibet creaturæ quod debetur Creatori; id est, fidem, spem & dilectionem, id enim præstat pecuniæ, nam avari simulachrum argentum & aurum. Quare pro solita methodo, tria ista Catechesi dicentur.

- I. *Quid avaritia & quæ ipsius species?*
- II. *Quæ peccata ex ipsa oriantur?*
- III. *Quanta præstantiæ opposita ei virtus liberalitas?*

### Q U A N T V M A D P R I M V M.

**C**hristiane, avaritia licet Græcè φιλαργυρία dicitur, non in solo tamen argento & nummis, sed in omnibus quæ immoderatè appetuntur consideratur, ut docet August: lib. 3. de lib. arb. Gregorius autem Homil. 16 in Euangel. d. *Non solum pecunia, sed etiam scientiæ & altitudinis cum supra modum ambitur sublimitas.* Nam & ille avarus est, qui nimis appetit scientiam: proinde primi parentes nostri appetentes scientiæ DEI æqualitatem in paradiso, crimen avaritiæ commiserunt: & ille avarus, qui cupidè inhiat honoribus, & sublimitatem immoderatè quærit. Verum hoc de avaritia ut est generale vitium, & in suas species dividitur. Nam avari alij sunt deficientes in dando, alij excedentes in accipiendo. Deficiunt in dando parci, tenaces, & difficiles. Parci sunt qui parum dant, cum possint abundè tribuere, iuxta illud monitum Tob: 4. *Si multum tibi fuerit,*



*fuert, abundanter tribue.* Tenaces sunt, qui nihil dant, qualis ille dives epulo, qui micas panis negavit mendico. Difficiles sunt, qui difficulter dant, & de parvis magnam vim faciunt, ab Aristotele *Κυριωπεσις*, quasi cimini sectores vel venditores appellati. Excedunt in accipiendo seu acquirendo vel turpiter vel iniuste. Turpiter qui lucratur de meretricatu: quod abominabile detestatur scriptura Deut: 23. *Non offeres, inquit, mercedem prostibuli in domo Domini Dei tui.* Turpiter lucratur il- liberalium operationum operator, qui propter lucrum vilia & servilia opera exercet, de quo monet Apostolus diaconos, non esse turpe lucrum sectantes, similiter Episcopum non esse turpis lucri cupidum. INIUSTE lucrantur vsurarij de gratis concedendis, Leuit: 25. *Pecuniam tuam non dabis ad vsuram,* Luc: 6. *Mutuum date nihil inde sperantes, & erit merces vestra multa.* Latrones viuis vim inferentes Deut: 22. *Latro confurgit contra fratrem suum, & occidit animam eius.* Spoliatores mortuorum, sicut Darius Semiramidis Reginæ expilare studuit monumentum mortuæ. Aleatores qui amicis vim inferunt lucrando, quos cum furibus & latronibus loco dicto numerat Aristoteles. *At- tamen, inquit, aleatores, & fures, & latrones, auari putandi sunt, quod in turpi quæstu sunt occupati, nam aleatores ab amicis lucrantur.*

Luc. 16.

Lib: 4. Ethic.  
cap. 1.1. Tim: 3.  
Tit: 1.Lib: 4. Ethic.  
c. 1.

DICES. Quod honestum est, non debet inter peccata com- putari, aleis delectari res est honesta: quomodo inter species avaritiæ computatur? R. Communiter prætendunt aleatores honestatis speciem ob amici delectationem in lusu alearum, sed huiusmodi honestas euacuatur desiderio lucri, proinde occupatio huiusmodi turpis & illicita: immò & artificum o- pera conficientium taxillos, fucos, & chartas, si sciunt malè vsuros, quibus vendunt.

DIXERIS. Occupationem alearum, & intentionem lucri non esse malam. R. Occasionaliter, sicut apud Iudæos libel- lus repudij. Deut: 24. v. 1. Matth: 5. v. 32. & 19. v. 8. Marc: 10. v. 4. ad duritiam cordis Iudæorum. Porro S. Thom: 2. 2æ.



q. 32. a. 7. 2m Inhonestum esse docet. Quare cum scripturæ turpe lucrum damnant. 1. Tim. 3. v. 9. Tit. 1. v. 7. 1. Petr. 5. v. 2. Sane aleatores in turpi lucro ut dicit Philosophus occupantur, nam spe quæstus, inquit, hæc instituta sequuntur & probra referunt, & ab amicis quibus suppeditari æquius est, lucrantur.

QUÆSTIO. Quid fieri debet de lucris ex aleis? R. Restitutio fieri debet. Et primò quidem, qui lucratur ab eis qui alienare rem non possunt, ut minores & furiosi. Deinde qui traxit alium ad ludendum ex cupiditate lucri. Exinde qui fraudulenter lucratur. Qui verò lucratur ab eo à quo tractus est ad ludendum, nec fraudem in ludendo fecit, non tenetur ad restitutionem ei à quo tractus est, quia ille qui amisit non est dignus recipere: neq; etiam sibi retinere potest, sed in elemosynas debet erogare.

### QUANTVM AD SECVNDVM.

CHRISTIANE, avaricia speciale seu capitale vitium, est inordinatus amor habendi divitias, de quo Eccl. 5. *Avarus non implebitur pecuniâ, & qui amat divitias, fructum non capiet ex eis.* August: verò dicit. *Avarus vir inferno similis est, infernus enim quantoscunque devoraverit, nunquam dicit satis est, sic, etsi omnes thesauri confluerint in avarum.* Philosopho etiam 2. polit. cap. 5. de improbitate avarorum dicit. *Insatiabilis est hominum improbitas, quibus primùm satis sunt duo oboli; cum autem eos consecuti sunt, tùm semper plus expetunt, dùm infinitas opes congegesserint. Nunquam enim expletur, nunquam satiatur cupiditatis sitis: nempe, crescit amor nummi; quantum ipsa pecunia crescit.* Duabus virtutibus opponitur, & liberalitati, & iustitiæ. Quandoq; est mortale, quandoq; veniale peccatum. Mortale est primò, cum quis accipit & retinet iniuste res alienas, & sic opponitur iustitiæ, & pertinet ad furtum, rapinam, usuram, & fraudem in emptione & venditione. Secundò cum est adeò inordinatus amor divitiarum, ut præferatur amor & dilectioni DEI & proximi. Veniale est, cum

2. 2e. 118.  
art: 4.



cum propter diuitias (quamvis sit aliquis eorum inordinatus amor) non agitur aliquid contra charitatem DEI & proximi. Et quoniam avaritia quatenus capitale vitium, est radix omnium malorum: ex hac radice pullulant alia crimina, quasi proles & filix ipsius. Pullulat PROBITIO. quâ avarus in persona proximi fraudem committit, tradendo propter pecuniam proximum: sic Iudas avarus fecit. Sic Samsonem propter lucrum vxor tradidit Philisthæis. Huius criminis rei efficiuntur, qui bonos propter iustitiam & bona opera apud malos traducunt, quod Dominus prædicebat discipulis. *Trademini*, inquit, *à parentibus, & fratribus, & cognatis*. Proditores futuros prædicebat Apostolus. 2. Tim. 3. *Erunt, inquit, homines seipfos amantes, proditores, protervi: tumidi*. Pullulat ex avaritiæ radice FRAUS. quæ est executio iniustitiæ in factis vt cum vnus circumvenit alium in re aliqua: de hac iniustitia conquestus est Iacob contra Laban. Gen. 31. Rachel & Liæ dicens. *Pater vester circumvenit me, & mutavit mercedem meam decem vicibus*. Arguit Apostolus, 1. Cor. 6. *Quare non magis iniuriam accipitis, quare non magis fraudem patimini, sed vos iniuriam facitis, & fraudatis*. Vetat. 1. Theff. 4. *Ne quis, inquit, supergrediatur neq; circumveniat in negotio fratrem suum*. Pullulat FALLACIA, quæ est vitium in verbo dolofo, quando quis dicit falsitatem, & est mendacium. Leuit. 10. prohibitum. *Non, inquit, mentiemini*. Tria verò genera mendacij, distinguit Magister Sent: *Officiosum, iocosum, & perniciosum*, in quibus includuntur octo genera numerata ab August: in lib. contra mendacium. cap. 14. Officiosum mendacium est, dum quis mentitur vel propter suum, vel propter proximi commodum. Et hoc in tribus membris expletur: vnum quod nulli obest, & alicui prodest, vt si quis seruet res proximi, videns iniuste eripiendas, & interrogatus de illis dicat se nescire. Alterum, quod nulli obest & alicui prodest, ad vitam corporis seruandam. Tertium, quod nulli obest, & prodest alicui ad conservandam mundiciam corporis seu castita-

Matth. 26.  
Iudic. 16.

Luc. 21:

Lib. 3. d. 38.



Lib: 4. Ethic.

tem. Iocosum est, dum quis iocando mentitur. Et hoc in duobus expletur membris, vnum dum quis mentitur sola mentiendi libidine, hinc Philosophus d. *Quod mendax quia talis est secundum habitum, ipso mendacio gaudet.* Alterum dum mentitur volens suaviloquio placere. PERNICIOSUM tandem mendacium est, dum quis mentitur in damnum proximi: in tria membra distributum. Vnum dum quis mentitur in doctrina religionis contra fidem, vel contra bonos mores, ut faciunt hæretici. Alterum quando mendacium nulli prodest, & obest alicui. Tertium quando vni prodest, alteri obest. Esse autem peccatum omne mendacium, cum Augustino docet S. Thomas 2, 2æ. q. 110. art. 3. cum sit contra naturam mentiri: idem enim homo loqui debet, quod animo gerit, siue illud sit verum, siue putet verum, verba enim ideo instituta sunt, non ut per ea invicem homines fallant, sed ut per ea in alterius notitiam suas cogitationes ferant, nam *interpretis mentis est oratio*, ut lib. 1. de legibus dicit Tullius. Pullulat ex avaricia PERIURIUM, quod prohibet lex Levit. 19. *Non periurabis*, inquit, *in nomine meo.* Est autem periurium iuxta Magistrum sent: dist. 39. mendacium iuramento firmatum. Sunt verò tres modi periurij ut ibidem notat. Vnus, cum quis voluntate fallendi, falsum iurat, ut cum homicida iurat se non occidisse. Alter quando quis rem veram, putans esse falsam, animo fallendi iurat esse veram, ut si Platonius Philosophus, existimans in sua sententia coelos esse animatos, nihilominus tamen intentione fallendi, iuret non esse animatos, periurium committit, sed DICES. Quomodo periurium esse potest, ubi non est mendacium: in assertione ista Platonici non est mendacium, verum enim iurat coelos non esse animatos. & Non est falsum quod dicit, verum enim est physicè, est tamen mendacium, moraliter, dicit enim contra mentem, & quia sub attestazione iuramenti loquitur, periuriū est. Tertius periurij modus dum quis falsum iurat esse verum, quia verum esse putat, ut si quis existimans iridem

non



non fuisse ante diluvium, id iuramento confirmet. Sed hic quoq; Dices. Sicut non mentitur, nisi qui contra mentem loquitur, ita periurus non est, nisi qui aliter sentit animo, quam loquitur; lingua enim rea non potest esse, nisi mens sit rea, sed tunc mens non est rea, non enim iurat voluntate fallendi. R. Hoc ipso mens eius rea est periurij, quia præsumpsit iuramento confirmare, quod perspicue verum non deprehendit. Quin immò etiam si res vera sit, sed illi non constat infallibiliter veritas eius qui iurat, sed opinatiue duntaxat scit esse veram, periculo se exponit periurij, quia indiscretè iurat. Sed hic Observa 1. ad iuramentum tria requiruntur ut sit legitimum, quorum si vnum defuerit, periurium est, ut docet Hieron. super illud Ierem. 4. *Iurabis vivit Dominus, in veritate, & iudicio, & iustitia.* Vbi sic ait Sanctus Doctor. *Iusiurandum tres habet comites, veritatem, iudicium & iustitiam, si ista defuerint, non erit iuramentum sed perjurium.* Et quidem primò & principaliter perjurium est, si desit veritas, quia sicut falsitas opponitur veritati, ita perjurium iuramento; nam iuramentum constituitur ex veritate, & ex ipsa sortitur speciem, siquidem finis iuramenti est confirmatio dicti humani, quæ sit per veritatem, ostendendo firmiter verum esse quod dicitur: profectò perjurium est, ubi est falsitas, atq; desit veritas. Secundariò perjurium est, si desit iustitia, i. dum quis iurat illicitum, ex quo falsitatem incurrit, quia obligatus est, ut contrarium faciat. Tertiò si desit iudicium, qui enim indiscretè iurat, exponit se periculo falso iurandi. Observa. 2. Omne periurium peccatum esse, & mortale: peccatum quidem quia adversatur religioni, irreverentiam enim infert Deo, nam perjurus Deum testem invocatur falsitatis. Mortale est, quia importat contemptum Dei de sui ratione, quem perperam testem falsitatis inducit. Deinde directè est contra præceptum divinum, & contra finem præcepti: non enim ille diligit Deum, qui inhonorat ipsum, quod perjurus facit. Adhuc



2. 28. 9. 118.  
8. 8.

Exod: 34.

Lev: 25. 6. 6.

Psal. 74.

1. Petr: 5.

ex radice avaritiæ pullulat INQUIETUDO. quæ est vitium ex avaritia oriundum, ingerens homini sollicitudinem & curas superfluas: prohibitum vitium à Deo constituyente Sabbatum Iudæis, ne nimia sollicitudine & cura circa temporalia diffunderent. *Sex*, inquit, *diebus operaberis, die septimo cessabis arare & metere*. Illicitam esse nimiam sollicitudinem circa temporalia, manifestum est. Primò quando quis temporalia quærit, finem in illis collocans, quod improbat Dominus Matth: 6. *Nolite*, inquit, *thesaurizare vobis thesauros in terra*. Secundò dùm nimium adhibet studium, quo retrahatur à spiritualibus, quibus magis inservire debet juxta illud. *Quærite primùm regnum Dei*. Tertiò dùm quis adeò sollicitè procurat temporalia, ut metuat ne sibi defint: Hinc monet Dominus. *Nolite solliciti esse dicentes quid manducabimus &c.* Et Apostolus. 1. Cor: 7. *Volo vos sine sollicitudine esse; qui sollicitus est quæ sunt mundi, divisus est*. Sed DIXERIS. Quomodo illicitum est, sollicitum esse de futuris & temporalibus, cum ea sit lex naturalis, in qua cum homine pleraq; etiam bruta conveniunt, ut de formica Prou: 6. pronuntiat sapiens. &c. Non est illicitum ordinatè sollicitum esse de futuris & temporalibus, sed illicitum inordinatè. 1. quando quis tempus non observat, quia etiam diebus festis operatur. 2. quando ita sollicitus est, ut desperet de divino auxilio, cui innitendum in omnib9 hortantur Propheta cum Apostolo. *Omnes sollicitudinem vestram projicientes in eum, quoniam ipsi cura est de vobis*. Et Dominus dicit. *Scit Pater vester cælestis, quia his omnibus indigetis*. 3. si confidas per tuam sollicitudinem posse te plus habere quàm per divinum auxilium: ait autem Dominus. *Quis vestrum cogitans potest adjicere ad staturam suam cubitum unum?* Nascitur ex avaritia VIOLENTIA. quæ est iniusta occupatio bonorum proximi conscio domino, prohibet autem Deus per Prophetam Ezech: 46. *Non accipiet princeps de hereditate populi per violentiam & de possessionibus eorum*. Quod crimen commune & familiare latronibus & raptoribus, 3. Reg: 21. Achab cum



cum sua Iezabel possedit iniuste vineam Naboth, eumq; interfecit: quod crimen gravi vindicta punietur, Isa: 9. *Omnis violentia prædatio cum tumultu, & vestimentum mixtum sanguine, erit in combustionem.* Nascitur deniq; ex avaritia **OBDURATIO**, quâ quis insensibilis redditur ad succurrendum miseræ proximi, propter nimiam tenacitatem. Talis erat ille dives Luc. 16. Qui de sua mensa, extrema patienti Lazaro noluit misereri, quem redarguit illud Apostoli: *Si quis habuerit substantiam huius mundi, & viderit fratrem suum necessitatem habere, & clausit viscera sua ab eo, quomodo charitas Dei manet in illo?* Sed hîc

1. Ioan. 3.

**QUÆSTIO.** Quomodo ex avaritia oriuntur alia vitia, cum non sit capitale peccatum: nam peccatum capitale opponitur virtuti capitali. porro liberalitas cui avaritia opponitur, tanquam medio, & prodigalitati tanquam extremo, non est virtus principalis? &. Avaritia est capitale vitium, quantumvis non opponatur virtuti capitali; non enim requiritur ut vitium capitale opponatur virtuti principali seu capitali. Nam virtus perficitur secundum rationem, vitium autem secundum inclinationem appetitus sensitivi: non est autem idem genus ad quod principaliter respicit ratio & appetitus sensitivus. Unde quamvis liberalitas cui opponitur avaritia non sit virtus principalis, quia non respicit ad principale bonum rationis, avaritia tamen est principale seu capitale vitium, quia respicit ad pecuniam, quæ habet quandam principalem inter bona sensibilia, scilicet sufficientiæ, quia *pecunia obediunt omnia*. Eccl. 10.

### QUANTVM AD TERTIVM.

**C**hristiane, magnæ præstantiæ & meriti virtus liberalitatis esse cognoscitur, cui beatitudo & regnum cœlorum adiudicatur. Matth. 15. *Venite benedicti Patris mei, possidete paratum vobis regnum* Quo merito? *Esurivi enim & dedistis mihi manducare. &c.* Est autem liberalitas secundum Philosophum, *medio-*

Ddd

cvi-



*critas in dandis accipiendisq; pecunijs, ac potius in dandis.* Porro S. Thomas liberalitatem dicit esse virtutem, qua bene utimur omnibus ijs externis bonis, quæ nobis ad nostram sustentationem concessa sunt. Hinc colligitur liberalitatem esse actum multorum meritorum, cum virtus appellatur: nam diuitiæ sunt indifferentes ad bonum & malum. Vt sint bonæ, debent per liberalitatem in usus bonos converti. Ita enim de pecunijs Philosophia apud Bôetium de consolatione d. Tunc solum pretiosa est pecunia, quando usu largiendi in alios translata, desinit possideri. Illud etiam consequitur, nos debere benè uti bonis externis per liberalitatem, quem modum lib. 2. offic. expressit Tullius, *Liberalis, inquit, est, qui suis facultatibus, aut captos à prædonibus redimit, aut æs alienum suscipit amicorum causa, aut in filiarum collocatione adiuvat, aut opitulatur in re querenda vel augenda.* Item illud consequitur, per liberalitatem non posse nos benè uti rebus alienis, sed proprijs; quare nec servus liberalis esse potest de bonis domini, nec amicus de amici, nec filius de parentis, nisi in extrema necessitate, aut sibi demandetur. Nec de malè quæsitis aut possessis. Non probatur, inquit Ambrosius liberalitas, si quod alteri largitur, alteri quis extorqueat. Deniq; liberalitas ut sit virtus meritoria, sine spe retributionis esse debet, nam hospitalem esse remuneraturis, affectus auaritiæ est, inquit Ambros. lib. 7. in cap. Luc. 14.

Quæsier. Qui sunt fructus liberalitatis? R. Plures sunt. 1. gratum efficit Deo. 2. Cor. 9. *Hilarem datorem diligit Deus.* 2. conciliat remissionem peccatorum, Nabuchodonosori Daniel dixit. *Eleemosynis redime peccata.* 3. Paradisi ianuam aperit. Domini sententia. *Parate vobis amicos de mammona iniquitatis, ut cum defeceritis, recipiant vos in æterna tabernacula,* 4. amicos conciliat. Prou: 9. *Diuitiæ addunt amicos plurimos.* 5. auget bona externa, dicit Sapiens. *Alij diuidunt propria, & ditiores fiunt, alij rapiunt non sua, & semper in egestate sunt.*

Quæsier. iterum, si liberalitas propter mediocrem dis-

spen-



spensationem pecuniarum meritoria, nonne multo magis prodigalitas, quæ superabundat in tribuendo: nam *si simpliciter ad simpliciter, & magis ad magis, & maxime ad maxime.* R. Non sequitur, quia Prodigalitas est vitium, cum sit intemperans ac nimia pecuniarum profusio, ut docet Philosophus, lib. 4. Ethic. c. 1. & profundit bona sua, ubi non est opus: nam quemadmodum peccat avarus, qui non communicat bona temporalia ubi oportet, sic peccat prodigus, qui profundit opes, ubi non oportet: hinc Gregor. *In ipsa, inquit, liberalitate modus adhibendus est rerum & personarum.* Illa verò regula ex Topicis, intelligi sanè debet, ubi prædicatum de subiecto dicitur. Vnde non valet: Bibere bonum est, ergo magis bibere, magis bonum, nam ista propositio Bibere bonum est, non est vniuersaliter vera, simile sit iudicium de bonorum temporali-um dispensatione.

Topic: 2.

## CATECHESIS III.

## DE LUXURIAE VITIO.

Inter vitia non invenitur magis infame, luxuriâ. *Intelligimus,* inquit Cicero, *quàm sit turpe diffluere luxuriâ, delicate ac molli-ter vivere: Ignis enim est ad perditionem devorans, & omnia eradi-cans genimina.* Hinc S. Hieron. exclamat. *ô ignis infernalis luxu-ria; cuius materia gula, flamma superbia, scintilla prava colloquia, fu-mus infamia, cinis immundicia, finis gehenna.* Et in hac Catechesi tria expendentur.

Iob: 31.

- I. *Quid luxuria, & quæ, eius species?*
- II. *Quorum vitiorum sit seminarium?*
- III. *Quàm pulchra castitas virtus ei opposita?*

## QUANTVM AD PRIMVM.

Christiane, squalor iste & obscœnitas luxuriæ, inordinatus est quidam venereorum appetitus, atque peccatum esse



mortale, nemo in controversiam vocârit, quisquis sana degit ratione. Exod: 20. & Deut: 5. divino damnatur mandato. *Non mœchaberis.* Quare hortatur Apostolus. *Mortificate membra vestra quæ sunt super terram, fornicationem, immunditiam, libidinem, concupiscentiam malam, propter quæ venit ira Dei super filios incredulitatis.* Vitio horrenda manet luxuriosos tam in præsentem quam in futuro, nam & diluvio deleta fuerunt omnia animata propter effrænem hominis libidinem: Sodomæ & Gomorrhæ & finitimæ civitates absumptæ. In futuro quis edisserat quantum puniendi sint luxuriosi? Apoc: 18. *Quantum glorificavit se & in delicijs fuit, tantum date ei tormentum & luctum.* Ut luxuria est generale vitium in species suas dispescitur, quarum prima est FORNICATIO. simplex solutorum, peccatum esse mortale, manifesta res in scripturis, habet enim comminationem poenæ tum in præsentem. 1. Cor. 10. *Neg. fornicemur, sicut quidam ex ipsis fornicati sunt, & ceciderunt una die viginti tria millia:* tum in futuro, quia excludit à regno DEI. 1. Cor. 6. *Nolite errare, neg. fornicarij, neg. adulteri, neg. molles regnum Dei possidebunt.* Quare, *fugite inquit, fornicationem.* Et quia morte in scriptura puniendum decernitur, inde etiam colligitur esse noxæ mortalis, Deut: 22. *Moriatur, quia fecit nefas in Israël, ut fornicaretur in domo Patris sui,* quare videant filij familias, quàm se honestè gerant. Est verò duplex fornicatio, sicut quælibet species luxuriæ, mentalis scilicet & actualis. Mentalis est, quando aliquis menteduntaxat & non opere polluitur estque veniale peccatum, si sine advertentia rationis tentetur, si repellitur protinus, ut advertitur, si verò diu cogitatione teneatur, tamen si non adsit consensus explicitus, & ratio advertat, est mortale. Rationem ex similitudine primorum parentum ductam, assignat Magister sent: lib. 2. dist. 24. *Quia, inquit, tunc vir, id est superior portio rationis, sicut debuit, non cohibuit mulierem, i. sensualem motum animæ seu inferiorem portionem rationis:* nam qui tacet, & non cohibet, consentire videtur: & est hic consensus interpretativus; si ve-



si verò etiam adsit consensus apertus, & delectatur quantumvis sola cogitatione, absq; omni dubio est mortale. Altera species est ADULTERIUM. estq; violatio tori conjugalis, quando vel solutus ad maritatum, vel vxoratus ad solutam, vel etiam vxoratus ad maritatum transit: & tunc non solum fides promissa DEO in facie Ecclesiæ violatur, sed etiam infertur iniuria alteri coniugum, & Sacramentum inhonoratur. Est gravissimum mortale, fornicatione gravius morte puniendum. *Levit: 20. Si mœchatus quis fuerit cum vxore alterius, & adulterium perpetravit cum coniuge proximi sui, morte moriantur, mœchus & adultera.* Quanquam & illud sacrilegium quod committitur à persona cœlibatum vouente, adulterium spirituale dici possit, persona enim vouens continentiam, quoddam spirituale matrimonium facit cum DEO. Est & INCESTUS species luxuriæ, qui est abusus cognatorum. I. inter consanguineos & affines, intra gradus, in quibus non potest celebrari matrimonium. Eo gravius est hoc peccatum, quo persona cum qua peccatur, magis est coniuncta secundum gradus, qui in confessione sunt exprimendi. Hoc peccatum damnatur *Levit: 18. & prohibetur. Omnis homo ad proximam sanguinis sui non accedat, ut revelet turpitudinem eius. Et vitra. Turpitudinem sororis tuæ, nurus tuæ, vxoris fratris tui non discooperies.* Propter hoc scelus, *1. Cor: 5. incestuosum Satanæ tradendum.* decreuit Apostolus, quia abusus fuit novercæ suæ. Quarta species luxuriæ STUPRUM. est violatio Virginis & defloratio, hoc quoq; graue crimen: stuprator ergo tenetur vel ducere Virginem seductam, vel dotare. *Exod: 22. Si seduxerit quis Virginem necdum desponsatam, dormieritq; cum ea, dotabit eam, & habebit eam vxorem; si Pater Virginis dare noluerit, reddet pecuniam iuxta modum dotis.* Et stuprum quidem est distincta species à fornicatione, proinde in confessione à stupratore exprimi debet. RAPTUS quinta species est violatio mulieris omnino renitentis, & hoc crimen addit fornicationi malitiam contra iustitiam. Hoc



crimen patravit Sichem Gen: 34. qui rapuit Dinam Filiam Iacob. Concil. Trid: Sess: 24. cap. 6. de reform. matrimonij excommunicat raptos, in perpetuum infames & omnium didigantur incapaces, debentq; raptas arbitrio iudicis dotare. Decreto divino Deut: 22. morte plectendus raptor. *Si, inquit, in agro rapuerit vir puellam, & apprehendens concubuerit cum ea, ipse morietur solus.* Est deniq; species luxuriæ PECCATUM CONTRA NATURAM, à quo impossibilis est generatio prolis, & est gravissimum inter omnes species luxuriæ, siquidem in eo legem naturæ homo transgreditur, circa vsum rei veneræ. Fit autem peccatum contra naturam quatuor modis, ut notat S. Thom 2. 2æ. q. 154. art: 11. Primò quando procuratur pollutio veneræ delectationis causa, absq; concubitu, & dicitur mollities. Secundo quando fit cum concubitu ad rem non eiusdem speciei, ut concubitus cum bestiis, quod & sagæ cum dæmonibus perpetrant, & vocatur bestialitas. Tertio quando fit per concubitum ad non debitum sexum, ut masculi cum masculo, fæminæ cum fæmina de quo Rom. 1. & est Sodomia. Quarto quando non servatur naturalis modus concumbendo.

DIXERIS. Inter species luxuriæ, quæ est peccatum, non debet connumerari nisi peccatum: fornicatio simplex non debet hic computari, quomodo enim peccatum est? omne enim peccatum prohibetur potius à DEO, fornicatio autem mandatur. Oseæ: 1. *Vade, sume tibi uxorem fornicationum, & fac tibi filios fornicationum.* R. Fornicatio simplex non modò est peccatum, sed etiam mortale peccatum, æterna damnatione dignum, ut iam dictum est. *Fornicatores enim & adulteros iudicabit Deus,* Hebr: 13. Hoc autem iudicium æternæ est damnationis. Oseæ verò mandatur ut accipiat uxorem fornicationum, non quæ fuerit fornicaria carne, sed spiritu, id est idololatra, quia fuit gentilis, iuxta Hieronymum & Lyrannum. Mandat ergo DEUS Prophetæ ut illam spiritualiter fornicariam, acciperet



### C A T E C H E S I S III.

397

peret in uxorem sibi; & faceret sibi filios fornicationum, id est, ut filios eius adoptaret sibi in filios, qui sicut mater erant prius filij fornicationum, id est idololatrarum. Sed vide aliam solutionem apud S. Thomam, 2. 2æ. q. 154. art. 2. 2m. ubi dicit concubitum illum Prophetæ non fuisse peccatum fornicationis, quamvis fornicatio nominatur: in tantum enim fornicatio peccatum est, in quantum contrariatur rectæ rationi, recta vero ratio, hominis est, secundum quod regulatur diuina voluntate, quæ prima & summa regula: quia itaq; ille concubitus Prophetæ DEI mandantis voluntate regulabatur, peccatum fornicationis non fuit.

### Q U A N T U M A D S E C V N D U M.

C H R I S T I A N E, tam venenosa est vipera luxuria, in quantum est speciale seu capitale peccatum, ut ostena sit abundans prole, de qua lacerta Iacob. 1. *Vnusquisq; tentatur à concupiscentia sua abstractus & illeclus*, deinde *concupiscentia cum conceperit parit peccatum*: non vnum, sed tam multa, videlicet Cæcitate mentis. Inconsiderationem, Præcipitationem, Inconstantiam, Amorem sui, Odium DEI, Affectum præsentis seculi, Horrorem futuri.

CÆCITAS MENTIS, ex doctrina S. Thom. q. 163. art. 5. est deordinatio simplicis intelligentiæ, quominus aptè apprehendat aliquem finem, ut bonum. Hac mentis cæcitate laborabant illi duo fenes impuri, qui falsum testimonium tulerunt contra Susannam, propter concupiscentiam suam, quâ exarserant, quorum vni Daniel cap. 13. d. *Species decepit te, & concupiscentia subvertit cor tuum*. Quemadmodum autem castitas Virginalis elevat hominis intellectum ad clarè percipiendum divina, quod Ioanni Apostolo & Euangelistæ propter Virginitatem ipsius tribuit Hieron: lib. 1. contra Iovinian: ita homines impuri & luxuriosi obscuratum habent intellectum cæcitate mentis, ad instar iumentorum insipientium, Nam

homo



*homo cum in honore esset non intellexit, comparatus est iumentis insipientibus.*

*Matt: 7.*

DIXERIS, Non videtur peccatum esse cæcitas mentis, sed magis pœna peccati, ut quid inter peccata, filias luxuriæ numeratur? R. Contingit pœnam peccati etiam peccatum esse, itaq; cæcitas mentis, tametsi pœna sit peccati, nihilominus est etiam peccatum: ex radice enim & arbore mala, non potest colligi bonus fructus, & ex peccato quod nascitur, peccatum est: deinde auertere se à Deo quocunq; modo est peccatum, porro cæcitas ista auertit hominem à Deo, ut est prima veritas & primum intelligibile. Tum quia homo ultro auertit se à consideratione talis principij intelligibilis, iuxta illud Psal. 35. *noluit intelligere ut bene ageret.* Tum quia mens cæca magis occupatur circa alia, quæ magis diligit quam Deum, de quo Psal. 57. *Supercecidit ignis, & non viderunt solem:* Quocirca cæcitas mentis, cum ita auertat hominem à contemplatione primi principij intelligibilis, est peccatum. INCONSIDERATIO est impedimentum iudicij, mentis humanæ in rebus agendis: ita inconsideratè impurus & luxuriosus Herodes iuravit puellæ saltanti. Marc. 6. se daturum quidquid petisset. Quare commune est hoc & familiare luxuriosis, ut inconsideratè agant contra iusticiam. PRÆCIPITATIO est deordinatio consilij in ijs, quæ sunt agenda ad finem, qualis deordinatio in luxuriosis: Terentius in Ennucho. *Quæ, inquit, res in se, neq; consilium, neque modum habet ullum, eam consilio regere non potes.* Prou: 15. *Dissipantur cogitationes, ubi non est consilium:* nam præcipitatio huiusmodi est contraria dono consilij, ut docet S. Thom. q. 53. art. 3. & de ea dicit, *præcipitatio est vitium, quo quis per impetum voluntatis aut passionis, contemptis gradibus prudentiæ in ruinam labitur.* INCONSTANTIA, ut docet S. Doctor art. 5. est vitium, quo quis contemnit sapere ea, quæ secundum rectam rationem ante erant iudicata & proposita; oritur ergo hoc vitium ex luxuria, quando aliquis non est constans in bono proposito, sed

fine



sine causa rationabili ex aliqua passione, præcipuè ex amore concupiscentiæ facit contrarium. eius quod deliberauerat, sed enim *vir duplex animo, inconstans est in omnibus vijs suis*, Iacob: 1. Dices. Inconstantia oritur ex ira & invidia. Ergo non ex luxuria. R. Quatenus ira & invidia pertrahunt rationē ad aliud, eatenus causant inconstantiam, luxuria vero causat inconstantiā, quatenus totaliter extinguit iudicium rationis. *φιλαυτία* siue amor sui, est ordinatio appetitūs ad delectabilia carnis. 2. Tim: 3. huiusmodi philautos futuris temporibus prædicebat Apostolus. *Erunt, inquit, homines seipsos amantes*. Et cap. 3. *Erunt homines voluptatum amatores*: philanti perdunt animam suam. ODIUM DEI: ita enim luxuriosus odit DEUM, in quantum prohibet eius concupiscentiam. Et quamvis omnis peccator ut sic odit DEUM, maximè tamen & directè luxuriosus, nihil enim in luxuria præter deformitatem prætendi potest, cum nonnunquam alia peccata excusationi patere videantur, luxuria nunquam, Prou: 6. *Non est grandis culpa, cum quis furatus fuerit; furatur enim ut esurientem impleat animam, qui autem adulter est, propter cordis inopiam, perdet animam suam, turpitudinem & ignominiam congregat sibi, & opprobrium eius, non delebitur*. AFFECTUS PRÆSENTIS SEculi, ita ex luxuria generatur, ut luxuriosus metu amissionis voluptatum carnalium, nolit hinc transire. Grande autem vitium finem constituere in carnali voluptate. HORROR futuri seculi peruat luxuriosum, qui ut plurimum ideo desperat futuram vitam, de huiusmodi genere hominum Apostolus Ephes. 4. d. *Desperantes seipsos tradiderunt impudiciæ in operationem immunditiæ*. Sed hinc

DICES. Cum luxuriā sit peccatum carnale, filias non potest habere, nisi vitia quoq; carnalia: porro quæ hinc enumerantur, spiritualia magis sunt vitia quàm carnalia, quia pertinent ad defectum rationis. R. Equidem ista enumerata vitia defectum important rationis; ponuntur tamen filia carnalis

Ecc

pec-

Ioan. 12.



peccati qualis est luxuria, quia carnalia peccata exstingunt iudicium rationis, & tantò magis, quantò longius abducunt à ratione.

Hic CATECHISTA, ut plebi abominandum exhibent vitium luxuriæ, exponet incommoda quæ adducit. 1. quidem luxuria offendit DEUM, sicut alia quævis iniquitas, quo nihil miserabilius. Iob. 31. *Hoc est nefas, & iniquitas maxima, ignis est ad perditionem devorans, & omnia eradicans genimina.* 2. Provocat iram & vindictam DEI, Ephes: 5. enumeratis varijs vitijs, & cum eis luxuriâ, concludit. *Propter hæc venit ira Dei in filios diffidentie.* 3. Luxuriosi difficillimi ad resipiscendum, Osee 5. *Non dabunt cogitationes suas, ut revertantur ad Deum suum, quia spiritus fornicationum in medio eorum.* Hinc Gregor. in Moral: dicit. *Ex quo luxuria semel mentem alicuius occupaverit, vix cum bona cogitare permittit.* 4. Luxuria infamat hominem. Eccl: 9. *Omnis mulier fornicaria, quasi sterminus in via conculcabitur: rectè quidam. Qui sequitur bacchum, taxillos & meretrices, infamis semper semper egens erit.* 5. Corp9 enervat. 1. Cor. 6. *Qui fornicatur, in corp9 suu peccat; inde tot ægitudines diversas, & debilitates luxuriosi patiuntur. Et quemadmodum luxuriæ filia est cæcitas mentis, ita & corporalem adducit cæcitatem: effeminatum reddit hominem, omne robur virile aufert.* Osee 4. *Fornicatio, & vinum, & ebrietas auferunt cor.* 6. Substantiam dissipat & egestatem inducit, sicut videre est in filio prodigo, Luc. 15. *Qui totam substantiam suam devoravit cum meretricibus.* 7. Finis perditio æterna. Apoc: 21. *Fornicatoribus, pars illorum erit in stagno ardenti igne & sulphure, quod est mors secunda.* Hebr: 13. *Fornicatores & adulteros indicabit Deus.*

### QUANTVM AD TERTIVM.

CHRISTIANE, amplectere castitatem, quæ est virtus opposita luxuriæ. audi sententiam sapientis Prou: 22. *Qui, inquit, diligit munditiam cordis, propter gratiam labiorum suorum, habebit*  
ami-



*amicum regem. Castis promittitur visio DEI. Beati, inquit, mundo corde, quoniam ipsi Deum videbunt. Est autem castitas iuxta doctrinam S. Thomæ. Virtus per quam concupiscentiam castigamus, quodam rationis moderamine. Dicitur castitas virtus, quod de vera virtute intelligi debet, ad debitum finem ordinata. Vnde licet aliqui infideles casti dicantur, qualis fertur fuisse Lucretia, non tamen illorum castitas dici potest virtus, cum neque vera fuerit castitas, ad finem debitum, videlicet ad DEUM fuerit ordinata. Ad castitatem hortatur Apostolus. 1. Tim: 5. *Te ipsum castum custodi.* Commendat eam multum. 1. Cor: 7. *Volo vos, inquit, omnes esse sicut me ipsum, dico autem innuptis & viduis, bonum est eis, si sic permanserint sicut ego: præfertq; illam matrimonio. Qui matrimonio iungit Virginem suam, bene facit, qui non iungit, melius facit.* Ratio est, quam ibidem ponit. *Qui, inquit, sine uxore est, sollicitus est quæ sunt Domini, quomodo placeat Deo, qui autem cum uxore est, sollicitus est, quæ sunt mundi, & diuisus est. Et mulier innupta & Virgo, cogitat quæ sunt Domini.* Castitas fortem & virilem fecit Iudith cap. 15. Holoferni caput amputavit, gratulantur ei Presbyteri. *Fecisti viriliter, & confortatum est cor tuum, eo quod castitatem amaveris, & post virum tuum, alterum nescis.* Denique virginitati aureola reposita est in cælo. Isai: 56. *Hæc dicit Dominus eunuchis, dabo eis in domo mea locum, & nomen melius quam filiis & filiabus.* Apoc: 14. Virgines sequuntur agnum & decantant soli canticum, quod nemo alius cantare potest.*

DICES. Virtutes in animo sunt humano, castitas cum sit in corpore, quomodo virtus? R. Virtutis subiectum est animus, materia autem circa quam est aliquid aliud, ita castitas in animo humano tanquam in subiecto consistit, materia tamen est corpus, dum homo secundum iudicium rationis & electionem voluntatis membra corporis moderatur.

CATE-

Ecc 2



## C A T E C H E S I S IV. D E I N V I D I Æ V I T I O.

**Q**uid operata sit invidia, aperit sapiens cap. 2. *Invidia, inquit, diaboli, mors intravit in orbem terrarum, imitantur autem illum, qui sunt ex parte illius. Homo invidiosus, non modo proximo, verum sibi met etiam ipsi multum nocet. Iob. 5. Stultum interficit iracundia, & parvulum occidit invidia. Vitandos esse invidios docet sapiens Prou: 23. Ne, inquit, comedas cum homine invido, & ne desideres cibos eius, quoniam in similitudinem arioli & conectoris aestimat quod ignorat, comede & bibe, dicet tibi, & mens eius non est tecum.* Tria pro more solito continebit Catechesis ista.

- I. *Quid sit invidia, quæ ipsius species?*
- II. *Quorum peccatorum sit radix?*
- III. *Benevolentia virtus explicabitur?*

### Q U A N T V M   A D   P R I M V M.

**C**hristiane, scito hominem invidum esse miserrimum, qui nunquam lætus, semper tristis est. Nam ex doctrina S. Thomæ. *Invidia est tristitia de bono proximi, prout proprium malum aestimatur, & proprii boni diminutivum.* Simili modo Damascenus, tristitiam de bono alterius vocat invidiam; ex quo constat esse peccatum mortale, semper ex suo genere, quando adest consensus rationis, quia directe est contra charitatem proximi, quæ gaudet de bono proximi, dum congaudet veritati, invidia verò tristatur: veniale autem quando in sola sensualitate est, sine consensu rationis, quales sunt primi motus, etiam in viris perfectis. Quatenus invidia est generale vitium, in tres species dividitur. Prima dum quis tristatur de bono alterius, in quantum ex ipso timetur nocumentum, vel sibi ipsi vel alijs. Secunda, dum quis tristatur de bono alterius

ex

2. 2æ. q. 35.  
art: 1.

Lib 2. c. 14.



ex eo quòd sibi tale deest bonum., & vocatur Zelus, qui si circa honesta sit, laudabilis, si zeles virtutem alterius, iuxta illud. 1. Cor. 12. *Emulamini charismata meliora*: si circa temporalia, quandoq; peccatum, quandoq; sine peccato. Tertiadum quis tristatur de bono alterius, in quantum ille cui accidit, est eo indignus, sed lege divina prohibetur, iuxta illud. Psal. 36. *Noli emulari in malignantibus.*

Art. 3.

DIXERIS. non rectè bonum numerari inter species peccatorum. Zelus autem est bonus, & laudabilis. Psal. 72. *Zelus super iniquos, pacem peccatorum videns.* Psalm: 68. *Zelus Domus tue comedit me.* B. Est Zelus bonus, est & malus. Zelus bonus fuit Phinees. de quo ipse Deus. Numer. 35. *Zelo, inquit, meo commotus est.* Et 3. Reg. 19. *Zelo Zelatus sum pro Domino Deo exercituum.* Non hic Zelus numeratur inter species invidiæ. Zelus malus de quo Psal. 36. *Neq; Zelaueris facientes iniquitatem.* Et Eccl: 9. *Non Zeles gloriam & opus peccatoris*; talis Zelus inter species invidiæ numeratur.

## QUANTVM AD SECVNDVM.

CHRISTIANE, appositè hieroglyphicon invidiæ, canem quidam exhibent: vt enim canis illud etiam invidet alteri, quo ipse potiri non potest, ita & invidus. Eccl: 14. *Nequam est oculus lividi.* Atq; hæc improba mater, quina abundat sobole iuxta Gregor. lib. 31. Moral. cap. 31. Primò enim parturit ODIIUM. quo tristatur invidus, non solum de super excellentia alterius, sed etiam vult simpliciter vltius eius mala. Et hoc malum vetat lex Levit: 19. *Non oderis, inquit, fratrem tuum, in corde tuo.* Nasceitur ex invidia SUSURRATIO, quâ occultè læditur fama alterius, vt amicitia cum alijs dissoluatur. Prou: 26. *Susurrone subtrahito iurgia conquiescent.* Eccl: 28. *Susurro & bilinguis maledictus multos enim turbauit pacem habentes.* sequitur DETRACTIO. dum invidus famam proximi apertè intendit lædere. Exod. 22. *Dys non detrahes, & principi populi tui.*



*non maledices. Rom. 1. Detractores Deo odibiles. Sap. 1. Custodite vos à murmuratione, & à detractiōe parcite linguæ vestræ. Est & INSULTATIO. in aduersis proximi, dū quis ita proximo inuidet bona, ut etiam lætetur de eius infortunio. Ex invidia Iudæi crucifixerunt Christum & insultabant. Marci 15. Saluum fac teipsum, descendens de cruce. Quare monet sapiens. Eccl: 7. Non irrideas hominem in amaritudine animæ, est enim qui humiliat & exaltat circumspēctor Deus. Patitur invidus AFFLICTIONEM in prosperis proximi: hoc modo afflīctus erat Saul do bono David, cū laudibus celebraretur victoriā de Philisthæo reportatā. 1. Reg: 18. & dicebat. Dederunt David decem millia, & mihi mille dederunt, quid ei superest nisi solum regnum?*

*DIXERIS. Si odium sub affirmatiuo cadit mandato, ita enim in Euangelio Luc: 14. Si quis venit ad me, & non edit Patrem suum & Matrem, non potest meus esse discipulus, mandat Dominus odisse Patrem & Matrem, quomodo odium peccatis connumeratur? R. Est duplex odium, bonum & malum. Bonum de quo Psal 138. Perfecto odio oderam illos. vbi S. August. Hoc est, inquit, perfecto odio odisse, ut vitia non homines oderis, nec vitia propter homines diligas. Malum odium de quo Ioan: 15. Viderunt & oderunt. Odium ergo quod directè est contra Personam. proximi, vitium est, & vitijs connumeratur: odium verò peccati bonum & laudabile. Psal. 96. Qui diligitis Dominum, odite malum, Amos 5. Odite malum, & diligite bonum. Parentes odio habere iubet Dominus, si impediunt à regno DEI & amore illius: nec tam ipsos, quàm prauitatem illorum*

### QUANTVM AD TERTIVM.

*C*HRISTIANE, toxicum est invidia, quā diabolus mortem introduxit in orbem terrarum, tu contra aconitum istud antidotum recipe benevolentiam, quæ est actus voluntatis, quo alteri bonum velis. Actus quidem invidiæ est, trīstari de bono proximi, actus verò benevolentix est gaudere & optare bo-

Sap. 1.

q. 27. ar. 2.

bon  
fot  
mus  
pre  
us,  
quas  
lum  
tiz,  
cus  
per  
geres  
jed  
la m  
gust.  
fal, r  
bene  
bus  
raten  
poni  
D  
git p  
non  
R. D  
cluf  
nevo  
volu  
nem  
ne ve

Qu  
d



## C A T E C H E S I S V.

405

bonum proximo. Virtutem istam commendat fidelibus Apostolus I. Thess. 5. erga eos qui prædicant Verbum DEI. Rogamus vos, inquit, fratres, ut noveritis eos, qui laborant inter vos, & præsent vobis in Domino, & movent vos: ut habeatis illos abundantius, in charitate, propter opus illorum: id est, ut ametis & foueatis quasi filij parentes vestros spirituales. ait Theophilactus. Nec solum amicis, verum etiam inimicis, exhibere opus benevolentia, scripturæ hortantur. Prou. 25. Rom. 12. Si esurierit inimicus tuus ciba illum, si sitierit, potum da illi; prunas enim congregabis super caput eius & Dominus reddet tibi. S. Hieron: & S. Aug. Congeres, inquit, super caput inimici carbones ignis, i. ignitos non iræ, sed charitatis & amoris, qui eum inflamment ad redamandum, nam: Nulla maior est prouocatio ad amandum, quam præuenire amando, ait August. Non ingruè aliquibus placet symbolum benevolentia, sal, ratione durationis, ut enim sal conservat diu corpora, ita benevolentia debet conservare societates: unde sal hospitibus ante alios cibos apponebatur, ad significandam diuturnitatem amicitia & benevolentia. Levit. 2. idem symbolum ponitur. In omni, inquit, oblatione tua offeres sal.

DIXERIS. Dilectionis est bene velle alteri, qui enim diligit proximum bonum ei sicut sibi optat: porro benevolentia non est dilectio ut lib. 9. Ethic. cap. 5. docet Philosophus. &. Dilectio & benevolentia differunt sicut includens & inclusum: dilectio includens, benevolentia inclusum. Et benevolentia quidem est simplex voluntatis actus, quo alicui volumus bonum, dilectio autem addit benevolentia unionem affectus amantis ad amatum: utriq; igitur competit bene velle alteri.

## C A T E C H E S I S V.

### D E I R A E V I T I O.

Quàm sit perniciosum iræ vitium, & quantopere cauendum, ex ipsa præmonitione scripturæ satis perspicitur.

test



test. Obest enim inprimis animæ irati, cuius excæcat oculum intellectus, ut quidam dicit. *Impedit ira animum, ne possit cernere verum.* Obest corpori, dicitur enim Eccl. 30. *Zelus & iracundia minuunt dies, & ante tempus senectam adducunt.* Sed iam in ista Catechesi tria exponuntur.

- I. *Quid ira, & qua ipsius species?*
- II. *Quibus mater ista grauida vitijs?*
- III. *Quàm commendabilis mansuetudo iræ opposita?*

### QUANTVM AD PRIMVM.

**C**hristiane, sicut caves vindictam ex mandato diuino, Leuit. 19. *Ne quæras ultionem.* Prou. 24. *Ne dicas quomodo fecit mihi, sic faciam ei;* non minùs cavere debes iram, est enim appetitus vindictæ, pœnæq; infligendæ, cum nocumento illato; quandoq; mortale, quandoq; veniale peccatum. Mortale est in istis casibus.

x. 2<sup>a</sup> q. 46.  
art. 4.

1. Dùm appetis puniri eum qui non meruit.
2. Dùm appetis puniri plus quàm meruit.
3. Dùm appetis puniri contra legitimum ordinem, ut ab eo qui caret iurisdictione puniendi.
4. Dùm appetis puniri non propter debitum finem, id est, non propter iustitiam conseruandam, nec propter correctionem culpæ.
5. Dùm appetis puniri in tantum, ut excidas à dilectione Dei & proximi.

*Veniale est in istis casibus.*

1. Quando motus iræ præuenit iudicium, sed non sequitur consensus.
2. Quando quis nimis ardens irascitur, sed interius solum.
3. Quando quis manifestat signa iræ ex terius.

Et quia ira est peccatum generale, speciebus abundat tribus,  
iuxta



iuxta Philosophum, lib. 4. Ethic. Damascenum lib. 2. cap. 16. Greg: Niss. Prima species seu pars subiectiua iræ dicitur FEL. seu excandescencia à Tullio nuncupata, quæ facile accenditur levi de causa, sed citò quoq; sedatur. Hanc iram esse malam, & signum stultitiæ ostendit sapiens Prou: 12. *Fatuus, inquit, statim indicat iram suam, qui autem dissimulat iniuriam callidus est.* Secunda species MANIA. à manendo dicta, quando aliquis diu in memoria retinet iniuriam illatam: hoc modo iratus fuit Balac rex Moabitarum contra Israël, vt iterum atq; iterum mitteret ad Balaam ariolum, qui malediceret populo Israël. Num: 22. Tertia species iræ FUROR. dùm quis ira irascitur, vt nullo modo placari velit, donec vlciscatur, de hoc Prou: 27. *Grave est saxum, & onerosa arena, sed ira stulti utroque grauior.* Gradus ergo iræ secundum gravitatem isti sunt.

1. Tardè irasci, & citò mitescere.
2. Citò irasci, & citò mitescere.
3. Tardè irasci, & tardè mitescere.
4. Citò irasci, & tardè mitescere.

QUÆSIER. Cùm ira à peccato secernatur, & Psal: 4. præcipiatur. *Irascimini, & nolite peccare.* cur inter peccata computatur? R. Præcipitur ira per zelum, quæ est virtus, vt irasci peccatis & malis operibus: eoque modo secundum ordinem rationis, vindictam appetere laudabile, nam ira præueniens ordinem & iudicium rationis peccatum est. Ecclesiastes quoque cap 7. iram præfert risui. *Melior est, inquit, ira risu: nempe ordinata secundum rationem.* Quia, inquit, per tristitiam vultus corrigitur animus delinquentis.

DIXER. Cùm ira non sit in potestate nostra; nam nunquam irasci quis præualeat. Cur inter peccata damnatur? R. Ira subita, quæ est quidam primus motus non est in potestate nostra, ceterum refrenare iram est in potestate nostra, & nisi refrenauerimus, sed consentiendo ad effectum perduxerimus, est peccatum. Hinc Apost. Ephes, 4. *Sol non occidat su-*



*per iracundiam vestram. i. nolite consentire illi motui iræ, sed compescite illum.*

### QUANTVM AD SECVNDVM.

**C**hristiane, irasci crede profanum, quia sex peccata ex ira pullulare docet S. Greg: lib: 31. Moral. cap. 31. quæ sunt Rixa, Tumor mentis, Contumelia, Clamor, Indignatio, Blasphemia. Nam ira, vel est

In corde, vel ore,	{	In corde Indignatio, Tumor mentis.
vel opere.		In ore, Clamor, Blasphemia, Contumelia.
		In opere, Rixa.

Et quidem Rixa, est audax voluntas vindicandi iniuriam factam, ut ait Mag: Alber. lib. 3. compendij Theolog. cap. 17. vel ut S. Thomas. 2. 2æ. q. 41. art. 1. Est, inquit, *contradictio in factis*, scilicet in mutua percussione. Ex ira verò malum istud nasci, ostendit sapiens Prou: 15. *Vir, inquit, iracundus provocat rixas.* Gal: 5. ubi inter opera carnis enumeravit Apostolus rixam, concludit. d. *Qui talia agunt, regnum Dei non consequentur*: ex quo manifestum est, rixam esse mortale peccatum. Damnat malum istud scriptura Prou. 18. *Labia, inquit, stulti miscent se rixis, & os eius iurgia provocat.* Tumor mentis, est vitium, quo irascens excogitat varias vias nocendi seu vindictæ, ijsq; animum replet suum. Iob: 15. comparatur ardori. *Nunquid sapiens replet ardore stomachum suum?* q. d. nunquid sapiens cum loquitur, cum tanta ira loquitur, ut excogitet varias nocendi vias? In Hebr. pro ardore positum est *Cadim* quod Septuaginta Osee 12. vertunt *Æstum.* CONTUMELIA ex doctrina Sancti Thomæ est *inordinatio sermonis, quâ iratus in verba iniuriosa in proximum prorumpit.* Hoc peccatum dignum gehennâ iudicat Dominus Matth. 5. *Quicumq; dixerit fratri suo fatue, reus erit gehennæ ignis.* Stultorum esse contumelijs & convitijs incessere alios, Prou: 19. ostenditur. *Qui profert contumeliam insipiens est.* CLAMOR est inordinata & confusa locutio vehementer iram indi-

Art. 2.



indicans: sic irati Iudæi contra Stephanum Act: 7. *Exclamantes voce magna continuerunt aures suas.* INDIGNATIO est dolor perturbans propter res secundas indigno collatas, ait Philosophus lib. 2. Rhet. Et S. Thom. 2. 2æ. q. 158. art. 7. *Est vilium quo irascens indignum putat iniuriantem, ut sibi tale quid fecerit.* Et iterum Philosophus lib. 1. magn. moral. c. 25. *Indignatio est quedam agri- monia de bonis, quæ indigno alicui aliquo pacto eueniunt.* Hortatur verò Apostolus Coloss: 3. *Deponite, inquit, iram, indignationem, & malitiam.* BLASPHEMIA, dicit S. Thom. q. 13. art. 1. *Est con- vitium in iniuriam illatum Creatoris:* proinde blasphemia est omne verbum in contumeliam Dei prolatum, per quod falsa de Deo dicuntur. Opponitur blasphemia confessioni veræ fidei, iuxta illud. 1. Tim. 1. *Præius fui blasphemus & persecutor, ignorans feci in incredulitate mea.* Esse peccatum mortale, ipsa pœna mortis, quæ ipsi Leuit. 24. constituta fuit, declarat.

DICES. Cum blasphemia ad infidelitatem pertineat, eam- quæ aggravat, ut etiam hæreticus garriens contra fidem orthodoxam gravius peccat quàm idiota hæreticus nihil contra fidem dicens, quomodo igitur blasphemia ad iram spectabit, ut inter filias eius computetur? R. Peccata dupliciter considerantur, id est secundum originem & secundum consummationem: Blasphemia ergo secundum consummationem ad infidelitatem spectat, quam & aggravat, iam verò secundum originem ad iram ex qua generatur.

### QUANTVM AD TERTIVM.

CHRISTIANE, quia mansuetudo est virtus opposita iræ, cum sit mediocritas circa iram, ut dicit Philosophus, per eam enim secundum rectam rationem moderamur affectum iræ, proinde August. lib. 1. de serm. Domini in monte cap. 3. *Mites, inquit, sunt, qui cedunt improbitatibus, & non resistunt malo, sed vincunt in bono malum.* Et Hieron. super Matth. *Mitis, inquit, est, quem non rancor vel ira afficit, sed omnia æquanimiter sustinet.*



Eam virtutem amplectere Christiane, quæ hominem ordinat ea ratione ad beatitudinem, quia ad cognitionem DEI disponit, remouendo duplex impedimentum, scilicet iram & contradictionem veritatis, cum & Apostolus Iacob. 1. dicat. *In mansuetudine suscipite insitum verbum.* Et Eccl. 5. *Esto mansuetus ad audiendum Verbum Dei.* Et cum scriptura Num 12. laudet Moses mansuetudinem. Erat, inquit, *Moses vir mansuetissimus super omnes homines.* Dionys. Epist. 8. ad Demophil. dicit. *Moysem propter multam mansuetudinem dignum habitum Dei apparitione.* Ne graveris Christiane ad virtutem istam tendere, cui magnæ promissiones factæ, Matth. 5. & Psal. 36. *Mansueti hereditabunt terram, & delectabuntur in multitudine pacis,* Auguanus dicit. *Nomine pacis intelligitur perpetuitas, quia ubi pax est, ibi nulla contrarietas, cum autem omnis destructio fiat à contrario, ibi nulla erit corruptio, ubi nulla erit contrarietas, & ibi nulla contrarietas, ubi multitudo pacis.* Si igitur Christiane multitudinem pacis appetis, esto mansuetus. Docet hanc virtutem Christus Matth. 11. *Discite à me quia mitis sum.* ubi Hilarius Can. 4. in Matth. *Per mansuetudinem, inquit, mentis nostræ, habitat Christus in nobis.* Virtus ista omnibus acceptissima. Eccl. 3. *Fili in mansuetudine perfice opera tua, & super gloriam hominum diligeris.*

DICES. Patientia potius quam mansuetudo iræ opponitur, quia patiens iniuriarum sine murmuratione sustinet impetus. & Patientia opponitur iræ, quatenus ira est in alio, ut eius cedat improbitati. Nam *patientia est virtus contumeliarum, & omnis aduersitatis impetus æquanimiter portans* ait Tull. in Rhet. mansuetudo tamen opponitur iræ propriæ, quatenus sedat motus illius, cum ira sit appetitus vindictæ.

## C A T E C H E S I S VI. D E G U L Æ V I T I O.

**M**Agnopere cavendum est istud vitium, quod homines in belluas transformat, siue in cibo, siue in potu fuerit consumma-

sum  
rantu  
nus  
forte  
pron  
paren  
boni  
le, &  
Iudæ  
quiu  
prop

C  
te  
ral. c  
bend  
man  
tum  
ita i  
re,  
mag  
aver  
quis  
quò  
gula  
quo  
eder  
men



summatum. *Ventri obediens* (ait Seneca) *loco animalium numerantur non hominum.* Iudicium extremum dum detonat Dominus, ab hoc vitio sedulo dehortatur. *Attendite, inquit, vobis, ne forte grauentur corda vestra in crapula & ebrietate.* Non ignarus pronitatis humanæ ad flagitium istud diabolus, de illo primos parentes nostros tentauit, & superavit. *Vidit enim mulier quod bonum esset lignum ad vescendum, & pulchrum oculis aspectuq; delectabile, & tulit de fructu illius & comedit, deditq; viro suo, qui comedit.* Iudæi appetere carnes, abominati manna. *Quis dabit, inquit, nobis carnes ad vescendum?* In ista ergo Catechesi tria proponuntur & explicabuntur.

Epist. 52.

Luc. 21.

Gen. 3.

Num. 11.

I. *Quid sit gula?*

II. *Quot eius species?*

III. *Quæ peccata generat?*

### QUANTVM AD PRIMVM.

CHRISTIANE si vitas exteriorem hostem, vitare necesse est interiore, quo nomine gulam appellat Gregor. lib. 30. Moral. cap. 26. Et quia deordinat appetitum comedendi & bibendi, qua ratione eam definit S. Thomas. 2. 2æ. q. 148. art. 1. manifestum est graue esse peccatum, inter lethalia computatum, tunc potissimum, quando delectationi ciborum & potus ita inhæres, ut paratus sis deliberatè contra DEI mandata agere, modò delectationes huiusmodi consequaris, tunc enim magis amas creaturam quàm Creatorem, à quo te, ipso spreto avertis, & ad creaturam convertis. Veniale verò est, cum quis immoderatè concupiscit delectabilia gustus ita tamen, quòd per hoc nihil ageret contra legem DEI. Plurima parat gula hominibus incommoda, nam præter offensam DEI, quod est omnium gravissimum, deprimit intellectum tam edendo quàm bibendo. S. Leo ferm. 3. de ieiunio decimi mensis. d. *Quotidiano experimento comprobatur, potus satietate, men-*

Art. 2.



*etis aciem obtundi, ciborum nimietate vigorem cordis hebetari. Gula affectum inficit, dum à meditatione cœlestium, ad terrena detorquet. Sicut de quibusdam Apostolus Rom. 16. demonstrat. Huiusmodi, inquit, Christo Domino nostro non serviunt, sed suo ventri. Culpas & Moyses Israëlitas Deut. 32. Incrassatus est, inquit, dilectus & recalcitrauit, dereliquit Deum factorem suum, & recessit à Deo salutari suo. Gula enervat sanitatem corporis, Eccl. 37. Propter crapulam multi obierunt, qui autem abstinens est, adijciat vitam. Gula substantiam perdit, Prou: 21. Qui diligit epulas in egestate erit, & qui amat vinum & pingua, non ditabitur.*

DICES. Cum gula non videatur alicui ex præceptis decalogi opponi, nec peccatum censeretur debet. & Non opponitur præceptis Decalogi directè, opponitur tamen per reductionem. Nam non omnia peccata opponuntur directè præceptis Decalogi, sed illa tantum quæ continent iniustitiam: quia præcepta Decalogi specialiter pertinent ad iustitiam. Gula itaq; per reductionem opponitur tertio Decalogi præcepto, in quantum retrahit à fine ultimo, in quo quidem fine ultimo quiescendum præcipitur in tertio præcepto de sanctificatione Sabbati.

### QUANTVM AD SECVNDVM.

CHRISTIANE, generale vitium gulæ, in quinque species diuisum, declarat S. Gregor. lib. 30. Moral. cap. 27. ut prima species in substantia ciborum, quæ est PRETIOSITAS attendatur, dum quæris nimis pretiosa edulia, ut si existens in Polonia cibos quæras, qui non nisi ex remotis provinciis asportantur, ijq; magno pretio venduntur. Si non sis contentus carne bubula aut gallinacea, sed cum magna profusione pecuniæ phasianos, attagenes & similes cibos conquiras. Christiano homini non competere pretiositatem ciborum conquirere, docet S. Hieron: in Epist. ad Paulinum. Qui, inquit, Christum desiderat & eo pane vescitur, non quærit magnopere, quam de pretiosis

cibis



*cibis stercus conficiat.* Septuaginta duos discipulos mittens Dominus ad prædicandum Euangelium. Luc: 10. monet non quærere pretiositatem ciborum. *Manducate, inquit, quæ apponuntur vobis.* Secunda species, in qualitate cibi attenditur, quando nimis Studiosè & accuratè cibi præparantur, nova excogitata ratione, croco, saccharo, cinamomo & similibus condimentis esculenta præparantur, de quo Hugo Victor. de clauistro animæ. *Superstitiosum, inquit, nimis quidam in suis præparandis cibis adhibent studium, infinita decoctionum, frixurarum, & condimentorum genera excogitantes, secundum consuetudinem prægnantium mulierum, desiderantes, ita vt eis desudent cocorum artes,* Et Alanus de planctu naturæ. *In eadem, inquit, mensa terrestre animal piperis inundatione submergitur, piscis natat in pipere, avis eiusdem viscositate ligatur.* Quare gulosior est homo quavis imani bellua: nulla enim ad provocandam aviditatem vorandi incentiva conquirat, quod faciunt gulosi, qui cum sint opulenti, cuperent omnia in suis ventribus mergere, studiosè comparant varia saporamenta ad avidius vorandum: eius modi sunt illa condimenta, quibus adhibitis assæ carnes vorantur, huius generis agresta, & alia, quæ ad pullos gallinaceos voracibus addunt saporem. Tertia species in quantitate cibi expletur, quando nimis in magna quantitate cibus sumitur, & mensura edendi exceditur. Hinc non solum Deus offenditur, sed etiam valetudo nimietate cibi opprimitur. nam Hippocrates in Aphorismis d. *Crassa & obesa corpora quæ crescendi mensuram impleverint, nisi citò ablutione sanguinis minuantur, in paralyfim & pessima genera morborum erumpere, nec posse corpus viuere aliàs, nisi crescendi capax sit.* Et Galenus. *Quorum vita & ars sagina est, nec viuere posse diu, nec sanos esse.* Insectatur hanc speciem gulæ Seneca epist. 62. *Taurus, inquit, paucissimorum iugerum pascuis impletur, & una sylua pluribus elephantibus sufficit, homo terrâ pascitur & mari, quid igitur tam insatiabilem ventrem nobis natura dedit, cum tam modica corpora dederit?* Et iterum.



rum. *Quidquid avium volitat, quidquid piscium natat, quidquid ferarum discurrit nostris sepelitur ventribus.* Ne igitur Christiane excedas modum & mensuram edendi: nam *paucis minimisq; natura contenta est.* (ait Philosophia lib. 2. de consolat. prosa. 5. apud Boëtium) cuius satietatem si superfluis vrgere velis, aut iniucundum, quod infuderis fiet, aut noxium. Quarta species in tempore consideratur, quando tempus comedendi prævenitur, & hoc potissimum diebus ieiuniorum, in quibus certa hora comedendi ab Ecclesia præscribitur. Quinta species in ardore vorantis consummatur, dum quis nimium ardentem appetit comedere, ut satisfaciat ventri, & expleat illius delectationem. Hinc S. Greg. *Non cibus sed appetitus in vitio est, unde & lautiores cibos plerumq; sine culpa sumimus, & abiectiones non sine reatu conscientie degustamus.*

DICES. Si prævenire tempus edendi est gula & peccatum totam plebem rusticanam in Polonia condemnabimus, qui possim tempus & horam præveniant comedendi. Et si aviditas comedendi in vitio, vitium erit complexionis salubritas, ex qua illa aviditas procedit. R. Rusticana familia excusari debet per operas impendendas, quæ non patiuntur tempus servare comedendi. Quantum verò ad aviditatem comedendi, si pro necessitate & exigentia appetitus ordinetur, non est vitium. Si verò ea aviditate comedas, & oblectationi in hærens tanquam fini ultimo, noxa est.

### QUANTVM AD TERTIVM.

CHRISTIANE, caput & radix quinque vitiorum est gula. Ineptæ lætitiæ, Scurrilitatis, Immunditiæ, Multiloquij, Hebetudinis mentis circa intelligentiam. INEPTA LÆTITIA est quidam inordinatus affectus vel appetitus cibi vel potûs, per defectum rationis. 3. Esdr. 3. d. *Vinum omnem mentem conuertit in securitatem & iucunditatem. & non meminit omnem tristitiam & debitam.* Hoc malum ineptæ lætitiæ gula procreavit in cor-



in cordibus Iudæorum in deserto. Exod:32. *Sedit populus manducare & bibere, & surrexerunt ludere: nam præ magnitudine ineptæ lætitiæ obliti Dei, vitulum adorauerunt dicentes Hi sunt dii tui Israël.* Scurrilitas est inordinatus actus propter defectum rationis, proueniens ex inordinato appetitu cibi vel potûs: histrionum propria, quam vetat Apostolus Ephes:5. *Scurrilitas nec nominetur in vobis.* IMMUNDITIA est emissio inordinata quarumcunq; superfluitatum, ex inordinato cibo & potu; quod malum vt supra prohibet Apostolus, eique obviare docet per abstinentioniam & carnis mortificationem Coloss:3. *Mortificate, inquit, membra vestra quæ sunt super terram, fornicationem & immunditiam.* Multiloquium est superflua & inhonesta locutio ex abuudantia cibi & potûs. S. Gregor. in pastoralis, parte 3. cap. 20. d. *Nisi gulæ deditos immoderata loquacitas raperet, diues ille, qui epulatus quotidie splendide dicitur, in lingua grauius non arderet: linguâ per multiloquium peccauit epulo, in lingua torquebatur, iuxta illud Sap. II. Per quæ quis peccat, per hæc & torquetur.* Tantalum quoq; ob garrulitatem tanquam ex nimio potu & cibo natam, in lingua per famem & sitim punitum fabulantur Poëtæ

*Quærit aquas in aquis & poma fugacia captat.*

*Tantalus hoc illi, garrula lingua dedit.* ita Ovidius:

**HEBETUDO** mentis circa intelligentiam, est ipsa deordinatio rationis, per fumositates ciborum & potûs. Sicut enim frugalitas & abstinencia multum confert ad sapientiam, iuxta illud Eccl. 2. *Cogitavi in corde meo, abstrahere à vino carnem meam, vt animum meum transferrem ad sapientiam:* ita gula habetudinem rationis generat, Isai: 28. *Præ vino nescierunt, & præ ebrietate errauerunt.*

**QUÆSIB.** Quid de ebrietate Christianus censere debeat?  
R. Fugienda magnopere, quæ est species gulæ, condivisa comestationi. Rom: 13. *Non in comestationibus & ebrietatibus.* Ali-



quando est peccatum mortale, aliquando veniale. Mortale in tribus casibus. 1. Dū quis directē ebrietatem intendit, vel alios vult inebriare. 2. Dū tantum bibit, quantum potest, non curans sequatur ebrietas vel non. 3. Dū aduertit se inebriandum, non tamen à potu abstinere, Rationem dat S. Thomas quia secundum hoc, inquit, homo volens & sciens priuat se usu rationis, quo secundum virtutem operatur, & peccata declinat. Veniale est, dū quis non credebat se ex potu inebriandum. Est sine peccato, dū ignorat bibens potentiam potūs inebriantis: non enim ille defectus rationis est peccatum, sed actus causans talem defectum: & ita Nōē Gen: 9. excusatur à peccato bibens vinum, quo inebriatus fuit.

2. 2e. q. 150.  
a. 4.

## C A T E C H E S I S VII. D E A C E D I Æ V I T I O.

POST vitia capitalia vltimum locum tenet acedia, qui locus ei iurē, quodam debetur: cū enim sit torpor quidam & desidia, lentissimo gradu, quasi somno graui occupata, post cetera vitia mouetur. Et dicitur acedia quasi ab aceto, quod cū naturaliter sit frigidū, etiam homines per acediam frigidi redduntur, id est, facile frigent in opere spiritali, ita enim de acedioso pronuntiat sapiens Prou: 10. *Sicut acetum dentibus, & fumus oculis, ita piger his qui eum miserunt*, Nulli utilis acediosus, sibi noxius. Prou: 20. *Propter frigus noluit arare piger, mendicabit æstate & non dabitur ei*. Cuius typum gerebant illæ quinquæ Virgines fatuæ. Matth. 25. Quare hortatur sapiens Prou: 6. *Vade ad formicam o piger, & considera vias eius & disce sapientiam, quæ cū non habeat ducem, nec præceptorem, nec principem, parat in æstate cibum sibi, & congregat in messe quod comedat*. Et ista Catechesis tria membra continebit.

*Quid*



- I. *Quid sit acedia?*
- II. *Quorum sit fons & origo peccatorum?*
- III. *Quid, de opposita virtute notandum?*

### QUANTVM AD PRIMVM.

**C**hristiane, acedia prout est vitium generale, à S. Thoma 1. p. q. 63. art. 2. m. dicitur esse quædam tristitia, quâ homo redditur tardus ad spirituales actus, propter corporalem laborem. Sic ille piger Prou: 26. *Dicit leo est in via, leena in itineribus: sicut ostium veritatis in cardine suo, sic piger in lectulo suo.* Prout vero acedia est vitium speciale, capitalibus connumeratum peccatis, ex sententia eiusdem Doctoris, 2. 2. q. 35. art. 1. & 2. ita notificari potest, ut sit tristitia de diuino bono, de quo charitas gaudet, nam *charitas congaudet veritati*, id est diuino bono, in quo servus DEI lætatur. Psal. 118. *Cantabiles mihi erant iustificationes tue in loco peregrinationis meæ.* Ex quo constat acediam semper esse peccatum, cum sit tristitia auersans bonum spirituale quatenus diuinum, & omnis auersio à DEO est actus peccaminosus. Quare acediosi maledicuntur Ierem: 48. *Maledictus homo qui facit opus Domini fraudulenter, vel negligenter: damnantur sub typo arboris infructuosæ Matth. 7. Omnis arbor, quæ non facit fructum bonum excidetur, & in ignem mittetur:* Et Ioan: 15. *Omnem palmitem in me non ferentem fructum tollet eum.* Et quia acedia ut dicitur est tristitia de spiritali bono quatenus diuinum, si tristitia ista perfectè tali bono aduersatur, ex genere suo est peccatum mortale: aduersatur enim charitati, qua homo obligatur gaudere de diuino bono: tristitia vero imperfectè aduersans bono diuino, id est secundum motum sensualitatis tantum, sine consensu rationis, est veniale, nam consummatio peccati mortalis est in consensu rationis, cum ratio sit principium actuum humanorum.



Lib. 2. Ethic  
cap. 5.

DICES. Quomodo acedia peccatum dici debet? cum sit tristitia, tristitia autem est perturbatio seu passio, perturbationes autem nec virtutes sunt nec vicia, nec laudi nec vituperio nobis dantur, ut docet Philosophus. & Perturbationes seu passiones secundum se, nec virtutes sunt, nec peccata, nec laudabiles nec vituperabiles, si tamen applicentur ad aliquod malum, vituperabiles sunt, si ad bonum laudabiles. Et hoc modo tristitia moderata de malo laudabilis, tristitia de bono vituperabilis. Et quia acedia est tristitia de bono, & quidem spirituali ac divino, ideo vituperabilis & peccatum.

### QUANTVM AD SECVNDVM.

**C**hristiane, acedia est scaturigo senarij numeri peccatorum. ut S. Greg: lib. 31. Moral. c. 31. docet, scilicet malitia, rancoris, pusillanimitatis, desperationis, torporis circa praecepta, evagationis mentis circa illicita. Et horum omnium rationem assignat S. Thom. 2. 2ae. q. 35. art. 4. 2m. MALITIA est illud vitium, quo acediosus ita tristatur de bono spirituali & divino, ut etiam illud detestetur. ita illi Job. 21. detestati sunt spiritualia & divina ut dixerint DEO, *recede à nobis, scientiam viarum tuarum nolumus, quis est omnipotens ut seruiamus illi?* Et Malach: 3. *Vanus est qui servit Deo.* In damnatis completum vitium istud, qui ex detestatione diuinorum ipsum blasphemant DEUM. Apoc: 16, Rancor est vitium quo acediosus indignatur contra personam inducentem in ad bonum spirituale. Huius vitij rei fuerunt illi Sap. 2. qui iustum inducentem ad spiritualia impugnabant. *Circumveniamus (inquiunt) iustum, quoniam inutilis est nobis, & impropere nobis peccata legis, &c.* Sic Iudaei Act: 7. occiderunt eos qui praepronunciabant de adventu iusti. PUSILLANIMITAS est vitium, quo acediosus recedit ab his quae sunt ad finem, quae subsunt consilijs, ut pote quia ardua sunt. Prou: 78. *Pigrum deiecit timor;* de hoc Seneca

epist:



epist: 27. *Non putant, inquit, desidiosi fieri, quidquid facere non possunt, ex infirmitate sua de virtute ferunt sententiam.* DESPERATIO est vitium, quo peccator ex falsa estimatione propter peccata quæ fecit, vel bona quæ omisit, de misericordia DEI desperat, credens DEUM nolle vel non posse sibi parcere: huius vitij actus est recedere ab ultimo fine. Ex acedia scaturire desperationem ostendit Chrysost. d. *Radix desperationis est ignavia: est enim acedia tristitia delectiva spiritus, quæ ita deiecit hominem, ut bonum arduum non æstimet ut possibile sibi adipisci vel per se, vel per alium.* TORPOR circa præcepta est vitium, quo acediosus recedit ab his quæ sunt ad finem, seu quæ pertinent ad iustitiam communem, quæ subsunt præcepto, & est remissio in executione boni; nam acediosus, qui de bono spirituali & divino tristatur, torpescit ad præcepta implenda. EVAGATIO mentis circa illicita est vitium, quo acediosus ex fastidio spiritualium & divinorum transfert se ad delectabilia exteriora. Nam *Homo diu non potest esse sine delectatione* dicit Philosophus: cum ergo non habet delectationem spiritualium & divinorum, mox transfert mentem ad delectationem externorum. Hinc fit quòd homines pertæsi spiritualia & divina, vacare solent alij comotationibus, alij venationibus, tunc cum divinis interesse oportebat, alij lasciviæ & nefandis voluptatibus, quæ inter pios & coelestia desiderantes non inveniuntur.

DICES. Cum desperatio quæ est horror futuri seculi ex luxuria originem ducat, quomodo nunc ex acedia nasci dicitur? R. Desperatio procedit ex luxuria procedit & ex acedia, sed ex luxuria secundariò, in quantum homo nimis detentus carnalibus delectationibus, non curat pervenire ad spirituales, sed eas fastidit. Ex acedia verò principaliter, dum homo non æstimat possibile sibi bonum arduum, propter nimiam deiectionem provenientem ex tristitia acediz. His ad-

Gggj

iunge

2. 22. q. 265

n. 4. c.

Lib. 8. Ethic.

c. 5.

q. 153. a. 2.



iunge desperationem oriri etiam ex timore DEI & horrore magnitudinis peccatorum, sed occasionaliter & indirectè, directè autem ex acedia, sicut procedit actus ex habitu.

### QUANTVM AD TERTIVM.

**C**hristiane, præstantissima virtutum charitas, est virtus opposita acedia: nam sicut acedia est tristitia de bono spirituali & divino, ita charitas per oppositum gaudet de bono divino. 1. Cor: 13. *Charitas congaudet veritati.* Præstantissima inquam, virtutum, non solum moralium, quarum obiectum est aliquid finitum & creatum, sed etiam excellentior fide & spe, nam charitatis obiectum infinita DEI bonitas. Quare sine charitate nihil sunt omnia. *Si distribuero in cibos pauperum omnes facultates meas, &c. si habuero omnem fidem ita ut montes transferam, &c. charitatem non habuero nihil mihi prodest:* proinde super omnia habendam vrget Coloss: 3. quia 1. Tim: 5. *Finis præcepti charitas.* quam Ambros: lib. 2. in Luc. vocat *formam virtutum*, tum quia ordinat & confert actus aliarum virtutum in debitum & vltimum finem, id est in DEUM, prout est infinitè bonus, & proprium obiectum charitatis, tum quia actus aliarum virtutum, suam vim & valorem merendi habent ex coniunctione cum charitate, & sine charitate mortuæ sunt aliæ virtutes, ita enim de fide Iacob. 2. d. *Fides si non habeat opera* (id est charitatis) *mortua est in semetipsa.* Et quia sunt quatuor, quæ tenetur homo ex charitate diligere, id est DEUM ante omnia & super omnia, seipsum, proximum & corpus suum. DEUM, inquam, magis super omnia, tam obiectivè, quàm appetitivè seu efficaciter: plus quàm sua, plus quàm suos, plusquam & seipsum. Obiectivè, quia teneris Christiane DEO plus boni velle quàm tibi aut ali-  
cui creaturæ, siue illud bonum sit infinitum, quod actu  
DEUS

q. 25. n. 12.  
August: lib.  
1. de doctr.  
Christiana  
c. 23.



# CATECHESIS VII.

421

DEUS semper habet, siue finitum qualis honor & gloria, debes velle vt ab omnibus honorificetur & glorificetur, iuxta illud. Psal: 113. *Non nobis Domine non nobis, sed nomini tuo da gloriam*. Appretiatiue, quia pluris æstimandus est amor DEI quàm alicuius creaturæ, & amorem DEI debes præferre amoris omnis creaturæ, vt ita appretiatiue & efficaciter diligas DEUM, quatenus si non possis simul diligere te ipsum & DEUM, recedas ab amore tui, & persistas in amore DEI. Id colligitur ex illo Ioan. 12. *Qui amat animam suam perdet eam, qui verò odit animam suam in hoc mundo, in vitam æternam custodit eam*. Et si amor tui est tibi impedimento ad amorem DEI, oportet oderis te & diligas DEUM. Luc: 14. *Qui non odit animam suam, non potest meus esse discipulus*. Est autem charitas, quàm solum Deum diligimus propter se, nos verò ipsos & proximum propter Deum vel in Deo, ait Magister Sent. Et ratio est, quia DEUS est summum, commune & fontale principum omnium, qui beatitudinem participare possunt, nos verò sumus vt participantes, & proximus vt socius in participatione beatitudinis, ideo Deum super omnia magis diligere efficaciter tenemur, ait S. Thom. ita vt nullius creaturæ amor retrahat ab amore Dei, quod illa verba sonant Apostoli. *Nulla creatura nos separare poterit à charitate Dei*. Quare Christiane ne torpeas in dilectione DEI, sed cura diligas eum ex toto corde, ex tota anima, & ex tota fortitudine tua. Et cum hæc verba scriberent Iudæi in limine, in ostijs domorum, tu scribe in tabulis cordis tui, & meditaberis in eis sedens in domo, & ambulans in itinere, dormiens atq; consurgens.

Lib: 3. dist.  
27.

q. 26. a. 2.  
& 3.

Rom: 6.

Deut: 6.

Pron: 3.  
& 7.

DICES. Non possum capere, quomodo debeat homo magis diligere DEUM quàm seipsum; siquidem quantum diligo DEUM, tantum etiam diligo frui DEO: hic enim scopus beatitudinis. Porro quantum diligo frui DEO, tantum diligo meipsum, siquidem propter meipsum diligo frui DEO



## APPENDIX

**D E O.** hoc est enim summum bonum quod sibi fauetur.  
**2.** Aliud est amare **D E U M** amore concupiscentiæ, aliud a-  
 mare amore benevolentia seu amicitia. Si ideo diligas frui  
**D E O**, quia tibi ex eo provenit bonum, est amor concupi-  
 scentia, sed tu debes diligere frui **D E O** ut amore illi inhæ-  
 reas, quia & ipsum frui **D E O**, est amore illi inhære-  
 re propter illum ipsum, qui amor est benevolentia  
 seu amicitia.



INDEX



# INDEX R E R V M.

In quo litera A significat Articulum Symboli. C. Catechesim. P. Propositionem in Catechesi. Q. Quæsitum. O. Obiectionem. App. Appendicem.

## A.

**A**bstinentia vitam prorogat. Append. Catech. 6. Propos. 1.  
 Accusatores in Iudicio. A. 7. C. 1. P. 3.  
 Acedia unde dicta. App. c. 7. princ.  
 Acedia quid? ibid. p. 1.  
 Actuale peccatum quid? & eius divisio. A. 10. c. 3. p. 3.  
 Adam per peccatum in deterius. A. 1. c. 6. p. 1. an necessitate peccavit. ibid. quæf. 1. cur permissus tentari? ibid. qu. 2. Filii eius quales nascerentur, si non peccasset? ibid. p. 2. observ. Eius dominium. p. 3.  
 Adulterium quid? App. c. 3. p. 1.  
 Affectus præsentis seculi. ibid. p. 2.  
 Altriora super cognitionem hominis quomodo quærenda? c. proæm. a. 1. p. 3. obiection.  
 Aleorum occupatio. App. c. 2. p. 1. Inhonestia. ibid. o. 2.  
 Amor in Divinis. A. 8. c. 1. p. 1.  
 Amor sui. App. c. 3. p. 2.  
 Angelos existere ex scriptura patet. A. 1. c. 7. p. 1. In gratia creatos: sapientia nominatos, potentes, numeri ingentis, in novem choros distinctos, ibidem. Eorum meritum. p. 2. quando peccaverunt. ibid. obiect. quid agunt custodiendo. p. 3. omnibus & singulis hominibus datur custos. ibid. opp. non sunt servi hominum sed Dei. ibid. p. 3. quæf.

Anima coniuncta corpori plus de beatitudine habet quam soluta. Art. 11. c. 1. p. 1. o. quomodo patiat ab igne. A. 1. c. 5. p. 1. q. Cur ad similitudinem Dei, ibid. observ. Cur corpori unita, ibidem.  
 Apollinaris error de Christo. Artic. 3. c. 1. p. 3.  
 Arii Atheismus. A. 2. c. 1. p. 3.  
 Articuli cur de singulis personis distincti. C. proæm. 2. p. 3. cur plures de Persona Filii, quam de persona Patris. ibidem P. 3. q.  
 Articulum de Spiritu Sancto cur Apostoli præposuerunt articulo de Ecclesia. A. 8. c. 2. p. 1.  
 Ascensionis Christi utilitas. A. 6. c. 1. p. 1.  
 Ascendit super omnes cælos, quomodo intelligendum. ibid. c. 2. p. 1. Cur assumptus dicitur? ibid. p. 3. q.  
 Assensus fidei ex autoritate Divina ministerium ex doctrina Ecclesiæ. c. proæm. 1. p. 2, o. 3.  
 Aureola quid? A. 12. c. 3. p. 2. & quibus datur, ibid.  
 Avaritia quid & eius species. App. c. 2. p. 1. Capitale vitium. p. 2. q.

## B.

**B**aptizatus Christus quare? A. 3. c. 4. propos. 1.  
 Beatorum corpora quomodo calos transibunt? A. 11. c. 3. p. 2. q. an desiderant  
 Hhh rant



# I N D E X

rent plura? *Art. 12. catech. 1. p. 2. q.*  
 Benevolentia quid? *App. c. 4. p. 3. differt*  
*à dilectione. ibidem. o.*  
 Blasphemia quid? *App. c. 5. p. 2.*  
 Bona plura quomodo meliora paucioribus.  
*A. 1. c. 4. p. 1. o.*

## C.

**C**Alvini error de iustificatione. *A. 10.*  
*c. 3. p. 3. q.*  
 Castitas quid? *App. c. 3. p. 3.*  
 Cœcitas mentis ex luxuria. *ibid. p. 2.*  
 Charitas virtus Theologica. *ibid. c. 7. p. 3.*  
 quomodo appropriatur in Divinis Patri?  
*A. 8. c. 1. p. 2. o.*  
 Christus primogenitus. *A. 2. c. 1. p. 1. q.*  
 Eius conceptio cur de Spiritu S. *A. 3.*  
*c. 2. p. 1. An ideo Spiritus Sanctus Pater*  
*Christi? ibid. o. Eius cœceptio à nostra*  
*diversa. ibid. c. 2. p. 3. An aliqua igno-*  
*ret? Art. 2. c. 2. p. 1. q. Dominus no-*  
*ster. ibid. p. 3. Nomen Christus. ibid.*  
*c. 3. p. 2. Novissimus Adam. A. 3. c. 6.*  
*p. 1. Si ex viro fuisset conceptus quanta*  
*absurda! ibid. c. 7. p. 2. Meruit passi-*  
*one sibi gloriam. A. 4. c. 2. p. 3.*  
 Cerinthis & Ebionis error. *A. 3. c. 2. p. 3.*  
 Claritatem Christi, an viderint Apostoli.  
*A. 5. c. 4. p. 2. q.*  
 Clamor. *App. c. 5. p. 2.*  
 Cognitio Dei triplex. *c. proœm. 1. prin.*  
 Cognitio matutina, meridiana & vesperti-  
 na. *A. 12. c. 3. p. 1.*  
 Cœlum Christo debebatur. *A. 6. c. 1. p. 1.*  
 Cœli aerei non ætherei solvantur. *A. 7.*  
*c. 3. p. 2. o.*  
 Contumelia. *App. c. 5. p. 2.*  
 Comestio Christi post resurrectionē. *A. 5.*  
*c. 4. p. 2. q.*

*Contentio. App. c. 1. p. 2.*  
 Corpus Christi mortuū nunquam corruptū  
 pi potuit. *A. 4. c. 7. p. 3. Ianuis clausis*  
*ad discipulos quomodo introivit? A. 5.*  
*c. 4. p. 1. q.*  
 Costa Adæ de qua Eva. *A. 3. c. 6. p. 3.*  
*q. 1. & 2.*  
 Communio Sanctorum. *A. 9. p. 2.*  
 Creare solius Dei proprium. *A. 1. c. 3. p. 1.*  
 Creatura possitne esse instrumentum cre-  
 andi: *ibid. p. 2. Creationis confide-*  
*ratio utilis. ibid. p. 3.*  
 Creavit Deus quos præcivit malos. *A. 12.*  
*c. 4. p. 5. q. 2.*  
 Credo in Deum, quomodo peccatores di-  
 cunt? *c. proœm. 2. p. 2. o. quid in se*  
*contineat. A. 1. c. 1. p. 1. R. 2. Crede-*  
*re Deo, Deum, in Deum. Ibidem.*  
 Credere Deum, quomodo necessarium.  
*ibid. o. Credere in Deum obligamur.*  
*ibid. p. 2. o.*  
 Crucis mysterium. *A. 4. c. 3. p. 1. Extre-*  
*ma quatuor quid significant? ibid.*

## D.

**D**amnatorum poena in corpore. *A. 12.*  
*c. 4. p. 1. In anima. ibid. p. 2.*  
 Desperatio filia acedix. *App. c. 7. p. 2.*  
 Descensus Christi ad inferos duplex. *A. 5.*  
*c. 1. p. 1. differt à cæteris. ibid. o.*  
 Descensus eius utilitas. *ibid. p. 2. cur*  
*de eo Patres Nicani tacuerunt. Arti-*  
*culo 5. Catech. 1.*  
 Detractio quid? *App. c. 4. p. 2.*  
 Dei nomen quid significet. *A. 1. c. 2. p. 1.*  
 Deus unus. *ibid. p. 1. quàm absurdū plu-*  
*res esse. ibid. o.*  
 Deus creator & factor. *ibid. c. 11. p. 3. q.*  
 Deus



R E R V M.

Deus mortuus & sepultus an dici debeat,  
A. 4. c. 7. prin.

Diabolus cur serpentem induit? A. 1. c. 6.  
p. 1. q. Vincit tepidos. Artic. 4. c. 1.  
p. 7. q.

Diligere Deum perfectè quid? Artic. 3.  
c. 8. p. 2. q.

Dimittere peccata ante Christi adventum  
nulli hominum data fuit potestas. Art.  
10. c. 3. p. 1.

Dimitte nobis peccata, quomodo iusti di-  
cunt? A. 10. c. 3. p. 2. q.

Discordia quid? App. c. 1. p. 2. quomodo  
differt à contentione. ibidem.

Divina homini, & humana Deo, quomodo  
attribuantur. A. 4. in princ. (p. 2.

Dolor passionis Christi maximus. A. 4. c. 2.

Donum Spiritus Sancti. A. 8. c. 1. p. 3.

Donum & donatum, quomodo differunt?  
ibidem o.

Dotes corporum beatorum. A. 11. c. 3. p. 2.

Dotes animarum beatorum. A. 12. c. 3. p. 1.

Dotes Angelis cur non conveniunt. ibid.  
c. 3. p. 1. q.

E.

Eadem quæ sunt uni tertio, quomodo  
eadem inter se. A. 1. c. 10. p. 1. o. 2.

Ebrietas virium. App. c. 6. p. 3. q.

Ecclesia Symbolum Apostolorum servat il-  
libatum c. proem. p. 2.

Ecclesiæ notio. A. 9. c. 1. p. 1.

Credo Ecclesiam vel in Ecclesiam, ibi-  
dem. q. 1.

Ecclesia una semper ab initio mundi usq;  
ad finem. ibid. q. 2. & o. Triumphans  
& militans una & eadem. q. 3. Eius in  
Scripturis imagines, ibidem. p. 2. in ea

boni & mali. o. eius quatuor signa. ibi-  
dem. p. 3.

Ecclesiam credere quid sit. A. 9. coroll.

Effectus passionis Christi. A. 4. c. 4.

Effectus peccati. A. 10. c. 2.

Eli, Eli, Lamafabachani, cur Christus in  
cruce clamavit? A. 4. c. 5. p. 3.

Evagatio mentis. App. c. 7. p. 2.

De Eucharistiæ Sacramento cur articu-  
lus in symbolo non est destinatus? c.  
proem. 2. p. 3. o.

Eutychetis error de Incarnatione. Art. 3.  
c. 1. p. 3.

F.

Facere sibi simile, quomodo intelligen-  
dum. A. 1. c. 3. p. 1. o.

Fallacia quid? App. c. 2. p. 2.

Fel quid? ibid. c. 5. p. 1.

Fides quid? c. proem. 1. p. 1.

Fides facit futura bona firmiter sperare. i-  
bidem. Facit rem apparere nō in se, sed  
in credibilitate, ibid. o. Fides unde?  
ibid. p. 2. plurima bona præstat. ib. p. 3.  
Fidei firmitas. A. 1. c. p. 1. R. 1. eius actus  
duplex, credere & confiteri. ibid. ne-  
gare nunquam licet. ibid.

Filius alius à Patre. A. 2. c. 1. p. 2. q. Ve-  
rus Deus. c. 2. p. 1. o. per Filium o-  
mnia facta, ibid. p. 2. o.

Fraus quid? App. c. 2. p. 2.

Fornicatio quid? ibid. c. 3. p. 1. an pec-  
catum? ibid. o. (& 3.

fructus mortis Christi. A. 4. c. 6. p. 1.

Fructus quid? quibus conveniat. A. 12.  
c. 3. p. 3. (gare. A. 1. c. 1. p. 1. o.

Fugere licet persecutionem non fidem ne-  
furor. App. c. 5. p. 2.

Hhh 2.

G. Cene-



# INDEX

## G.

- G**eneratio Filii Dei, A. 2. c. 1. p. 3. q.  
 Gratia dona quomodo in Angelos &  
 homines influit Christus, A. 3. c. 3. p. 1.  
 Gratia mensura quæ Mariæ data, ibid: c. 8.  
 p. 3. eius plenitudo aliter in Christo a-  
 liter in Mariæ, ibid: o.  
 Gubernat Deus omnia ad gloriam suam si-  
 cut creavit, A. 1. c. 8. p. 2.  
 Gula quid? App. c. 6. p. 1. eius species  
 quinque, p. 2.

## H

- H**eretici credunt persuasione humana,  
 nō fide divina, c. prohem: 1. p. 2. o. 2.  
 Hæresis Montanistarum & Novatianorum  
 de remissione peccatorum post baptis-  
 mum, A. 10. c. 3. p. 3. o.  
 Hebetudo mentis, App. c. 6. p. 2.  
 Homo est duplici substantia, A. 1. c. 4. p. 1.  
 in gratia creatus, ibid: c. 5. p. 2.  
 Hominem quomodo horrent etiam nunc  
 animalia? ibid: p. 3.  
 Homo propter peccatū iustē traditur dia-  
 bolo, A. 4. c. 4. p. 1.  
 Hora novissima quid? A. 3. c. 5. p. 3. q.  
 Horror futuri sæculi, App. c. 3. p. 2.  
 Humilitas quanta virtus, ibid: c. 1. p. 3.  
 quæ vera, quæ simulata, ibid.  
 Hypocrisis, ibid: c. 1. p. 2.

## I

- I**nconstantia quid? App. c. 3. p. 2.  
 Ieiunium scutum contra tentationes, A.  
 3. c. 4. p. 1.  
 IESVS Nomen, A. 2. c. 3. p. 1.  
 Igais ultimæ conflagrationis tantum spa-  
 tium occupabit, quantum occupaverat

- aqua in diluvio, A. 7. c. 3. p. 3. o.  
 Ignorantia quoduplex, A. 10. c. 2. p. 1.  
 Immunditia, App. c. 6. p. 2.  
 Impassibilitas corporum beatorum, A. 11.  
 c. 3. p. 1.  
 Incarnationis congruitas, A. 3. c. 1. p. 1.  
 eius necessitas, p. 2.  
 Incestus quid? App. c. 3. p. 1.  
 Inconsideratio quid? ibid: p. 2.  
 Inconstantia, ibidem.  
 Indignatio, ibid: c. 5. p. 2. (p. 1.)  
 Inferni olim quadruplex locus, A. 5. c. 1.  
 Infidelitas purè negativa quomodo non est  
 peccatum? A. 1. c. 1. p. 3. o.  
 Inobedientia quid? App. c. 1. p. 2.  
 Inquietudo quid? App. c. 2. p. 2.  
 Insultatio, App. c. 4. p. 2. (c. 1.)  
 Invidia quid? App. ibid: p. 1. eiusq; spe-  
 ciosus voluit Mariam dimittere cur? A. 3.  
 c. 7. p. 1. q. 2.  
 Ira quid? App. c. 5. eius species, ibid: p. 1.  
 gradus, ibidem.  
 Iudæi cur peccarunt crucifigentes volen-  
 tem crucifigi? A. 4. c. 1. p. 3. q.  
 Iudicatur anima egressa de corpore, A. 7.  
 c. 1. p. 1.  
 Iudicium duplex cur? ibid: q. (p. 3.)  
 Iudicii particularis tempus duplex, ibidem  
 Iudex Christus, ibidem c. 2. p. 1. multi-  
 cum eo, ibid: q.  
 Iudicium extremum mentaliter fiet, ibid:  
 c. 2. p. 3. o.  
 Iudicii ligna, ibid: c. 3. p. 1. quare præ-  
 cedunt? ibid: o.  
 Iustificatio peccatoris quomodo peragitur?  
 A. 1. c. 4. p. 3.  
 Iustificatum se esse credere certitudinali-  
 ter profanum est. A. 10. c. 1. p. 1.  
 Iusti



Iusti de pœnis damnatorum non dolent,

A. 12. c. 4. p. 3.

## L.

**L**ætitia inepta, App. c. 6. p. 2.

Levi & Simeon, Gen: 49. cur arguuntur? A. 4. c. 1. p. 1. o.

Liberum arbitrium manet post peccatum, A. 1. c. 6. p. 3. quomodo per peccatum læsum? ibid: o.

Liber vitæ quid? ibidem c. 9. p. 2. in eo quomodo aliqui scribantur & deleantur, ibid: o. duplex eius pagina, ibid.

Libri in Iudicio aperti, A. 7. c. 2. p. 3. o.

Liberalitas quid? App. c. 2. p. 3. eius fructus, ibid: q. 1.

Locus passionis Christi, A. 4. c. 3. p. 2.

Locus inferni in quem descendit Christus.

A. 5. c. 1. p. 1.

Locus quibus corporibus necessarius, A. 6. c. 2. p. 1. q.

Locus iudicii particularis, A. 7. c. 1. p. 3. o.

Locus purgatorii duplex, Art: 12 catech: finali, p. 2.

## M

**M**acula peccati, A. 10. c. 2. p. 2.

Mali in Ecclesia adiuvantur à bonis,

A. 9. p. 2. o.

Malitia filia acedix, App. c. 7. p. 2.

Mania quid? ibid: c. 5. p. 1.

Manſuetudo quid? ibid: p. 3.

Maria Mater Dei, A. 3. c. 2. p. 2. q.

Maria ex genere Regum & Sacerdotum, & sine originali concepta, ibid c. 8 p. 1.

Mariæ charitas, ibid: p. 2. eius unius cor semper actualiter in Deum ferebatur etiam in via, ibid: o.

Mariæ nomen, ibid: c. 9. p. 1.

Mariæ nomine invocato, nonnunquam ve-

locior salus, quàm invocato nomine

I E S V, ibid: p. 3. (p. 3.

Martyrum vulnera fulgebunt, A. 5. c. 4.

Medium annorū quo passus CHristus quomodo intelligitur? A. 4. c. 1. p. 2. In meridie cur passus? ibid: o.

Medius inter latrones, ibid: c. 3. p. 3.

Mediator quomodo? A. 3. c. 3. p. 1.

Mortuus Christus per passionem, A. 4. c. 6. p. 1. q. (princ:

Mortuum verè qui negaverunt, ibid: in

Mortem extinxit, infernum momordit, A. 5. c. 2. p. 3.

Mortale peccatum, A. 10. c. 1. p. 2.

Multiloquium, App. c. 6. p. 2.

Mundum DEVS in tempore creavit, A. 1. c. 3. p. 3. q.

Mundus unus, ibid: c. 4. p. 1. Sex dierū spatio creatus, ibid: p. 2.

## N.

**N**ativitas personæ competit, A. 3. c. 6. p. 1. q.

Necessitas Passionis Christi, A. 4. c. 2.

Nestorii error, A. 3. c. 1. p. 3. In Nihilum posset DEVS redigere omnia sine læsione bonitatis suæ, A. 1. c. 8. p. 3. p.

Nomen Patris notionaliter sumptum, primæ in Trinitate congruū Personæ, ibid: c. 11. p. 1. o.

Nomina I E S V S & CHRISTVS,

A. 2. c. 3. p. 3.

Notitia Patris, & Filii, & Spiritus sancti, quomodo una? A. 8. c. 1. p. 1.

## O.

**O**bduratio filia avaritiæ, App. c. 2. p. 2.

Odium Dei quid? ibid: c. 3. p. 2.

Hhh 3

Offen-



# I N D E X

Offensa Dei, A 10. c. 2. p. 1.  
 Opera bona quomodo proportionata vitæ  
 æternæ? A. 12. c. 2. p. 2, q.  
 Originale peccatum, Art: 1. c. 6. p. 2. &  
 A. 10. c. 1. p. 1. q.  
 Sine Originali Maria, Art. 3. c. 8. p. 1.  
 Originale negabant Pelagiani, A. 10. c. 1.  
 p. 1. quomodo transit in posteros, ibidē  
 & o. eius notio Lutherana & Calvinia-  
 na, ibid. o. 2. quomodo remittitur, ibi-  
 dem, c. 3. p. 2.

## P.

**P**assio Christi nostra instructio, A. 4.  
 c. 2, p. 2, Sacrificium nostræ libera-  
 tionis, ibid: c. 5, p. 3, bonum opus &  
 malum, ibid: o. an passus & mortuus  
 necessitate, ibid: c. 1, p. 3, o.  
 Passionem Christi crebrius inculcare popu-  
 lo monentur Parochi, Art. 4, in princ.  
 eius figuræ, ibid: c. 1, p. 1.  
 Patientia quid? App: c. 5, p. 3, o.  
 Patri potentia appropriatur, A. 1. c. 11 p. 2,  
 Peccata omnia contra legem, sed non o-  
 mnia contra finem legis, Artic: 10, c. 1,  
 p. 2, o. 2, non omnia paria, ibid: p. 3,  
 Peccata contra naturam, App: catech: 3,  
 propof: 1.  
 Peccata considerantur secundum origi-  
 nem & secundum consummationem,  
 A. 10, c. 1, p. 2, o.  
 Peccata actualia, quomodo dimittantur?  
 ibid: c. 3, p. 3,  
 Peccatum corrumpit bonum naturæ &  
 bonum personæ, Artic: 4, catech: 5,  
 propof: 2, q. 2,  
 Peccata punit DEVS, Artic: 1. catech: 6,  
 propof: 2,

Peccare non possunt Beati, Artic: 12, a. c  
 tech: 1, prop: 3, o.  
 Perfectiones rerum quomodo in Deo, Ar-  
 tic: 1. catech: 2, prop: 3,  
 Periurium quid? App: c. 2, p. 2.  
 Persona una DEVS & Homo, Artic: 3, ca-  
 tech: 1, prop: 3, q.  
 Pertinacia quid? App: c. 1, p. 2,  
 Petrus an fidei negaverit? Artic: 1. c. 1.  
 p. 1, R. 1.  
 Phorini de Christo hæresis, Artic: 2, cate-  
 chesi 1, prop: 1.  
 Pœnam peccati originalis Sancti in limbo  
 sustinuerunt, Art: 5, c. 2, p. 2, q.  
 Potestas remittendi peccata in sola Eccle-  
 sia Catholica, A. 10, in princ.  
 Pœnæ damnatorum nullus finis, Artic: 12,  
 catech: 4, prop: 3,  
 Præcipitatio, App: c. 3, p. 2,  
 Prædestinatio A. 1, c. 9, p. 1. o.  
 Prædestinati certò salvantur, eorum nume-  
 rus, ibid: nemo certus de sua prædesti-  
 natione, q.  
 Prædestinatus potest damnari & non po-  
 test, quomodo? ibid: p. 1. o.  
 Primitiva Ecclesia severè crimina vindica-  
 bat, c. fin: p. 1, q. 1,  
 Prodigalitas quid? App: c. 2, p. 3, q. 2,  
 Proditio quid? ibid: p. 2,  
 Prophetia in viatoribus, A. 3, c. 3, p. 2,  
 Providentiam Dei qui negaverunt, A. 1,  
 c. 8, p. 1, cum libero arbitrio convenit,  
 ibidem, quæst.  
 Providet DEVS omnibus per se immediatè  
 quoad rationem ordinis & gubernario-  
 nis: quoad executionē ordinis per cre-  
 aturas, ibid: p. 2, (prop: 1.  
 Purgatorium esse post mortem, catech: fin:  
 Purgan-



# R E R V M.

Purgantes medii inter damnatos & beatos, ibidem,

Purgatorii & inferni poenarum finis diversus, c. fin: p. 2. q. earum gravitas, p. 3.

Puniantne daemones animas in purgatorio, ibidem. quomodo ibi dicuntur animæ dormire, q.

Pusillanimitas, app: c, p, 2

## Q.

Quadruplex inferni locus, art. 5. catech: 1. propof. 1.

Quadraginta dies cur mansit Christus in terra post resurrectionem, artic: 6. catech: 1. p. 2. quid accrevit Christo ex Ascensione, ibid: p. 1. o.

Quinque mala incurrit homo per peccatum, art: 4. c. 2. p. 1.

Quomodo Enoch in paradysum & Elias in celum translati, A. 5. c. 2. p. 1. o.

Quomodo iudicabuntur homines? art: 7. catech: 2. prop: 2.

## R.

Rancor filia acediae, app: c, 7, p, 2,

Raptor, app: catech: 3, prop: 2,

Reatus poenae, art: 1, c, 2, p, 3.

Reconciliati sumus per passionem, art: 4, catech: 4, prop, 3,

Remissio peccatorum per passionem Christi quot modis, art: 4, c, 5, p, 2, q,

Remissa sibi esse peccata, nullus citra revelationem specialem certo sibi polliceri potest, art: 10, c, 3, p, 1. o.

Reprobatus certo damnatur, a, 1, c, 9, p, 1,

Reprobatio propter peccata, ibidē: p, 3, circa reprobationem error Calvinistarum, ibidem, o,

Reprobatorum corpora qualia resurgent,

art: 11, c, 3, p, 3, qualiter incorruptibilia, ibidem, q,

Resurrectionis Christi fides firma, art: 5, catech: 3, prop: 1,

cur ad tertium diem dilata, ibidem,

Resurgentem cur non viderunt Discipuli, ibid: catech: 5, prop: 2, & q,

Resurgente illo, quidam dicuntur resurrexisse, quomodo: c, 3, p, 3, q,

Resurrectio mortuorum quid: a. 11, in principe miraculosa c, 1, p, 3, tempus cur ignotum: c, 2, p, 2, nocturno tempore, p, 3,

Rixa quid: App: c, 5, p, 2,

## S.

Sabellii perfidia, art: 2, catech: 2, p, 2, Sacerdos Christus, A, 3, c, 3, p, 1, cur secundum ordinem Melchisedech, & nō secundum ordinem Aaron, ibid: o,

Sacrificia antiqua cur instituit Deus, a, 4, c, 4, p, 2, o,

(c, 1, p, 2,

Satietas omnis in vita aeterna, artic: 12,

Satisfecit Christus passione sua pro nobis,

a, 4, c, 5, p, 2, an pro omnib, ibid: q, 1,

Securitas in vita aeterna, a, 12, c, 1, p, 3,

Sedet Christus ad dexteram Patris, art, 6,

c, 3, p, 1, eius propriū, ibid: p, 3, Sancti

ad dexteram Filii, ibid: o,

Sepultus Christus cum aromatib⁹ quid mysterii: art: 4, c, 7, p, 1, cur sepultum

addiderunt Apostoli: ibid: q,

Scribi in libro vitae dupliciter, art: 1, c, 2,

p, 2, Et art: 12, c, 2, p, 1, & o,

Scurrilitas, App: c, 6, p, 2,

Spiritus S, à Patre & Filio, A, 8, c, 2, p, 3,

dupliciter mittitur, ibidē: c, 3, p, 1, an

sine gratia mittatur: ibidem: o: quater

missus visibiliter, ibid: p, 2, cur nō dici-

tur minor Patre sicut Filius: ibid: p, 2, o:

cur die



# INDEX RERVM.

cur die quadagesimo post resurrectionem Domini datus: ibid: p. 3,  
 Spiritus Sanctus proprium nomen tertiæ Personæ, ibid: c. 1. p. 1. quomodo postulat, ibid: c. 2. p. 1. o. non genitus, ibid: p. 2  
 Stuprum quid? App: c. 3. p. 2.  
 Superbia primum peccatum, ibid: c. 1. in princ: quid sit: ibid: p. 1. quatuor eius species.  
 Sufurratio, App: c. 4. p. 2.  
 Symbolum quid? c. proem: 1. prop. 1. eius ordinatio ad Papam spectat, ibid:  
 Symbola tria: cur diversis horis recitantur, ibidem.  
 Symbolum nō additur Scripturæ tanquam aliquid ei contrarium, ibid: o. eius partitio, c. 2. proem: p. 3.


## T.

**T**Empus quo natus Christ⁹, A. 3. c. 6. o.  
 Terrena bona quatenus retinenda, A. 4. c. 2. p. 2. q.  
 Tertiæ Personæ cur non est tributum nomen sicut primæ & secundæ, Artic: 8. c. 1. p. 1. q.  
 Torpor circa præcepta, App: c. 7. p. 2.  
 Totus in sepulchro & inferno Christus, sed non totum, A. 5. c. 1. p. 3. (1, o,  
 Tres Personæ unus DEVS, A. 1, c. 10 p.  
 Trinitatem in divinis non esse, est impossibile, ibid: eius mysterium solo lumine

naturali non cognoscitur, ibid: p. 2, o,  
 eius quæ similitudines: ibid: p. 3, o,  
 Transubstantiatio an creatio dicenda: ibidem: c. 3, p. 2; o,  
 Tribus diebus & tribus noctibus quomodo Christus in sepulchro? A. 4, c. 7, p. 2,  
 Tubæ mortui excitabuntur, A. 11, c. 1, p. 2,  
 Turpe lucrum, App: c. 2, p. 1,

## V.

**V**eniale peccatum dupliciter dictum, A. 10, c. 1, p. 1, o, 1,  
 Veniale qui negaverunt, ibid: o, 2,  
 Via ad vitam æternam, A. 12, c. 2, p. 2.  
 Videri Essentia Divina qui potest? ibidem c. 1, p. 1, q.  
 Violentia quid? App: c. 2, p. 2.  
 Virginitas Mariæ, A. 3, c. 7,  
 Virginitatis votum ad perfectionem consilii pertinet, ibid: p. 1, q. 1, De Virgine Christus natus, c. 6, p. 3,  
 Vita æterna in quo sita? A. 12, c. 1, p. 1,  
 Boni quid possidebunt: ibid: c. 2, p. 1,  
 Sancti iam illam consecuti, ibid: p. 2,  
 Vita duplex contemplativa & activa, A. 3, c. 4, p. 1, q.  
 Vnio duplex ex anima & corpore, ibidem: c. 1, p. 3, q.  
 Vnio divinitatis cum anima & corpore, nunquam solubilis, A. 4, c. 6, p. 2,  
 Vnio divinitatis cū corpore quomodo mediante anima, ibidem: q.





2, 3,  
D,  
ibi-

modo  
2,  
pi<sup>2</sup>,

ml,

2,  
dem

con-  
Vir-


1,  
D, 1,  
2,  
A, 3,

dem:

ore,

me-







Biblioteka Jagiellońska



stdr0026728



